

# ରାମ-ରାସ୍ତା

(ପଞ୍ଚେଳା ଭାଗ)



# ରାମ୍-ରାହା

(ପହେଲା ଭାଗ)

ହେମଚନ୍ଦ୍ର ଆଚାର୍ଯ୍ୟ



ସମ୍ବଲପୁର ବିଶ୍ୱବିଦ୍ୟାଳୟ

# ରାମ୍-ରାହା

(ପହେଳା ଭାଗ)

ଲେଖକ : ହେମଚନ୍ଦ୍ର ଆଚାର୍ଯ୍ୟ  
ଗର୍ଭଣା, ବରଗଡ଼-୭୬୮ ୦୩୩।

ପ୍ରକାଶକ : ସମ୍ବଲପୁର ବିଶ୍ୱବିଦ୍ୟାଳୟ  
ସ୍ୱତ୍ୱ : ସମ୍ବଲପୁର ବିଶ୍ୱବିଦ୍ୟାଳୟ  
ପ୍ରଥମ ମୁଦ୍ରଣ : ୨୦୦୧  
ମୁଦ୍ରଣ : ଅପୂର୍ବା ଅଫ୍‌ସେଟ୍, ଭୁବନେଶ୍ୱର  
ପ୍ରଚ୍ଛଦ : ସୁଧୀର କୁମାର ଲେଙ୍କା  
ମୂଲ୍ୟ : ଦୁଇଶତ ପଚାଶ ଟଙ୍କା

## RAM-RAHA (PART-I)

by : **Hema Chandra Acharya**  
Garbhana, Baragarh-768 033

First Edition : **2001**

Publisher : **SAMBALPUR UNIVERSITY**  
Jyoti Vihar, Burla-768 019  
Sambalpur, Orissa, India.

Copyright © : **Sambalpur University**

Printed at : **Apurba Offset, Bhubaneswar**

Cover Design : **Sudhir Kumar Lenka**

Price : **Rs. 250/- (Two Hundred Fifty only)**



## ପ୍ରସାବନା

କେତେ ହଜାର ବଛନ୍ତୁ ତଳେ ଆଦିକବି ମହାମୁନି ବାଲ୍ଲିକି ଯେନ୍ ରାମେଶ୍ (ରାମାୟଣ) ଲେଖିଯାଇଛନ୍ତି, ତାର ପ୍ରଭାବ ଖାଲି ଭାରତ ଭିତରେ ନାହିଁ, ଭାରତ ବାହାରେଭି ରହିଛି । ସେ ମହାନ କବି ଯେନ୍ କେତେଟା ଚରିତ୍ର ସୃଷ୍ଟି କରିଛନ୍ତି ଆଉ ସେ ଚରିତ୍ର ମାନକର ଭିତରେ ଯେନ୍ ସବୁ ଗୁନ୍ ଭରିଛନ୍ତି, ସେଥିରୁ ଲାଗି ସେ ଚରିତ୍ର ଗୁରା ଇଛନ୍ତି ଓ ଆଦର୍ଶ ହେଇକରି ମାନବ ସମାଜର ଆଗେ ରହିଛନ୍ତି । ରାମେଶ୍ ଲେଖା ବାଲ୍ଲିକିର ପଛେ ଶେଷ ନାହିଁ ହଇ ଯାଇ । ଭାରତର ପ୍ରାନ୍ତୀୟ ଭାଷାଥୁ ଏନ୍ତାକି କେତେଟା ବିଦେସି ଭାଷାଥୁ କେତେନିକେତେ ରାମ୍ ଚରିତ୍ର ଲେଖା ହେଇଛି । ହାମର ଯେନ୍ ଭାରତୀୟ ଭାଷାଥୁ ରାମେଶ୍ ମହାଭାରତ ଆରୁ ଶ୍ରୀମଦ୍ ଭାଗବତ୍ ନାହିଁ ଲେଖା ହେଇ, ସେ ଭାଷାକେ ଗୁଟେ ସାର୍ବିକ୍ (ପୂର୍ଣ୍ଣାଙ୍ଗ) ଭାଷା ବଳି ନାହିଁ କହିହୁଏ । ଭାଷାର ତାକର୍ ଇ ମହାନ କାବ୍ୟ/ପୁରାନ୍ତର ଲେଖାଥୁ ଜାନିହେସି ।

ଇଟା ଗୁଟେ ବଢ଼ିଆ କଥା ଯେ ସମଲପୁର-କୋସଲି ଭାଷାଥୁ ବିଦ୍ଵାନ୍ କବି ଶ୍ରୀଯୁକ୍ତ ହେମଚନ୍ଦ୍ର ଆଚାର୍ଯ୍ୟ ରାମେଶ୍‌କେ ନିଜର ଭିତରେ ଅନୁଭବ କରି ତାକର୍ ହିସାବେ 'ରାମ-ରାହା' କାବ୍ୟ ଲେଖିଛନ୍ତି । ଇତାରୁ ଆପ୍ଣୁ ଶ୍ରୀ ଇନ୍ଦ୍ରମଣି ସାହୁ କୋସଲି ରାମେଶ୍ ଲେଖୁ ସାରିଛନ୍ତି । ଶ୍ରୀ ହେମଚନ୍ଦ୍ର ଆଚାର୍ଯ୍ୟ କାବ୍ୟ ହିସାବେ ରାମକଥା କେ ଖାଲି ରୂପ ନାହିଁ ଦେଇ, ଆଧୁନିକ ଦୃଷ୍ଟିକୋଣରୁ ଇତାକେ ବ୍ୟାଖ୍ୟା ଭି କରିଛନ୍ତି । ଇଟା ତାକର୍ କାବ୍ୟକେ ଆହୁରି ଜିଇତା ଆରୁ ବାସ୍ତବ କରିଛେ ।

ତାକର୍ ଇ ମହାନ କୃତିକେ ସମଲପୁର ବିଶ୍ଵବିଦ୍ୟାଳୟ ଛପେଇ କରି ହାମର ଭାଷା ଆରୁ ସାହିତ୍ୟର ଉନ୍ନତି କରବାର ପ୍ରୟାସ କରିଛେ । ଇ ଗ୍ରନ୍ଥଟା ସାହିତ୍ୟପ୍ରେମି ଆଧ୍ୟାତ୍ମବାଦି, ଭାଷାବିତ୍ ଆରୁ ଗବେଷକମାନଙ୍କୁ ନାନା ଦିଗୁଁ ସାହେୟ କରବା ବଳିକରି ହାମେ ଆସା କରୁଛୁ । ଯେନ୍ ଭାଇମାନେ ଇ କାମକେ ପୁରା କରବାର ଲାଗି ସାହେୟ କରିଛନ୍ତି, ତାହାକେ ଧନ୍ୟବାଦ୍ ଦେଉଛେ । □

*(Handwritten signature)*  
(ଧ୍ରୁବରାଜ ନାୟକ)

ଜ୍ୟୋତି ବିହାର  
୨୦-୭-୨୦୦୧

କୁଳପତି, ସମଲପୁର ବିଶ୍ଵବିଦ୍ୟାଳୟ

## ଲେଖକର ପଦେ....

ପଶ୍ଚିମ ଉଡ଼ିଶା ଆଉ ଛତିଶ ଗଡ଼ ଅଞ୍ଚଳଟାକେ ଆଗେଁ କୋଶଲ ରାଏଜର୍ ଇଲାକା ଭିତରେ ଥିବାର ଇତିହାସକୁ ଜନା ପରସି । ଶ୍ରୀ ରାମ ଇ କୋଶଲ ରଜାର ଝି କୌଶଲ୍ୟାକର ପୁତ୍ର ହଇ ଥିବାର ପୁରାନ୍ କହେସି । ଇ ଅଞ୍ଚଳ ଇଛନ୍ ବି ରାମକୁଁ ପାଶ୍ଚରି ନାଇଁ ପାରେ । ସୋର୍ କରସି ହଲିଆଁ ଗୀତ୍, ହୁମ୍ପତ ଗୀତ୍, ଦୁଲି ଗୀତ୍ ଆର୍ ଦୁଲା ଗୀତ୍ ଭିତରେ; ଗୁନ୍ ଗୁନେଇ ଥିସି ନ । ଚାମ୍ପ ଚରିତ୍ ଶୁନ୍ସି ହିନ୍ଦୀ, ଉଡ଼ିଆ, ବଙ୍ଗାଳୀ କରି ଭିନ୍ ଭିନ୍ ଭାଷା ନେ । ହେଲେ ନିଜର୍ କଥାଭାଷା ହେଉଥିବାର ଭାଷାଥୁ ରାମକଥାକେ ନୁରସି, ଟିକେ ରଚେ କରି ଯେଁ ନେ ପାଏସି ତାର ହୁରୁଦକେ ଗୁଟାରଙ୍ଗେ ଉଲ୍ଲସିନେସି ସେଁ ନେ ।

‘ସମଲପୁରୀ’ ଉଡ଼ିଆ ନୁହେ କି ତାର ଉପଭାଷା ନୁହେ । ଇଟା ଗୁଟେ ଅଲଗ ଭାଷା ଥାଏ ଇ ଅଞ୍ଚଳର୍ ଲୋକ୍ ଇଟା କହି ତାକର୍ ଭାଷାକେ ଦେଶର୍ ସଂବିଧାନ୍ ମାଏନ୍ ନାଇଁ ଦେବାର୍ କାୟେ ଦୁଖମନା ହେସନ୍ । ଚାହେସନ୍ ଇ ସମଲପୁରୀ ଭାଷାନେ ରାମେଶ୍ ମହାଭାରତ୍ କରି ପୁରାଣମାନେ ଲିଖାହେତା; ତାର ବଲେ ଦାବା କରିହେତା ଯେ ଭାରତଲାଗି ହିନ୍ଦୀ, ବଙ୍ଗାଳୀ, ଆସାମୀ, ଗୁଜରାଟୀ ଯେତା ଆଁନ୍; ଠିକ୍ ସେତା ଇ ସମଲପୁରୀ ବି ଥାଏ; ଅବେଶ୍ କେତେ ଲୋକ୍ ସମଲପୁରୀ ଠାନେ କୋଶଲୀ ତ. କେତେଲୋକ୍ କୋଶଲୀ-ସମଲପୁରୀ ବି କହେସନ୍ । ନାଆଁ ଯାଁଶା ହେଲେଁ ବି ଭାଷାଟା ଗୁଟେ ଥାଏ, ଅଭିନ୍ ଥାଏ । ସମଲପୁରୀ ଭାଷାନେ ରାମକଥା ଲିଖା ହଉ, ଇଟା ବନ୍ଦ୍ୟ ବନ୍ଦ୍ୟ ନୋକ୍ ମାନେ ମନ୍ ତନ୍ ଦେଇ ଚାହୁଁଥିଲେ । ତ. ନୀଲମାଧବ ପାଣିଗ୍ରାହୀ ଆର୍ ତାକର୍ ସାଙ୍ଗେଁ ବନିହା ପଣ୍ଡିତ୍ ଆର୍ ପରବୀନ୍ ଲୋକ୍ ସାଙ୍ଗେଁ ଅନୁଷ୍ଠାନ୍ ମାନେ ମତେ ରାମକଥା ଲେଖିବାକେ ତହିଁକାଲେ, ଇ ସମଲପୁରୀ ଭାଷାନେ । ମୋର୍ ମନ୍ ଭିତରେଁ ରାମକଥା ଲିଖିବାକେ ବୀଜ୍ଟେ ପରଲା; ସେଥୁଁ ମାଏଟ, ପାଏନ୍, ଖଡ୍, ସାର୍ କରି ପକାଲେ, ଶ୍ରୀ ଧନ୍ପତି ମହାପାତ୍ର ମେଡାଲ୍ ଉପନ୍ୟାସକାର୍, ନାଟକକାର, ଗୀତକାର୍

ଆର ଅନୁଷ୍ଠାନ ମାନେ । ରାମକଥା ଲେଖିଲି ‘ରାମ-ରାହା’ ନାଆଁ ଦେଇ, ଲିଖା ସାଙ୍ଗେ ସାଙ୍ଗେ ଈ ଭାଷାର ମୁଖ୍ୟ ଆର ମୁଲିହାର ପଞ୍ଚିତ୍ର ମାନେ ସହରାଲେ, ମନେ ତହିଁକି ଚଢ଼ଲା । ଲିଖା ସରଲା ଉତ୍ତୁଁ ସମୀକ୍ଷା ସାହିତ୍ୟର ମାଧ୍ୟତା ବିଦ୍ଵାନ ସ୍ଵର୍ଗତ ଡ. ଗୋବିନ୍ଦ ଚନ୍ଦ୍ର ଉଦ୍‌ଗାତା ଆଜ୍ଞାକର ଗୋଚରକେ ଆସଲା । ସେ ଆଜ୍ଞା ତାର ଉପରେ ‘ରାମ-ରାହାର ପ୍ରଥମ ପାହାଚ ତଳେ’ ନାଁ ଦେଇ ଗୁଚେ ମନ୍ତବ୍ୟ ଲେଖିକରି ଦେଲେ; ଯେନ୍‌ତା

ଈ ଇଲାକାର ବନ୍ଦ୍ୟ ବନ୍ଦ୍ୟ ମାଧ୍ୟତା ମାନକର ମନ୍‌ମାନେ ରାମ-ରାହା ଆଡ଼କେ ଚାନ୍ତି ଆହୁଲା । ରାମ-ରାହା ଛପା ହଇ ଲୋକ୍ ହାଡ଼କେ ଯାଉ ବଳି ସଭେ ଚାହେଁଲେ: ହେଲେଁ ଏତେ ବଡ଼ ବିଷୟେ କା’ର ଏକଲାର ହାତେଁ ହେତା ? ବିନ୍ ମାଗି ବି କେତେ ଜନ୍ ନିଜର ଶକ୍ତି ଜାନ୍ତି ପସସା ପତର ଦେଇ ଜନାଲେ ସେମାନେ ‘ରାମ-ରାହା’ର ଛପା ଲାଗି କେତେ ଉଦ୍‌ବେଗ୍ ଆନ୍ । ସେମାନକୁଁ ମୋର କୁରୁତ୍ କୁରୁତ୍ ଭାବ୍ କେତେ ଆର କେନ୍ଦ୍ରା କରି ଜନାମି ? ରାମ-ରାହା ପଦ୍‌ବାର ଲୋକ୍‌କର ଜାନ୍‌ବାର ଲାଗି ଜନେ ନଉଛେଁ ସେ ଭାଷା-ସଉକିଆ ମାନକର ମହାନ୍ ନାଆଁମାନେ, ଯେନ୍ ମାନକର ଭିତ୍‌ରୁଁ ମୁଲିହାର ଆନ୍ ଡ. ନୀଲମାଧବ ପାଣିଗ୍ରାହୀ ତାକ୍‌ର ବଂଧୁ ଶ୍ରୀ ଶ୍ରୀପତି ମିଶ୍ର, କବିଚାଜ ଶ୍ରୀ ରାମଚନ୍ଦ୍ର ଆଚାର୍ଯ୍ୟ, ଶ୍ରୀ ଧନ୍‌ପତି ମହାପାତ୍ର ଆର ମୋର ଭାଏ ଶ୍ରୀ ମଙ୍ଗଲ୍ ଚରଣ୍ ଆଚାର୍ଯ୍ୟ । ସେ ପସସା ସବୁ ରାମର କାମ୍‌କେ ନାହିଁ ଆସଲା, ବିନରବ୍ୟ ହଇଗଲା, ସେଟା ବି ରାମର ଇଚ୍ଛା ଆଏ ଭାବି ତୁନ୍ ପରବାକେ ହେଲା ।

‘ରାମ-ରାହା’ ଛପା ହଇ ସେ ଲୋକ୍‌କର ହାଡ଼କେ ଯାଉ, ଯେନ୍‌ମାନେ ଈ ଭାଷାକେ ବଅଁଚେଇ ରଖିଛନ୍; ଈଟା ବନ୍ଦ୍ୟ ଇଚ୍ଛାଟେ ହେଲେଁ ବି କାମ୍‌କେ ଉଦ୍‌ରାବାରଟା ବନ୍ଦ୍ୟ କଡ଼ା ଆଏ । ଭାଏର ଡ. ନୀଲମାଧବ ପାଣିଗ୍ରାହୀ ଆଜ୍ଞାକର ପରାମର୍ଶନେ ସମଲ୍‌ପୁର ବିଶ୍ଵବିଦ୍ୟାଳୟ (ଜ୍ୟୋତିବିହାର)ର କୁଲ୍‌ପତି ଡ. ଧ୍ରୁବରାଜ୍ ନାଏକ ଆଜ୍ଞାକର ଗୋଚରକେ ନିଆଗଲା । ସେ ଆଜ୍ଞାକର ଚେରେଷ୍ଟାନେ ଆଏକ୍ ‘ରାମ-ରାହା’ ଲୋକ୍ ହାଡ଼କେ ଯାଉଛେ । ଈ କାମ୍‌ଲାଗି କୁଲ୍‌ପତି ଡ. ନାଏକ୍ ଆଜ୍ଞାକୁଁ ମୁହିଁ ଯେତେ ଧଏନ ଧଏନ୍ କଲେଁ ବି କମ୍ ହେବା । ‘ରାମ-ରାହା’ ପଦ୍‌ବାର ସଭେ ସେ ଆଜ୍ଞାକୁଁ ଧଏନ୍

ଧବନ୍ କରବେ, ସମଲ୍ପୁରୀ ଭାଷା ବର୍ଷି ଥିବାର ତକ୍ ସେ ଆଜ୍ଞା ବର୍ଷିତ ରହେବେ ଇ ଆଶା ମତେ ଦକ୍ ଦକ୍ ଦିଶୁଛି । ମୋର ଗାଁ ମାଁ ଇ ‘ରାମ୍-ରାହା’ କାୟେଁ ଯାହା କରିଛନ୍ ଉନିଆଁ କିହେ ନାଇଁ ଜାନ୍ଲେଁ ବି ମୁଇଁ ଜାନିହେଁ, ସେମାନେ ବି ଧବନ୍ ଧବନ୍ ଥା’ନ ।

ବିଶ୍ୱବିଦ୍ୟାଳୟ, ‘ରାମ୍-ରାହା’ ଛପା କରବବାଟେଁ ଯେନ୍ ଆଜ୍ଞାମାନେ ମନ୍ତନ୍ ଦେଇ ଲାଗିଛନ୍ ସେମାନ୍କୁଁ ବି ରାମ୍‌ଇଛାର୍ ମୂର୍ତ୍ତି ଭାବି ମନ୍ତ୍ରିତ୍ତୁଁ ଯୁହାର୍ ଜନଉଛେଁ । ‘ରାମ୍-ରାହା’ ଲୋକ୍ ହାତ୍‌କେ ଯାଉ, ପଦ୍‌ଲା ପରେଁ ଯଦ୍‌ପି ପର୍‌ଶିସା ମିଲେ ସେମାନ୍‌କର୍ ଆଏ, ଯେନ୍‌ମାନେ ‘ରାମ୍-ରାହା’ ଲେଖେଇଛନ୍ ବହରେଇଛନ୍; ଆର୍ ନିୟା ହେଲେଁ ସେ’ଟା ଖାଲି ମୋର ନ ଆଏ, କାହାକେ ଭାଗ୍ ନାଇଁ ଦେଇ ହଏ । ଏତ୍‌କି ନ ।□

୭ - ୭ - ୨୦୦୧

ହେମନ୍ତ ଆଚାର୍ଯ୍ୟ

ଗର୍ଭଣା, ବରଗଡ଼

## ‘ରାମ୍-ରାହା’ ର ପ୍ରଥମ ପାହାଚ ତଳେ

କୋଶଳୀ (ସଂବଲପୁରୀ) ଭାଷା ସାହିତ୍ୟର ବିକାଶ କ୍ଷେତ୍ରରେ ସଂସ୍କୃତରୁ ଆଧୁନିକ ଯାଏ ଏକ ସାଂପ୍ରତିକ ଧାରା । ଶ୍ରୀ ନୀଳମାଧବ ପାଣିଗ୍ରାହୀଙ୍କ ଦ୍ଵାରା ରଚିତ “ମହାଭାରତ କଥା”ର ଆଦିପର୍ବ ଏବଂ ସ୍ଵର୍ଗାରୋହଣ ପର୍ବ ପ୍ରାୟ ଚାରିମାସ ତଳେ ବିପୁଳ ଉତ୍ସାହ ମଧ୍ୟରେ ଉଦ୍ଘୋଷିତ ହୋଇଯାଇଛି । ସେହି ସଭାରେ ଶ୍ରୀ ହେମଚନ୍ଦ୍ର ଆଚାର୍ଯ୍ୟ ଭାଷଣ ପ୍ରସଙ୍ଗରେ ଜଣାଇଥିଲେ ଯେ ତାଙ୍କ ଦ୍ଵାରା ସଂବଲପୁରୀ ଭାଷାରେ ରଚିତ “ରାମ୍ ରାହା” କାବ୍ୟ ମଧ୍ୟ ସମ୍ପୂର୍ଣ୍ଣ ହୋଇଯାଇଛି । ‘ମହାଭାରତ କଥା’ରେ ବ୍ୟାସଙ୍କ ମହାଭାରତର ବିଷୟ ବସ୍ତୁର ଅନୁସରଣ ପ୍ରାୟ ବିଶ୍ଵସ୍ତ; କିନ୍ତୁ ‘ରାମ୍‌ରାହା’ରେ ଅଛି ବିଷୟ ବସ୍ତୁର ସ୍ଥୂଳ କଳାଳ ଉପଯୋଗ ଭିତ୍ତିରେ ସୁଜ୍ଞଳ ଚୟନ ଓ ଗୁମ୍ଫନ । ପ୍ରସଙ୍ଗକ୍ରମେ ବକ୍ତବ୍ୟ ଯେ ସାଠିଏ ଦଶକରେ ସଂବଲପୁରୀ ଗୀତି କବିତାରେ ସଫଳ କବି ପାଟଣାଗଡ଼ର ଶ୍ରୀ ଜନ୍ମମଣି ସାହୁ ବାଲ୍ମୀକି ରାମାୟଣର ଅନୁବାଦ ଶୈଳୀରେ କୋଶଳୀ (ସଂବଲପୁରୀ) ଭାଷାରେ ରାମାୟଣ ରଚନା କରି ସାରିଥିଲେ । ଥରେ ଏହାର କିଛି ଅଂଶ ଦେଖିବାର ସୌଭାଗ୍ୟ ମିଳିଥିଲା ବୋଲି ସ୍ମରଣକୁ ଆସେ । ବିଶ୍ଵସ୍ତ ସୂତ୍ରରୁ ଅବଗତ ହୋଇଛି ଯେ ବହୁ ବର୍ଷ ପରେ ଶ୍ରୀମାନ ଜନ୍ମମଣି ବାବୁଙ୍କ କୋଶଳୀ ରାମାୟଣର ମୁଦ୍ରଣ କାର୍ଯ୍ୟ ଆରମ୍ଭ ହୋଇଯାଇଛି । ନିଶ୍ଚୟ ଅତିଶୟ ଆନନ୍ଦର କଥା । “ରାମ ରାହା” କାବ୍ୟ ବିଶ୍ଵସ୍ତ ଅନୁବାଦ ଶୈଳୀରେ ରଚିତ ନହୋଇ ଏକ ସ୍ଵତନ୍ତ୍ର ଦୃଷ୍ଟିଭଙ୍ଗୀର ବାଉଁ ବହନ କରେ । ଗୁମ୍ଫନର ନୂତନତା ଯୋଗୁଁ ଏହାକୁ ରାମାୟଣୀୟ ପରଂପରାରେ ଏକ ମୌଳିକ ସୃଷ୍ଟି ବୋଲି କହିବା ଯଥାର୍ଥ ହେବ ବୋଲି ମୋର ମତ ।

କବି ଶ୍ରୀଯୁକ୍ତ ହେମଚନ୍ଦ୍ର ଆଚାର୍ଯ୍ୟଙ୍କ ଓଡ଼ିଆ କାବ୍ୟ “ଶବରୀ-ସନ୍ଦେଶ” ପାଠ କରିବାର ସୌଭାଗ୍ୟ ଲାଭ କରିଥିଲି ୧୯୮୪ରେ । ଏହି କାବ୍ୟ ଓଡ଼ିଆ ରୀତି ଶୈଳୀରେ ଆଦ୍ୟପ୍ରାନ୍ତ ‘ଶ’ ଅନୁପ୍ରାସରେ ରଚିତ । ବର୍ଣ୍ଣନା ଓ ଅଳଙ୍କାର ପ୍ରୟୋଗର ଚାରୁତ୍ଵ ମଧ୍ୟ କବିଙ୍କ ପ୍ରତିଭାର ଦେଖାଦେଇ ବୋଲି ମୋର ଅଭିମତ ଲିପିବଦ୍ଧ କରିଥିଲି । ଏହି କାବ୍ୟ ପ୍ରକାଶିତ ହୋଇଛି । ସେହିପରି ତାଙ୍କର ଏକ ପୌରାଣିକ ନାଟକ ମଧ୍ୟ ପ୍ରକାଶିତ । ‘ବଏଲାରେ’ ଶୀର୍ଷକରେ ୧୬ଟି ଲଳିତ ନିବନ୍ଧ ‘ଭୂମି ପୁତ୍ର’ ଓ ‘କୃଷକ ଜ୍ୟୋତି’ ପତ୍ରିକାରେ ସ୍ଥାନିତ । ଏତଦ୍‌ବ୍ୟତୀତ ଅନେକ ଗଳ୍ପ ଓ ନିବନ୍ଧ ମଧ୍ୟ ବିଭିନ୍ନ ସାମୟିକ ପତ୍ରିକାରେ ପ୍ରକାଶିତ । କିନ୍ତୁ ତାଙ୍କର ଅପ୍ରକାଶିତ ଲେଖାବଳୀ ହେଲା ଚାରୋଟି ନାଟକ ଅଭିଶାପ, ନିର୍ବାସିତା, ବିଶ୍ଵାସ (ସାମାଜିକ), ପ୍ରତୀକ୍ଷା (ସାମାଜିକ), କବିତାବଳୀ ‘ପାଥେୟ ମୋ ଜୀବନ ଯାତ୍ରା’ରେ ଗୀତି



ଗାଥା- ଶ୍ରବଣକୁମାର, ଅଭିଶପ୍ତ ପରାକ୍ଷିତ, ବସାହରଣ, ଶକ୍ତିବିଦ୍ଧ ରାମ ଏବଂ କୃଷକେଳି (ସଂସ୍କାର ମୂଳକ ଦଣ୍ଡନାଟ) । ଏହି ଅପ୍ରକାଶିତ ରଚନାବଳୀ ବିଭାଗ ତଥା ଗୁଣାତ୍ମକତା ଦୃଷ୍ଟିରୁ ଯେପରି ବର୍ଣ୍ଣାତ୍ମ୍ୟ ପରିମାଣ ଦୃଷ୍ଟିରୁ ସେପରି ପୁଷ୍ପଳ । ଏକମାତ୍ର ‘ଶବରୀ ସନ୍ଦେଶ’ ଭିତ୍ତିରେ ଏହା ଅନାୟାସରେ ଅନୁମେୟ ଯେ ଏମାନଙ୍କ ମଧ୍ୟରେ କବିଙ୍କ ପ୍ରତିଭାର ଉଜ୍ଜ୍ୱଳ ସ୍ୱାକ୍ଷର ରହିଥିବ; କାରଣ ଏ ରଚନା ଗୁଡ଼ିକ ମୂଳରେ କୌଣସି ବାଧ୍ୟ ବାଧକତା ଅଥବା ବ୍ୟବସାୟିକ ବୁଦ୍ଧି ନାହିଁ, ଅଛି ଏକ ସ୍ୱଚ୍ଛନ୍ଦ ମାନସ ବିଳାସ । ଏହି ବହୁପାଠୀ ଏବଂ ଜ୍ଞାନୀ ଓ ସ୍ୱାଧୀନଚେତା ସଜନଙ୍କ ପକ୍ଷରେ ସାହିତ୍ୟ ଚର୍ଚ୍ଚା ଏକ ବୃତ୍ତି ନୁହେଁ, ତାହା ଏକ ବ୍ରତ, ଏକ ସ୍ୱତଃସ୍ପୁର୍ତ୍ତ ଭାବ-ବିହାର - "A loose sally of the mind" ।

ଗ୍ରାମୀଣ ବ୍ୟକ୍ତି 1908. ୧୯୨୭ରେ ସେ ଜନ୍ମ ଗ୍ରହଣ କରିଥିଲେ । ଅଧୁନା ବରଗଡ଼ ଜିଲ୍ଲା ଅନ୍ତର୍ଗତ ଗର୍ଭଣା ଗାଁରେ । ପଶ୍ଚିମାଞ୍ଚଳର କୋଶଳୀ-ସଂବଲପୁରୀ ଭାଷା ତାଙ୍କ ରସନାର ପ୍ରାଥମିକ ପ୍ରକାଶ ମାଧ୍ୟମ । ହାଇସ୍କୁଲ ଶିକ୍ଷା ପରେ ୨୨ ବର୍ଷ ସରକାରୀ ଚାକିରି କରି ୧୯୨୭ ଆରମ୍ଭରେ ସେ ସ୍ୱେଚ୍ଛାରେ ପଦତ୍ୟାଗ କରିଥିଲେ ଏବଂ ଗତ ତିରିଶ ବର୍ଷ କାଳ ସେହି ଗ୍ରାମରେ କୃଷି ଏବଂ ପଶୁ ସଂପଦର ସହାୟତାରେ ଏକ ସମ୍ମାନିତ ମଧ୍ୟବିତ୍ତ ଗୃହସ୍ଥିର ଜୀବନ ଯାପନ କରିଆସିଛନ୍ତି । ଏଥିରେ ତାଙ୍କର ସାଫଲ୍ୟ ଯାହାହେଉ, ପରିଶିତ ବୟସରେ ନୀତି-ପୂତ-ଚେତନା ନେଇ ଉତ୍ତର ସ୍ୱାଧୀନତା କାଳରେ ଗ୍ରାମରେ ସାମାଜିକ ସାଂସ୍କୃତିକ ବିକାଶ ଲକ୍ଷ୍ୟ କରି ଆସିଛନ୍ତି । ନାନା ପୁସ୍ତକାଦି ଅଧ୍ୟୟନ ତାଙ୍କର ପ୍ରିୟକର୍ମ ଏହି ଜୀବନରେ ତାଙ୍କ ଦୃଷ୍ଟିଭଙ୍ଗୀରେ ଅଛି ଏକ ଆଶାବାଦୀ ସଂସ୍କାରକାମୀର ବୈଶିଷ୍ଟ୍ୟ । ଏହା ତାଙ୍କ ରଚିତ ସାହିତ୍ୟର ବିଷୟ-ଚୟନ ତଥା ରଚନା ପରିସରରୁ ସ୍ପଷ୍ଟରୂପେ ପ୍ରତିଭାତ ହୋଇଥାଏ । ତାଙ୍କ ସଂବଲପୁରୀ ରଚନାବଳୀରେ ମଧ୍ୟ ତାଙ୍କର ଏହି ଭାବର ପ୍ରତିଫଳନ ଘଟିଛି । ଗୋଟିଏ ପ୍ରକାଶିତ କାବ୍ୟ “ସତର ସତୀ ବୃନ୍ଦାବତୀ” ଏବଂ ଗୋଟିଏ ପ୍ରକାଶିତ ଗଳ୍ପ ସଂକଳନ “କଥାନି ସତ୍ ସତାନି” ରେ ତାଙ୍କ ସାହିତ୍ୟିକ ପ୍ରତିଭାର ସ୍ତରଣ ଖୁବ୍ ମନୋହର । ଏହାଛଡ଼ା ତାଙ୍କର ଦୁଇଖଣ୍ଡି ଅପ୍ରକାଶିତ ସଂବଲପୁରୀ ରଚନା ମଧ୍ୟ ଅଛି । ଗୋଟିଏ କାବ୍ୟ ‘ନୁନୀ’ ଏବଂ ଅପରଟି ଅନେକ ଗୀତ ଓ ଗୀତିଗାଥା । ଏହି ରଚନାବଳୀ କେବଳ କୋଶଳୀ-ସଂବଲପୁରୀ ଭାଷା ରଚନାରେ ତାଙ୍କ ସିଦ୍ଧିର ସନ୍ତକ ନୁହେଁ; ଅଧିକତ୍ର ସେ ସବୁ ପଶ୍ଚିମାଞ୍ଚଳୀୟ ଗୀତି ଓ ଜୀବନଧାରାର ଆଲୋକ୍ୟ ଭାବରେ ଯେପରି ଉଜ୍ଜ୍ୱଳ ଚିତ୍ରପୁରୀ, ସେହିପରି ହେମଚନ୍ଦ୍ର ବାବୁଙ୍କ ବିଚାରନୈପୁଣ୍ୟ, କଳ୍ପନାଚାତୁରୀ ତଥା ମାନବିକ ଅବବୋଧର ମଧ୍ୟ ପ୍ରକାଶ ଭୂମି । ସ୍କୁଲତଃ ତାଙ୍କର ଓଡ଼ିଆ ତଥା କୋଶଳୀ-ସଂବଲପୁରୀ ରଚନାବଳୀରେ ଦୁଇଟି ଭାଷାର ବଳିଷ୍ଠ ପ୍ରୟୋଗ ଓ ପରୀକ୍ଷା ମଧ୍ୟରେ ସମାନ ଗୌରବନେଇ ଆକାରିତ ହୋଇଛି ଏକ ମନୋହର କବି ପ୍ରତିଭା, ଏକ ସୂକ୍ଷ୍ମବ୍ୟଞ୍ଜନା ସମର୍ଥ ବ୍ୟକ୍ତି ଚିତ୍ତ ।

ଏ ପ୍ରସଙ୍ଗରେ କବି ହେମଚନ୍ଦ୍ରଙ୍କ ସମାଲୋଚକ ବ୍ୟକ୍ତିତ୍ୱର ସ୍ୱକୀୟ ମୌଳିକତା ବିଷୟରେ ନିମ୍ନ ଉଲ୍ଲେଖର ଲୋଭ ସଂବରଣ କରି ହେଉନାହିଁ । ମୋର ବହି ‘କାବ୍ୟଶିଳ୍ପୀ - ଗଙ୍ଗାଧର’ ପାଠକଲା ପରେ ତାଙ୍କ ମତାମତ ପ୍ରସଙ୍ଗରେ ସେ ଲେଖିଥିଲେ “ଗଙ୍ଗାଧର ମୋ ପାଇଁ ଏକ ଅନବଦ୍ୟ ଓ ଅତ୍ୟୁତ ପ୍ରତିଭାର ଅଧିକାରୀ; ଏଣୁ ତାଙ୍କ କୃତି ସଂବନ୍ଧରେ ଯେ କୌଣସି ରଚନା ମୋତେ ଆକର୍ଷଣ କରେ । ଏ ଯାବତ୍ ଯାହା ପଢ଼ିଛି \* \* \* \* ।”

ତପସ୍ୱିନୀଙ୍କ ପତ୍ର ଲେଖନ ସଂପର୍କରେ ତାଙ୍କ ମତ ଜାଣିବାକୁ ମୋ ପ୍ରଶ୍ନର ଉତ୍ତରରେ ସେ ଲେଖିଥିଲେ, “\* \* \* ତପସ୍ୱିନୀ ସୀତାଙ୍କର ଶଂସିତ ପତ୍ର ରାମଙ୍କର ହସ୍ତଗତ କରାଇବେ ନାହିଁ, ଏହା ଜାଣି ଗଙ୍ଗାଧର ପତ୍ର ଲେଖାଇଛନ୍ତି । ପତ୍ର ଲେଖାଇବାରେ ଯେଉଁ ହୃଦୟର ଅଭ୍ୟୁଦୟ କରାଇଛନ୍ତି, ସେ ପତ୍ର ଆଉ ନ ଲେଖାଇବାରେ ସେ ହୃଦୟର ଗଭୀରତା ଓ ପୁଣିସ୍ତତାର ପରିଚୟ ଦେଇ, ରାମଚନ୍ଦ୍ରଙ୍କର ଶ୍ଲାଘା ପ୍ରତି ପାଦନରେ ଗଙ୍ଗାଧରଙ୍କ ଶିଳ୍ପ ନୈପୁଣ୍ୟ ଚରମୋକ୍ତ୍ୟ ଲାଭ କରିଛି । ମୋତେ ଲାଗେ ଗଙ୍ଗାଧର ଯେଉଁ ଭାଗବତୀ ବା ଆଧ୍ୟାତ୍ମିକ ସ୍ଥିତିରେ ଏ ସବୁର କଳ୍ପନା ତଥା କବନ କରିଛନ୍ତି ତାହା ସମ୍ୟକ୍ ହୃଦୟଜମ କରିବାକୁ ହେଲେ ଅନୁରୂପ ସ୍ଥିତି ଆବଶ୍ୟକ ହୋଇପଡ଼େ । ସେ ସ୍ଥିତି ହାନିତା ସୀତା ଚରିତ୍ର ନେଇ ଭିନ୍ନ କଳ୍ପନା କରେ । ଏଥିରେ ବାସ୍ତବତଃ ସୀତା ଚରିତ୍ରର ମୁନି ବା ଗ୍ଲାନି ମୋ ଚିତ୍ତର ବାହାର ବିଷୟ ।”

କହିବା ବାହୁଲ୍ୟ ତପସ୍ୱିନୀର ବହୁ ଚର୍ଚ୍ଚିତ ପତ୍ର ବିଷୟରେ ହେମଚନ୍ଦ୍ର ବାବୁଙ୍କର ଚିନ୍ତାର ଏକ ସ୍ୱକୀୟତା ଅଛି । ଏହି ସ୍ୱକୀୟତା ଆଧାରରେ ଏବଂ ନିଜର ପରିଶିତ ଜୀବନର ଜ୍ଞାନ, ଅନୁଭବ, ଭୂୟୋଦର୍ଶନ ତଥା ବହୁ ପ୍ରକାର ସାହିତ୍ୟ ରଚନାରେ ଲେଖନୀ ତାଳନା ଜନିତ ପରିପକ୍ୱ ଅଭ୍ୟାସ ଲକ୍ଷ ନୈପୁଣ୍ୟର ସାଧୁ ଉପଯୋଗ କରି କାବ୍ୟର କିଷ୍କିନ୍ଧ୍ୟାକାଣ୍ଡ ଲେଖା ସରିବା ପରେ ମୁଁ ପ୍ରଥମେ ଦେଖିଥିଲି ପାଣ୍ଡୁଲିପି ।

‘ରାମ-ରାହା’ ନାମ କରଣ ହିଁ କବିଙ୍କ ଭାଗବତ ଚେତନାର ସୂତକ । ତାଙ୍କ କାବ୍ୟରେ ବର୍ଣ୍ଣିତ ରାମଚରିତର ଅନୁଶୀଳନକୁ ସେ କଳ୍ପନା କରିଛନ୍ତି ଏକ ରାମପ୍ରାପ୍ତିର ‘ରାହା’ ବା ମାର୍ଗରୂପରେ । ଏ ମାର୍ଗରେ ଅଧ୍ୟାୟ ବା ସର୍ଗ ନାହିଁ, ଅଛି ସୋପାନ ବା ‘ପାଉଟ’ । ଆଧ୍ୟାତ୍ମିକ ଉନ୍ନୟନର ଶୀର୍ଷ ଦେଶରେ ରହିଛନ୍ତି ରାମ । ତାଙ୍କୁ ପାଇବା ଲାଗି ପାଉଟ ପରେ ପାଉଟ ଚଢ଼ି ପାଠକକୁ ସାଧକକୁ ଉଠିବାକୁ ହେବ । କାବ୍ୟ ନାମ ଓ କାବ୍ୟ ବିଭାଗର ନାମ ଉଭୟ ମଧ୍ୟରେ ଏହି ଆଧ୍ୟାତ୍ମିକ ପ୍ରଲେପ ରାମାୟଣୀୟ ପରଂପରାରେ ଏକ ନୂତନ ଧାରା । ପୁନଶ୍ଚ ଏ ସୋପାନର ବିନ୍ୟାସ କଲାବେଳେ କବି ତାର ପ୍ରକୃତି ମଧ୍ୟରେ ଭଗବତ୍ ପାରାୟଣ ପରି ପ୍ରତିଟି ଅଧ୍ୟାୟରେ ଅଛି ସ୍ୱୟଂ ବାଲ୍ମୀକିଙ୍କ ଦ୍ୱାରା ପ୍ରବଚନ ଭଙ୍ଗରେ ଗୋଟିଏ ଗୋଟିଏ ପ୍ରସଙ୍ଗରେ ରଚିତ ପଦାବଳୀ ।

ମୂଳରୁ ଅଛନ୍ତି ବାଣୀ ବାଦନ ପରାୟଣ ରାମକ୍ରମର ଲକ୍ଷଣ । ତାଙ୍କ ବାଣୀନିକ୍ଷେପ ସହଚର ଖଞ୍ଜଣୀ-ରାମତାଳି ମଧ୍ୟ ବାଜୁଛି । ସୀତା ସମେତ ସକଳ ଚପସ୍ତ୍ରୀ ଚପସ୍ତ୍ରୀନାଙ୍କ ଉପସ୍ଥିତିରେ ହେଉଛି ରାମକାର୍ତ୍ତବୀର ଗୀତାକାର ରାମାୟଣ ପ୍ରବଚନ । ଗାୟକ ସ୍ଵୟଂ ଭକ୍ତ ପ୍ରବର କବି ଶ୍ରୀନୋମଣି ମହାମୁନି ବାଲ୍ମୀକି । ରଷି ଆଶ୍ରମର ପୁଧଳ ସୌନ୍ଦର୍ଯ୍ୟଭରା କମ୍ପ ପ୍ରକୃତିର ପ୍ରାଣୋଦ୍ଘାବକର ବର୍ଣ୍ଣନା ମଧ୍ୟରେ ନଇଁ ଆସେ ଶାନ୍ତିର ସ୍ଵିଚ୍ଛ ସ୍ଵର୍ଣ । ପ୍ରାତଃକୃତ୍ୟ ସାରି ଗୋଟିଏ ଗୋଟିଏ ହୋଇ ଆସନ୍ତି ରକ୍ଷିକ୍ରମାର, ରକ୍ଷିକ୍ରମାରୀ, ଲବ କୁଶ ଆସି ବାଣୀଧର ପ୍ରସ୍ତୁତ ହୁଅନ୍ତି । ନିଶ୍ଚୟରେ ଆସନ୍ତି ଚନ୍ଦ୍ରସିନୀ ଚପସ୍ତ୍ରୀମାନେ ତଥା ଜନକ ନନ୍ଦିନୀ ରାମ ରମଣୀ ସୀତା । ପ୍ରାଥମିକ ଭଜନ କାର୍ତ୍ତବୀ ସରିଲା ବେଳକୁ ଶାନ୍ତ ସଂଯତ ଶୁଭ୍ରବସୁ କୁଳପତି ଆସିବା ପରେ ଆରମ୍ଭ ହୁଏ ରାମ ଚର୍ଚ୍ଚା । ଦିନେ ଦିନେ କୁଶ ଅଥବା ଲବ ଅଥବା ଅପର କେହି ତାପସ ଭକ୍ତ ପ୍ରଶ୍ନ କରନ୍ତି ରାମଙ୍କ ବିଷୟରେ । ତହିଁ ଆରଦିନ ସେହି ପ୍ରଶ୍ନର ଉତ୍ତର ଆକାରରେ ସଂପୂର୍ଣ୍ଣ ଉପାଖ୍ୟାନର କାବ୍ୟରୂପ ଯୋଥୁମଧ୍ୟରୁ ବାହାର କରନ୍ତି କୁଳପତି । ଏହିପରି ଗୋଟିଏ ଗୋଟିଏ ପାହାଚ ସରେ ଦିନକୁ ଦିନ, ଦିନକୁ ଦୁଇଟି ଅଧିବେଶନ ବସେ । ପାଳିତ ବନ ପଶୁ ପକ୍ଷୀ ହେନା କୁଗ୍ରୀ, ସମ୍ବର, ଗୟଳ, ରୂପ, ପଶ୍ଚିକା ସମସ୍ତେ ବି ଆସି ଠୁଳ ହୁଅନ୍ତି ଚୌପାଢ଼ୀ ଚାରିପାଖେ । ସମଗ୍ର ପରିବେଶ ହୋଇ ଉଠେ ରାମମୟ । ପ୍ରସଙ୍ଗକ୍ରମେ ବାଲ୍ମୀକି କହନ୍ତି ତାଙ୍କ ଆତ୍ମ ଚରିତ ଦସ୍ୟୁ ରତ୍ନାକର କଥା କିପରି ଦିନେ ବାଉଁଶ ପଲ୍ଲିଳ ନରମାରଣ କାର୍ଯ୍ୟକ୍ରମ ମଧ୍ୟରେ ‘ମରା’ ପଦର ନିରତର ଉଚ୍ଚାରଣ ମଧ୍ୟରୁ ସେ ପାଲଥୁଲେ ରାମ ସଂପତ୍ତି । ସେହି ପରମାରାଧ୍ୟ ରାମଚନ୍ଦ୍ରଙ୍କ ଗୁଣ ମହିମା କାର୍ତ୍ତବୀରେ ଆତ୍ମବିଭୋର ବାଲ୍ମୀକିର ପ୍ରକାଶ ଘଟିଛି କବି ହେମଚନ୍ଦ୍ରଙ୍କ ହୃଦୟମାନ ମଧ୍ୟରେ । ‘ରାମରାହା’ ହୋଇଯାଇଛି ଏକ ପାବନ ମାର୍ଗ ।

ଆଜିକର ଏ ନୂତନ ପରିକଳ୍ପନା କବିଙ୍କ ପ୍ରତିଭାର ସୂଚକ । କିନ୍ତୁ ଆଖ୍ୟାନ ବସ୍ତୁର ଉପସ୍ଥାପନ କାଳରେ ମଧ୍ୟ କବି କୌଣସି ଏକ ନିର୍ଦ୍ଦିଷ୍ଟ ରାମାୟଣର ଅନୁସରଣ କରିନାହାନ୍ତି । ତାଙ୍କ କଥାରେ :- “ମୁଁ କୌଣସି ଏକ ରାମାୟଣକୁ ଅବଲମ୍ବନ କରି ନାହିଁ । ମୂଳତଃ ବାଲ୍ମୀକି ରାମାୟଣର ଓଡ଼ିଆ ଅନୁବାଦ ମାନ ଦେଖୁଛି । ଅନ୍ୟ ଭାଷାରେ ବିଭିନ୍ନ ରାମାୟଣକାରଙ୍କର ରାମାୟଣ ତଥା ତଦାଶ୍ରିତ ସାହିତ୍ୟ କୃତିମାନ ପଢ଼ି ଲେଖୁଛି ।” ଅନ୍ୟ କଥାରେ ଏହା ଅନେକ ରାମାୟଣର ସଂଗୃହୀତ ସାର (Digest) ଆଧାରରେ ରଚିତ । ରାମଚରିତ ଉପସ୍ଥାପନାରେ ତାଙ୍କର ନିଜର ଲକ୍ଷ୍ୟ ବିଷୟରେ କହନ୍ତି, “ମୁଁ ରାମଚରିତକୁ ଯେତେ ପାରିଛି ତକ୍ ସମ୍ପତ, ଯୁକ୍ତି ସଂଗତ, ସାମାଜିକ ତଥା ଲୋକ ରୁଚି ଓ ଯୁଗରୁଚି ଉପଯୋଗୀ କରିବାର ଚେଷ୍ଟା କରିଛି, ରାମ ଚରିତ ଉପରେ ଅନ୍ୟାୟ ଓ ଅପାର ପାରଂପରିକତାର ବୋଝ ନ ଲଦି \* \*\*” କବିଙ୍କର ଏ ଲକ୍ଷ୍ୟ ଯେ ଖୁବ୍ ସଫଳ ହୋଇଛି ତାହା ଏ କାବ୍ୟ ପାଠକ ମାତ୍ରେ ହୃଦୟଙ୍ଗମ କରିବେ ।

ଲେଖକଙ୍କର ଉଦ୍ଧୃତ ଏକ ସ୍ୱାଭାବିକ ଅନୁସିଦ୍ଧାନ୍ତ ହେଲା ଯେ ସେ ଉପାଖ୍ୟାନଗୁଡ଼ିକର ଧାରାବାହିକତା ଉପରେ ଗୁରୁତ୍ୱ ନଦେଇ ବ୍ୟାପକ ସ୍ଥାନାନ୍ତର ନିୟୋଜନ କରିଛନ୍ତି । ଯେତେବେଳେ ସଂପର୍କିତ ଭାବରେ ଗୋଟାଏ ପ୍ରସଙ୍ଗର ଅବବୋଧ ସ୍ୱତଃ ଆବଶ୍ୟକ ହୋଇ ପଡ଼ିଛି, ସେତେବେଳେ କବି ପୂର୍ବ ବୃତ୍ତାନ୍ତ ରୂପେ ତାହାର ଉପସ୍ଥାପନ କରିଛନ୍ତି । ଏହାଦ୍ୱାରା ପୁରାଣ କାବ୍ୟର ଗତାନୁଗତିକତା ସ୍ଥାନରେ ଆସିଛି ଶୈକ୍ଷିକ ଗୁମ୍ଫନର ନାଟକୀୟ ଚମତ୍କାରିତା ।

ଉତ୍ତରାକାଣ୍ଡର ପାଉଚ-୪ ଓ ପାଉଚ-୫ର ପରିକଳ୍ପନାରେ କବିଙ୍କର ଅଭିନବ ଗୁମ୍ଫନ କୌଶଳ ବାସ୍ତବରେ ଅତ୍ୟନ୍ତ ହୃଦୟଗ୍ରାହୀ । ଏହି ପ୍ରସଙ୍ଗରେ ସମଗ୍ର କାବ୍ୟର ସକଳ ପାଉଚରେ ପାରାୟଣରେ ସୀତା ଲବକୁଶଢ଼କ ଉପସ୍ଥିତିରେ ବାଲ୍ମୀକିଙ୍କ ରାମଚରିତ ବର୍ଣ୍ଣନା ମଧ୍ୟ ଏକ ବିଚାର ଯୋଗ୍ୟ ଉପାଦାନ । ଅବଶ୍ୟ ବାଲ୍ମୀକି ଆଶ୍ରମରେ ଏମାନଙ୍କର ପରିଚୟ ଯତ୍ନ ପୂର୍ବକ ଗୋପନ ରାଖାଯାଇଛି । ସୀତା ବୃଦ୍ଧା ତପସ୍ୱିନୀ ଓ ବାଲ୍ମୀକିଙ୍କ ମାଁ ଏବଂ ତାପସକ୍ରମାର କ୍ରମାରାଙ୍କ ନାନୀ । ଏ ସମ୍ବନ୍ଧ କବି ସ୍ପଷ୍ଟ କଥାରେ ଉଲ୍ଲେଖ କରିଛନ୍ତି ସୀତାଙ୍କ ଆଶ୍ରମ ପ୍ରବେଶ ଦିନ ଏକ ସ୍ୱାଭାବିକ ପରିବେଶରେ- ଠିକ୍ ଯେପରି ଗାଁରେ ଘଟେ; ଜଣେ ଆଗନ୍ତୁକଙ୍କୁ କଣ ବୋଲି ଡାକିବି ପ୍ରଶ୍ନର ଉତ୍ତର ପ୍ରସଙ୍ଗରେ । ଲବକୁଶଳ ଜନ୍ମ ରହସ୍ୟ ସଂପର୍କରେ କବି କହନ୍ତି, “କାହାର ପୁତ୍ର, କାହାର ନାତି କାହାକେ ଜନା ନାହିଁ ।” ଏହି ଲବକୁଶ ବାଣୀବାଦନ ନିପୁଣ ଏବଂ ଧନୁର୍ବଦ୍ୟା ସମ୍ପେତ ସର୍ବବିଦ୍ୟା ବିଶାରଦ ହେବା ପରେ “ରାମ-ରାହା” କାବ୍ୟର ଆରମ୍ଭ ପରିକଳ୍ପନା କରାଯାଇଛି । ସ୍ୱୟଂ ବାଲ୍ମୀକିଙ୍କ ରାମ ଭକ୍ତିରେ ଆପ୍ତୁତ ସମଗ୍ର ଆଶ୍ରମବାସୀ ତଥା ଲବକୁଶ । ଅପରିଜ୍ଞାତ ଆତ୍ମ ପରିଚୟ ସେଠି ସଂପୂର୍ଣ୍ଣ ବିସ୍ମୃତ ।

ଏହିପରି ଏକ ପରିବେଶରେ ସୀତା ନିର୍ବାସନ ଏବଂ ଲବକୁଶଙ୍କ ଜନ୍ମର ବର୍ଣ୍ଣନା ବାସ୍ତବରେ ଏକ କଷ୍ଟକର ପ୍ରସଙ୍ଗ । କବି ହେମଚନ୍ଦ୍ର ଗଙ୍ଗାଧରଙ୍କ ତପସ୍ୱିନୀର ମାର୍ଗରେ ବିଷୟ ବସ୍ତୁର ଗ୍ରହଣ କରି ଯାଇଛନ୍ତି । ପାଉଚ-୪ ଓ ପାଉଚ-୫ର ତାହାହିଁ ବିଷୟ ବସ୍ତୁ । ଏ ଦୁଇଟି ଅଧିବେଶନରେ ସୀତା ଅନୁପସ୍ଥିତ । ପ୍ରଥମ ଅଧିବେଶନରେ ମଧ୍ୟ ଲବକୁଶ ନାହାନ୍ତି । ଦ୍ୱିତୀୟ ଅଧିବେଶନରେ ସେମାନେ ଅଶ୍ରମେଧ୍ୟ ଘୋଡ଼ାକୁ ଅଟକାଇ ରଖି ସଂବାଦ ଦେଇଛନ୍ତି ରଖିଲୁ । ଏହି ଅନୁପସ୍ଥିତିର ସୁଯୋଗ ସୃଷ୍ଟି କରି କବି ବାଲ୍ମୀକି ବର୍ଣ୍ଣିତ ସୀତା ନିର୍ବାସନ ବୃତ୍ତାନ୍ତ, ଶତ୍ରୁତ୍ୱଙ୍କ ଉପସ୍ଥିତି ଦିନ ଲବକୁଶଙ୍କ ଜନ୍ମ ପ୍ରଭୃତିର ସଂକ୍ଷିପ୍ତ ବିବରଣୀ ଦେଇ କାବ୍ୟରଧାରା ଏବଂ ସୌଷ୍ଟବ ରକ୍ଷା କରିଛନ୍ତି । କେବଳ ଏହି ଦୁଇଟି ସୋପାନରେ ସେମାନଙ୍କର ଅନୁପସ୍ଥିତିର ଯୋଜନା ତାଙ୍କର ସମଗ୍ର ରାମାୟଣ ପାରାୟଣରେ ଲବକୁଶଙ୍କ ଉପସ୍ଥିତିକୁ ସ୍ୱାଭାବିକ କରି ଦେଇଛି । ଗଙ୍ଗାଧରଙ୍କ ‘ପ୍ରଣୟ-ବଲ୍ଲରୀ’ରେ ରାଜସଭାରେ ଶକୁନ୍ତଳାର ପ୍ରତ୍ୟାଖ୍ୟାନ ପୂର୍ବରୁ ତାକୁ କୌଶଳରେ ମୂର୍ଚ୍ଛିତା କରି ମେହେର ଯେପରି ଶକୁନ୍ତଳାର ମନକୁ ଦୁଷ୍ମନ୍ତଙ୍କ ପ୍ରତିକୂଳ ଚିନ୍ତାରୁ

ସୁରକ୍ଷିତ କରିଛନ୍ତି, ସେହିପରି ହେମଚନ୍ଦ୍ରଙ୍କ ଏହି କୌଶଳ ଯୋଗୁଁ ସମଗ୍ର କାବ୍ୟର ଆଜିକା  
ସୌଷ୍ଟବ ସୁରକ୍ଷିତ ହୋଇଛି ।

ଫାଟମ ପାଉଚ ପରେ ଆଉ ପାରାୟଣ ନାହିଁ । ଷଷ୍ଠ ପାଉଚରେ ବାଲ୍ମୀକି ଏକ ପ୍ରକାର  
ଅମ୍ବଗୋପନ କଲାପରି ସମାଧି ମଧ୍ୟରେ ଆଶ୍ରମ ସଂକଟର ସମାଧାନ ଖୋଜିଛନ୍ତି । ତାଙ୍କ  
ଅନୁପସ୍ଥିତିରେ ଅଶ୍ୱମେଧ-ଅଶ୍ୱ ରକ୍ଷକ ଶତ୍ରୁଘ୍ନ ଓ ସୈନ୍ୟମାନଙ୍କୁ ପରାଜିତ ନିହତ କରି ଲବକୁଶ  
ମୁନିଙ୍କୁ ଜଣାଇବା ଲକ୍ଷ୍ୟରେ ଆସିଛନ୍ତି, କିନ୍ତୁ ସମାଧିଭଙ୍ଗ ନକରି ମା'ଙ୍କ ଅନୁରୋଧରେ ଭୋଜନ  
ପରେ ପୁଣି ଫେରିଯାଇଛନ୍ତି ଅଶ୍ୱମେଧ ଅଶ୍ୱ ନିକଟକୁ । ଭରତ ଲକ୍ଷ୍ମଣ ଏବଂ ତାହାପରେ ସ୍ୱୟଂ  
ରାମଚନ୍ଦ୍ର ସସୈନ୍ୟ ଆସି ପରାଜିତ ଓ ନିହତ ହେଲା ପରେ ବିଜୟୀ ପୁତ୍ରମାନେ ଫେରିଛନ୍ତି  
ମା'ଙ୍କ ପାଖକୁ । ରାମ-ସହଯୋଗୀ ହନୁମାନ ମଧ୍ୟ ଆସିଛନ୍ତି ତାଙ୍କ ପଛ ପଛେ । ଦେଖୁ  
ଚିହ୍ନିଛନ୍ତି ଓ ପଦ ବନ୍ଦନା କରି ଲବକୁଶଙ୍କ ପରିଚୟ ପାଇଛନ୍ତି । ସେତିକିବେଳେ ଆସି ପହଞ୍ଚିଛନ୍ତି  
ରମ୍ଭି ।

ସପ୍ତମ ତଥା ଅତିମ ପାଉଚ ମଧ୍ୟ ବର୍ଣ୍ଣନାତ୍ମକ । ରକ୍ଷିକ ସଂଜୀବନୀ ପ୍ରଭାବରେ  
ରାମାଦିକଙ୍କର ସଂଜ୍ଞା ଲାଭ ଓ ଅଶ୍ୱସହ ଅଯୋଧ୍ୟା ପ୍ରତ୍ୟାବର୍ତ୍ତନ ପରେ ସଶିଷ୍ୟ ବାଲ୍ମୀକି ଅଶ୍ୱମେଧ  
ଯାଗ ଶାଳାରେ ପ୍ରବେଶ କରିଛନ୍ତି । ଲବକୁଶଙ୍କ ମୂର୍ତ୍ତି ଓ ରାମାୟଣ ଗାନରେ ବିମୁଗ୍ଧ ହୋଇଛନ୍ତି  
ଅଯୋଧ୍ୟାବାସୀ । ସେହି ସ୍ଥାନରେ ସୁବର୍ଣ୍ଣ ପ୍ରତିମା ସୀତାଙ୍କୁ ଦେଖି ମା' ରୁଦ୍ଧିରେ ଲବକୁଶ  
ପଦବନ୍ଦନା କରିବାରେ ସୀତା ତଥା ଲବକୁଶ ସମସ୍ତଙ୍କର ପରିଚୟ ପରିଷ୍କାର ହୋଇଯାଇଛି  
ଏକ ନାଟକୀୟ ମୁହୂର୍ତ୍ତରେ । ଏ ମିଳନ ଦୃଶ୍ୟ କଳ୍ପନା କରିବାରେ କବି ହେମଚନ୍ଦ୍ରଙ୍କ ପ୍ରତିଭା  
ଗଙ୍ଗାଧରୀୟ ପ୍ରତିଭାର ଅନୁରୂପ ହୋଇଉଠିଛି ।

ଅପୂର୍ବ ଆଜିକା ତଥା ବିଷୟ ଗୁମ୍ଫାନର ଅନବଦ୍ୟ ନୂତନ ଶୈଳୀ ଯୋଗୁଁ ରାମାୟଣ  
କାହାଣୀର ପୁରୁଣା କଳାକ ସତେ ଯେପରି ଏକ ଆଧୁନିକ ଭାବଧାରାରେ ସଂସ୍କୃତ ଓ ପରିପୁଷ୍ଟ  
ହୋଇ ଏକ ସ୍ୱକୀୟ ଚମତ୍କାରିତାରେ ସଂପୂର୍ଣ୍ଣ ଭାବେ ମୌଳିକ କାବ୍ୟର ଗୌରବ ଲାଭ କରିଛି  
ହେମଚନ୍ଦ୍ର ବାବୁଙ୍କ 'ରାମ-ରାହା' କାବ୍ୟରେ ।

ଏ ମୌଳିକତାର ଦୁଇଟି ଅପୂର୍ବ ନୂତନ ଦିଗ ମଧ୍ୟ ବାରିହୋଇ ପଡ଼େ ॥ ପ୍ରଥମତଃ ଏ  
କାବ୍ୟରେ ବ୍ୟାପକ ଭାବେ ବର୍ଣ୍ଣିତ ପ୍ରକୃତି କବିଙ୍କ ସ୍ୱକୀୟ ପରିବେଶରେ ପଶୁମାଞ୍ଚଳୀୟ ପ୍ରକୃତି;  
ଏଥିରେ ବର୍ଣ୍ଣିତ ଜନ ଜୀବନ ଆଚାର ବ୍ୟବହାର ଏକାନ୍ତ ଭାବେ ପଶୁମାଞ୍ଚଳୀୟ ଜଡ଼ ଓ ଜୀବନ୍ତ  
ପ୍ରକୃତି ହିଁ କାବ୍ୟର ଆଧାର । ସର୍ବୋପରି ବୀଣା, ଖଞ୍ଜଣୀ, ରାମତାଳି ସହଯୋଗରେ ରାମ  
ଭଜନରେ ପାଉଚ- ପାରାୟଣର ଆରମ୍ଭ ଏବଂ ରାମ କୀର୍ତ୍ତନରେ ତାହାର ଶେଷ ମଧ୍ୟ

ପଶ୍ଚିମାଞ୍ଚଳୀୟ ଧର୍ମୀୟ ସାଂସ୍କୃତିକ ଅଧିବେଶନର ଆଭାସରେ ପୁଷ୍ପଳ ହୋଇଛି । ଦ୍ଵିତୀୟତଃ କୋଶଳୀ-ସଂବଳପୁରୀ ଭାଷା ପ୍ରୟୋଗରେ ହେମଚନ୍ଦ୍ରଙ୍କ ଲେଖନୀର ସିଦ୍ଧି ଏ କାବ୍ୟର ଅପର ପ୍ରଭାବଶାଳୀ ବୈଶିଷ୍ଟ୍ୟ । ଏହି ଭାଷାର ସ୍ଵାଚ୍ଛନ୍ଦ୍ୟ ମଧ୍ୟରେ ବିଳସିତ ହୋଇଛି କବି ପ୍ରତିଭାର ସ୍ଫୁଲିଙ୍ଗ । ଅଳଙ୍କାର ପ୍ରୟୋଗ, ନୂତନ ମାର୍ଗର ସ୍ଵତନ୍ତ୍ର ଅର୍ଥବହ ପଦ ପ୍ରୟୋଗ ଚାତୁରି, ଗ୍ରାମୀଣ ଜଗଜମାଳି, ପ୍ରବାଦ ପ୍ରବଚନ ତଥା ଲୋକ ବିଶ୍ଵାସ ସମ୍ମତ ସୂକ୍ତି ସୁଭାଷିତ ମଧ୍ୟରେ କାବ୍ୟ କେବଳ ବିଭବଶାଳୀ ହୋଇନାହିଁ, ବରଂ ପାଠକ ମନର ଅନୁରୂପ ଓ ଅନୁକୂଳ ଭାବ ସମ୍ଭାର ମଧ୍ୟରେ ଅତ୍ୟନ୍ତ ରୋଚକ ହୋଇ ଉଠିଛି । ଏକ ନିୟମିତ ଅକ୍ଷର ବୃତ୍ତ ଅଥବା ମାତ୍ରାଛନ୍ଦର ଶୃଙ୍ଖଳା କେତେକ ସ୍ଥାନରେ କବି ସ୍ଵୀକାର କରି ନାହାନ୍ତି ଧ୍ଵନି ଅନୁରୋଧରେ । ଏକ ସଂପୂର୍ଣ୍ଣ ଭାବାନୁକୂଳ ମିତ୍ରାକ୍ଷର ମୁକ୍ତ ଛନ୍ଦରେ ରଚିତ ପଦାବଳୀକୁ ସ୍ଵତଃ ସଂଗୀତମୟ କରି ଉଠିବ ନିପୁଣ ପୁରାଣ ପଣ୍ଡା ବା ପ୍ରବଚନକାରଙ୍କ ସ୍ଵକାୟ ଦକ୍ଷତା ।

ଶେଷରେ ନୀତି ଓ ଆଦର୍ଶର ପ୍ରତିଷ୍ଠା ନିମିତ୍ତ ଏପରି ପ୍ରାଣମୟ ରସାଳ ରୋଚକ କାବ୍ୟ ସୃଷ୍ଟିରେ ହେମଚନ୍ଦ୍ରଙ୍କ ନିଷ୍ଠାପର ସାଧନା ଓ ସିଦ୍ଧି ମୂଳରେ ବିଦ୍ୟମାନ ରହିଛି ତାଙ୍କର ସ୍ଵକାୟ ଭାଗବତୀ ଚେତନା ଏବଂ ଆଧ୍ୟାତ୍ମିକ ଭାବନା । ତାହାହିଁ ଏକ ପ୍ରେରଣା ଭୂମି କବିଙ୍କ ଭାବ ଓ କଳ୍ପନାକୁ ନିୟନ୍ତ୍ରିତ କରିଛି, ସୌଷ୍ଠବମୟ ପ୍ରକାଶ ଦିଗରେ ପରିଚାଳିତ କରିଛି । କବିଙ୍କ ଉଚ୍ଛ୍ଵାସମୟ ପଦାବଳୀ ମଧ୍ୟରେ ଏ ସୂତ୍ର ସ୍ଵତଃ ଧାରାପଡ଼ିଯାଏ । ରାମପ୍ରାପ୍ତିର ସୁତୁଙ୍ଗ ଶୀର୍ଷ ଭୂମିକୁ ଯାତ୍ରା କରିବାର ପ୍ରଥମ ସୋପାନରେ କବି ଯେଉଁ ଅବିଚଳିତ ନିଷ୍ଠା ପ୍ରଦର୍ଶନ କରିଥିଲେ ତାହାହିଁ ତାଙ୍କ ସଂସାର-ଜଞ୍ଜାଳଗ୍ରସ୍ତ ଖଞ୍ଜ ପଦକୁ ଯୋଗାଇଛି ଶକ୍ତି, ଯିବାକୁ ଯିବାକୁ ଉପରକୁ ଉପରକୁ ଓ ଆହୁରି ଉପରକୁ ।

ମୁଁ ମଧ୍ୟ ପାଠକଙ୍କୁ ସେହିପରି ଏ ‘ରାମ-ରାହା’ର ପ୍ରଥମ ସୋପାନ ତଳେ ଆଣି ପହଞ୍ଚେଇ ଦେଲି । ପାଠକ ସ୍ଵୟଂ ଚଢ଼ନ୍ତୁ, ସ୍ଵୟ ଉପଲକ୍ଷି କରନ୍ତୁ ଏହି ମୌଳିକ କାବ୍ୟରେ ନିହିତ ରସ ମାଧୁରୀ, ସଂଗୀତ ମୂର୍ଚ୍ଛନା ତଥା ଆଧ୍ୟାତ୍ମ ଭାବାବେଶ । ‘ରାମ-ରାହା କାବ୍ୟ ମଧ୍ୟରେ ରାମରାହା ତଥା କବି ହେମଚନ୍ଦ୍ରଙ୍କ ପ୍ରତିଷ୍ଠା ଅଙ୍କିତ ହେଉ ପ୍ରାଣେ ପ୍ରାଣେ । □

ସମ୍ବଲପୁର

୧୦-୭-୯୭

ଗୋବିନ୍ଦ ଚନ୍ଦ୍ର ଉଦ୍‌ଗାତା

# ସୂଚୀ

ବାଲ୍ମୀକି ଆଶ୍ରମନେ ରାମେଶ	୧୫
ସୀତା-ରାମ ସମସ୍ତ ଆର୍ ରାମ ମହେମା	୨୧
ଦିଲୀପ-ରଜାକର ଗୋ ସେବା	୨୭
ରଘୁ ରଜାକର ଯଜ୍ଞଅଶ୍ୱ ରକ୍ଷା	୩୪
ରଘୁରଜା ଆର୍ କୌଶରକ୍ଷି କଥା	୪୧
ଦୁର୍ବାସା ଅମରାଷ୍ଟ୍ର କଥା	୪୮
ସିଗର ରଜା ଆର୍ ଗଙ୍ଗା କଥା	୫୭
ନାରଦ ମୁନିକର କାମ୍ ଜଏ ଆର୍ ମୋହିନୀ କନ୍ୟା କଥା	୬୫
ବାଲ୍ମୀକି ଚରିତ	୭୬
ଦଶରଥ ବିହା	୮୫
ଦଶରଥ ରଜା ହାତେ ରକ୍ଷିପୁତ୍ର ମରବାର	୯୨
ପୁତ୍ରେଷି ଯଜ୍ଞ ଆର୍ ରକ୍ଷିଶୁଙ୍ଗ ମୁନି	୧୦୩
ଦଶରଥ ଶମରାସୁର ଲଢେଇ	୧୧୫
ରାମ ଜନମ୍ ଆର୍ ବିଶ୍ୱାମିତ୍ର ସାଙ୍ଗେ ରାମ ଲକ୍ଷ୍ମଣ ଯିବାର କଥା	୧୧୯
ବିଶ୍ୱାମିତ୍ର ଯଜ୍ଞରକ୍ଷା, ତାଡ଼କା-ମାରାତ-ସୁବାହୁ ବଧ	୧୩୦
ଅହଲ୍ୟା ଉଦ୍ଧାର, ଗଙ୍ଗାପୁାରି, ଧୀବର	୧୩୮
ରାମ ଲକ୍ଷ୍ମଣ ମିଥୁଲା ପୁହୁଟିଲେ	୧୪୮
ସୁୟବର ସଭା କଥା	୧୫୯
ଶିବ ଧନୁ ଭଙ୍ଗ	୧୭୦
ରାମ ସାଙ୍ଗେ ଚାରିଭାଇକର ବିହା ପର୍ଶୁରାମ ଭେଟ୍	୧୭୯
ରାମ ରଜା ହେବାର ପ୍ରସାଦ୍, କୈକେୟୀ-ମନ୍ତ୍ରରା କଥା	୧୮୯
କୈକେୟୀରୁ ବର୍ମଗା	୨୦୦
ରାମ ବନ୍ ଯିବାର ସଜବାଜ୍	୨୦୯
ରାମ ଅଯୋଧ୍ୟା ଛାଡ଼ି ଗଙ୍ଗାକ୍ଷିତି ପୁହୁଟିବାର	୨୨୧
ଚିତ୍ରକୂଟେ ରାମ ଭରତ ମିଳନ୍	୨୩୧
ଚିତ୍ରକୂଟେ ସଭା ଆର୍ ଭରତର ବିନତି	୨୪୩
ରାବଣର କହେ ଶୁକ୍ ସାରଣ ଚିତ୍ରକୂଟନେ	୨୪୯
ସୀତାକର ବାଧଲ୍ ପତ୍ ଦେବାର	୨୫୯
ଶରଭଙ୍ଗ ଆର୍ ସୁତାସ୍ତ୍ର ରକ୍ଷିକର ଭେଟ୍	୨୬୮
ସୂପ୍ତନଖୀର ନାକ୍-କାନ୍-କଟା	୨୭୭
ସୂପ୍ତନଖୀ-ରାବଣ ଆର୍ ରାବଣ-ମାରିଚ୍ କଥା	୨୮୭
ସୀତାଚୋରୀ	୨୯୮
ସୀତା ନୁରବାର ଆର୍ ଜଟାୟୁ ଭେଟ୍	୩୦୮
ଶବରୀର କଥା	୩୧୭

## ପାଠକ-୧

### ବାଲ୍ଲୀକି ଆଶ୍ରମରେ ରାମେଶ

ହେ ରାମ ! ତୋର ଜ୍ୟ ହେଉ ତୋର ନ ଆଉ ଲ୍ୟ  
ଭିଲ୍ଲ ବାନ୍ଧିକରି ଭାଗୁ ଭବ ମନ୍ ରହୁ ମୋର ଅଧ ।

॥୧॥

ସଦ୍‌ଭାବନା ଉଦୟ, ହଉ ଦୁସକ୍ରୁରୁଦ୍ ଯାଉ କ୍ଷୟ  
ନାଇଁ ହ ନିରଦୟ, ଦେଖା ଜଗତ ରାମ ମଧ୍ୟ ।

॥୨॥

ମୋର ଭକ୍ତି କମ୍ ଜହ ତୁଇଁ କରୁଛୁ ତସ୍  
ଦେଖେଇ ତ ନାଇଁ ହସ, ଛାଡ଼ି ଲାଜ୍ ଭବ୍ୟ ।

॥୩॥

ଭକ୍ତି-ଭୃଖା ଅବିନୟ ମୁଇଁ ତୁଇଁ ଶକ୍ତି ମଧ୍ୟ  
ଦେଲା ଟିକ ହେଲା ନ ବ୍ୟ ଦେ ବ୍ରହ୍ମେ ବିନୟ ।

॥୪॥

କାବ୍ ଲେଖିବାର କାୟେଁ ମୁଇଁ ନୁରୁଥୁଲି ନାବକ୍  
ଆଦର କରି ନାରଦ୍ କହେଲେ ରାମ୍ ଏକା ନ ଲାବକ୍ ।

॥୫॥

ରମି ହେସି ଶମି ହେସି ରସ୍ ଅଛେ ତୋର ନାମେ  
ଅମରତ୍ ଝରସି ଗୁମି ପାରଲେଁ ତୋର ସବୁ କାମେ ।

॥୬॥

କେ କହେସି ଆଉ ଅବତାର କିଏ ସବଦ୍ ବ୍ରହ୍ମ  
ଆଇଛୁ ଈ' ମରଦ୍ ତୁଇଁ ଦେଖାବାରକେ ଧର୍ମ ।

॥୭॥

ସତେଁ ତୁଇଁ କା'ଣା ଆଉ ତୁଇଁ କାସନ ଜାନ୍ଦୁ  
ଆମେ ଯେ ଯାହା ବଏଲେଁ କାଁ କରି ହେଲେ ମାନ୍ଦୁ ?

॥୮॥

ଯାହା ବି ହ ମୁଇଁ ତତେ ନେଇଛେଁ ଏକା ଆଦରି  
ସଁପିହଇଛେଁ ନିଜର ଭାବି ରଖୁ ଟିକେ ଆଦରି ।

॥୯॥



ଇନେ ଯଦ୍‌ବି ବଲ୍ ସଂବଲ୍ ଟିକେ କା'ର ନ ହେଲା ଉଦୁମ୍ପାତ ହଇ ପୁରଥା ଘାଏ ଦହଲେଇ ନେଲା ।	॥୧୦॥
ସରବ୍ ସହନୀ ହେଲେଁ ବି ସେ ସହି ନାହିଁ ପାରି ତୁରତି ଶୁଭଲା ଠାନେ ବି ପୁଛୁଟି ଯାଏସି କାନ୍ଦି କାନ୍ଦି ଧରତୀ ।	॥୧୧॥
ଦେ-ଦେବତା ସାଙ୍ଗେ କହେସି ହଇ କେତେ ଗୁଲ୍‌ଗୁଲା “ଆସ ମହାପୁ ! ଦେଖିବ କେନ୍ଦ୍ରା ହେଇଗଲି ନ କୁଲ୍‌କୁଲା ।	॥୧୨॥
ଧରତୀନୁ ବି ଆହୁରି ଟିକେ ହଇ ତୁଇଁ ଦୁଖମନା କହେସୁ ନରକେ ସବୁ ଦେଲେଁ ବି ହଇଥିସି ତନ୍-ମନା ।	॥୧୩॥
ମୁନୁଷ୍ ଭିତରେଁ ମୁଇଁ ଅଛେଁ ସବ୍ ଶକ୍ତି ଧରି ସ୍ଵାର୍ଥ ସାଁକୁର ଭାବନା ତାହିଁ ଗୁରୁତୁ ଦେସି ଭରି ।	॥୧୪॥
ମହାପୁ ସବୁ କରିନେବା ବଲିଁ ହେସି ନିଷଡ଼ ଇ'ଟା ଜାନି ଉଡ଼ପତିଆ ଦଳଟା ହେସନ୍ ଉଷଡ଼ ।	॥୧୫॥
ମତେ ପାଶ୍‌ରି ମହାପୁ ମେତାଲ୍ ମାନ୍‌ଏ ତାର ଦେହକେ ସେ ଆଡ଼କେ ଉଲ୍‌ଦି ନିଏ ଯାହା ଥାଏ ସ୍ଵେହେ କେ ।	॥୧୬॥
ଦିହର ସୁଖେଁ ଉଷଡ଼ ହୁଏ ଦୁଖେଁ ଦୁଖ ଭାରି ତୁନ୍ ତାନ୍ ମୁଇଁ ଶୁଭଥାଏଁ ସାପର ଶେୟ ପାରି ।	॥୧୭॥
ମତେ ଜଗେଇ ଲଗେଇ ପାରଲେଁ ସବୁ ବନ୍‌ଏ କାମେ ଗୁଡ଼େଁ ଗଡ଼େନାହିଁ କିଟା ମନ୍ ଥିଲେଁ ମୋର ନାମେ ।	॥୧୮॥
ତୋର ଭାବନା ଏନ୍ତା ବଲିଁ ଡରଡର ଦିଶୁଛେ ତୋର ବୁତାକେ ମୋର ଚିନ୍ତା ଅନ୍‌ମାନେ ତ ମିଶୁଛେ ।	॥୧୯॥
ହେଁଥିର ଲାଗି ଥାଏଲୁ କାଏଁ ମୁନୁଷ୍ ଦେହଟେ ଧରି ମୁନୁଷ୍ ଜନମ୍ କରମ୍ ମୁନୁଷ୍ ବଲ୍ ବୁଧ୍ ଭରି ।	॥୨୦॥

ମୁନୁଷ୍ୟ ଦିହେଁ ସବୁ କଲୁ ମୁନୁଷ୍ୟ ସାମା ଭିତ୍ତରେଁ  
କେ ଭିତ୍ତକିଲା କେ ତର୍କକିଲା କରୁଁଗଲୁ ତୋର ବଦ୍ଧରେଁ । ॥୨୧॥

ସାଧୁ ସୁତର ମିତର ହେଲେ ଫିତର ହେଲେ ଲବାର  
ସୁନ୍ଦର ତୁଇଁ ସୁନ୍ଦର ରାହା ସୁନ୍ଦର ତୋର କବାର । ॥୨୨॥

ମୁନୁଷ୍ୟ ଦେହେଁ ସମ୍ପଦ୍ ସବ୍ ନର ହେବା ନାରେନ୍  
ଶିଖାବାକେ ଆସଲୁ କାଏଁ ସେ ଟା ଆଏ ରାମେଶ୍ । ॥୨୩॥

ମୋର ମେତାଲୁ ତୋରଟାକେ ଧରାଲୁ ତୋର ସୋର  
କେଡେ ନିରମଲୁ ହୁରୁଦ୍ ତୋର ନୁରଲେଁ ନାଏଁନ କୋର । ॥୨୪॥

‘ନାଇଁ ଶୁନେ’ ନାଇଁ କହେନ୍ତୁ ତାକୁଟାକର ତାକ୍  
ବିନ୍ କାରନର ଦୟାର କାୟେଁ ଯୁହାର ଲାଖ୍ ଲାଖ୍ । ॥୨୫॥

ମାନୀ ଗୁନୀ ବାଲମାକି ମୁନି ରମି ରାମେଶ୍ ଗାଉଛନ୍  
ପାଲିଆ ଧରି ଲବକୃଶ ତାଲେଁ ବାନା ବାଉଛନ୍ । ॥୨୬॥

ସେ ତାଲେଁ ଗାଏଲା ମେତାଲୁ ବୁହେ ତମ୍ପା ନଏଦ୍  
ତାହାରି ଧାରେଁ ମିଶିଁ ଯାଏ ଅମରଦ୍ ଧାର ସଏଦ୍ । ॥୨୭॥

ସେ ସୁରେଁ ନ ପାଏନ୍ ଭିତ୍ତରେଁ ଝୁରି ଯାଆନ୍ ପହଁରି  
ରାମ୍ ଅଙ୍ଗର ରଙ୍ଗେଁ ରସି ଗଛ୍ ଆସନ୍ ଲହରିଁ । ॥୨୮॥

ଗୀତର ରସେଁ ଶାର ରସିଆ ଗଛ ପତର ପୁଲକୁଛନ୍  
ଗଛ ଅଗିର ଗୁଡା ଭିତରୁଁ କଡ଼ ବାହାରି ପୁଲକୁଛନ୍ । ॥୨୯॥

ଧୁକା ମୁହେଁ ଝୁପା ଝୁପା ପୁଲୁ ପୁଟି ଝୁଲୁଛନ୍  
କଅଁଲି ଖରା ଗରାଖ୍ ଦେଖ୍ ଏ’ଦେ ଉଦ୍‌ନା ଖୁଲୁଛନ୍ । ॥୩୦॥

ପୁଲେଁ ବସି ପରକାପତି ପୁଲର ମନ୍ ମଜଉଛେ  
ଆନିର ବାନିର ରଙ୍ଗେଁ ଦିହକେ ମାଏନ୍ ମନ୍‌ସା ସଜଉଛେ । ॥୩୧॥

କଳା ଭମର ଦେଖାସି ନିଜର ଗଳାର କରାମତି  
ମହୁମାଛି କହେସି କିଛି କେନ୍ଦ୍ର ଫୁଲର ଛାତି ।

॥୩୨॥

ସମ୍ବଳର ଗୀତ ଯମକ ଧରି କେତେ ମଧୁର ଲାଗେ  
ରକ୍ଷିତ ରାମେନ୍ଦ୍ର ଗୀତକେ ସର୍ଥେ ସରାଗ-ରାଗେଁ ପାଗେ ।

॥୩୩॥

ନବନ୍ଦ୍ର ଖଣ୍ଡ ଥିଁ ଗଛ ଖୁଣ୍ଟ ଘଟାଘଟ ଲାଗିଛନ୍ତି  
କିଏ ତେଜ୍ଜ ତ କିଏ ବାଜାର ଯିଏ ଯାହା ମାଗିଛନ୍ତି ।

॥୩୪॥

ତାକର ତଳେ ଫସଲିଁ ଯାଏ ସୁରୁତ ଶୀତଲ ଛଏରା  
ସରଗୁଁ ଉଡ଼ି ଶାନ୍ତି ଚରଣୀ ଥାକସିମାରି ଅହେରା ।

॥୩୫॥

ଫାଁକ ଦେଖୁ ଖରା-ଆଖୁଁ ଘାଏ ଘାଏ ତୁଙ୍ଗୁଛେ  
ଉଖୁ ନୁରି ଉକିଆ-ଗୁରୀ ଗଛ ତଳତଳ ରଙ୍ଗୁଛେ ।

॥୩୬॥

ସୁରୁ ସୁରୁ କୁରିଆ ଦିଶେ କୁଣ୍ଡ କାଏଶର ଛାଆନି  
ସାନ ହେଲେ ବି ମାନ୍ ମହତେଁ ମନ୍ ଘିନା ଚାହାନି ।

॥୩୭॥

ଆଗେଁ ଆଗେଁ ତୁଲସୀ-ଚର୍ଥରା, ପାଗେଁ ଫୁଲଗଛ  
ଖୁଏଲକେ ଲାଗି କୁରିଆମାନେ ଠିଆଡ଼ ଆଗପଛ ।

॥୩୮॥

ବର ପିପଲ ଅର୍ଥଲା ଅଶୋକ ଲିମ୍ ହୁଏତା ବେଲ  
ଗଛ ଝୁଣ୍ଡୁ ତଳେ ବେଦୀ ଯାଇଛେ ଲମ୍ବତେଲ ।

॥୩୯॥

ଚାଏର ଖୁଟିଆ ବେଦୀର ମଝିଁ ହୁମ୍ କୁଣ୍ଡେ କୁହୁଲୁଛେ  
ଉନିଆଁ ଠାନେ ନାଇଁ ତାହିଁ ଯେନ୍ କହର ବିହିଲୁଛେ ।

॥୪୦॥

ହୁମ୍ କୁଡ଼ର କୁହୁଲା ମାଖୁ ଗଛ ଦିଶନ୍ ଧୁଙ୍ଗିଆ  
ଆକାଶଚାରୀ କୁହାକୁହି କେତେ ସୁନ୍ଦର ତୁଙ୍ଗିଆ ।

॥୪୧॥

କାହିଁ ଶୁଭଛନ୍ ହେଷ୍ଟା ହୁଦା କେନ୍ଦ୍ର ଚିଥଲ ଛୁଆ  
କାପଲି କରନ୍ କାନ୍ଦକେ ଠିଆ କରି ତୁଆକେ ତୁଆ ।

॥୪୨॥

ଦିହ୍ ଆଗ୍ରେକେ ପଛକେ କରି ସମର୍ ଠିଆଡ଼େ ଠିଆଡ଼  
 ଲେଁକ୍ରେକେ ନଚେଇ ଆସିବୁ ଉଚ୍ଚେଇ ଦେଖେ ଇଆଡ଼ ସେଆଡ଼ । ॥୪୩॥

ପାଶର ଗଛେଁ ଦିହ୍ କେ ରେତି ହୁଏ ଘାଏ ଘାଏ ଖୁଜେଇ  
 ଖଲିଆ ମାଟିଁ ସିଙ୍ଗକେ ବୁଧୁଁ ଦଉଛେ ଥରେ ପକେଇ । ॥୪୪॥

ବେଦୀ ଲାଗନ୍ତୁ ବାଘ ଛୁଆଟେ ଦିହ୍ କେ ଲମେଇ ଶୁଭକ୍ଷେ  
 ଗଛ ଉଡାଲୁଁ ମା' ମାଇଟା ନଜରଟେ ତେହିଁ ଥୁଇଛେ । ॥୪୫॥

ମାତିଥୁବାର ହାତୀ ପଟେ ଝୁଲିଁ ଆଉଛେ ଉଦରି  
 କେନ୍ ଦରହାନେ ପଡ଼ିଥିଲା ପାଏନ୍ ପଡୁଛେ ନିଥିରି । ॥୪୬॥

ଆଗର ଦୁହିଁ ଗୋଡ଼କେ ଲମେଇ ବେଦୀ ପାଶେଁ ଶୁଭଲୀ  
 ମୁରୁଖାମି କାସଁ ଜାନ୍ଲୀ ମେତାଲ୍ ମୁଡ଼କେ ଗାଡ଼ି ଲୁହିଲୀ । ॥୪୭॥

ରାମେନ୍ ସୁରେଁ ରାମ୍ ରାମ୍ ପଡ଼ନ୍ ରୁପ ଗୁହୁଡ଼ା  
 କେ ବସିଛେ ଡାଲେଁ କିଏ ଦିଏ ଖଣ୍ ଉଡ଼ା । ॥୪୮॥

କେଁ କାଁ ସୁରେଁ ମୟୁର ବେଦୀ ପାଶେଁ ଚହଲୁଛନ୍  
 ଚ଼ପା ଚରେ ଗଛ ଉପରେଁ ଅ଼ପରା ଚିପରା କହଲୁଛନ୍ । ॥୪୯॥

ଚିତେର୍ ଡାହୁକ୍ ଅଏନ୍କା ଢେଁଟି କୁଇଲି କୁମହାଟିଆ  
 ନିଜର୍ ସୁରେଁ ଗୀଡ଼ ଗାଉଛନ୍ ଗୁଁରୁ ଗୁଲିହା ଚିହା । ॥୫୦॥

ରାମ୍ ଦିହ୍ ବରନ୍ ମାଖୁଁ ଠିନ୍ ଠିନ୍ ଆର୍ ହରଲ  
 ବାଟ ପାଶେଁ ନାଟ୍ କଲା, ଲେଖେଁ ଥାଆନ୍ ଦଲ୍ ଦଲ୍ । ॥୫୧॥

ଶିଖ୍ ମରମର୍ ଦେହେ ମୁହେଁ ଧୋବ୍ ଫର୍ ଫର୍ ଡାଡ଼ି  
 ବରଫ୍ ରଙ୍ଗର୍ ମୁରିଆଁ ଜଟା ମୁଡେଁ ଯାଇଛେ ମାଡ଼ି । ॥୫୨॥

ସମର୍ ଛାଲେଁ ବସି ରଷି ରାମେନ୍ ରସେଁ ଶମିଛନ୍  
 ଲବକୁଶ ଚେଲା ପିଲା ରୁଣ୍ ପୁଣ୍ ହଇ ଜମିଛନ୍ । ॥୫୩॥

ଭାବ୍ ସମ୍ବନ୍ଧରେ ବୁଝି ଉପକି ରୁଆଁ ଉଠେ ଟାଁକିରି  
ମନ୍-ଭୁଇଁନେ ରାମ୍ ଭାବ୍‌ନାର୍ ଗଛ ଆସେ ଆଁକିରି ।      ॥୫୪॥

ମଉନ୍ ମୁନି ଘାଏକେଁ ଛନ୍‌କେଁ ଆଁଖୁର ପାଏନ୍ ପୁଛୁଛନ୍  
ଡାଡି ମେଛା ସୁଆଁଲି ସୁଆଁଲି ହିରଲା ଜଟା ଖୁଚୁଛନ୍ ।      ॥୫୫॥

ହାଡ୍ ଯୁଡିକରି କୁଶ ମୁନିର୍ ପାହାନ୍‌ନେ ଥୁଇଁ ମଥା  
କହେଲା “ବାବା ! ଆଦେଶ୍ ହେଲେଁ କହେଡିଁ ପଦେ କଥା ।      ॥୫୬॥

“କା’ଣା ଆଏ ଯେ କହ ବେଟା ! କେନ କରସିଁ ମନା  
କେନ୍ କଥା ଥିଁ କେଭେଁ ତମର୍ ହେଲିନ ଦୁଖ୍ ମନା ?”      ॥୫୭॥

କହେଲା କୁଶ “ପହେଲା ବାବା ! ରାମ୍ ଗୁନ୍ ସହରେଇ  
ବନ୍‌ଏ ପଦ୍‌ଦୁ ଗାଏଲ ସମକର୍ ମନ୍ ମାନ୍ ଲହରେଇ ।      ॥୫୮॥

ପଦେ ଅଖରେ କାହିଁ କେନ୍ତା ନାଇଁ କହେଲ ‘ସୀତା’  
ମିଠା ହେଲେଁ ବି ରାମର୍ ନାମ୍ ସୀତାର୍ ବିନେ ଶିଠା” ।      ॥୫୯॥

ବାଲ୍‌ମାକି ମୁନି ଆବ୍‌ରି ଆନି କୋଡ୍ କରି ଧଏଲେ  
ଗଦ୍ ଗଦ୍ ହଇଁ ମୁଡ୍ ସୁଆଁଲି କଅଁଲ୍ କଥେଁ କହେଲେ ।      ॥୬୦॥

ଦେଖ୍‌ଲେଁ ସିନା ଛୁଆ ଦିଶୁ ଶଏ ଯୁଗର୍ ବୁଢ଼ାଟେ  
ଗିଆନ୍ ରସର୍ ସମୁଦର୍‌ଟେ ଦିଶୁ ସିନେ ବୁଢ଼ାଟେ ।      ॥୬୧॥

ବନ୍‌ଏ ଗହେରର୍ କଥା ଗୁଟେ ଦେଲୁ ବେଟା ! ପଦ୍‌ରେଇ  
କଥାର୍ ଧାର୍ ସୁଧାର୍ ଭାବେଁ ବସି ଦେଖ୍‌ମା ଇର୍‌ରେଇ ।      ॥୬୨॥

ହାଡ୍ ଗୋଡ୍ କରି ଛାଟ୍‌ପାଟ୍ ଆବ୍‌ମନ୍ କରି ଆସ  
ଏକ୍‌ମନ୍ ଏକ୍‌ଟିଡ୍ ହଇଁ ଗୁଟେ ଆସନେ ବସ ।      ॥୬୩॥



## ପାଞ୍ଚ-୨

### ସୀତା-ରାମ ସମନ୍ତ ଆର୍ ରାମ ମହେମା

ମନର ମୁନୁଷ୍ଠ ତାକେ ରାମ ! ଆସ ନି ଯେ ଘାଏ  
ସାଙ୍ଗେ ନେଇ ସୀତା ସତୀ ଯାଉରୁ ତିନୁହି ଭାଏ । ॥୧॥

ଦଶିରଥନୁ ଗୁଟେ ବି ରଥ ନାହିଁ ଆସତେଁ ମୋର  
କେନ ଧରା ଦେବ ରାମ ! କାହିଁ କରବ ସୋର ? ॥୨॥

କୁଶଲ କରି କବାରୁ କର୍ବାରୁ ସାଧୁ ନାହିଁ ଯୋର  
କଉଶଲ୍ୟା ହଇଁ ଗର୍ଭେ ଧରବାରୁ ଭାଏଗେଁ କାହିଁ ଭୋର ? ॥୩॥

ମନ୍ ଭିତରେଁ ଭାବନା-ଭିଲିଁ ଲଡ଼ା ଯୁଝା ଲାଗିଛେ  
ଗୁଲିହା ମୋର ମନ୍-ଜଳାକା ଅଯୋଧ୍ୟା ହେବାରୁ ଲାଗିଛେ । ॥୪॥

ରମି ହେବାରୁ ଥିତି ଥିଁ ତ ନାହିଁ ରହେବାରୁ ଘଡ଼େ  
'ମରା' ହଉଛେ 'ରାମ'ର ନାମ୍ ଜିତେଁ ଯଦୁରି ପଡ଼େ । ॥୫॥

ମନ୍ ଭିତରେଁ ଦୁଖରୁ ଘରା ଖାଲି ହାଏ ହାଏ  
କେତେଇ ସେନେ ପଡ଼ିବା ତୋରୁ ଆନନ୍ଦମଏ ଛାଏ । ॥୬॥

ବାରଣ୍ ନାହିଁ କି କାରଣ୍ ନାହିଁ ତୋରୁ ଦୟାରୁ ଲାଗି  
ଯେ'ନେ ଚାହେଁସୁ ଉଲ୍ଲସି ନେସୁ ନାହିଁ ଜାନଲେଁ ବି ମାଗି । ॥୭॥

ଆସିଁ ଉବରେଇ ନାହିଁ ହୁଏ ଅଜ୍ଞାନ-ଅନ୍ଧାରୁ ଢାପିଛେ  
ବାହାରୁ ଭିତରୁ ଯାହିଁ ଦେଖେଁ ଲ ମୁହ ସେ ମୁହ ଖେପିଛେ । ॥୮॥

ମୁଇଁ ସିନେ ମୁନୁଷ୍ଠ ତୁଇଁ ତ ଗିଆନ୍ ଉକୁ ଠାନ୍  
ଆଶ୍ କରିଛେଁ ପାଏମି ବଲି ତତେ ପାଏବାରୁ ଗିଆନ୍ । ॥୯॥

ଜୟ ରାମ୍ ଜୟ ସୀତାରାମ୍ ହେ ବଜ୍ରଦେହୀ-ପତି ! ଦେହ-ରାଇଜର ରାଜା ତୁଇଁ ସାରା ଜଗତର ଗତି ।	॥୧୦॥
ମୁନିର ଭଜନ୍ ଶୁନି ଆଶ୍ରମ ପରି ଯାଇଛେ ଡବଧି ନାହିଁ ଶୁଭେ ବି ଚେରେ ମାନକର କଟିର ମିଡ଼ିର ଶବଦ୍ ।	॥୧୧॥
ଶବଦ୍ ନାହିଁ କରି ପବନ୍ ହୁରୁ ହୁରିଆ ବୁହୁଛେ ଗଛର ଜଗତ୍ ମୁଖ୍ ହଲାଇ ଭଜନ୍-ରସକେ ପିଉଛେ ।	॥୧୨॥
ସୁରୁୟ-ଦେବତା ସେ ରସ୍ ନୁ ଭାବଲ୍ ଯିବା ବୁକି ପୁରୁଣୋଲ୍ ନୁରି ଖରାର ଜିଭେଁ ଦେଖୁଛେ କାଏଁ ବୁକି ।	॥୧୩॥
ବେଦୀ ପାଶେଁ ସେ ରସେଁ ହରିନ୍ ଛୁଆ ଉତ୍କୁଛନ୍ ଉତ୍ତମନା ହଇ ଝୁରିମାନେ ତମ୍ବା ପାନି ପଦ୍ମକୁଛନ୍ ।	॥୧୪॥
ମୁନି କହୁଛନ୍, “ଶୁନିଥିଲ ତ କୁଶ ପଡ଼ରେଇ ଥିଲା ସୀତାର ନାମ୍ ବିନେ ରାମ୍ ତୁଷ୍ଟି ଥିଲା ଜିଲା ।	॥୧୫॥
ସହଜ୍ କଥା ନୁହେ ସେଟା ରାମ୍ କଥାର୍ ସାର୍ ନାହିଁ ଜାନଲେଁ ବୁରଥା ସବୁ ଡେଡ଼କେଁ ରାମେନ୍ ଖାର୍ ।	॥୧୬॥
ସେ ତତୁକେ ହେତୁ କରମା ବନ୍ଦ୍ୟ କରି ଶୁନ୍ଥ ଶୁନ୍ଲେ ଖାଲି ନାହିଁ ହସ୍ ଯେଡ଼କି ପାରବ୍ ଗୁନ୍ଥ ।	॥୧୭॥
ରାମ୍ ଯାହିଁ ସୀତା ତାହିଁ, ସୀତା ନାହିଁ ଥାଇ ରାମ୍ ସରବ୍ ବ୍ୟାପୀ ଥିବା କାହିଁ ଅଛେ ହେନ୍ତା ଠାନ୍ ?	॥୧୮॥
ପୁରୁଷ୍ ରୂପେଁ ରାମ୍ ଥିଲେଁ ନାରୀରୁ ରୂପେଁ ସୀତା ମାଆଁ ମୂରତି ସୀତା ହେଲେଁ ରାମ୍, ମୂରତି ପିତା ।	॥୧୯॥
ସୀତା ନାହିଁ ଥାଇ ରାମ୍ ଭାବ୍ ନାହିଁ ଭାଷା ଉକିଆ ନାହିଁ ସୁରୁୟ ଦେଖିବା ମୁରୁଖ୍ ମନର୍ ଆଶା ।	॥୨୦॥

ଜନ୍ ନାହିଁ ଜନକ୍ ରାଧକ୍ କେଉଁ କାହିଁ ହେଲାନ ?  
ପରାନ୍ ନାହିଁ ପରାନାଟେ କାହିଁ କେ ପାଏଲାନ ?

॥୨୧॥

ଅଲଗାବାର୍ ତେରେଷ୍ଟା କଲେଁ ରାମ୍ ଠାନ୍ ସୀତାକେ  
କାଣା ହେସି କିଏ କହେବା ହେଡ଼େ ଗହନ୍ କଥାକେ ।”

॥୨୨॥

ଏଡ଼କି କହି ମୁନି ବାବା ଆଏଁଖ୍ ମୁଜି ଥେବ୍ଲେ  
ନାହିଁ କହନ୍ ନ ଆଉର୍ କାଏଁ ଲବ୍ କୁଶ୍ ଭାବଲେ ।

॥୨୩॥

ମାଥ୍ ଲୁହାଇ ହାଡ଼ କେ ଯୁରି ସୁତର୍ ସରଲ୍ ପଦେଁ  
ଥାବେଁ ରଖ୍ ମନ୍କେ କହେଲେ ଭାବର୍ ଗଦ୍ଗଦେଁ ।

॥୨୪॥

“ବକ୍ ଯୁଡ଼ିନ୍ ପଟେ ଯଦ୍ରି ଶବର୍ ଶରେଁ ମଲେଁ  
ତୁମେ ସେ ଅ’ ଭାସି ଯାଏସ ଘାଏକେଁ ଆଖ୍ ଜଲେଁ ।

॥୨୫॥

ତୁମର୍ ହୁରଦେଁ କରୁଣ୍ ରସ୍ ବାଁଧ୍ ନେଇଛେ ବସା  
ସବୁ ରସର୍ ସବୁ କାଲେଁ କରୁଣ୍ ରସେଁ ଭର୍ସା ।

॥୨୬॥

ତତୁ କଥା ସମ୍ବକର୍ ଲାଗି ସବୁଦିନେ ନୀରସ୍ ଆଏ  
ରସର୍ ସାଗର୍ ସେ କଥାକେ ରସେଁ ସାନି ନିଅ ଘାଏ ।

॥୨୭॥

ଧୁଆନ୍ ତମର୍ ଧନ୍ ତମେ ଗିଆନ୍-ରାଏଜର୍ ରାଜା  
ଶୁଖା ତତୁ, ଭୁଖାନ୍ ଲାଗି କରି ପାରବ୍ ଖଜା ।”

॥୨୮॥

କହି ଡ଼ଢା ଶାଲ୍ ହଇ ମୁନିର୍ ପାହେଁ ପଡ଼୍ଲେ  
ବାକି ଯାହା ଥ୍ଲେ ଯାଇ ସେ ଗୋଡ଼ତଲେଁ ଗଡ଼୍ଲେ ।

॥୨୯॥

“କହ କହ” ଗୁରୁ ! ବଲି ଜହ ଜହ କହୁଛନ୍  
ଏତେ ଆଗ୍ରହ୍ ଦେଖ୍ ମୁନି ନାହିଁ କହି କାଏଁ ରହୁଛନ୍ ।

॥୩୦॥

ଝୁକେର୍ ରାତି ମେଘକେ ଦେଖ୍ ପି’ଛଲ୍ ଛଲ୍ ଚରେ  
ଯେତାହେସି ପାଏବାର୍କେ ବର୍ଷିଲା ପାଏନ୍ ଧାରେ ।

॥୩୧॥



- ସେନ୍ଧାକି ତାହୁଁ ଅଧଧକା ଶୁନ୍ଦବେ ହ'ନ୍ ଆତୁର  
ଏଦେ କହେବେ ସେ' ଦେ କହେବେ ଆଣେଁ ଭାଜୁର କୁହୁର ।    ॥୩୨॥
- ରାମର ବାଟ୍ ଛାଟ୍ ନୁହେ ଚଢ଼େନ୍ ଉତ୍ତରେନ୍ କିନ୍ଦରା  
ରକ୍ଷି କହୁଛନ୍ ପୁହୁଁଚି ନୁହେ ହେଲେଁ ଜହ ତନ୍ଦରା ।    ॥୩୩॥
- ଶାନ୍ତ ସୁଧାର ସୁତର ଭାବେଁ ଶୁନ୍ଦବ ରାମର କଥା  
ଇ ଆଡ଼ ସେ ଆଡ଼ ଘିରବ ଯଦ୍ଦରି ଜଳଦି ହେବ ଅଥା ।    ॥୩୪॥
- ପାଖେ କହେଲେଁ ବୁଝବ ପାଖେ ମନ୍ ନାଲୁଥିଲେ ଅଧ  
ରାମ ହେବା କି ରାଜଶ୍ ହେବା ନାଲୁଁ କରି ହୁଏ ତଧ ।    ॥୩୫॥
- ତମସା ନଦୀର ଖଏଶ୍ ଠାନ୍ ସର୍ଯ୍ୟୁ ନଦୀର ଖଏଶ୍ କେ  
ଯିମା ଚାଲ ଛାଡ଼ି ଇନେ ନିଜର ନିଜର ଖଏଶ୍ କେ ।    ॥୩୬॥
- ଗଏଶ୍ ନାଲୁଁ ଥିଲେଁ ଖଏଶ୍ ଖାଏବା ଭୋକ୍ ଶୋଷ୍  
ଆଦମା ସାଜେ ଆନନ୍ ଥିବା ଛାଡ଼ି ରାଗ୍ ରୋଷ୍ ।    ॥୩୭॥
- ସେ' ନେ ଗୁଟେ ରାଏକ୍ ଅଛେ ନାଆଁ ଅଧଧ ପୁର  
ବଜକୁଠ୍ ସାଜେଁ ଯୁଲେଇ ଦେଖିଲେଁ ନୁହେ ଜହ ଧୁର ।    ॥୩୮॥
- ସରଗ୍ ସେନ୍ଦକେ ସରଲି ଆଇଛେ ଦେବତା ଆ'ନ୍ ଲୋକ୍  
ମରଦ୍ ଭୁଇଁଥିଁ ଦେଖିମା ଚାଲ ସାଏଖାଦ୍ ଗୋଲୋକ୍ ।    ॥୩୯॥
- ଦୟା ଖେମା ଶାନ୍ତି ନେଇ ରାଜ୍ କରେ ସତ୍  
ମିଛ୍ ସେନେ ତୁଛ୍ ଭାବେଁ ଲହତର ଦହସତ୍ ।    ॥୪୦॥
- ପକ୍ଷେ ବୁନ୍ଦଲେଁ ଅଶେଷ୍ ଫଲ୍ ମାଏଟ୍ କେଡେ ସରସ୍  
ପୁରଥା ଦେସି ଅସରା ଶଏସ୍, ଗାଏ ଗୁରୁଦୁ ଗୁରୁସ୍ ।    ॥୪୧॥
- ନିଜର କାମେ ସଭେ ତତ୍ପର ବରଗା ନାଲୁଁ ଲାଗେ  
ରୁଗ୍‌ହା ଭୁଖା ଦୁଖା ନାଲୁଁ ଭିଖ୍ କିହେ ନାଲୁଁ ମାଗେ ।    ॥୪୨॥

ଆଦ୍ରି ଆଦ୍ରି ନିଜର କରମ୍ ଧରମ୍ ଲେଖେଁ ଧରି ନୀତି ନିଏର ବାଟେଁ ଚାଲନ୍ କାହାକେ ନାହିଁ ତୁରି ।	॥୪୩॥
ରଜା ପରଜାର୍ ସାଙ୍ଗେଁ ବାପ୍ ପୁଓ ମେତାଲ୍ ନାତା ନେବାର୍ ଲୋକ୍ ନୁରା ଲାଗସି ରାଏଜ୍ ଯାକର୍ ଦାତା ।	॥୪୪॥
ଯେନ୍ ରତୁନେ ଯେ'ନ ଯେନ୍ତା ହେବାର୍ କଥା ହେସି ଦକାର୍ ଦେଖ୍ ବର୍ଷା ହେସି କମ୍ ନାହିଁ କି ବେଶା ।	॥୪୫॥
ସାନ୍ ସାନ୍ ଛୁଆ ମାନ୍କର୍ ସିଆନ୍ ମେତାନ୍ ବୁଦ୍ଧି ଘର୍ ଦୁଆର୍ କଲା ଲୁକର୍ ତପାର୍ ଲେଖେଁ ଶୁଦ୍ଧି ।	॥୪୬॥
ମନ୍ ଭାବ୍ନା ଦୁନ୍ ଭାବ୍ନା, ଭାବ୍ନା ଲଡ଼େଇ ଝରଡ଼ା ରାମ୍ ନାମର୍ ବାଉଁନିନେ ବନ୍ଦୁକାନ୍ ଜାନି ଜଗଡ଼ା ।	॥୪୭॥
ବଧ୍ ନାହିଁ ଅବଧ୍, ଅଯୋଧ୍ଆ ଯୁଧ୍ ନାହିଁ କେତେ ଦିନ୍ ନାଁ ତାକ୍ ଯେ କେ ଜାନ୍ବା କାହିଁ ?''	॥୪୮॥
ହାଡ଼କେ ଯୁଡ଼ି କହେଲା ଲବ ମାଏନ୍ତା ରକ୍ଷି ବାବା ତୁମର୍ ଈ କଥା ପଦକ୍ ସମକ୍ତ କଲା କାବା ।	॥୪୯॥
ଯେନ୍ ସମିୟାର୍ କଥା କହୁଛ ନାହିଁ ଜନ୍ମି ରାମ୍ ଲୋକର୍ ନିକେ କେନ୍ତା ଆଏଲା ତାକର୍ ସୁନ୍ଦର ନାମ୍ ।	॥୫୦॥
ମୋର ବାଗିର୍ ଅବୋଧ୍ ଟାକର୍ ଦୋଷ୍ କରି ମାପ୍ ବନ୍ଦ୍ ହେତା ଛନ୍ଦ୍ ମେତାଲ୍ ସଂଶେ କଲେଁ ସାପ୍ ।	॥୫୧॥
କଥା ଶୁନି କହେଲେ ମୁନି ନୁହେ ଈଟା ଦୋଷ୍ ଗୁନ୍ ଆଏ ବୁଆ ! ଉଷ୍ଟ ଲାଗଲା ନୁହେ ରୋଷ୍ ।	॥୫୨॥
ରାମ୍ ନାମଟା ଗୁଟେ ସମିଆ ଗୁଟେ ଦେଶ୍ବର ନୁହେ ସବୁ ସମିଆର୍ ଆଏ କେଉଁ କାହିଁ ନାହିଁ କୁହେ ।	॥୫୩॥

ରାମ୍ ପଦ୍ମ ଟା ଧନ୍ ସବୁ ଯୁଗେଁ ସଦ୍ ଆଏ  
ଦୁନିଆଁ ଦରିଆ ପାରଲାଗି ସମ୍ବନ୍ଧ କାୟେଁ ରଥ୍ ଆଏ ।      ॥୪୪॥

ପଲେଁ ହେବାର ଚକ୍ ଅଛେ ସୁରୁଷ୍ଟି ହେଲା ଦିନୁ  
ସର୍ଜନା କାହିଁ ଠହରି ରହେବା ରାମ୍ ନାମ୍ବର ବିନୁ ।      ॥୪୫॥

ଅକଲ୍ମନା କେନ୍ କାଳୁଁ କେତେ ଯୁଗୀ ମୁନି ରମି  
ସେ ନାଆନେ ହଜି ଯାଇଛନ୍ ଅନନ୍ଦ ମନେ ଗମି ।      ॥୪୬॥

ଆନନ୍ଦମୟ ଥୁଡି ଆଏ ପାଏଲା ଲୁକ୍କୁଁ ରାମ୍  
ଅଛେ ସବୁ ଦିନେ ଦେତନ୍ ଚଢ଼ି ତାର୍ ଧାମ୍ ।      ॥୪୭॥

ରାମ୍ ପଦ୍ମଟା ସଂପଦ୍ ଆଏ ପରମ୍ ବନ୍ଧୁ-ରୁପ୍  
ଏଡକି ଶୁନି ଲବର୍ ସାଙ୍ଗେଁ ସଭେ ହେଲେ ରୁପ୍ ।      ॥୪୮॥

ଉଷଡ୍ ହଜିଁ ଲବ କହେଲା ମୁଡି ଦୁଇ ହାଡ୍  
ସେ'ନ୍ ସେଆଡ୍ କହ ବାବା ! ଧରେ କଥାର୍ ମାଡ୍ ।      ॥୪୯॥

ମୁନି କହେଲେ ଶୁନି ବସ୍ଲେଁ ଥରକେଁ କେ'ନ ସର୍ବବା ?  
କଥା ଠାନ୍କେଁ କିନ୍ତୁଥ୍ବା ଦିନ୍ ଖାଲି ଗର୍ବବା ।      ॥୫୦॥

ରାମ୍ବର କଥା ରସର୍ କଥା ନୁହେଁ ବଶର୍ କଥା  
ସେ ଚାହେଁଲେ ବୁଝର୍ ଘାଏକେଁ ନେହେଲେଁ ହେବ ଅଥା ।      ॥୫୧॥

ବେଲ୍ ଆଏଲା ମୁଡ୍ ଉପରକେ ସଂଧୁଆର୍ ସମିଆ ହେଲା  
ସବୁ ସାରି ଆସ୍ଲେଁ ବସ୍ମା ଫେର୍ ଉପର୍ ବେଲା ।      ॥୫୨॥

ପୂଜା ସାରି ଆଲୁଡି ସର୍ଲା ସଭେ ମୁଡିଆମାରି  
ଜନ୍ଜନ୍ କରି ସଭେ ଗଲେ ମନେ ଆନନ୍ଦ ଅସୁମାରି ।      ॥୫୩॥





କେତେ ସୁରୁତ ମଧୁର ଲାଗଲା ମିଶି ସବୁ ଓଁକାର  
 ଲେହେଁଟା ସୁରେଁ ତହଟି ଗଲା ମନ୍ଦମତା ସେ ଝଙ୍କାର । ॥୧୦॥

ଗଛପତର ତମ୍ବା ନଏଦ୍ ପାଲିଆ ଧଏଲା ମେତାଲ  
 ଲାଗଲା ସେଥୁଁ ଘୁମରି ଗଲା ଆକାଶ ପୂର୍ଥା ପାତାଲ । ॥୧୧॥

ରାମର ଜଏ ଗାଇ ମୁନି ମୂଲ୍ କରଲେ କଥା  
 ଅଯୋଧ୍ୟାର ଗୁନ୍ ଗାଏଲେଁ କାହିଁ ଲାଗିବା ଅଥା । ॥୧୨॥

ଆଖିଁ ଛଲକେ ପାନି ଭକ୍ତି ସରସର ହଇ ସାନି  
 ମୁନି ଘାଏ ଘାଏ ପୁଛି ନିଅନ୍ ପାତଲ ବଲକଲ୍ କାନି । ॥୧୩॥

ଦୁର୍ଗୁନ୍ ଦୁସକୃତ୍ ସବ୍ କେତେଦିନୁ ପଛେଇ  
 ସବୁ ବନ୍ଦ୍ୟ ଥୁଟି ଆସି ହଇ ଯାଇଛନ୍ ବିଛେଇ । ॥୧୪॥

ଈ ସବୁ ବଛରେ ଅଧକେଁ କେନ ପାରିଛେ ହଇ  
 ବନ୍ଦ୍ୟ ବନ୍ଦ୍ୟ ରଜାମାନେ ଥୁଟି ଆନିଛନ୍ ବନେଇ । ॥୧୫॥

କେତେ ରଜାର କେତେ ତିଆର କେତେ ମେହେନତ୍ ଲାଗେ  
 ସତ୍ତାବନା ବନା ନୁହିଁ ସତ୍ତକାର ପାଇ ଜାଗେ । ॥୧୬॥

ଶୁଆ ସାରା କଥା ଛାଡ଼ କୁଆ ଡାକେ ରାମ୍  
 ରାମର ନାମେ ମାକର ନାଚେ ଏନ୍ତା ଅବଧ୍ ଧାମ୍ । ॥୧୭॥

ପରଜା ପାଲବାର ସୁରେଁ ନିଜର କାମ୍ନା ନେଇ କାମ୍  
 ପୁରା କରବେ ବଲିଁ ଦିଲାପ୍ ରଜା ଦୟାର ଧାମ୍ । ॥୧୮॥

ଗୁରୁ ବଶିଷ୍ଠ ରଷି ସବୁ ସିଧ୍ ଯାହାର ବଶେଁ  
 କହେଲେ ଆଦର୍ଶ ପୁଠିଟେ ଗୁରୁ ! ହେତା ମୋର ବଅଁଶେଁ । ॥୧୯॥

ଗୁରୁ କହେଲେ କାମ୍ନା ପୁରାଏ କାମ୍ ଧେନୁର ସେବା  
 ସୁରଭିର ଝି ନଦିନୀ ଅଛେ ହେନ୍ତା ପୁଠି ସେ ଦେବା । ॥୨୦॥

ଜନମ୍ କଳା ମାଁରୁ ସାଙ୍ଗେ ପୁଅ ଆରୁ ଗାଏ ମାନୁ ନାଉଁ ମାନୁ ମୁନୁଷ୍ଟ , ସମାନ୍ ନିମାନ୍ ଆଏ ।	॥୨୧॥
ଗୁଟେ ରୁମେ କୁଟେ ଦେବତାର ଗାଏରୁ ଦିହେଁ ବାସ୍ ଗାଏ ସେବାରୁ ଦେବାରୁ ଫଲ୍ କରୁ ନୁହେ ପରକାଶ୍ ।	॥୨୨॥
କେନ୍ ଧନ୍ ଈ ପୁଅଁନେ ନୀଲ୍ ଆକାଶରୁ ତଲେଁ ନାଉଁ ମିଲ୍ବା ବନ୍ଦ୍ୟ ମନେ ଗାଏରୁ ସେବା କଲେଁ ।	॥୨୩॥
ଗୋରୁ ଚରା ଥିଲା ସେତେଁ ସବୁ ପରଜାରୁ ପେଶା ପରଜାରୁ ପେଶା ରଜାରୁ ମାଏନ୍ଦତା ଥାଏ ହରୁମେଷା ।	॥୨୪॥
ସେଥିରୁ କାୟେଁ ରାଜ୍ ସୁଖ୍ ସଂଭୋଗ୍ କେ ନୈ ପଡ଼ରେଇ ରାଜା ସାଙ୍ଗେ ରାନୀ ଲାଗଲେ ନଦିନୀ କେ ଚରେଇ ।	॥୨୫॥
କଅଁଲି ଘାଁସରୁ ସୁରେଁ ସୁରେଁ ନଦିନୀ ଦିନ୍ଦ୍ୟ ଯାଉଛନ୍ ପଛେଁ ପଛେଁ ଧନୁଶରୁ ଧରି ଦିଲୀପ୍ ରଜା ଧାଉଁଛନ୍ ।	॥୨୬॥
ପାହାଡ଼୍ ଶୁଲେଁ ପୁହୁଁଚିଲେ ଯାଇ ନିଶାଟ୍ ପରେ ଝାର ମୁନୁଷ୍ଟ ଛାଡ଼ ଚେରେରୁ ଶବଦ୍ ନାଉଁ ଶୁଭେ କେନ୍ଦପାରୁ ।	॥୨୭॥
ସୂଜି ପରଲେଁ ଠନ୍ କରବା ଝାଏଁ କରେ ସେ ଠାନ୍ କେନ୍ଦୁ ହେଲା ଗର୍ଜନଟେ କିଲ୍କିଲେଇ ଗଲା କାନ୍ ।	॥୨୮॥
ରଜା ଦେଖନ୍ ତଲ୍ ଉପରୁ ସବୁଆଡ଼୍ ସେ ଘଡ଼ି ବାଦଲ୍ ନାଏଁନ ଶୁଭେ କେନ୍ତା ମେଘରୁ ଘଡ଼ଘଡ଼ି ।	॥୨୯॥
ଆଏଁଶ୍ -ଘୁଡ଼ାଥୁଁ ମନ୍ଦଟା ଚଡ଼ି ବୁଲୁଥିଲା ଡଙ୍ଗରୁ ରମି ଯାଉଥିଲା, ଶମି ଠାନ୍ ସୁନ୍ଦର ସୁନ୍ଦର ।	॥୩୦॥
ଶବଦ୍ ଆଡ଼କେ ଗଲା ଘୁଡ଼ା ଘିଚିହଇ ବରକସି ଦେଖଲେ ରଜା ଗାଏ ଉପରେଁ ସିଂହଟେ ଅଛେ ବସି ।	॥୩୧॥

- ଗାଏର ଦିହୁଁ ରକଡ଼ ଆଖି ବହେ ଲହର ଧାର  
 ଦେଖ ରଜାର ରିଶ୍ମି ହେଲା ତୁରତି ସୀମା ପାର । ॥୩୨॥
- ସିଂହ ଯେତକି ଗରଜେ ସେତକି ଆକୁଳ ବିକ୍ରୁଲ ଗାଏ  
 ଲେହେଟା ଶବ୍ଦେ ତଙ୍ଗର ପର୍ବତ କରନ୍ ହାଏ ହାଏ । ॥୩୩॥
- ରାଗ ଜର ଜର କହେଲେ ରଜା ଧୁନେ ଶରକେ ଯୁରି  
 ସିଂହଲୀ ସିଂହ ! ଶମତୁ ଏତକେ ସିଧା ଶମନ୍ ପୁରୀ । ॥୩୪॥
- ଆଶ୍ଚିୟ ରଜା ଶୁନି ସିଂହର ମୁହେଁ ମୁନୁଷ ଭାଷି  
 “କେତେ, ବେତା ରଜା ! ଉପରେ ଉପରେ ଯାଉ ଭାସି । ॥୩୫॥
- ଶିବର ସିଂହ ଝାରକେ ଜୁଗି ଜନେ ଅଛେ ବସି  
 ଖାଏମି ତାହାକେ ଯେ’ବି ହଉ ଆଏଲେଁ ଇନ୍ଦକେ ପଶି ॥୩୬॥
- ଶରଟେ କାଏ ଖଏତ କରୁ ହେଁ ଥିଁ କାଏ ମରମି ?  
 ଝାରେ ମୁଇଁ ଝାରର ରଜା କେନ ରଜାକେ ତରମି । ॥୩୭॥
- ଭଲ ଗତି ଅଛେ ହେଲେଁ ଇ’ନ୍ନୁ ଏତକେ ପଲାନ  
 ଭୁଖେଁ ଶୁଖେଁ ଜୀବନ୍ ଇଆଡ଼ ସେଆଡ଼ ହଇଗଲା ନ । ॥୩୮॥
- ପଟେ ଗାଏର ପେଟକେ ଜୁଗୁ କେନ୍ଦରଜାର ରଜା  
 ରାଏଜଟେ ବୁଡେଇ ଉଡାକୁ ପରେ ଗୋରୁ ସେବାର ଧଜା । ॥୩୯॥
- ମୋର ନାଁ ନେଇଁ ରଜାମାନେ ବସ ସିଂହାସନ୍  
 ସୁ-ଆସନ୍ଟେ ପାଏଲେଁ କରସ ସବୁ କୁଶାସନ୍ । ॥୪୦॥
- ସିଂହର ଆସନ୍ ପାଇ କରସ କୁଲିହା ଲେଖେଁ ବିଚାର  
 ଭୁଷଣ ହେସି ହତ୍ୟା ମିଥ୍ୟା ଅତି ଆତ୍ୟାଚାର । ॥୪୧॥
- ଗିଆନୀ ଗୁନୀ କବି କୋବିତ୍ ମରୁଥସନ୍ ଭୁଖେଁ  
 ନଠା କୁଠା ରୁଠାମାନେ ଶୁଇଥସନ୍ ସୁଖେଁ ॥୪୨॥

- ପଶ୍ଚ ପଶ୍ଚ ଲହୁ ପରଜାର ନେଇ ଘିନିସ ନିଜର ଯଶ୍  
ଧ୍ୟାନରେ ମୁନୁଷ୍ଟ ! ନିଜର ବଡ଼ି ଶୁନ୍ଦରାରେ ତୋର ରସ ।     ॥୪୩॥
- ଗାଏ ପରକର ପେଟ୍ ପୁରବାର ଲାଗି ଚିନ୍ତା ତୋର  
ତୋର ରାଏଜର ଆଏ ମୁଇଁ ପେଟ୍ ପୁତୁଛେ ମୋର ।     ॥୪୪॥
- ଯେ' ବି ହଉ କାହାରି ଲାଗି ଏତେ ଗହେର ମମତା  
ସୁନ୍ଦର ନୁହେ ରଜାର ଅଲକାର ଆଏ ସମତା ।     ॥୪୫॥
- ନନ୍ଦିନୀକେ ବଅଁତାରୁ ତ ମୁଇଁ କେନ୍ତା କରମି ?  
ଝାର ରାଏଜର ଆଏ ବଲି ଚିନ୍ତା ନାହିଁ; ମରମି ?     ॥୪୬॥
- ସିଂହର କଥା ପଦକ ରଜାର ରିଶ୍ମି ଚିକେ ପକାଲା  
ଉପଲୁଥୁଲା ଗୁରସ୍ ହାଁଡ଼ି ପାଏନ୍ ଆନି ପକାଲା ।     ॥୪୭॥
- ରଜା କହେଲେ “ଝାରର ରଜା ! କ୍ଷେତ୍ରି କୁଲେଁ ଜନମ୍  
କ୍ଷେତ୍ରୀ ରକଡ଼ ଦିହେଁ, କ୍ଷେତ୍ରୀର କାମ୍ ମୋର ଧରମ୍ ।     ॥୪୮॥
- ଆଖୁର ଆଗେଁ ଆଶ୍ରିତ୍ ଟେ ଆର ପାରକେ ଯିବା  
କାଁ ଜୀବନ୍ ବଲମା, ମୋର ଦିହେଁ ଯାହା ଥିବା ?     ॥୪୯॥
- ନନ୍ଦିନୀକେ ଛାଡ଼ି ସିଂହ ମତେ ଦେ ଗା ଖାଇ  
ମୁଇଁ ମରସିଁ ତୁମେ ବଅଁତି ବଅଁତି ଯାଉ ଈ ଗାଇ ।”     ॥୫୦॥
- ମେଛା ହଲେଇ ସିଂହ କହେଲା “ଛୁଛା କରୁ ଜନମ୍ ?  
କେ'ନ ପାଏରୁ ଏନ୍ତା ଜୀବନ୍ ଆଉର ଏନ୍ତା କରମ୍ ?     ॥୫୧॥
- କେତେ, ସୁନ୍ଦର ଥିତି ତୋର କେଡ଼େ ବଡ଼ ରାଏଜ୍  
କେତେ ପ୍ରାଣୀ ଆତୁର ଅଛନ୍ ପାଏବାକେ ତୋର ସାହେୟ ।     ॥୫୨॥
- ଗାଏ ପରକର ଲାଗି କେତେ, ଜୀବନ୍ କରୁରୁ ବୁରଥା  
ଖୁସାଲା ମନ୍ଦକେ ବନ୍ଦ୍ ହିସାବେଁ ଭଲ କରି ଭୁରଥା ।     ॥୫୩॥





ସାବୁଡ଼ ସୁନ୍ଦର ନନ୍ଦିନୀ ତାହିଁ ଠାଡ଼ କାପଲି କରୁଛେ  
ଦିଲୀପ ଦିହକେ ଚାଟି ଚାଟି ସେନେହ ସରାର ଭରୁଛେ ।      ||୨୫||

କହେ “ବିଶିଷ୍ଟ ତପର ବଲ୍ ମତେ ଘେରି ରଖୁଛେ  
ନିଜେଁ ଯମ୍ ସିଂହ ହେଲେଁ ବି ମତେ କାହିଁ ଭଖୁଛେ ?      ||୨୬||

ଜାନ୍‌ଲିଁ ମୁଇଁ ମୋର ଲାଗି ଜାନ୍ ଦେବାକେ ତିଆର  
ସେବାର ଫଲ୍ ନିଶ୍ଚେ ପାଏବୁ ଭାବନା ନାଇଁ ଆର ।      ||୨୭||

ମୋର ଗୁରୁସ୍ ପିଇ ନିଜେଁ ରାମୀକେ ବି ପିଆରୁ  
ସବ୍ କାମନା ପୂରା କରବାର ମନ୍ ଲାଖ୍ ପୁଓ ପାଏବୁ ।”      ||୨୮||

କହି ସାରି ମହାନ୍ ମୁନି ଲେଖା ରାମେନ୍ ସଞ୍ଜଳି  
କହେଲେ, “ସେନ୍ ପୁଓ ପାଏଲେ କେ ପାରବା ପାଶ୍ରି ?      ||୨୯||

ତାକର ନାଏଁ ବଅଁଶ୍ ଚଲିଲା ତାହିଁ ଜନ୍ମିଲେ ରାମ୍  
ଚାଲି ଏତକେଁ ଯିମା କରମା ଶଉଚ ସଂଧୁଆ କାମ୍ ।      ||୩୦||

ସୁରୁୟ ଗଲେ ମାଁର କୋଡ଼କେ ଚେରେ ଧଏଲେ ଗୁଡ଼ା  
ଅଂଧାର-ଉତ୍ତନା ଉଡ଼େ ଧରତା, ହେଲା ବେଲ୍ ବୁଡ଼ା ।      ||୩୧||

ଲବ କହେଲେ “ ଦିଲୀପ ରଜାର ପୁଓ କିଏ ଆଏ ?  
ଯାର ନାଏଁ ବଅଁଶ୍ ଚଲେ କହେବେ ନାଇଁ କାଏଁ ଘାଏ ?”      ||୩୨||

ରକ୍ଷି କହେଲେ କାଏଲ୍ ସକାଲୁଁ ପହେଲା ସେଥିର୍ କଥା  
ପରବା ବାବୁ ! କାଁ କରି ତୁଇଁ ଆଗୁଁ ହଉଛୁ ଅଥା ।      ||୩୩||



## ପାଠକ-୪

### ରଘୁ ରଜାକର୍ ଯଜ୍ଞଅଶ୍ଵ ରକ୍ଷା

- ଏହନି ଏ' ଦେ ହୁମ୍ ସରିଛେ କୁହୁଲା ନୁହେ ଯାଏ  
ପୂଜା ସିନା ସରେ, ସରେ ନୁହେ ଗହଳି ଘାଏ । ॥୧॥
- ମେଲା ପରିଛେ ଆସନ୍ ମାନ୍ ଚେଲା ନୁହେ ଆସନ୍  
ଧିଆନେ ରକ୍ଷି ଆସି ଯୁଜି ପଦ୍ମାସନେ ବସନ୍ । ॥୨॥
- ଲବକୁଶ ବୀନାର ତାର ସଲଖା ସଲଖୁ କରୁଛନ୍  
ସାରେଗାମା ସାତୁଛି ସୁର ନିଜର ଠାନେ ଭରୁଛନ୍ । ॥୩॥
- ଓଁ କହି ମୁନିର ମୁହଁ ବାହାରଲା ରାମ୍ ରାମ୍  
ସତର ଶାନ୍ତି ଉଡ଼ରି ଆସିଲା ଗହଳି ଥୁମ୍ ଥାମ୍ । ॥୪॥
- ଶୁନ୍ଦର ଲୋକ ନିଜର ନିଜର ଠାନେ ପରଲେ ବସି  
ରକ୍ଷିର କଥା ଶୁଣି ଶୁନ୍ଦରା ବେଲ ବି ଉଦେ ହୁଁସି । ॥୫॥
- ପବନ୍ ଆସିଲା ହୁର ହୁରିଆ ସାପ୍ ସୁତର ବେଶେଁ  
ଆଗୁଁ ଅଗ୍ନି କୁଡ଼େଁ ଅଛନ୍ ଅଙ୍ଗରା ହଲ ଶେଷେଁ । ॥୬॥
- ଜଳ ଦେବତା ଖଲ ଖଲାସନ୍ ତମ୍‌ସା ନଦୀର କୁଡ଼େଁ  
ଶୁନ୍ଦେ ବଲି ଯାହା କହେବେ ମୁନି ନିଜର ଚୁଣେ । ॥୭॥
- ବନ୍ ଦେବତା ମନ୍ ଦେଲଛନ୍ ପତର-କାନ୍ ଡେରି  
ସବ୍ ଆସଲେ ନ କାହାକେ ଟାକି ରକ୍ଷି କରନ୍ ଦେରି । ॥୮॥
- ସୀତା ନାନୀ ସାଙ୍ଗେ ଆସଲେ ମୁନି କୁମାରୀର ବଲ୍  
ରାଜ ରାଜୀ କିଏ କହେବା, ଦିହେଁ ଦେଖୁ ବଲକଲ । ॥୯॥

ବାହାର ସରଳ ସୁନ୍ଦର ସହଜ ଭିତରେ ଆନନ୍ଦ ରାମ୍ ନାରୀ ହଜ କାଏଁ ରାମ୍ ଆସଲେ ସାରି ପୁରୁଷ କାମ୍ ।	॥୧୦॥
ବାଲକ ରାମ୍ ଲବକୁଶ ହଇଁ ଧରିଛନ୍ ବାନା ଶୁନ୍ଦରୀ ଲୋକ ଭିତରେ ଶୁନ୍ଦ ନିଜର ଚରିତ ସିନା ।	॥୧୧॥
ରାମ୍ ନାମ୍ ନାଦ୍ ବ୍ରହ୍ମ ହଇଁ ଶୂନ୍ୟ ଖେଳୁଛେ ଶ୍ୟାମଲ ଦେହର ବରନ୍ ଡାଲେଁ ପତରେଁ ଦୁଲିଖୁଲୁଛେ ।	॥୧୨॥
ରାମ୍-ବାଦୀ ରଷି ଦେଖନ୍ ଜଗତ୍ ରାମ୍-ମଧ୍ୟ ତାକର ମୁହଁ ଯାହା ବାହାରେ କେବଳ ରାମର ଜ୍ୟ ।	॥୧୩॥
ଛାଡ଼ିଲା ଠାକୁ ମୁନି କହେଲେ ଶୁନି ସଭା ତବଧି ରାମର କଥା ମୁହଁ ଖୁଲିଲେଁ ବାକୀ ଶବଦ୍ ଜବଦ୍ ।	॥୧୪॥
ଗୋର ମାତାର ବରେଁ ରାନୀ ସୁଦକ୍ଷିଣା ମାଆଁ ପୁଠ ଦେଲେ ପୁଆଁ ମା'କେ ନାହିଁ ମେଟେ ତାର ନାଆଁ ।	॥୧୫॥
ବିପଦ୍ ଆପଦ୍ ସାଜେ କାଲ୍ ସମୁଦର କେ ଲଘୁ ଅଁଦରି ଶାଲେ ମାତିରି ରଷି ନାଆଁ ଦେଲେ ରଘୁ ।	॥୧୬॥
ଦିଲୀପ୍ ରଜା ଅଶ୍ୱମେଧି ଯଜ୍ଞ କରି କରି ଆଉର ଗୁଟେ କରିପାରଲେଁ ଶହେ ଯିବା ଭରି ।	॥୧୭॥
ଅଶ୍ୱମେଧର ଅଶ୍ୱକୁଶା, ଆସ କଡ଼ା କବାର୍ ଘୁଡ଼ା ଛେକିବା ମାନୀ ରଜା ହେଲେଁ ଟିକେ ଲବାର୍ ।	॥୧୮॥
ଯୁଆନ୍ ହେଲେ ଛୁଆ ରଘୁ ଷାଠେ ଷଢ଼ ବଲ୍ ଶସ୍ତ୍ର ଙ୍ଗାନ୍ ସାଜେଁ ବିଷ୍ଣୁର ଶାସ୍ତ୍ର ଙ୍ଗାନ୍ ପ୍ରବଲ୍ ।	॥୧୯॥
ମୁରିଆଁ ମୁରିଆଁ ଚେନା ଆବରେ ବୈଷ ଉସାର୍ ଛାତି ଶୁଁର୍ ଧଏଲେଁ ଉଁ ନାହିଁ କରେ ମାତୁଳା ଦିତା ହାତୀ ।	॥୨୦॥

- ଧୁନ ଧବଳେଁ ଶବ୍ଦରୁ ଛାଆନି ହେସି ଶୁନ ପଦା  
ଗଦେଇ ହେସନ୍ ଶ'ଶ' ସସନ୍ ହାତେଁ ଥୁଲେଁ ଗଦା । ॥୨୧॥
- ବରଞ୍ଚି ବରଞ୍ଚାଲେଁ ଯାହାକେ ବରତିବା କାଏଁ ଆର୍  
ହୁରଶିଲେଁ ତିରଶୁଲୁ ଯାହାକେ ଯାଏ ଆର୍ ପାର । ॥୨୨॥
- ପରଶୁ ଥୁଲେଁ ହାତେଁ ପାରସନ୍ ଶ'ଶ' ମୁତ୍ତ ଗଦେଇ  
ଶମ୍ଭଲେଁ ସେ ସମର୍ ଭୁଲ୍ ରକ୍ତେଁ ହଏ କଦେଇ । ॥୨୩॥
- ଶେଷ୍ଟ ଯଜ୍ଞ କରନ୍ ଦିଲୀପ୍ ବିଶେଷ୍ଟ ଆଡମ୍ଭରେଁ  
କେ ଅଛେ ଭାଏଲ୍ ଛେକ୍‌କବା ଘୁଡା ? କେ କହେବା ମରେଁ ? ॥୨୪॥
- ଘୁଡା ଜୁଗି ଯାଆନ୍ ରଘୁ ସାଙ୍ଗେଁ କେତେ ସସନ୍  
ଯେନ୍‌କେ ଗଲେଁ ରଜାମାନେ ଦିଅନ୍ ପୂଜା ମାଏନ୍ । ॥୨୫॥
- ଦେଖ୍‌ଲେ ଦିନ୍‌ଏ କାହିଁଗଲା ଯଜ୍ଞଘୁଡା ନାଏନ୍ ?  
ଇହାଦେ ଇନ ତରୁଥୁଲା ଉର୍ଜିଗଲା ସାଏନ୍ ? ॥୨୬॥
- ରଘୁ କହେଲେ ଲଘୁ ହେଲା କା'ଣା କରିହେବା ?  
ମୁହାମୁହା ସିନେ ନେସନ୍, ତୁରେଇ ହେଲେଁ ନେବା । ॥୨୭॥
- ଯଜ୍ଞର କବାର୍ କାମ୍ ସବୁ ମାହାଲିଆ ହେଲାନ  
ବାର ବରଷର୍ ତପିସା ପରେ ଶୁଖୁଥା ପୁଡାନେ ଗଲାନ । ॥୨୮॥
- କେନ୍ତା କରି ହେସି ବଲି ଯୁବରାଜର୍ ଭାବନା  
କାମ୍‌ଧେନ୍ ଦେଲା ପୁଠର ମାର୍ ଯିବା କାଏଁ କାମ୍‌ନା ? ॥୨୯॥
- ନୁରୁନ୍ ନୁରୁନ୍ ପୁରୁବ୍ ଦିଗେଁ ପୁହୁଁତି ଯୁବରଜା  
ଦେଖ୍‌ଲେ ଯାଏ ରଥଟେଁ ତାହିଁ ବଜର୍ ତିହ୍‌ର ଧଜା । ॥୩୦॥
- ଶାଗୁଥା ରଜର୍ ଘୁଡା ଦେଖ୍ ଜାନଲେ ସେ ଇନ୍ଦର୍ ଆଏ  
ପଛେଁ ଯୁଡା ଯଜ୍ଞ ଘୁଡା ସୁନ୍‌ର ଆର୍ ସୁତର୍ ଥାଏ । ॥୩୧॥

- ଆଗେଁ ଯାଇ ରଥ ଅବକେଇ ରଜା ଦେଲେ ଛେକିଁ  
କହେଲେ ଘୁଡ଼ା ନାଇଁ ଚିହ୍ନିଲ ହଜାର୍ ଆଖିଁ ଦେଖି । ॥୩୨॥
- ଦେବତା ହଇଁ କଲ କେନ୍ଦ୍ରା ଦସତ୍ ମେତାଲ୍ କାମ୍  
ଯେନ୍ ଖଲିଥିଁ ଖାଏସ ସେଥିଁ ଥୁକ୍ଲ ରାମ୍ ରାମ୍ । ॥୩୩॥
- ହବି ଦେସୁଁ ଯଜ୍ଞେ ପାଏବେ ବଲି ଦେବତା ମାନେ  
ତମକ୍ ମିଶେଇ ଦେବତା ସବୁ ପାଏସ ଗୁଟେ ଠାନେ । ॥୩୪॥
- ସେ ଯଜ୍ଞ-ଘୁଡ଼ା ଅଜ୍ଞ ଲେଖେଁ ଆନୁଲ ବୁରେଇ  
ଯଜ୍ଞ ପୂରା ହେବା କାଏଁ ଘୁଡ଼ା ନାଇଁ ଫିରେଇ । ॥୩୫॥
- ରଘୁର କଥା ଶୁନି ସରଗର ରଜା ସରକିଁ ସରମେ  
କହେ ତୁମର କଥା କିଟା ମେତାଲ୍ ଗବେ ମରମେ । ॥୩୬॥
- ଯଜ୍ଞ ନୁହେ ବଡ଼ ବଡ଼ ଆଏ ଯଶର କଥା  
‘ପୁରୁଷୋତ୍ତମ’ ଖାଲି ବିଷୁ ମହେଶର ‘ପାଠମଥା’ । ॥୩୭॥
- ସେନ୍ଦ୍ରା ମୁଇଁ ‘ଇନ୍ଦ୍ର’ ଏକ୍ଲା ଶତକ୍ରତୁ ଆଏଁ  
ଆର କିହେ ନାଇଁ ଦିଲୀପ୍ ଯଜ୍ଞ କଲା ଯାଏଁ । ॥୩୮॥
- ଘୁଡ଼ା ଛାଡ଼ଲେଁ, ଛାଡ଼ବାକେ ପଡ଼ବା ନାଆଁ ଯଶ୍  
ଦେବତା ହେଲେଁ ବି ଛାଡ଼ି ନୁହେଁ ନିଜର ବଡ଼ି ରସ୍ । ॥୩୯॥
- ରଘୁ କହେଲେ “ପିତୁଁ ମୋର ପରାନ୍ ଛାଡ଼ଲେଁ ଯାଇ  
ଲଡେଇ କରି ଛଡେଇ ନିଅ ଘୁଡ଼ା ସରଗ୍ ସାଇଁ । ॥୪୦॥
- ରଘୁ ସାଜେଁ ମେଘ୍ ବାହନର ଧୂମ୍ ଧଡ଼କା ଲଡେଇ  
ଲାର୍ଗିଗଲା କିଏ ଛାଡ଼ ସି ସହଜେଁ ନିଜର ବଡେଇ । ॥୪୧॥
- କେତେ ଶସ୍ତ୍ରର କଟାକଟି କେତେ ଯେ ଶରମରା  
ହେଲେଁ ଭିତ କେଭେଁ ହେଲେଁ ନୁହନ୍ ଜିତା ହରା । ॥୪୨॥

ଶେଷେଁ ଇନ୍ଦ୍ର ରିଶ୍ମି ହଇ ପେଶ୍ୱଳା ତାର ବଜର  
 ଘିଡ଼ ଘିଡ଼ାନୁ ଆସି ପଡ଼ୁଲା ଛାତିନେ ଯୁବ ରାଜର ।      ॥୪୩॥

ବଜରେଁ ଘାଏଲ ଜବର ରଘୁ ଜୁଗରେଇ ହଇଁ ପରଲା  
 ଇନ୍ଦ୍ର ବଏଲା ଈ ଲଡ଼େଇ ଇନ୍ଦ୍ର ଏକା ସରଲା ।      ॥୪୪॥

କଲଠେଇ ଚିକେ କର ପଲଚେଇ ଯୁବ ରଜା ଉଠଲା  
 କରା ବରଷାର ପରାସ ପାଶ୍ୱରି କଦମ୍ କଡ଼ କାଏଁ ପୁରୁଲା ।      ॥୪୫॥

ଶର ମୁନାନ୍ତ ସୁନାର ଶରଚେ ସୁନା ସାରକେ ସୁତରେଇ  
 ଅବହେଲାନ କହେଲେ ରଘୁ ଦିହୁଁ ଜାନ୍ ନେମି ଉତ୍ତରେଇ ।      ॥୪୬॥

ଅମରମାନେ ବି ମରସନ୍ କହି କଥା କରମି ଯାଜି  
 କେନ୍ଦ୍ରା କରୁଛୁ ଚିନ୍ତା କର ଈ ଶର ଗଲେଁ ଘାଏ ବାଜି ।      ॥୪୭॥

ମଘବା ହେଲା କାବା ଦେଖୁ ରଘୁର ପରାକ୍ରମ୍  
 ଭୋଲ ହଇଁ ଘାଏ ସୋର ନାଇଁ ପାଏ ସତ୍ ଆଏ କି ଭ୍ରମ ।      ॥୪୮॥

ଯେନ୍ ବଜରେଁ ପର୍ବତକର ପର୍ବତ୍ ପାରଲିଁ କାଟି  
 ଯେନ୍ ବଜରେଁ ବୃତ୍ରାସୁରକେ ମିଶେଇ ନେଲି ମାଟି ।      ॥୪୯॥

ଯେନ୍ ବଜରର ଶବ୍ଦେଁ ଘାଏ ପୂର୍ଥୀ ଯାଏ ଦୁଲକି  
 ସେ ବଜରେଁ ରଘୁର କାହିଁ ଛିରଚେ ନାଇଁ ମଲକି ।      ॥୫୦॥

ଧବନ୍ ଧବନ୍ ରଘୁ ଧବନ୍ ତୋର ମାଁ ବାପ  
 ଘୁଡ଼ା ଛାଡ଼ି ଯାହା ମାଗତ୍ରୁ ମାର ଦେମି ସାପ ।      ॥୫୧॥

‘ଅଶ୍ୱର ବିନେ ଅଶ୍ୱମେଧର୍ ଫଲ ମିଲବା ବଲିଁ  
 କହେଲେ ରଘୁ ‘କହୁନ୍ ଯାଇ ବାପାର ନେ ମାତଲା’ ।      ॥୫୨॥

ଶହେ ଅଶ୍ୱମେଧର୍ ଫଲ ପାଏବେ ଯଦ୍ୱରି ବାପା  
 କାଁ କରି ଈ ଲଡ଼ା ଯୁଦ୍ଧାର ବଦୁଥବା ଚାପା      ॥୫୩॥

ଜାନିଥିବ ଇନ୍ଦର ରଜା ! ବାପର ମନ ଜାନି ପୁଓ ନାହିଁ କରି ପାରେଇଁ ପୁଓ ଥିଁ କାଏଁ ମାନି ?	॥୫୪॥
ସବୁ କଥା ହେବା ବାବୁ ! ବଳିଁ ପଲାଇଲେ ଇନ୍ଦର ରଘୁ ଫିରଲେ ଅବଧ ପୁରୀ ଯଶ ଉଡ଼ିଲା ସୁନ୍ଦର ।	॥୫୫॥
ଦିଲୀପ ରଜା ପୁଓର ବୁଦ୍ଧି ବଳ କାହିଁ ଦେଖି ବାନପ୍ରସ୍ଥ ନେଲେ ରାଏଜ୍ ଯୁବରାଜ୍ କେ ଟେକି ।	॥୫୬॥
ରଘୁ ହେଲେ ଚକରବର୍ତ୍ତୀ ଚଉଦିଗ୍ କରି ଜଏ ହାରଲା ରଜା ବି ବୋଧ ହେଲେ କାହାରି ନାହିଁ ଭଏ ।	॥୫୭॥
ମହାପୁରୁକୁଁ କରତା ମାନି କରନ୍ ସବୁ କାମ୍ କାମେ ହାତ୍ ଗୋଡ଼୍ ମୁହଁ, ମନେ ମହାପୁର ନାମ୍ ।	॥୫୮॥
ସଂପଦ୍ ବଳିଁ ଭାବନ୍ ରଘୁ ନାମ୍ ଥିଲେଁ ସୋର ପ୍ରଭୁର ନାମ୍ ପାଶ୍ରି ନେଲେଁ ବିପଦ୍ ମହାଘୋର ।	॥୫୯॥
ତାକର ରାଏଜ୍ ଯାକର ଉଡ଼େ ସୁଖର ସୁନା କୁକରା ଯେ ହେଲେଁ ଭି ଲୁଣ୍ଡେଁ ହେବେ ସଂସାର୍ ପଡ଼େ ଢକରା ।	॥୬୦॥
ବିଶ୍ୱଜିତ୍ ଯଜ୍ଞ କଲେ ଇଶ୍ୱର ଇଚ୍ଛା ମାନି ଯାହା ମାଗ୍ଲେଁ ତାହା ଦିଅନ୍ ଲାଏକ୍ ଲୋକ୍ ଜାନି ।	॥୬୧॥
ମାଗ୍ବାର୍ ଲୋକ୍ ସରିଥିଲେ ସରିଥିଲା ନ ଧନ୍ ପୁହୁଁଚି ଆଏଲେ କୌସ ରକ୍ଷି ମାଗ୍ବେ କିଛି ମନ୍ ।	॥୬୨॥
ବରତନ୍ତୁ ରକ୍ଷିବରର ଶିଷ୍ୟ ଆନ୍ ସିଏ ବ୍ରହ୍ମଜ୍ଞାନୁଁ ଜିତ୍ବାରକେ ପାଶେଁ ନାହିଁ କିହେ ।	॥୬୩॥
ଗୁରୁ-ବିଷ୍ଣୁର ସେବା କରି ଚଉଦ ବିଦ୍ୟା ଅରଜି ଦକ୍ଷିଣା ଦେବେ ଜାନି ବୁଝି ଗୁରୁଦେବ୍ କର ମରଜି ।	॥୬୪॥



ଛନ୍ଦ କଳ୍ପ ଜ୍ୟୋତିଷ୍ଠ ଶିକ୍ଷା ନିରୁଦ୍ଧ ବ୍ୟାକରଣ ଛ'ହି ଅଙ୍ଗର ସାଙ୍ଗେ ଚାରୁହି ବେଦ ସମୀକରଣ ।	॥୨୫॥
ନ୍ୟାୟ ମାମାଂସା ଧର୍ମ ଶାସ୍ତ୍ର ପୁରାଣ ତାର ପରେ ସବୁ ମିଶି ଚଢ଼ଦ ବିଦ୍ୟା ହେସି ଅଧ୍ୟୟନ କଲେ ।	॥୨୬॥
ଚଢ଼ଦ ବିଦ୍ୟାର ଲାଗି ଚଢ଼ଦ କୋଟି ସୁନା ମୋହର ଦକ୍ଷିଣା ଦେବେ ବଳି ରାଜଦୁଆରେ ରଖି ହାଜର ।	॥୨୭॥
ଯଜ୍ଞ ପରେ ରାଜକୋଷ ଜାନି ଥିଲା ଶୁନ୍ ଶାନ୍ କେନ୍ଦ୍ର ମାରବେ ରଖି ଏଡ଼େ ବଡ଼ ମହତ୍ତ୍ୱ ଦାନ ।	॥୨୮॥
ଦୁର୍ଘମନା ହଇଁ ଫିରି ଯାଉଥିଲେ ଅପସରି ଫିରେଇ ଆନଲେ ରଘୁ ସବୁ କଥା ଜାନିକରି ।	॥୨୯॥
ଦିନାଦୁଏ କୁନ୍ତୁଆଁ ରଖିଲେ ପୂରୁଳା ରାଜକୋଷ ଚଢ଼ଦ କୋଟି ସୁନା ପାଇ ରଖିର ମନ୍ ସନ୍ତୋଷ ।	॥୩୦॥
ରଖି ଭାବଲେ ନେମି ଖାଲି ନାଇଁ ଦିଏଁ କାଏଁ କିଛି ? କା'ଣା ଦେବେ ଭାବି ଭାବି ମନ୍ ହଏ ବିଛି ।	॥୩୧॥
ଯାହା ଦେଲେ କିହେ କାହାକେ ନୁହେ ଦିଅନ୍ ପରେ ଉବେଲ୍ ଜାନି ବାଲ୍ମୀକି ମୁନି କଥା ବନ୍ଦ କଲେ ।	॥୩୨॥



## ପାଠକ-୪

### ରଘୁରଜା ଆର କୌସୁରକ୍ଷି କଥା

- କଥା ଆରଂଭ ନୁହେ ହୁଏ ରାମ-ଭଜନ ସରିଛେ  
ଓମ୍ ଶବ୍ଦର ନିନାଦନେ ଆଶ୍ରମ -ଆକାଶ ଭରିଛେ । ॥୧॥
- ବେଳ ଥିଲା ମୁତ୍ ଉପରେ ପବନ ଥିଲା ଗରମ  
ଶାଗୁଆ ପତର ଶୀତଲ ନିଶାସ ଛାଡ଼ି କରଲେ ନୟମ୍ । ॥୨॥
- ଗଛମାନକର ପାଦଳା ପତର ଯେନ ଯେନ୍ତା ଝରୁଛନ୍  
ଅଶୁଭ ଭାବନା ଥିଲେ ସେନ୍ତା ମଝ ଆକାଶ୍ ପରୁଛନ୍ । ॥୩॥
- ଯାହା ବକସୁଁ ଯାହା ଭାବସୁଁ ସେ ନିର ଆକାଶ୍ ନେ  
ରହିଥିସନ୍ ଯା'ନ୍ ଖାଲି ଭାବନାର ପ୍ରକାଶନେ । ॥୪॥
- ରାମର ପୂର୍ବପୁରୁଷ କଥା ମୁନି -ମୁହଁ ବାହାରୁଛେ  
ଶୁନିଲା ଲୁକର କାନୁ ହଇ ଆକାଶ୍ ଯାକର ତହୁଁରୁଛେ । ॥୫॥
- ମୁନି କହେଲେ ଶୁନିଥିଲ ରଘୁ-କଥା କାଏଲ  
ରଘୁ ଗଲେନ କେହୁଁ, ନାଆଁ ନୁହେ ଯାଏ ତାଏଲ । ॥୬॥
- ରାମ ଆ'ନ ତ ରଘୁ ରଜାର ପୁରଖା ପାତିର ଅଂଶ  
ନାଆଁ ରଘୁନାଥ ତାକର କୁଲ ରଘୁବଂଶ । ॥୭॥
- ସୂର୍ଯ୍ୟ ବଂଶର ସବୁ ରଜାକୁଁ ପାଶ୍ରି ହେବା ପଛେ  
ରଘୁର ନାଆଁ ରାମର ନାଏଁ ଯୁରା ହଇ ଅଛେ । ॥୮॥
- ରାମର ନାମେ ରଘୁର ନାମ୍ ଲିପି ହଇଛେ ଗୁନେ  
ରାମର ଦିହେଁ ସଥେଁ ଯେନ୍ତା ରଘୁ ମାଉସ୍ ପୁଟେ । ॥୯॥

- ପାର୍ଲ ମାଟିର ଗଛ ମେତାଳ ପିଲାଟାକ ବଢ଼ୁଛେ  
ରେଙ୍ଗାଲ ନରଜା ଉଲ୍‌ହା ଜାଗା ପାଇଁ ପର ଛାଡ଼ୁଛେ ।      ॥୩୨॥
- ରୁଠା ଦିହେଁ ପୋର୍ ବିଚାର ପଠା ଯୁଆନ୍ ହେଲା  
ବିଦର୍ଭ ଦେଶର ଦୂର୍ ଆସିଁ ରଘୁରାଜକୁଁ କହେଲା ।      ॥୩୩॥
- “ଆମର ରଜା ଭୋଜ ତାକର ବହେନ୍ ଇନ୍ଦ୍ରମତୀ  
ପରତେ କାହିଁ ଯିବ କହେଲେଁ କେତେ ରୂପବତୀ ।      ॥୩୪॥
- ତାକର ବିହାର ଲାଗି ସ୍ଵୟଂବର ସଭା ହେବା  
ଯୁବରାଜ ଗଲେଁ ତାହିଁ ଭାବ୍ ଲେନ୍ ଦେନ୍ ରହେବା ।      ॥୩୫॥
- ଅଜ ଗଲେ ସ୍ଵୟଂବରକେ ପାଏଲେ ବରନ୍ ମାଲି  
ଇନ୍ଦ୍ରମତୀର ସଙ୍ଗେ ସିନ୍ଧୁର ଝି ବି ଆଏଲେ ଚାଲି ।      ॥୩୬॥
- ଧନ ଦଉଲତ୍ ଯେତକି ଦାନ୍ ଖଏରାତ୍ ତାହିଁ ଜହ  
ପୁଓ ପରଜାର ପରଶିସା ହଏ ଅନ୍‌ରହ ।      ॥୩୭॥
- ଯୁବରାଜକର ପାର୍ଲ ପନ୍‌କେ ଦେଖୁ ରଘୁରାଜା  
ମରତର ସୁଖ ଚିଟା ଲାଗଲା ଚାଖୁବେ ସର୍ଗର ମଜା ।      ॥୩୮॥
- ଅଯୋଧ୍ୟାର ରାଏଜଭାର ଅଜର ବେକେଁ ଗଲାଲେ  
ସାଁପର ଜୋଗ୍ ଛାଡ଼ଲା ଲେଖେଁ ଦିହକେ ଛାଡ଼ି ପଲାଲେ ।      ॥୩୯॥
- ଅଜରାଜକୁଁ ପାଇ ପୁର୍ଥୀ ଫଲାଏ ଫସଲ୍ ରତନ୍  
ରାମୀ ଜାନି ପୁଓ ରତନଟେ ଥୁଲଲେ କରି ଯତନ୍ ।      ॥୪୦॥
- ରାଏଜର ଶିଘା ଜଉତିଷ୍ ସାଜେଁ ମିଶି ଯୋଗୀ ମୁନି  
ଜାତକ୍ କରଲେ ଗନା ଗୁପା କରି ହରି ଗୁନି ।      ॥୪୧॥
- ଜଉତିଷ୍ ମାନେ କହେଲେ ସଥେଁ ଇ ପିଲା ତାର ରଥ୍  
ଦଶହି ଦିଗକେ ବାହିପାରବା ନାଁ ହେଉ ଦଶରଥ୍ ।      ॥୪୨॥

ଯୋଗୀ ମୁନିର ମନେ ଇନ୍ଦ୍ରିୟ ମାନେ ରଥ ଆ'ନ୍  
ଦଶ ଇନ୍ଦ୍ରିୟ ବଶ ଦେଖେଇ ନାହିଁ ପାରନ୍ ଚାନ୍ ।      ॥୪୩॥

ସତେ ବିଚାର କଲେ ପିଲାଟ ନାଁ ହେଉ ଦଶରଥ  
କାହିଁ ଦଶଟା ମୁତେଁ ପାପ କରେ କସରତ୍ ।      ॥୪୪॥

ଦଶ ମୁତିଆକେ ବଶ କରବା ଜନ୍ମି ଇଚାର ଅଂଶୁଁ  
ଦେବତା କବାର ମୁନୁଷ୍ କରବା ସାଙ୍ଗେ ନେଇ ପଶୁ ।      ॥୪୫॥

ତାକର ବଲେଁ ମରତ୍ ଠାକୁ ସରର ନୁହିବା ଧୁର  
ଅଯୋଧାର ସେ ହେବେ ରଜା ଶାସନ୍ ଖଣ୍ ମଧୁର ।      ॥୪୬॥

ଶକ୍ତି ନେଇ ଇନ୍ଦ୍ର ବୁଲିଲା ଲେଖେଁ ନନ୍ଦନ୍ ବନେ  
ଇନ୍ଦ୍ରମତୀ ନେଇ ଅଜ ବୁଲନ୍ ଆନନ୍ଦ ମନେ ।      ॥୪୭॥

ରାଏକେଁ ତାକର ଅଭାବ୍ ନାହିଁ ସବୁ ଦରବ୍ ପୁରିଛେ  
ରତୁ ଜାନି ରାଜ ବଗତା ସବୁ ଫୁଲ ଫଲ ଭରିଛେ ।      ॥୪୮॥

ବଗତା-ସୁନ୍ଦର ପନେ ଇନ୍ଦ୍ରମତୀ ହଜନ୍ ଘାଏ  
ଇନ୍ଦ୍ରମତୀର ରୂପର ମଦେଁ ଅଜ ହଇଛନ୍ ବାଏ ।      ॥୪୯॥

ଉପରୁଁ ଇନ୍ଦ୍ରମତୀର ଛାତିଁ ଫୁଲମାଲଟେ ପରଲା  
ପଦ୍ମତେ ସାଏର ଘଡ଼କେଁ ଜୀବନ୍-ଚେରେ ପିଞ୍ଜିରା ଫାରଲା ।      ॥୫୦॥

ତେରେ ଗଲା ଭଡ଼ି ପିଞ୍ଜିରି ପରଲା ଠାନେ ପରିଛେ  
ମୁହଁ କାନ୍ ସବ୍ ଦବ୍ ଦକଉଛେ କିଏ କହେବା ମରିଛେ ।      ॥୫୧॥

ହେମ୍ କାକର ଦିହ ତାମ୍ତି ଅଜ ଅଯୋର କାହୁଛନ୍  
କେଡ଼େ ସୁଧାର ହଇ ବି କାଏଁ ମନେ ଧୀରୟ ବାହୁଛନ୍ ?      ॥୫୨॥

ଦିହକେ କରେ ପଥର ପଥର ଫଟାଏ ରଜାର କନ୍ଦନା  
କେଡେ କରୁଣ୍ ସୁରେଁ ଦୁଖ୍ ଶୁନ୍ଏ ନିଜର ବନ୍ଦନା ।      ॥୫୩॥

- ରାନୀର ଗୁନ୍ ଗୁନି ରଜାର କେତେ କନ୍ଦା ରୁଦା  
ହେଁକେଇ କାନ୍ଦନ୍ ହଇଁ କେତେ କୁଡ଼କୁଡ଼ା ରୁଦ୍ ରୁଦା ।      ॥୪୪॥
- ବଶିଷ୍ଠ କର ବୋଧ୍ ବାଧ୍ ବୁଝା ଶୁଝା କଥା  
ଜାନ୍ଦବାର୍ ଅଜ ଆଏଜ୍ ଅଜାନ୍ଦବାର୍ ଲେଖେଁ ଅଥା ।      ॥୪୫॥
- “ମରିନାହିଁ ରାନୀ ସରିଗଲା ମରତ୍ ରହନି  
ଅମରପୁରୁଁ ଆସି ଥିଲେ ଅପସରୀ ନାଁ ହିରନୀ ।      ॥୪୬॥
- ତୃଣବିନ୍ଦୁ ଗଣିର ତପକେ ଇନ୍ଦ୍ର ଡରି ମରି  
ତପ ଭାଙ୍ଗବାକେ ପଠାନ୍ ଇନ୍ଦ୍ର ହିରନୀ ଅପକ୍ଷରୀ ।      ॥୪୭॥
- ରକ୍ଷି ଦେଲେ ଅଭିଶାପ୍ ଅମର ପୁରର ଲାଏକ୍  
ନୁହୁ ତୁଇଁ ମରତ୍ ତୁଇଁ ଥରୁ ସେ ଦିନ୍ ଯାଏକ୍ ।      ॥୪୮॥
- ଯବତକ୍ ଇ ପୁରର ଫୁଲ୍ ଛିଇ ନାଇଁ ପାରୁ  
ଅମର ହଇଁ ବି ମରତ୍ ପୁରେଁ ଦିନ୍ କାଲ୍ ତୋର ସାରୁ ।      ॥୪୯॥
- ସେ ଅପସରୀ ଶାପର ବଲେଁ ହେଲା ତୁମର ରାନୀ  
ତମର ବଂଶେଁ ମିଶେଇ ପାରୁଲା ଅମର ରକତ୍ ଆନି ।      ॥୫୦॥
- ନାରଦ୍ ଯାଉଥିଲେ ଇ’ ଦେଇଁ ବୀନାର୍ ଫୁଲ୍ ମାଲ୍  
ରାନୀର ଦିହେଁ ପରି ଫିଟାଲା ଅସ୍ତରୀର କପାଲ୍ ।      ॥୫୧॥
- ନାଇଁ ଦେଖୁଛ ମାଲାର୍ ଫୁଲ୍ ଦର ଦରଉଛେ ତାଏଲ୍  
ଅମର ପୁରର ଫୁଲ୍ ନୁହେ, କହେବା କିଏ ଭାଏଲ୍ ?      ॥୫୨॥
- ରାନୀ ଗଲେ ତାକର ବାଟେଁ ନିଜର ବାଟେଁ ରହ  
ଭବିତବ୍ୟତା ନାଇଁ ବଦ୍‌ଲେ ଭାଲ୍‌ନି କଲେଁ ଜହ ।      ॥୫୩॥
- ପିଲା ତମର ଯୁଆନ୍ ହଇ ସିଆନ୍ ମେତାନ୍ ହେଲେ ନ  
ବନ୍ଦ୍‌ଏ ବଲି ଝନ୍ଦ୍‌ଏ ନୁହେ ରାଏଜ୍ ସାରା କହେଲେ ନ ।      ॥୫୪॥

- ରାଜ୍ ଶାସନ୍ ଶିଖେଇ ନିଅ ବିହା ବୁରା ସାରି  
ଗଲା ସଲା କଥେଁ ଆଉର କେତେ ହେବ ଘାରି । ॥୨୫॥
- ବଶିଷ୍ଠ କଥା ଶୁନି ରଜା ତୁନ୍ ପରି ରହେଲେ  
ବିଧୁର ଦେନ୍ ଜାନି ବୁଝ କଲେଠେଇ କରି ସହେଲେ । ॥୨୬॥
- ସୂର୍ଯ୍ୟ ବଂଶର ରଜାମାନେ ପୁଓକୁଁ ରାଏଜ୍ଭାର  
ସଁପି ବୁଢ଼ାବେଲେଁ ଯାଏସନ୍ ରାଏଜୁଁ ହଇ ପାର । ॥୨୭॥
- ଦଶରଥକର ଲାଗି କନିଆଁ ଲାଗେ ଖୁଜା ନୁରା  
କରନ୍ ବିହା ସରଲେଁ ସଁପି ନେବେ ରାଏଜ୍ ପୁରା । ॥୨୮॥
- ଲବ କହେ, କହେସ ବାବା, ସୁରୁୟ ବଂଶ ବଲି  
ସତେଁ କେବେଁ ସୁରୁୟ ଆଏଲେ ମୁନୁଷ୍ଟ ରୁପ ଧରି ? ॥୨୯॥
- ରଜା ହଇଥିଲେ କାଏଁ ଅଯୋଧ୍ୟା ସଂସାରେଁ  
ରାଏଜ୍ ଛାଡ଼ି ବାକି ଜଗତ୍ ଥିବା ତ ଅଁଧାର୍ରେଁ ? ॥୩୦॥
- ଦିଲୀପ୍ ରଘୁ ଅଜ ବାଗିର ଆର କେନ୍ କେନ୍ ରଜା  
ସୁରୁୟ ବଂଶକେ ତଖେଇଥିଲେ ଯଶ୍ କାଉଁର ମଜା । ॥୩୧॥
- ଶୁନ୍ବାର ଲାଏକ୍ ଆମେ ଯଦ୍ରି କହେତ ବାବା ଘାଏ  
ବାଲ୍ମୀକି ମୁନି କହେଲେ ବାରୁ ! ନୁକୋ ପ୍ରଶ୍ନ ଆଏ । ॥୩୨॥
- ଆଏଜ୍ ଗଲାନ ସମିଆ ସଭେ ଭଜନ୍ ସାର ଯିମା  
କାଲ୍‌ହିର ଆଏଲେଁ ଈ କଥାର୍ ପହେଲେ ନେମା ଜିମା । ॥୩୩॥



## ପାଠକ-୨

# ଦୁର୍ବାସା ଅମରୀଷ କଥା

- କର ଲେହେଁଟାଏ ଦିନ, ଜାତି ରାଏତ ଯାଏ ସରି  
ବନ୍ଧା ବାଗିର ଅଧାର ଯାଏ ଉକିଆ ଆସେ ଝରି ।      ॥୧॥
- ଦିନ ଉଠୁଛେ ଫୁଲି ଫୁଲି ରାଏତ ଯାଉଛେ ଉସରି  
ନୀଳ ଆକାଶ ଗଭୁଁ ଆସେ ଲାଲିଆ ବେଲ ନିସରି ।      ॥୨॥
- ଚଢ଼େର କଠେଁ ହରେକ ରକମ୍ ଗୀତ ଶୁଭେ ସୁରୁତ  
କୁଳିହା ମୁହେଁ କହେ ରାଏତ ହେଲି କୁରୁତ କୁରୁତ ।      ॥୩॥
- ଫୁଲର ଉଠେଁ ମୁଲକି ହସା ହସେ ପୁରୁଥା ରାନୀ  
ପବନ ବୁହେ ଆଶ୍ରମ ଆକାଶ ଫୁଲ ବାସନା ସାନି ।      ॥୪॥
- ତହିଁର ଭିତରେ ଗହୀର ସୁରେ ବେଦ ମନ୍ତ୍ର ଗୁଡ଼ରେ  
ମୁନି ପିଲାକର ଗଲାର ସୋର ସାରା ଆକାଶ ଘୁମରେ ।      ॥୫॥
- ଉଦଳା ବେଲକେ ମୁଦଳା ଆଖି ସଭେ କଲେ ଯୁହାର  
କୁଶ ଆସନେ ବସି ରଖି ରାମେନ୍ କଲେ ବାହାର ।      ॥୬॥
- ରାମର ନାମେ ହରିବୋଲ ଦେଇ କରଲେ କଥା  
ମୁନି ଛୁଆକର ସାଙ୍ଗେ ଶୁନି ବସଲେ ଗଛ ଲତା ।      ॥୭॥
- ସୁରୁୟ ଦେବର ତୁସ୍ତିକରି କହେଲେ “ଦିବାକର !  
ତୋର ବଅଁଶର କଥା କହୁଛେ ମତେ ଦୟାକର ।      ॥୮॥
- “ବ୍ରହ୍ମାର ପୁଠ ମରୀଚ ତାକର ପୁଠ କଶ୍ୟପ ରଖି  
ଦିତି ଅଦିତି ଦୁହି ବହେନ୍ ବିହା ହଇଁ ଖୁସି ।      ॥୯॥

- ଦିତିର ଗର୍ଭୁଁ ଜାତ ହେଲେ ଯେତକି ସବୁ ଦବତ୍  
ଅଦିତିର ପୁତ୍ର ଦେବତା ତାକର୍ନେ ଅନାଏତ୍ ।
- ମାରି ଉଷତ୍ ଦବତ୍, ହାରି ଦେବତା ଅଧିପରାନ୍  
କାନ୍ଦି କାନ୍ଦି ଅଦିତି ମାଁ ହଟ୍‌ହଟା ହଏରାନ୍ ।
- ଉଷାଜ୍ ବୁଲାନ୍ ଦବତ୍ ନିଷ୍ଠେଜ୍ ଦିଶନ୍ ତାକର୍ ପୁଏ  
ଦୁଏଲ୍ ବିନୁଆଁ ଦେବତା ଯେନ୍ତା ମୁଷା ଦେଖଲେଁ ଗୁଏ ।
- ପୁତ୍ରୁ ଦଶା ଦେଖ୍ ମା କରି ନାଲ୍ ପାରେ ସହ  
ଅଦିତିର୍ ଅତିଶୟ ଦୁଖ୍ ଆଖୁଁ ହର୍ମେଷ୍ ଲହ ।
- ମୋର ପୁତ୍ରକର୍ ଦୁର୍ଦ୍ଦଶା ତ ଦେଖ୍ ହେବାର୍ ନାଲ୍  
ସାହା ଭାଏଲ୍ ହେବା କିଏ କାହାକେ କହେସି ଯାଲ୍ ।
- ଓଜର୍ ଘରାଗୁଡ଼ାଁ ସୁରୁୟ ତେଜର୍ ସମୁଦର୍  
ସତ୍ ଧର୍ମ୍ମର୍ ମୁରତି ନାଲ୍ ମାନ୍ ଆଡ଼ମ୍ବର ।
- ବାଟୁଁ ଉବାର୍ ଯାଆନ୍ ନାଲ୍ ଝୁକେ ନାଲ୍ ବେଲା  
ହେଥୁର୍ ଲାଗି ବେଲ୍ ବଲିଁ କିଏ ନାଆଁ ଦେଲା ।
- ନିଦକ୍ ନିଡ଼ର୍ ସର୍ବଦା ପଖ୍ପାତର୍ ନାଲ୍ ଟିଖେ  
ବଡ଼ନ୍ତୁ ସାନ୍ ସମକୁଁ ସମାନ୍ ନଜ୍ରେଁ ରଖ୍ ଲିଖେ ।
- ପୁରଥା ରାନୀର୍ ପୀରତି ତୁରେଁ ହଏ ହର୍ମେଷ୍ ବନ୍ଧା  
ସାରା ଜଗତର୍ ଆଖୁର୍ ପାରା ନେହେଲେଁ ସଭେ ଅନ୍ଧା ।
- ସମିୟା ଉପ୍ରେଁ ଉଦେ ବୁଡ଼େ ଧରମ୍ ଦେବତା ଆଏ  
ତାହାକୁଁ ଡାକ୍ଲେଁ ସାହା ହଜ୍ ପୁତ୍ରୁଁ ରଖ୍ତେ ଘାଏ ।
- ଏନ୍ତା ଭାବିଁ ଶରଣ୍ ପଶ୍ଲେ ସୁରୁୟ ଦେବତାର୍ ନାମେ  
ଏକ୍ ମନ୍ ଏକ୍ ଚିତ୍ ମନ୍ ନାଲ୍ ନ କେନ୍ କାମେ ।



- ଚିନ୍ତି କରି ଦିନପତିନେ ମନର ଦୁଃଖ ଗୁହାରନ୍ ।  
ମୋର ପୁଓକୁ ରଖ ବଳି ଅନୁଖନୁ ଯୁହାରନ୍ । ॥୨୧॥
- ଭଗାରି ହେଲେ ଭାଏ ହେଲେ ବି ମୋର ବହନିର ପୁଏ  
ସୁଖ ହେଲା ନ ସପନ ମତେ ଦୁଖ ଅଠିପର ଦୁହେ । ॥୨୨॥
- ସହସ୍ରାଂଶୁ ତୁମେ ସୂର୍ଯ୍ୟ ! ହଜାରେ ଭାଗୁଁ ଭାଗେ  
ହଇ ଆଏଲେ ଦୁଖ ରାକ୍ଷସ ବରଡ଼ା ବାଣିଁ ଭାଗେ । ॥୨୩॥
- ହେ ମହାପୁ ! ବାବ୍ ଦେଖୁଛେଁ ଆସ ନି ଯେ ଘାଏ  
ନିସାହା ମୋର ଛୁଆକୁ ରଖ ମାନି ପିଠିର ଭାଏ । ॥୨୪॥
- ଅଦିତିର ଗରଭ୍ ହେବାର ପରଲା ଯହୁଁ ଜନା  
ଉପାସ୍ ବରତେଁ ହଜି ଗଲେ ହଇ ଉଷଦ୍ ମନା । ॥୨୫॥
- କଶ୍ୟପ୍ ରକ୍ଷି କହନ୍ ଦେବୀ ! ଗରଭେଁ ଅଛେ ଛୁଆ  
ମାତିନେବ ନାଲିଁ ଖାଇ ପିଇ ଅଚାରୁହା । ॥୨୬॥
- ମୁହୁଁ ହାତେଁ ସପିନେବ ? ଗର୍ଭରୁ ଲି ଅଣ୍ଟ,  
ଛୁଆ ଯେଭେଁ ଜନମ୍ ନେଲା ନାଁ ହେଲା ମାର୍ତ୍ତଣ୍ଡ । ॥୨୭॥
- ଅପାର୍ ତେଜ୍ ଧରି ଜନମ୍ ନେଲା ଯେନ୍ ପିଲା  
ଅସାର୍ କରିନେଲା ଅସୁର କର୍ ଅନ୍ନିୟେ ଲାଲା । ॥୨୮॥
- ଯାହାର୍ ସେବା କରି ପୁଓ ପାଇଥିଲେ ମାଆଁ  
ସେବାର୍ ସୁରେଁ ବେଭାର୍ କରେ ଡାକି ତା'ର ନାଆଁ । ॥୨୯॥
- ଗରଭେଁ ଥିଲେଁ ଛୁଆ ମାଁ ଯାହାର୍ ଗୁନ୍-ଗ୍ରାମ୍  
ଭାବ୍ସି ସେ ସବୁ ଧରି ଆସେ ସେ ସତ୍ତାନ୍ । ॥୩୦॥
- ସୂରଯର୍ ତେଜ୍ ସୂରଯର୍ ଗୁନ୍ ଧରିଁ ଆଏଲା ପୁଓ  
ସୂରଯର୍ ନାଁ ଧରି ଡାକ୍ଲେ ସହଜେଁ କଲା 'ଓ' । ॥୩୧॥

- ବିହା ହେଲା ପିଲା ଫେର ତିନୁ ତିନୁଟା ରାଜା  
ସୁରୁୟ ବଂଶ ଯା'ର ନୁ ଜନମ୍ ରାଜ୍ୟ ନାଁ ଜାନି । ॥୩୨॥
- ପୁଠ ଗୁଟେ ହେଲା ନାଆଁ ବୈବସ୍ୱତ ମନୁ  
ମାନବ୍ ବଧଲେ ତାକୁଁ ଯାହା ଜନ୍ମ ନେଲେ ତାରୁନୁ । ॥୩୩॥
- ତାକର ଆଗୁଁ ମୁନୁଷ୍ ଜାଏତ୍ କା ନାଆଁ ଥୁଁ ଡକା  
ହଉଥିଲେ କିଏ ଜାନ୍ଦ୍ କହି ନୁହେ ପକା । ॥୩୪॥
- ସୁରୁୟ ବଂଶେଁ ରାଜ୍ କରଲେ ରଜା ଶହ ଶହ  
ଜନ୍ ନୁ ଛାଡ଼ି କାଲ୍ -ସମୁଦରେଁ ହଜି ଗଲେ ଜହ । ॥୩୫॥
- ବନ୍ଦ୍ କାମ୍ କଲେଁ ଜନ୍ଦ୍ ଗଲେଁ ବି ସେ ମରି  
ମାଏର୍ ହେଲେଁ ବି ଦେହେ, ରହେ ଯଶର ଶରୀର୍ ଧରି । ॥୩୬॥
- ଜନମ୍ ନେଇ ଜଗତର ନାଇଁ କଲେଁ ଉପକାର୍  
ଆଏବା ଯିବାର୍ କେ ପଚାରେ ଜଟା ଆଏ ସଂସାର୍ । ॥୩୭॥
- ଭଲ୍ ରଜାର୍ ବଲ୍ବପୁ ବୁଦ୍ଧି ଜ୍ଞାନ ଧରମ୍  
ଆଚାର୍ ବିଚାର୍ ସୁକୃତ୍ ଆର୍ ଅର୍ଜ୍ଜ୍ଵା ଶୁଭ କରମ୍ । ॥୩୮॥
- ଆସି ମିଶେ ସୁରୁୟ ବଂଶର ରକତ୍-ଗଙ୍ଗାଧାରେଁ  
ବୁହେ ଅବତକ୍ ସଭେ ଗଲେଁ ବି ସେ ପାରେଁ । ॥୩୯॥
- ସେମାନକର ତ ଅଶେଷ୍ କଥା କହି ହେବା ଟିକେ  
ଲାଖ୍ ଲାଖ୍ ସେ କଥା ଭିତରୁଁ ଲିଖ୍ ହେବା ଲିଖେ । ॥୪୦॥
- ନାଇଁ ଛାଡ଼ି ବଲ୍ବସ୍ୱତ୍ ମନୁର କଥା କିହେ  
ଦୁଇ ଗୁଡ଼ିଆ ଜାବ୍‌ଟାକେ ଯେ ମୁନୁଷ୍ ପନ୍ ଦିଏ । ॥୪୧॥
- ଜି ମୁନୁଷ୍ ଆଚାର୍ ବେଭାର୍ ତାଲ୍ ଚଳନ୍ ନେଇ  
ନିୟମ୍ ବାନ୍ଧି ସୁମୁତି ନାଏଁ ସେ ହିଁ ଗଲା ଦେଇ । ॥୪୨॥

ଇକ୍ଷ ଭିତରେ ଜନମ୍ ରଜା ଇକ୍ଷ୍ଠାକୁ ନାଁ ତାର ଚାଲି ଚଳନ୍ ସୁଆଦ୍ ସବ୍ କୁଶେର ପରକାର ।	॥୪୩॥
କକୁଭ୍ ନାମେ ରଜା ଆକାଭୁତ୍ ତାକର କବାର ସର୍ଗର ରଜା ଅସୁର ମାରେ ଥିଲା ଅପାରବାର ।	॥୪୪॥
ଇ ଦିନତକ୍ ମୁନୁଷ୍ ଆଶୁରୁ ଥିଲା ଦେବତା ଦୟାକେ ଦେବତା ଆସି ଆଶୁରା ମାଗଲେ କକୁଭ୍ ବାହାର ଛାୟାକେ ।	॥୪୫॥
କକୁଭ୍ କହେଲେ ଅସୁର ମାନକର ମହାଦେବକୁ ଡର ମହାଦେବ୍ ବଶେଁ ଲଢ଼ଲେଁ ଜିତ୍ ହେବା ନ ଆମର ।	॥୪୬॥
ଇନ୍ଦ୍ର ହେଲେ ଷ୍ଟର୍ ବଲଦ୍ରେ ତା'ର ତୁଲେଁ ବସି ଖୁନ୍ ଖୁନ୍ଦାଲି ହେବେ ଅସୁର ଲଢ଼େଇ କଲେଁ କଷି ।	॥୪୭॥
ଷ୍ଟର୍ ତୁଲକେ କକୁଦ୍ ବଲସନ୍ ତାହିଁ ବସଲେ ବଲିଁ ଇ ରାଜାର କକୁଭ୍ ନାଆଁ ଆନ୍ ମହାନ୍ ବଳୀ ।	॥୪୮॥
ଇ କୁଲର ବିଷ୍ଣ ଉକଡ୍ ରଜା ଅମରୀଷ୍ ଦୁର୍ବାସା ଦିନ୍ଦ୍ ବର୍ତ୍ତାଲେ ଦୁର୍ଭାଷା ନେଇ ରିଶ୍ ।	॥୪୯॥
ଜଟା ହିଚେଇ ରଜାର ଆଡ଼କେ ପଠାଲେ କରି କାତ୍ୟା କ୍ରୁଏ ଆକାରେଁ ଗଲା ସିଏ କରବାର କେ ହତ୍ୟା ।	॥୫୦॥
ଆଡ଼ମ୍ବିତ୍ ଅମରୀଷ୍ ସଡ଼କ୍ ଦମ୍ ଠିଆ ବିଷ୍ଣୁ ଦମ୍ହେଁ ବିଷ୍ଣ ଉକ୍ତର କେନ୍ ହଲସି ହିଆ ?	॥୫୧॥
ବିଷ୍ଣ ଜାନି ଉକ୍ତର ଦଶା ହେଲେ ପରସନ୍ ସେ ତୁରତି ପୁହୁଁଚି ଆଏଲା ଚକ୍ର ସୁଦରଶନ୍ ।	॥୫୨॥
ଚକ୍ର ଆସି ଦୁର୍ବାସାର ପାଶେଁ ହଉନ୍ ଠିଆଡ଼ ହଜାର ଆରାର ଚକ୍ର ଦେଖ୍ ରଖି ଇଆଡ଼୍ ସିଆଡ଼୍ ।	॥୫୩॥

ଜୀବନ୍ ଡରହେ ପବନ୍ ଲେଖେଁ ରଖି ଯାହିଁ ପଲାନୁ ତପର୍ ଶକ୍ତି ବିଷ୍ଣୁ ଭକ୍ତି କେ ବରକସ୍ ଯୁଲାନୁ ।	॥୪୪॥
ଶିବ୍ ବ୍ରହ୍ମାର ପାଶ୍ରେ ଗଲେ ଦେଲେ ମୁହଁ ମୁରି କହେଲେ ବିଷ୍ଣୁନିକେ ଯଥା କାହାକେ ନାହିଁ ନୁରି ।	॥୪୫॥
ବିଷ୍ଣୁ ନିକେ ପୁହୁଁତିଲେ କି ବିଷ୍ଣୁ କହେଲେ ମୁନି ! ଭକତ୍ ଉପରେଁ ଶକ୍ତି ମୋର ହଜିଥିସି ବୁନି ।	॥୪୬॥
ମତେ ମୋର କରସି ଯେ ହେସିଁ ତାର ଦାସ୍ ଯାହିଁ ଥିଲେଁ ବି ନଜର ମୋର ନାହିଁ ଛାଡ଼େ ତାର ପାଶ୍ ।	॥୪୭॥
ଭକ୍ତର ଦୁଖ ମୋର ହେସି, ସୁଖ ମୋହର ତାର ଯେ ଜାନସି ମତେ ହେସି ମୋହରି ପରକାର ।	॥୪୮॥
ରଖୁ ନାହିଁ ପାରେଁ ତୁମକୁଁ ପାରବେ ଅନ୍ୟରାଷ୍ ତାକର ଆଶ୍ରା କର ରଖି ଛାଡ଼ି ରାଗ ରିଶ୍ ।	॥୪୯॥
ଆଗେଁ ଆଗେଁ ଯାଆନ୍ ରଖି ପଛେଁ ସୁଦରଶନ୍ ଏଦେ ଧରେଁ ସେ' ଦେ ମାରେଁ ବାଗିର ଦଉଡ଼ସନ୍ ।	॥୫୦॥
ଜୀବନ୍ ଛଡ଼ା ଦଉଡ଼ି ରଖି ନିଜର ଜୀବନ୍ ଆଗେଁ ପଡ଼ି ଉଠି ଯାଇ ପଡ଼ିଲେ ରଜାର ପାଦ୍ ପାଶେଁ ।	॥୫୧॥
ଦୋଷ୍ ହେଲା ହୋ ! ଅନ୍ୟରାଷ୍ କ୍ଷେମା କର ଘାଏ ଜାନୁଲିଁ ଅଭିମାନୁ କେଡ଼େ ଦରଦ୍ ଦିଆ ଆଏ ।	॥୫୨॥
ଇଛନ୍ ଜାନୁ ଲିଁ ବିଷ୍ଣୁ ଭକତ୍ ବିଷ୍ଣୁରନ୍ ବଡ଼୍ କେନ୍ ଭଗାରି ପଶି ପାରବା ବିଷ୍ଣୁ-ଭକ୍ତିର ଗଡ଼୍ ?	॥୫୩॥
ଦୁର୍ବାସାର ଦୁର୍ଦ୍ଦଶା ଦେଖୁ ରଜା ଦୟାର ମୂର୍ତ୍ତି ସୁଦର୍ଶନକେ ବୁଝାବାରକେ ବିନ୍ଦି କଲେ ତୁରତି ।	॥୫୪॥



- ଶାନ୍ତିନାହିଁ ମିଳେ ଯେ'ନ୍ତି ହେଲେ ବି ଧନ୍ ଦରବ୍  
ଆଗେଁ ତିଆର କଲେଁ ପଛେଁ ମିଳେ ସୁଖ ସରବ୍ । ॥୭୬॥
- ପାବଳା ପତର ପରଲେଁ ଯାଇଁ ଦୁଆଁ ପତର ପିକାଏ  
ଆଗୋ ପାଏନ୍ ପସରା ଶୁଖେ ପଛେଁ ମେଘ ରୁକାଏ । ॥୭୭॥
- ଯାହା ବଅଁରୁ ତାହା ଖାଏବ ଦିଆ ଥୁଆ କରି  
ଧନ୍ କାହାରିର ନୁହେଁ କିଏ ଯାଏସି ଧନ୍ ଧରି ? ॥୭୮॥
- ଏକା ଜୀବନ୍ ଜାଇଁ ପାରଲେଁ ଜୀବନ୍ ହଏ ସାପୁଲ୍  
ସେ ଜୀବନ୍ ବାଇଁ ଧରେ ଧଏନ୍ ରଘୁ କୁଲ୍ । ॥୭୯॥
- ସଗର ନାଏଁ ରଜା ତାକର ଜନମ୍ ଆଗର କଥା  
ମାୟ ପାଁଚେ ଥିଲେ ଗରଜେଁ ବେଲକେ ମଲେ ଜନମ୍ କର୍ତ୍ତା । ॥୮୦॥
- ଖୁଦ୍‌ମା ମାନେ ଖାଏଦ୍ ସାଙ୍ଗେଁ ଗରଭିନୀ କେ ଗରଲ୍  
ଦେଲେଁ ଭି ମା ପୁଓ ଦୁହେଁ ବଅଁଚି, ରହେଲେ ସରଲ୍ । ॥୮୧॥
- ଗରଲ୍ ସାଙ୍ଗେ ଗରଭୁଁ ଆଏଲେ ବଲିଁ ସଗର ନାମ୍  
ରଜାର ଷାଠେ ହଜାର ପୁଓ ଅନାଧୁନ୍ କାମ୍ । ॥୮୨॥
- ମାଏର୍ କୁଡି ଖାଏଲେ ପୁର୍ଥୀର୍ ଚାଏର୍ ଭାଗୁଁ ତିନ୍‌ଭାଗ୍  
ଗାଡ଼ଖାଲ୍ ଦେଖୁଁ ପୁରଥା ପୁରନ୍ଦର ରାଗ୍ । ॥୮୩॥
- ସଗର ରଜାର ଯଜ୍ଞ ଘୁଡ଼ା ସଗର ରଜା ରୁରେଇ  
ଷାଠେ ହଜାର ସଗର ପୁଓକୁଁ ସୋଜ୍ ମାରଲେ ନୁରେଇ । ॥୮୪॥
- ନୁରି ନୁରି ଦେଖଲେ ଦିନ୍‌ଏ ଘୁଡ଼ା ବନ୍ଧା ହଜଛେ  
ପାଶେଁ ବସେ ଜନ୍‌ଏ ଦୁହି ଆଏଁଖ୍ ମୁଜି ନେଇଛେ । ॥୮୫॥
- କହେଲେ ଦେଖ ବସେ ଭାଇ ! ଧାନୀର୍ ବେଶେଁ ଚୋର୍  
ଚୋର୍ ନୁହେଁ ସେ ଖାଲି ଶଲା ବଡ଼େ ଜାଲଜ୍ ଯୋର୍ । ॥୮୬॥

- କପିଳ୍ ମୁନି ତପିସା କରନ୍ ଆର୍ଷ୍ଣ କାନ୍ଦକେ ମୁକ୍ତି  
ଧ୍ୟାନ ସମ୍ପଦରେଁ ହଜି ଯାଇଛନ୍ ଗୁରୁ ଗିଆନ୍ ଖୁଳି ।      ॥୮୭॥
- ଗୋଲ୍ ମାଲ୍ ଶୁନି ଭୋଲ୍ ଭାଲ୍ ମୁନି ହେଲେ ବିରକତ୍  
ଖୁଲି ଦେଖିଲେ ଲାଲ୍‌ଲାଲ୍ ଆର୍ଷ୍ଣ ଝରେ କାଏଁ ରକତ୍ ।      ॥୮୮॥
- ରିଶ୍ମି ଆଖିଁ ଦେଖିଲେ ସାଠେ ହଜାର୍ ଗଲେ ଜଳି  
ଜନ୍‌ଏ ବି ଜାନିନାଲ୍ ପାର୍ଲେ କେନ୍ତା ମଲ୍ ବଲି ।      ॥୮୯॥
- ଜୀବନ୍ ଗଲା ଆର୍ପାର୍ ଦିହମାନ୍ ହେଲା ଖାର୍  
ବଅଁଶ୍ ଲୁକେ ନୁରଲେ ଉପେକେନ୍ତା ପାଏବେ ପାର୍ ।      ॥୯୦॥
- ତପ୍‌ଖଟି ଭଗିରଥ୍ ଗଙ୍ଗା କରି ସତୋଷ୍  
ସଗୁଁ ତେଗ୍‌ଲେଁ ଛିନ୍‌ବେ ବଲି ମନାଲେ ଆଶୁତୋଷ୍ ।      ॥୯୧॥
- ଜଲ୍‌ଥୁଲେ ସଗର୍ ପୁଏ ପାଇ ଗଙ୍ଗାର୍ ଧାର୍  
ରଷି ଶାପର୍ ଜଲ୍‌ତା ଜୁଏନୁ ପାଇଗଲେ ପାର୍ ।      ॥୯୨॥
- ଏନ୍ତା ମହାନ୍ ଲୁକର୍ ରକତ୍ ସୁରୁୟ୍ ବଅଁଶ୍ ଗଡ଼େ  
ବନ୍‌ଏ ବୀଜର୍ ଗଛ ନୁକୋ ସାର୍ ପାଏନ୍ ପାଇ ବଡେ ।      ॥୯୩॥
- ରାମେନ୍ ଥୁଇ ରାମକୁଁ କରି ହୁରୁଦ୍ ଭିତ୍‌ରୁଁ ଯୁହାର୍  
କହେଲେ ମୁନି ଉଠ ବଲି ଯିବାକେ ହଇଁ ତିଆର୍ ।      ॥୯୪॥
- ଶିଷ୍ୟ ଭିତରୁଁ ଶିଷ୍ ଲେଖେଁ ଦିଶନ୍ ଚିଦାନନ୍  
କହେଲେ ବାବା ! କହୁଛେଁ ପଦେ ନାଇଁ ଭାବ୍‌ବ ମନ୍ ।      ॥୯୫॥
- ମୁନୁଷ୍ ହଇଁ ମାଏର୍ ଖାଏଲେ ସଗର୍ ରଜାର୍ ପୁଏ  
ଜାଲ୍‌ବାକେ ବାହାର୍‌ଲା କପିଲ୍ ମୁନି ଆଖିଁ ଜୁଏ ।      ॥୯୬॥
- ଦେବୀ ରୁପେଁ ଥୁଲା ଉତ୍‌ରି ଆଏଲା ଗଙ୍ଗା ନଏଦ୍  
ଦହଦହ ଦେଖୁଁ ଆମେ ପାଏନ୍ ଧାର୍‌ଟେ ସଏଦ୍ ।      ॥୯୭॥
- ବନ୍‌ଏ ହେତା ବାବାଟିକେ ରୁଝେଇ କହିନେଲେଁ  
ହୁଁସି କହେଲେ ରଷି କହେମା ଆଜିର୍ ବେଲ୍‌ହଉ ବେଲେଁ ।      ॥୯୮॥



# ପାଉଡ଼-୭

## ସଗର୍ ରଜା ଆର୍ ଗଙ୍ଗା କଥା

ପଛିମ୍ ଦିଗେଁ କଛିମ୍ ଲେଖେଁ ବେଳ ଯାଉଛେ ରଜି  
ଏକଲା ଆସେ ଏକଲା ଯାଏ କେ'ନ ନୁରସି ସଙ୍ଗା ।      ॥୧॥

ଗଛ ଛଏରାର୍ ରଜ୍ଜ ନେଇ ପୁତୁଲା ଲେଖେଁ ସୁରୁୟ  
ଝାର ଉପରେଁ ଝାରିଁ ଝାରେ ଲାଲିଆ ଖଟାର୍ ମୁରୁୟ ।      ॥୨॥

ଢିଉଁ ଲଗାଇ ଗାଡ଼ ବାନ୍ଧେ ଡେରେ ଗାଏବେ ବଳିଁ  
ଅବରୋହ୍-ସୋର୍ ସୁରେଁ ସୁରୁୟ ତଲକେ ଯାଏ ଭୁଲିଁ ।      ॥୩॥

ହେ ରାମ୍ ହେ ରାମଚନ୍ଦ୍ର ! ରାମ ଭଦ୍ର ଜୟ  
ସୁରେଁ ଆଶ୍ରମ୍ ସାରା ହେଲା ରାମଚନ୍ଦ୍ର ମୟ ।      ॥୪॥

ଧୁଆନ ଭିତରୁଁ ଗିଆନୀ ମୁନି ରାମ୍ ରାମ କହି  
ବୁଡ଼ ପକାଲେ ରାମ୍ ନାମ୍ -ଗଙ୍ଗା ଆସେ ବୁହି ।      ॥୫॥

କହେଲେ ପିଲେ । ସୁରୁଷୋ ନୁ ବି ସୁରୁ ବୀଜାର୍ ଭିତରୁ  
କେନେ ଥିସି ବାଡ଼ସି କେତେ ଫୁଲ୍ ପଲ୍ ପତରୁ ।      ॥୬॥

ଗୁଟେ ବୀଜା ହେସି ତାର୍ ଅରବ୍ ଖରବ୍ ଗୁନ୍  
କେନୁ ଆସସି ଅନୁମାନ୍ ହେସି ଅନାଧୁନ୍ ।      ॥୭॥

ସେ ସବୁ ତ ମାଏର୍ ଆଏ ଖାଏଲେଁ ନାଇଁ ଜାନୁ  
ମାଏର୍ତାତ ମାଏର୍ ଆଏ ମାନୁ ନାଇଁ ମାନୁ ।      ॥୮॥

ଜନ୍ଏ ଜନ୍କରୁ ଷାଠେ ହଜାର୍ ପୁଓ ହେବେ ଯଦ୍ବରି  
ଖାଏବେ କେତେ ହିସାବ୍ କଲେଁ କେ ନାଇଁ ଯାଏ ହଦ୍ବରି ।      ॥୯॥



- ସେ ସମ୍ଭବର ଘର ଦୁଆର ଚାଲି ଚଳନ୍ତ ଲାଗି  
କେତେ ମାଏଟ୍ ସରବା ପୁରୁଥା କେନ୍ତୁ ପାଏବା ମାଗି ? ॥୧୦॥
- ହେଁ ଥୁର ଲାଗି ବଅଁଶ ରଖିବାର ଲାଗି ପୁଓ ଜନମ୍  
ଗୁଟେ ଲାଗି ନିଅମ୍ ତେହେରୁଁ ମନା ସ୍ତ୍ରୀ ସଂଗମ୍ । ॥୧୧॥
- କଦେଲ୍ ବୁଟାର ଗୁଟେ ପିଲକେ ରଖି ବାଜା ପୁଆ  
ଅଲଗାଲେଁ ଅଏନ୍ ଉଁତା ବନ୍ଦ୍ କେଁତା ଥୁସି ଥୁଆ । ॥୧୨॥
- ସମାଜ୍ ମାଜିଁ ଝରକୁ ଥୁବା ନାଇଁ ନଶିବା ଜାଦା  
ହର ବଏସେଁ ବରମ୍ପତାରୀ ଆତାରର ମର୍ଯ୍ୟାଦା । ॥୧୩॥
- ଅଏଧକା ଅଗନ୍ତା ଛୁଆ ଯେତକି କରବେ ଲୋକ୍  
ପୁରୁଥା କାହିଁ ପୁରାବା ମାଏଟ୍ ଯେତକି ହେବା ଭୋକ୍ । ॥୧୪॥
- ହେଁ ଥୁର ଲାଗିଁ ପୁରୁଥାର ତିନ୍ ଭାଗ୍ ଗାଡ଼ଖାଲ୍  
କେନେ ରମେବେ ମୁନୁଷ୍ କାହିଁ କରବେ ବୁଲ୍ ତାଲ୍ ? ॥୧୫॥
- ‘ରାମଚନ୍ଦ୍ର ଜଏ’ ବଲି ସଭେ ତାଲି ମାଗ  
କହେଲେ ଗଲା ସଦେହ୍ ସୋକ୍ ହେଉଥୁଲୁଁ ଘାରି । ॥୧୬॥
- “କପିଲ୍ ମୁନି ଦେଖିଲେ ବେଲକେ କାହୁଁ ଆଏଲା କୁଏ ?  
ସେଥୁଜଲି ଖାର୍ ହେଲେ ସଗର୍ ରଜାର ପୁଏ । ॥୧୭॥
- ଚରତା କରି ପରୁଛା କରମା ରାମ୍ ମହାପୁର ରାହା”  
କହି ରଖି କହେଲେ ସ ଭ ରାମ୍ ର ନାମ ଗାଆ । ॥୧୮॥
- ସବୁ ଆଖିଁ ସୁରୁୟ ଥୁସନ୍ ନିଜର୍ ତେଜ୍ ଧରିଁ  
ଆଏଖିଁ ମୁଜଲେଁ ସେ ତେଜ୍ତା ବଦେ, ନାଇଁ ସରି । ॥୧୯॥
- ଭଲ୍ ସାଧନାର ଫଲ୍ ସାଧୁର ମିଲେ କରଲେଁ ତୋଷ୍  
ଅନ୍ତଜଲ ଯାହା ଥାଏ, ପାଏ ଯେ ବଦାଏ ରୋଷ୍ । ॥୨୦॥

ଝାରି ଜାନ୍‌ଲେଁ ଖାଏବ ଅଏନ୍ ମହୁଘରାର ମହୁ ନାଇଁ ଜାନ୍‌ଲେଁ ମହୁମାଛିର ଦାଉ ଦେହେ ସହୁ ।	॥୨୧॥
କପିଲ ମୁନି କେଦନି ଦିନୁ ଆଏଁଖି ଥିଲେ ମୁଜି ରିଶମି ହଇଁ ଆଏଁଖି ଫିଟେଇ ଯେନ୍ତା ଦେଖିଲେ ଖୁଜି ।	॥୨୨॥
ଅଗନା ଦିନୁ ସୁରୟ ଚେଇଁ ହଇଥିଲା ଜମା ରିଶମିଥିଁ କାହିଁ କା'ଣା ହେଲା ଅକଳନା ।	॥୨୩॥
ମୁନି ନଜରର ଚେଇଁ ପଡୁଁ ପାଲଟିଁ ଗଲା ଜୁଏ ଜଳି ବସିଲେ କାହିଁ ରହେତେ ସଗର ରଜାରୁ ଛୁଏ ।	॥୨୪॥
ଖାଏମି ଖାଏମି ହଇଁ ଜଲୁଥିଲା ଅସନ୍ତୋଷ ଅହଂକାର ନୁରୁଥିସି ନିରଦୋଷୀ ନେ ଦୋଷ ।	॥୨୫॥
ଦିହେଁ ଜଲ୍‌ଲେଁ ଜୁଏ-ଅସନ୍ତୋଷ ଅହଂକାର ସାଧୁ ସଂଥ ସୁତର ଉପରେ ଉଲଦେ ଦୋଷର ଭାର ।	॥୨୬॥
ହେନ୍ତା ଲୋକକେ ମାରବାକେ ନାଇଁଲାଗେ କାହାକେ ହରୁ ହରଦମ୍ ମରୁଥିସି ଜାଇଁ ଥିସି ନାଆଁକେ ।	॥୨୭॥
ଖରାୟ କାମର ବିଷମ୍ ଫଲ ବିଷ୍ଠ ଠାକୁ ବି ବେଶୀ ଜଲୁଥିସି ଶିଆନ୍ ଗଙ୍ଗା ଆଏଲେଁ ଯାଏସି ମେଶି ।	॥୨୮॥
ଏଦକି ଜାନି ତାକର ବଅଁଶର ରଜା ଅଂଶୁମାନ୍ ପୁହୁଁଚି ଆଏଲେ ମୁନିର ପାଶକେ ଛାଡି ଅଭିମାନ୍ ।	॥୨୯॥
ହାଏର ଗୁହେର କରି ମୁନିର ମନକେ ବୋଧ କଲେ ମୁନି କହେଲେ ଘୁଡ଼ା ନେଇ ଯଜ୍ଞ ସାର ଭଲେ ।	॥୩୦॥
ହବିର ଆଶେଁ ଦେବତାମାନେ ଥିବେ ଟାକି କରି ତାହାକୁଁ ଆଗୋ ଡୋଷକରି ଯଜ୍ଞେ ଅଛ ବରି ।	॥୩୧॥



- ଜହ୍ନୁ ମୁନି ଦେଲେ ପିଇଁ ଗଙ୍ଗାର ଧାର ବନ୍ଦ  
 ଧରା ଛପକା ଭଗୀରଥ କହନ୍ କପାଳ ମନ୍ଦ । ॥୪୩॥
- ଗୁହାରି ଶୁନି ଜହ୍ନୁ ମୁନି ଜାନୁ ଦେଲେ ଚିରି  
 ନିର୍ଦ୍ଦରୀ ଆସଲେ ଜାହ୍ନବା ହଇ, ଲହକି ବନ୍ଦଗିରି । ॥୪୪॥
- ଆଗର ଦୁର୍ଗ୍ଣ ସଗର ପୁଷ ପାଇଗଲେ ନିଷ୍ଠାର  
 ଖାଲ ପୂରି ପାସନ୍ ସାଗର ନାମେ ହେଲା ବିଷ୍ଠାର । ॥୪୫॥
- ଚିଦାନନ୍ଦ ଶୁନି ପଡ଼ିଗଲେ ମୁନିର ପାହେଁ  
 ଭକ୍ ଭକ୍ ଦେଖୁ ହୁଅନ୍ କିଛି କହେଁ କି ନାହିଁ କହେଁ । ॥୪୬॥
- ହଁ ସି କହେଲେ ରଖି “ବାବୁ ! କହେମି କହେମି ହଉ  
 ନାହିଁ କହି, କାଁ କରି ସୋଜ୍ ଅପସରି ରହୁ ? ॥୪୭॥
- କହେବାରୁ ମନ୍ ଥାଇ ଯଦ୍ବରି ଯେ ଭି ନାହିଁ କହେ  
 ଅକ୍ରହା କଥା ଅସୁହା ରହି ମନ ଗହନ୍ କେ ଦହେ । ॥୪୮॥
- ମୁନି ମନର କଥା ଶୁନି କହେଲେ ଚିଦାନନ୍ଦ  
 ଆଜିର କଥା ଶୁନି ମୋର ମନେ ଉଠେ ବୁନ୍ଦ । ॥୪୯॥
- ପାସନ୍ ଧାର କାର୍ଯ୍ୟ କହେ କଥା ? କେନ୍ଦ୍ରା ହସ ବୁଝି ?  
 ନଦୀର ଭାଷା ମୁନୁଷ୍ଟ ବୁଝେ କେଉଁ କେନ୍ଦ୍ରା କି ରୁଜ୍ଝି ? ॥୫୦॥
- ଆମେ ଜାନ୍ଲେ ନଦୀର ସାଙ୍ଗେ କଥାବାର୍ତ୍ତା ହେତୁଁ  
 ଚାର ମେତାଲ ପୁହୁଁଚିବାରୁ ଠାନ୍ ରହେତା ଆମର ହେତୁ । ॥୫୧॥
- ହଁ ସି କହେଲେ ରଖି ମନେ ବନ୍ଦ୍ୟ ହଇ ଉଷଡ଼  
 ପୁରସ୍ବଟେ ଦେଲ କହେମି କଥା ଯାହା ସଡ଼ । ॥୫୨॥
- ଗଙ୍ଗାର ଜନମ୍ କଥା ଶୁନ୍ଲେ ଜାନବ ସବୁକଥା  
 ସନ୍ଦେହ ଯିବା, ଯିବା ସାଙ୍ଗେଁ ମନର ସବୁ ବଥା । ॥୫୩॥

ଜଉ ଚେତନ ସବୁଠାରେ ଅଛନ୍ତି ପରମ୍ ବ୍ରହ୍ମ ବ୍ରହ୍ମ ଭାଷା ହୃଦୟଦାସି ବ୍ରହ୍ମ ବାଦାର ମର୍ମ ।	॥୫୪॥
ସବୁନେ ଯେ ବ୍ରହ୍ମ ଦେଖେ ବୁଝେ ବ୍ରହ୍ମର ଭାଷା ସେ ବାଟେ ବି ତୁମେ ଗଲେ ବୁଝିବ ମୋର ଆଶା ।	॥୫୫॥
ଗଙ୍ଗା ଆଏ ସତେଁ ସତେଁ ବ୍ରହ୍ମାନନ୍ଦର ଧାରା ବ୍ରହ୍ମ ଦରଶୀ ମହାଦେବକର ତିନିହି ଆଖିର ପାରା ।	॥୫୬॥
ବ୍ରହ୍ମର ସବ୍ ସାଧନାର ଫଳ ଜଳଧାର ହଇଁ ବୁଝେ ସରବ୍ ଦାନୀ ହିମାଳୟକେ ହରୁ ହରଦମ୍ ଦୁହେ ।	॥୫୭॥
ଗଙ୍ଗାର ଜନମ୍ ଜାର କଥା ଶୁଣିଲେଁ ପାରୁବ ଜାନି କହେଲେ ମୁନି ଭାବ୍ ଭକ୍ତି ସେ' ସେ ଥିଁ ସାନି ।	॥୫୮॥
ସରଗେଁ ହେଲା ସଭା, ଅଲଗା ଶୋଭା ଶିରୀ ତାର ସଜାବାରେଁ ଜାନ ଲାଗିଛେ ସବୁ ଦେବତାର ।	॥୫୯॥
ଯକ୍ଷ ଗନ୍ଧର୍ବ୍ ସିଂହ କିନର ଅପ୍ସରା ସଭେ ଜମିଛନ୍ତି ନିଉତା ପାଇ ନାହିଁନ ଅପ୍ସରା ।	॥୬୦॥
ବିଷ୍ଣୁ ବସନ୍ତ ଆସିବ ଦିଷ୍ଟ ସଜା ତାକର ଆସନ୍ ଡେବର ବ୍ରହ୍ମା ଭୁଜନି ଶିବ ଆଖି ପାଖି ବସନ୍ ।	॥୬୧॥
ବ୍ରହ୍ମର୍ଷି ଦେବର୍ଷି ସବ୍ ଆନନ୍ଦ ରସେଁ ଭାସୁଛନ୍ତି ତାକର ତାକର ବୁଝିଲା ବାଗିର ବ୍ରହ୍ମଜ୍ଞାନ ଭାଷୁଛନ୍ତି ।	॥୬୨॥
ନାରଦ୍ ଆଏଲେ ହାତେଁ ତାକର ବ୍ରହ୍ମସୁରା ବାନୀ ତାରେଁ ତାର ନାହିଁ ଶୁଭେ ବ୍ରହ୍ମର ନାମ୍ ବିନୀ ।	॥୬୩॥
ବିଷ୍ଣୁ ବସନ୍ ଧରି ସର୍ବ ଚିତ୍ ଆନନ୍ଦର ବେଶ୍ ସରୁଆଡେଁ ଦିବ୍ୟ ଭାବ୍ ସାହିବ୍ ପରିବେଶ୍ ।	॥୬୪॥

ବ୍ରହ୍ମର୍ଷି ନାରଦ୍ ଦେଖୁଁ ସବୁ ବ୍ରହ୍ମମଧ୍ୟ ବହୁଭାବ୍ ଉଦ୍‌ମୁଦ୍ୟାଳା ହଇଁଗଲେ ତଦ୍‌ଧ୍ୟ ।	॥୨୫॥
ବ୍ରହ୍ମରସେଁ ସର୍ ସର୍ ହଇ କଲେ ବିଷ୍ଣୁ ଭଜନ୍ ନିଶ୍ଚୟ୍ ସଭା ତବଧ୍ ହେଲେ ସଭାଜନ୍ ।	॥୨୬॥
ଆନନ୍ଦ ମଧ୍ୟ ବିଷ୍ଣୁ ଶୁନି ପଞ୍ଚା ଗଲେ ତରୁଲି ଆନନ୍ଦ ରସ୍ ଶିର୍ ପାଦ୍‌କେ ସହଜେଁ ଆସେ ସରୁଲି ।	॥୨୭॥
‘ସେ ହିଁ ଖାଲି ରସ୍ ଆସ କହେସି ସିନେ ବେଦ୍ ସସଦ୍ ଆସଇ ଦେଖ୍‌ଲେ ସଭେ ନାଏନ କିଛି ଭେଦ୍ ।	॥୨୮॥
ଶିବ ଦେଖ୍‌ଲେ ହାତେଁ ଜାଗା ନାଇଁନ ଇହାଛିନି ବ୍ରହ୍ମାର୍ ହାତେଁ କମଣ୍ଡୁ ତୁରତି ନେଲେ ଛିନି ।	॥୨୯॥
ବିଷ୍ଣୁ ଯେନ୍ ଦିନ ନେଲେ ବାମନ୍ ଅବ୍‌ତାର୍ ଦାନେ ଦେଇ ଦେଲା ବଳା ଯାହା ଥିଲା ତାର୍ ।	॥୩୦॥
ତିନି ପାଦ୍ ଭୁଇଁ ମାଗିଥିଲେ ପାଦ୍‌କେଁ ଗଲା ଧରତୀ ଦୁସରା ପାଦେଁ ସରଗ୍ ତିସରା ପାଦ୍ ବାହାରେ ତୁରତି ।	॥୩୧॥
ନାହିଁ ଠାନ୍ ବାହାର୍ କରି ପାହା ଦେଲେ ବଢେଇ ସେ ପାଦେଁ ଫାଟିଗଲା ଈ ବ୍ରହ୍ମାଣ୍-କରହେଇ ।	॥୩୨॥
କା’ଣା ବଳିଁ ଦେଖ୍‌ଲେ ବ୍ରହ୍ମା ଆଶ୍ଚିୟ୍ ହଇ ତାହାକେ ତାମ୍‌ତି ହାତୁଲି ଜାନି ପାର୍‌ଲେ ଛିଇଛନ୍ ତାର୍ ପାହାକେ ।	॥୩୩॥
କମଣ୍ଡୁ ନେ ଥିଲା ଯେନ ଛିନ୍‌ଲା ଆନନ୍ଦ ରସ୍ ଅଁତଲାଇ କରି ମୂଳା ଆଙ୍‌ଠି ରୁକିଁ କରଲେ ହରଷ୍ ।	॥୩୪॥
ସେ ରସ୍ ଥିଲା ବିଷ୍ଣୁ ନଖର୍ କନେ ସେ ଦିନ୍ ଭଗୀରଥର ତପେଁ ତୋଷ୍ ଆସଲା ନରୁଦିନ୍ ।	॥୩୫॥



## ପାଞ୍ଚତ-୮ (ଆଏଦ୍-ଅନୁପ୍ରାସ)

### ନାରଦ୍ ମୁନିକର୍ କାମ୍ ଜଏ ଆର୍ ମୋହିନୀ କନ୍ୟା କଥା

ପୁରୁବ୍ ଦିଗ୍‌କେ ସୁରୁୟ ଆଏଲେ, ଆଏଲା ନ ବି ଖରା  
ପୁରୁତେଲ୍ ଆସେ ସଭା ଧରି ଶୁନ୍‌ବାର୍ ଲୋକ ସାରା ।                    ॥୧॥

ବସି ଗଲେନ୍ ଆସି ସଭେ ନିଜର୍ ନିଜର୍ ଠାନେ  
ବଶୀଭୂର୍ ଆ'ନ୍ ରାମେନ୍ ପଢ଼ଲା ଦିନୁ କାନେ ।                    ॥୨॥

ପୁରୁଷ୍ ପିଲେ ପଛେଁ ବସନ୍ ମାଁ ଜାଏତ୍‌ଟା ଆଗେଁ  
ଫୁରସ୍‌ତ୍ କେ ନୁରେ ରାମେନ୍ ଶୁନ୍‌ଲେ ଲାଗେଁ ଲାଗେଁ ।                    ॥୩॥

ସମର ଛୁଆ ଶମି ଆସନ୍ ମରଲା ତରାତରା  
ସମ୍‌କର୍ ମନ୍ ଉଷ୍‌ତ୍ ଏତେ ନାଇଁ ଦିଏ ମା'ର୍ ଘରା ।                    ॥୪॥

ଗୁଡ଼ା ଛାଡ଼ି ବେରେ ଗୁହୁଡ଼ା ଡାଲେଁ ଡାଲେଁ ବସନ୍  
ଗୁଡ଼ାଦୁ ଅଧେ ଉଡ଼ା ଦେଇ ତାକର୍ ଭାଷି ଭାଷନ୍ ।                    ॥୫॥

ଲହମାନେ ପାଶର୍ ଗଛକେ ଅଙ୍ଗା କରି ଆବ୍‌ରି  
ଲହଁପି ଆସନ୍ ମରଲା ମୁହୁଁକେ ଶୁନ୍‌ବେ ଦହଁପିକରି ।                    ॥୬॥

ମୂଲକି ହସନ୍ ଗଛ ଗୁହୁଡ଼ା ଫୁଲର୍ ଉଠେଁ ଉଠେଁ  
ମୂଲ ହେଲା କି ରାମେନ୍ କିହେ ନାଇଁ କହନ୍ “ଉଠେଁ” ।                    ॥୭॥

ଆସ୍‌ବାର୍ ସଭେ ଆସିଗଲେନ ରଷି ଆସ୍‌ବାର୍ ନିହେ  
ଆଶ୍‌ରିୟ କଥା ଯାହାକେ ପଚାର ନାଇଁ ଜାନ୍‌ବାର୍ କିହେ ।                    ॥୮॥

ଶେଷେଁ ଆସି ସଭା ଆଗେଁ କହେଲେ ସଦାନନ୍  
ସେ' ସେ ଥିଁ ପଚରଉଥିଲେ ରଷିର୍ ଭଲ୍ ମନ୍ ।                    ॥୯॥



ଅମର ଆଏଲେ କାଏଲ ଆଶ୍ରମ ନିକେ ନାରଦ ମୁନି  
ଅମରଦ ସାନି କଥା ଆନି କହେଲେ ପାରକୁ ଶୁନି । ॥୧୦॥

ପାହା ବଢ଼ାଲେ ଆଜିର ଆଶ୍ରମ ଛାଡ଼ିବେ ବଢ଼େ ପୁରୁ  
ପାହାଟିଆ ନୁ ବଟାବାରକେ ଗଲେ ସାଙ୍ଗେ ଗୁରୁ । ॥୧୧॥

ସଭାର କାମ କହିଯାଇଛନ୍ ନାହିଁ କରବ ବନ୍ଦ  
ସଞ୍ଜାଲି ନେବା ଗିଆନ-ସଭଦାଗର ସଦାନନ୍ଦ । ॥୧୨॥

ଆଏଲେ ସଦାନନ୍ଦ ଗୁରୁର ଆସନ ପାଖକେ ଉଠି  
ଆଏଇ ବି ସମକିରିର ମୁହେଁ ଆନନ୍ଦ ଆସେ ଫୁଟି । ॥୧୩॥

ହେ ରାମ ! କହି ଗୁରୁ ଆସନ କେ ଆଗେଁ କରି ଯୁହାର  
ହେରା ଟେକା ନାହିଁ, ହେଲେ କହେବାକେ ଡିଆର । ॥୧୪॥

ସୂରୁୟ ଯାଉଥିଲେ ବୁଢ଼ି ନାରଦ କାଏଲ ଆଏଲେ  
ସୂରୁ ନୁହେ ସେ କଥା ଗୁଟେ ଗୁରୁତର କରି କହେଲେ । ॥୧୫॥

‘ଆଏଇ ଆଏଲି ଲଙ୍କା ପୁରୁ କହେଲେ ମହାରଷି  
ଆଏଇ ପ୍ରାନ୍ତ ରାବଣ ଯାହା କହେଲା କହେଲେ ଖୁସି । ॥୧୬॥

“ବରହ୍ମା କହିଥିଲେ ଦଶରଥ ଅବଧି ରଜା  
ବରର ବେଶେଁ ଯା’ନ୍ କୋଶଲ ଦେଶକେ ବଜେଇ ବଜା । ॥୧୭॥

ଜନମିବା ଯେନ୍ ଛୁଆ ସେ ଦୁହିକର ଅଉରସେଁ  
ଜନଉଛେଁ ମୁଇଁ ଜନ୍ମ ବି ନାହିଁ ରଖେ ତୋର ବଂଶେଁ । ॥୧୮॥

ପାରବୁ ବଏଲେଁ ଇହାଛନ୍ତି କିଛି କଲେଁ କର  
ପାର ପାଏବୁ ମୁର୍ତ୍ତିର ମୁହଁ କାଏଁ ତର ଅଠିପର । ॥୧୯॥

ବରଯାଦରୀ ସରଯୁ ନଦୀ ଯାଉଥିଲେ ଡଙ୍ଗାଥୁଁ  
ବରକସି ଯାଇ ଭାଙ୍ଗିଲି ଡଙ୍ଗା ବୁଢ଼ିଥିବେ ନ ଗଙ୍ଗାଥୁଁ । ॥୨୦॥

- ଯାଇଥିବେ ସେନକେ ଯେନୁ ନାଇଁ ପାରନ୍ କେ ଫିରି  
ଯା'ଇଛା ତାହା ବଢ଼ବା ଏତକେଁ ଦାନବ୍ ଶାସନ୍ ଶିରୀ । ॥୨୧॥
- କଉଶଲ୍ କରି ଆଗୁଁ ବୁରେଇ ଆନି ଥୁଲି ମୁଇଁ  
କଉଶଲ୍ୟାକେ ମୁହେଁ ତିମିଜିଲ୍ଲର୍ ଥୁଲିଁ ଥୁଇ । ॥୨୨॥
- କୋଶଲ୍ ଜେମା ପେରି ଭିତ୍ରେଁ ଥୁବା ତିମିର୍ ମୁହେଁ  
କୋଶ୍ କୋଶ୍ ଗହେର୍ ପାନି ଯମର୍ ଭେର୍ ପାଏବେ ଦୁହେଁ । ॥୨୩॥
- ହେଁ ବାର୍ତା କହି ରାବଣ୍ ହଉଥାଏ ଉଶ୍ୱାସ୍  
ହେବାର୍ ଯାହା ହେବା କର ନାଇଁ କର ବିଶ୍ୱାସ୍ । ॥୨୪॥
- ନାରଦ୍ କହେଲେ ରାବଣ୍ ଆଶ୍ ମିଶା ଅଭିମାନ୍  
ନାର୍ବାକେ ପାର୍ବାର୍ବାକେ ଦୁର୍ଜନର୍ ଥାଏ ଟାନ୍ । ॥୨୫॥
- ଜନ୍ୟ ଅଛେ ଜନା ନାଇଁ ତାର୍ ତନ୍ ମନ୍  
ଜନଉଥାଏ ତାହାକେ ବିହିଁ ଯୁର୍ବା କେନ ଷଣ୍ । ॥୨୬॥
- ବାଆରି ଆନ୍ଲେଁ ତାହାରି ଯୋଗୁଁ ବାଉରି ହେସିମନ୍  
ବାହାରି ରୁଲ୍ସି କାହାରି ନୁହିଁ ଘେଁସରା ତେଲ୍ ଇ ତନ୍ । ॥୨୭॥
- ଦୁହେ ମିଶି ଜୀବନ୍ ହେସି ମନ୍ ଥାଏସି ଲୁକି  
ଦୁହେ ସଂସାର୍ ଖାଏକେ ସିନେ ଫେଫଲ୍ ହେସି ରୁକି । ॥୨୮॥
- ଗୁରସ୍ ଲେଖେଁ ହେବା କାଏଁ ଫେଫଲ୍ ପିଇଲେଁ ଯେତେ  
ଗୁର ମେତାଲ୍ ଲାର୍ବା ? କାଦୋମଲି ଖାଏଲେଁ ପେଟେ ? ॥୨୯॥
- ମୁଲୁର୍ ମୁଲୁର୍ ହିଁସେ ଆତ୍ମା ତାକର୍ ଭିତ୍ରେଁ ଥାଇ  
ମୁଲୁଁ ଶେଷ୍ ଜାନୁ ଥୁଲେ ବି ତୁନ୍ତାନ୍ ଥାଏ ଟାହିଁ । ॥୩୦॥
- ଉଦୁର୍ମାତ୍ ମନ୍ କରି ନାଇଁ ପାରେ ହଲ୍ବଲ୍  
ଉଦୁର୍ଧୁମା ଦିହ୍ ଦେଖୁଁ ନୁହେ ବି ମଲ୍ ମଲ୍ । ॥୩୧॥

- ଇମାନେ ରହନ୍ ନିଜର ବାଟେଁ ସେ ରହେ ତାର ତାର  
 ଇମାନ ତାର ମାଲିକରୁନ୍ ହୁଏ ନାହିଁ ପାର । ॥୩୨॥
- ଦେହେ ମନର ଏତା ଭୁଡ଼ା କେତେ ଡେରି ଡେରି  
 ଦେହେରୀ ପରମାତ୍ମାନିକେ ଯିବାକେ ଉଦ୍‌ବେଗି । ॥୩୩॥
- ସୁନାର ଦିହ୍ ତୁନା କରି ଘର କରେ ସୁନାର  
 ଶୁନାଏ ଅରବା ଆପନା ବଉତି ଅହେତୁକ୍ ଅହଂକାର । ॥୩୪॥
- ମୁରତୁକେ ଭାବସି ରାବଣ କରବାକେ ଅଧୀନ୍  
 ମୁରଛି ନୁହେ ଦିହର ମମତା ରହେତା ସବୁଦିନ୍ । ॥୩୫॥
- ପର୍‌ରାଲି ମୁଇଁ ପାହା ଦୁହିଟା ଛିଇ ଦୁହି ହାତେଁ  
 ପର୍‌ମୁଖୀ ଶିବ୍ ଭଗଦ୍ ରାବଣ୍ କହୁଥାଏ କାଏଁ ସଥେଁ । ॥୩୬॥
- ଅସୁର ରାବଣ୍ କହେଲା କବାର ମୁନି କହେଲେ ସର୍‌ ଥାଏ  
 ଅଶୁଭ୍ କାମର ସବୁ ଶ୍ରମ ଯେତା କଲେଁ ଖର୍‌ ଥାଏ । ॥୩୭॥
- ତିମିର୍ ମୁହେଁ ଥିବା ପେରି ଟାପୁ ଟାକେଁ ଥୁଇ  
 ତିମିରିର୍ କେନ୍ ତାମସ୍ ରଣେ ତିମି ହେଲା ବାଈ । ॥୩୮॥
- ଦଶରଥ୍ ସର୍‌ମୁନେ ଭାସି ସେ ଟାପୁନେ ଲାଗଲେ  
 ଦଶନାଭାଗୀ କଉଶଲ୍ୟାକେ କୋଶଲ୍ ନେଇ ଭାଗଲେ । ॥୩୯॥
- ନୀତି ନିଅମେ ବିହା ହଇ ଅବଧ୍ ଥାଏଲେ ଘୁଟି  
 ନିତି ଦିନ୍ ପୂଜା ପାଠ୍ ମହାପୁନେ ରୁଟି । ॥୪୦॥
- ବ୍ୟସ୍ ହେଲେଁ ବିହା ହେସନ୍ ସଂସାରୀର୍ କଥା  
 ବ୍ୟସରା ମନ୍ ଧରି କେତେ ଠୁଲେଇ ବସନ୍ ବଥା । ॥୪୧॥
- ବୁହିବାର ନାଁ ବିହା ଥାଏ ବୁଝି ନାହିଁ ପାରନ୍  
 ବୁହି ଯାଏସି ଦିହର ଭୋକ୍ ଦିହ୍ ଦିହ୍ ହଇ ମରନ୍ । ॥୪୨॥

- ଦଶରଥକୁ ବିପଦ କେନ୍ଦ୍ର ଦେଲେ ଭଗବାନ ?  
ଦଶ ଇନ୍ଦ୍ରିୟ ଜିତା ଆନନ୍ଦ ମନେ ବଳବାନ । ॥୪୩॥
- ବିପରୀତ କଥା ମେତାଳ ଲାଗି ସବୁଶୁନି  
ବିପଦନେ ସେ ପଢ଼ିଲେ କହେଲ କହ ମହାମୁନି ।” ॥୪୪॥
- ନାରଦ କହେଲେ “ପଦରାଜୁ ତ ମହାନ ଗିଆନ କଥା  
‘ନାଁ ରଖନ୍ତୁ ଅଛେ ତୋର ତତ୍ତ୍ୱେ ଗଭୀରତୀ । ॥୪୫॥
- ଦଶ ଇନ୍ଦ୍ରିୟ ଗୁଚେ କର ବି ହଇଁଗଲେ ବଶ  
ଦଶରଥ କା’ଣା ମହାଯୋଗୀ ବି ହଇଁଯାଏ ବିବଶ । ॥୪୬॥
- ମନଟା ରଜାର ମନମୋହନେ ଅନୁଖନୁରହୁ  
ମନମଥୁଁ ଥଥୋ ଥମୋ ଦଶରଥ ନାଇଁ ହଉ । ॥୪୭॥
- ବିପଦ ସିନେ ଆନସି ମନକେ ଠିକ୍ ବାଟକେ ଫିରେଇ  
ଦିପଦ ମୁନୁଷ ରିଶା ହେସି ନାଇଁ ପାରେ ସହରେଇ । ॥୪୮॥
- ମନର ମୁନୁଷ ମନ ମୋହନକେ ପାଶ୍ଚରି ନେଲେଁ ଘାଏ  
ମନ ରମସି ନିମିଷଟାକେଁ ଦୁସରି ଠାନେ ହାଏ । ॥୪୯॥
- ପାଶ୍ଚରି ଥରେ ମନୁ ମୁଇଁ ଖସରେଇ ଭଗବାନ  
ପାଶ୍ଚ ବଲି ଆଶ୍ଚରି ଗଲି ବନ୍ଦ୍ୟ ଦୁରିଆ ଠାନ । ॥୫୦॥
- ହେଲା ଯାହା କହେବାର କେ ଲାଗସି ମହା ଲାଜ  
ହେଲା କଲେଁ ମହାପୁରୁକେ ମନେ ସଏତାନ ରାଜ । ॥୫୧॥
- ବୀନାଧାରୀକୁ କହେଲି ଆମର ଶୁନବାର ଲାଏବ୍ ଯଦ୍ୱରି  
ବିନା ସଂକୋଚେଁ କହ ମୁନି ଚିକେ ନାଇଁ ହଦ୍ୱରି । ॥୫୨॥
- ତପ-ସଂପଦ-ଧନୀ ମୁନି ମୁଲକି ମୁଲକି ହୁଁସି  
ତପଦ ଦିନର ଚନ୍ଦନ ଲେଖିଁ କଥା ଗଲେ ବରଷିଁ । ॥୫୩॥



- ବଢ଼େ କାମଟେ କଲି ବଲି ଉଷର ହେଲି ଯେତେ  
 ବଢ଼େ ବୃଷାଳ ହବି 'ମୁଁକାର' ବୁଝା ମାରେ ସେତେ । ॥୨୫॥
- ସିଞ୍ଚି ଆସଲା ଅହଂକାର ଉଠି ଗଲା ଓଁକାର  
 ସିଞ୍ଚିଲେଇ ନାହିଁ ହେଲା ଗର୍ବ ଅତି ଭୟାକାର । ॥୨୬॥
- ଫୁଲଶରକେ ଜିତଲି ବଲି ଫୁଲି ଉଠିଲା ମନ୍  
 ଫୁଲ ପୁଲି କଲା ଅଭିମାନ ଫୁଲକି ମରଲା ତନ୍ । ॥୨୭॥
- ମହାଦେବ ପରେ କେଉଁ ଦିନ୍ଦ୍ୟ ଜିତିଥିଲେ କାମକେ  
 ମହାନ ହୁଇଁ ସଭେ କହେସନ୍ କେ ପାରେ ସେ କାମକେ ? ॥୨୮॥
- ପହେଲା କରି ତାହାକୁ କହେମି କହେଲା ଅଭିମାନ  
 ପହୁଦିଲା ବାଟ ଆସତ ପୁହୁଟି କଲି ତାକର କାନ । ॥୨୯॥
- ପାରବତୀ-ପତି ନିଜର ମନେ ନିଜର ପାରଲା ପନ୍  
 ପାରଲି କହି ବଲି ତାକର ଉପାର ସେପାର ମନ । ॥୩୦॥
- ପରର ଦୋଷ ନିଜର ଗୁନ୍ କହେବାରୁଁ ନାହିଁ ପାପ  
 ପରକୁଟି ବର୍ଣ୍ଣ କହେବୁଁ ସିନା ସିଧା ହେଁସୁ ସାଫ । ॥୩୧॥
- ଉଦାର ଆ'ନ୍ ତ ସୁଧାର ଭାବେଁ ହୁଁସି କହେଲେ ଶିବ  
 ଉଦାର ପାଏ କାମ ଦାଉନୁ ତୁମର ନାମେ ଜୀବ । ॥୩୨॥
- ତମର ଲାଗି ଈଟା କେନ ଆଏ ବଢ଼େ କବାର  
 ତମ୍ ଗୁଣାଧାନ ମାନକୁଁ ସିନା ତରାଏ କାମ୍ ଲବାର । ॥୩୩॥
- ମତେ କହେଲ ବନ୍ଦ୍ୟ କଲ କହେବ ନାହିଁ କାହାକୁଁ  
 ମତେଁ ମତେଁ ଥିବ ନାହିଁ ଶୁନାବ ଚକ୍ରବାହାକୁଁ । ॥୩୪॥
- ଜନ୍ଦ୍ୟ ଏକଲା ଥିଲେ ନିଜେଁ କାମ୍-ସଂଗ୍ରାମେ ଜିତା  
 ଜନାଇ ନେଲେଁ ବିଷୁକୁଁ କାଏଁ ତାକର ନାଁ ଆର ଥିତା ? ॥୩୫॥



ଦେବ ବ୍ୟଲେ ସ୍ଵୟଂବରକେ ଯାଏତ୍ ହେତ୍ ବିହା  
ଦେବ୍ ସମ୍ରାଟ୍ କହେଲେ ଦେମି ଯାହା ମଙ୍ଗଳ ଦିଆ । ॥୮୭॥

ଆଡ଼ମ୍ଭରେ ସ୍ଵୟଂବର ସଭା ଚାଲିଲେ ଧୂମ୍  
ଆଡ଼ ଆଖି ବି ଦେଖିଲେ ଜନ୍ୟ ଖାଇଁଯିବା ଗୁମ୍ । ॥୮୮॥

ସରଗ୍ ସଭା କାହିଁ ପାର୍ବୀ ଯେନ୍ତା ହଲଲେ ସଜା  
ସରଲଗ୍ ସବ୍ ଦିଗେଁ ଉକିଆ କେତେ ରକ୍ତମେ ଖଜା । ॥୮୯॥

ଦୁଆରେ ଦୁଆରେ ଝୁଟି ଆମ୍ ତରନ୍ ଡାଡେଁ ଡାଡେଁ  
ଦୁହାରି ହୁଅନ୍ ଦେଖନ୍ ହାରୀ ଠିଆଡ଼ ଆଡେଁ ଠାଡେଁ । ॥୯୦॥

ଜହର୍ ମାନେ ଲହର୍ ମାରନ୍ ଆମ୍ ତରନେ ଉହୁଲି  
ଜହ ହେଲେଁ ରତନର୍ ବି ଦାମ୍ ଯାଏ ସି ଉହୁରି । ॥୯୧॥

ନାଚ ଗୀତର୍ ସୀମା ନାହିଁ କିସମ୍ କିସମ୍ ବଜା  
ନାଁ ଚର୍ଚ୍ଚା ନାହିଁ କାହିଁ କମ୍ ଥିବାର ଖଜା । ॥୯୨॥

ହଜାର୍ ହଜାର୍ ରଜା ଆସନ୍ କେ ପତାରେ ବ୍ୟସ୍  
ହଜାର୍ ନିଏ ବୁଧ୍ ବିଚାର୍ ବିହା ହେବାର୍ ଅସ୍ । ॥୯୩॥

ଆଶ୍ଵର୍ ବଶେଁ ବସେଁ ମନେ ବିଷ୍ଠର୍ ଅସନ୍ ଦେଶ୍  
ଆସକ୍ ଆସିଁ ଡର୍ ନାସିନ ନାରେଁ ପରବାର୍ ଲେଶ୍ । ॥୯୪॥

ଆଶ୍ଵତୋଷ୍ ଆହୁଁ ଦୁଇ ରୁଦ୍ରଗଣ୍ଠି ବାଛି  
ଆସୁନ୍ ଆସନ୍ ନେଲେ ମୋର୍ ଦୁହେ ଆଖ୍ ପାଖ୍ ।

ଜଗ୍ମୋହିନୀ ଆସୁନ୍ ଆସୁନ୍ ସରଗ୍ ସୁନ୍ଦର୍ ସଭାକେ  
ଜଗ୍ଜାହିରି ଦୁହେ ହସନ୍ କିହେ ନାହିଁ କହେବାକେ । ॥୯୬॥

ବିଶ୍ଵମୋହିନୀ ସଭାକେ ଆସବାର୍ ସଭେ ଥିଲେ ଟାକି  
ବିଷ୍ଠ ମିତାଲ୍ ଅସକଟାଲା ସେ ମତେ ଦେଖ୍ ଡାକି । ॥୯୭॥



ପାଶକେ ମୋର ନାହିଁ ଆସଲା, ମୋର ବସଲା ଧାତି ପାଶରି କରି ଦୁସରା ଧାତି ମାନଙ୍କୁ ଯାଏ ମାତି ।	॥୯୮॥
ଆର ମୁତସେଁ ହରି, ଦେଲା ତାକର ବେକେଁ ହାର ଆଲତି ଦେଲା ଭକ୍ତି ଥି ମୁତ୍ ଲୁହିଁ ବାରବାର ।	॥୯୯॥
ଖସାଲା ମୁହଁକେ ଦେଖୁ ମୋର ଦୁହିଁ ରୁଦ୍ର ହସନ୍ ଖର୍ସା ଖାଏଲା ଲେଖେଁ ଦୁହେ ଉଷର ନଦୀ ଭାସନ୍ ।	॥୧୦୦॥
ମତେ କହେଲେ ଜାନ୍ବ ସରୁ ଦେଖିଲେଁ ଦରପନ୍ ସତେଁ ମତେ ପାନି ଦେଖିଲିଁ ମୋର ସୁନ୍ଦର ପନ୍ ।	॥୧୦୧॥
ସରକିଁ ଗଳିଁ ସୁରତା କରି ହରିବ କଥା ଘାଏ ସରମି ମଲିଁ ମାକର ମୁହଁଟେ ମତେ ମିଲିଲା ହାଏ !	॥୧୦୨॥
ଆସଲା ବେଲକେ ବିଷ୍ଣ ସାଙ୍ଗେ ଶ୍ରେୟନୀ ଆର ଲଖମୀ ଆସିଖକେ ଆସୁଁ ମନକେ ଲାଗିଲା ବନିହାଁ ଦିନର ଜଖମୀ ।	॥୧୦୩॥
ଅଭିଶାପ୍ ସାଁଗେଁ ଉଦ୍‌ଗାରଲିଁ ମନର ଦୁଖ ଅଭିଳାଷ ପୁରାଲ ହରି ! ଦେଲ ମାକର ମୁଖ ।	॥୧୦୪॥
ହସି ଉତାଲ ସଭା ଭିତରେଁ ବୋଧ୍ ହେଲାତ ମନ୍ ? ହସିଆ ଧାରେଁ କରତିଲ ମୋର ଗକଡ୍ ମାଉସ୍ ଚନ୍ ।	॥୧୦୫॥
ଭାବଲ ମାକର ଛାର ଛିକର ହସିବାର ଜୀବ୍ ଆଏ ଭାବ୍-ଲୁଭିଆ ନୁରବ ଦିବ୍‌ଏ ମାକର ସାହାଯେ ଘାଏ ।	॥୧୦୬॥
ନିଶାଖୋର ଲେଖେଁ ହସୁଥିବାର ରୁଦ୍ରଗଣ ନିଶାଚର ହଇଁ ଚାଖିବେ ହସିବାର ଫଲ୍-ଖଣ୍ ।	॥୧୦୭॥
ଉଦାର ଆନ୍ ତ ଗଦାଧର ଶାପ୍ ନେଲେ ମୋର ଛିନି ଉଦାର କଲେ ସୁଧାର ଭାବେଁ ଅଜ୍ଞାନତା ଚିହିଁ ।	॥୧୦୮॥

ଭଗବାନ୍ କେତେ ନିରମଳ ମୁଁ କେତେ ବନ୍ଧୁ ପାପୀ  
ଭଗତ୍ ଭୁଲେଇଁ ଜଗତ୍ ବୁଲେଁ ତପୀ ନୁହେଁ ମୁଁ ତାପୀ ।

॥୧୦୯॥

ଅଭିମାନୁ ମିଶା ଅଭିଲାଷ ନିଶା ଘାରଣା  
ଅବିନାଶ ବଳି ବିନାଶ ବାଟୁଁ ଘିଟି ପାରୁଣା ।

॥୧୧୦॥

ଗୁରସ୍ତ ରୁକା ତୁଲି ଥିଁ ତାର ଲଟା ହେବାର ଜାନି  
ଗୁରୁତୁ ବିରସ୍ତ ଚାଷୀ ଯେତା ହେସି ଘାଟି ସାନି ।

॥୧୧୧॥

ଭଗତ୍ ଖେତେଁ ମୁଁକାର ଲଟା ବୁଟା ମାରୁବାରୁ ଜାନି  
ଭଗବାନ୍ ଉସକାଇ ନେସନ୍ କିଛି ନାହିଁ ମାନି ।

॥୧୧୨॥

କରବାକେ ଯେ ଶକ୍ତି ଦେଇ ଦେସି ଅଧିକାର  
କରତା ସେ ବଳି ଟିକେ ନାହିଁ କଲେ ବିଚାର ।

॥୧୧୩॥

ଫଲର ବେଲକେ ମଲର ମଲର ଭଲ ହେଲେଁ ନିଜେଁ  
ଫଲକେଇ ନେସି ମହାପୁ ଆଡ଼କେ ଖରାପ ହେଲା ଚିଜେଁ ।

॥୧୧୪॥

ପରମ୍ ପୁରୁଷ ଦୁରୁଷ ହେସି ଜାନ୍ଲେ ସିନା ଦେଖୁ  
ପରତଖ ରୁପ ଉତାଲ କରସି ମୁଁକାର ହଇଁ ଟେକି ।

॥୧୧୫॥

କବାର କମ୍ ଭିତ୍ରେ ଖାଲି ମୂରୁଛି ପାରଲେ ମୁଁ-କାର  
କବାଟ ପଡେ ଉବାର ପାର ସତ୍ ହେସି ସୀଉକାର ।

॥୧୧୬॥

ବଢି ଆସଲା ରାସତ୍ ଜାନି ନାହିଁ ବଢେ ଚରତା  
ବଢିଆ ଆ'ନ୍ ରକ୍ଷି ତାକର ଭାବ୍ ବନ୍ଦ୍ୟ ପରଢା ।

॥୧୧୭॥

ପରମ୍ ବ୍ରହ୍ମଜ୍ଞାନୀ ଗଲେ ନିଦର ସୁଖର କୋଡ଼କେ  
ପରତଖ କରି ଜାନନ୍ ସେ ଆମାର ସବୁ ମୋଡ଼କେ ।

॥୧୧୮॥

ସାରଲେ କହି ସଦାନନ୍ ସଭାଗଲା ଉଖଲି  
ସାର କଥା ମାନ୍ ଶୁନି ସଭେ ସୁଖେଁ ଗଲେ ଉପଲି ।

॥୧୧୯॥



# ପାଠକ-୯ (ବାଲ୍ଲୀକି ଚରିତ)

- ଆର୍ କେନ୍ ପାର ଯିବାର ଲାଗି ଉଡେଲ ହୁଏ ବେଳ  
ସାରି ଆଏଲା ବାଗିର ସତେ ଆଜିର ଜନିର ଖେଳ । ॥୧॥
- ଆଖରି ଜାନି ସାଁଖିଲି ବସେ ବିଖିରା ତେଜ୍ ସାରା  
ଆଖିରା ନୁରେ ଆଶ୍ରମନେ ଗଛ ତଳ ତଳ ଖରା । ॥୨॥
- ଦିନପତି ଗଲେ ମୋର ପତି ଆଏବେ କହେ ଛାଏ  
ରଖି ହେବା କାଏ ? ଗୋଡ଼ ତଳ ତଳ ହେଲେ ଯେତେ ଘାଏ । ॥୩॥
- ବାଲକ ଆନ୍ ମନେ ବାହାରେ ବେଡ଼ଲେ ବି ଜରା  
ଋଷି ବସି ସମର ଛାଲେ ଦିଶନ୍ ଆତମ୍ ହରା । ॥୪॥
- ପାଟଲା ମୁତେ ଖୋବ୍ ସୁନ୍ଦର ଧୋବ୍ ମେଛା ଡାଡ଼ି  
ପରମାୟୁ କାଏ କାପଲି କରି ଫେଫଲ୍ ଦିଏ ଛାଡ଼ି । ॥୫॥
- ଧିଆନେ ଅଛନ୍ ରକ୍ଷି ବାହାର ଗିଆନ୍ ଅଛେ ହଜି  
ସୀତାରାମ୍ ଶବ୍ଦେ ସଭା ତୁରତି ଗଲା ମଜି । ॥୬॥
- ତୁମରୁ ସୋର ଘୁମରି ଉଠେ ବାନାର ଲହର ଝଙ୍କରେ  
ହରିବୋଲନେ ପୁଲକେ ଶରୀର ରୁଆଁ ସମକର ଟାଙ୍କରେ । ॥୭॥
- ସଭା ଆଡ଼କେ ଦେଖିଲେ ରକ୍ଷି ଧାନ୍ ସମଦରୁଁ ଉପକି  
ଶୁନ୍ଦବାରକେ ସଭା ସାରାର ମନ୍ ଉଠିଲା ଉଡ଼କି । ॥୮॥
- ହେ ରାମ୍ କହି ମୁଡ଼ ଲୁହେଇ କହେଲେ ମହାରକ୍ଷି  
ସକାଲେ ନାଲି ଆସି ପାରି ମନ୍ ନୁହେ ମୋର ଖୁସି । ॥୯॥

- କାଁ କରୁତି ? ନାରଦ୍ ଆସଲେ ସହଜେଁ ମୋର ଗୁରୁ  
ବ୍ରହ୍ମ ଜ୍ଞାନୀ ମୋହର ମନେ ସସଦ୍ ମହାପୁରୁ । ॥୧୦॥
- ମୋର ଲାଗି ଯାହା କରିଛନ୍ କାହାରି ଲାଗି କିହେ  
ମୋର ଜାନ୍ତକେଁ ଈ ଦିନ୍ତକ୍ କେତେଁ କରନ୍ ନିହେ । ॥୧୧॥
- ଯେ ଯଦ୍ କରି କାହାରି ଲାଗି କେତେଁ କରିଛେ କିଛି  
ସେ କଥାକେ ପାଶ୍ଚି ନେଲେ ସତେ କରସନ୍ ଛି'ଛି' । ॥୧୨॥
- ଉପକାର କଲା ଲୋକକେ ଯେ ଯାସସି ଭୁଲି  
ଦୁର୍ଗୁନିଆଁ ବଳି ଦୁନିଆଁ ସାରା ହେସି ଗୁଲି । ॥୧୩॥
- କୁଶ କହେଲା ଶୁନତ ବାବା ! ନାରଦ୍ କଲା କାମ୍  
ଆମର ଶୁନ୍ଦବାର ଲାସକ୍ ଆସତ, ପୂରାତ ମନସାମ୍ । ॥୧୪॥
- ମୁନି କହେଲେ କହି ଶୁନି ପାରଲେଁ ଭକ୍ତର ଗୁନ୍  
ଭଗବାନ୍ ହେସନ୍ ଉଷତ୍ ତାକର କଥାନ୍ ଦୁଗୁନ୍ । ॥୧୫॥
- ନାରଦ୍ ବ୍ରହ୍ମ ଦରଶୀ ଆନ୍ ବ୍ରହ୍ମ ସାଜେଁ ସମାନ୍  
ଭଗବତ୍ କଥା ଲେଖେଁ ଆସ ଭକତ୍ କଥା ମାନ୍ । ॥୧୬॥
- ତାକର କଥା ଶୁନ୍ଦବାର ଲାସକ୍ ଆସ ସମକର କାୟେଁ  
କଥା କିନ୍ଦାବାର ନୁହେ କେନ୍ସି ମିତ୍ରେଁ ଆୟେ ବାଜେ । ॥୧୭॥
- ନାରଦ୍ କଥା କହୁଁ ହେବା ନିଜର କଥା ହାଜର  
ହେବା, ସହଜେଁ ହେଁଥୁର କେନ୍ କଥା ହେବା ଲାଜର । ॥୧୮॥
- ହେଁ କାରନ୍ କହେବାରକେ ପୁରୁର ପୁରୁର ହସଁ  
ଆଗ୍ରହ ଟାଲି ନାହିଁ ହେବାର ଶୁନ୍ଅ ହେଲେଁ କହେଁ । ॥୧୯॥
- ଯେନ୍ ବାଲ୍ମୀକି ଆଜିର ତୁମର ସାମ୍ନେ ଅଛେ ବସି  
ନାହିଁ ଥାଇଁ ଯୋଗୀ ମୁନି ରଷି, କହନ୍ ହସି । ॥୨୦॥

- ଆଡ଼ାର ବେଭାର ବୁଦ୍ଧି ବିଚାରେ ଥିଲା ଅନାଏଦ୍  
ପେଷା ନେ ସେ ଥିଲା ହରୁମେଷା ଡକାଏଦ୍ । ॥୨୧॥
- ନାଆଁ ରତ୍ନାକର ଡର ଥିଲା ସେ ନାମେ  
ଗାଆଁ ଛାଡ଼ି ନାହିଁ ଯାନ୍ କିହେ କେନ୍ ସି କାମେ । ॥୨୨॥
- ବୁଲ୍‌ବାଟେ ଗଲା କାଟି କରେ ଲୁଟ୍‌ପାଟ୍  
ଠେଁଆଗିରି ବୁଝା ଥିଲା ଝାଡ଼ ଘର ଘାଟ୍ । ॥୨୩॥
- ମହାପୁ ହଇଁ ଆଏଲେ ନାରଦ୍ ନିୟତିର ନିର୍ଦ୍ଦେଶେଁ  
ଅମରିଁ ଗଲା ରତ୍ନା ଡରଡ଼ରାନି ଡକେଡ଼ ବେଶେଁ । ॥୨୪॥
- ନାହିଁ ଭାବୁଲା ବାବାଜୀ ଆଏ ଚାବୁଲି ଥୁଇଁ ବେକେଁ  
କହେଲା ପୁଫୁଲା ବାବା ! ବଅଁରୁଡ଼ ନାହିଁ ମୋର ଦେଶେଁ । ॥୨୫॥
- ବାବା କହେଲେ ମୋରନେ ଯେନ୍ ଧନ୍ ଅଛେ ଭାଇ !  
ଦେମି, ହେଲେଁ କାଁ କରମ୍ ତୋର ମୁନୁଷ୍ଟ ଜନମ୍ ପାଇ । ॥୨୬॥
- ବାଘ ଭାଲୁକେ ଦେଖୁ ଲୁକେ ନାହିଁ ଡରବାର ପଛେ  
ତୋର ନାଁ ଶୁନି ଜୀବନ୍ ଆଶ୍ ନାହିଁ ରଖବାର ରିତେ । ॥୨୭॥
- ରତ୍ନା କହେ ବାବା ! ତୁଇଁ କାଏଁ ଜାନ୍‌ଉ ସଂସାର୍  
ହଜାରେ ଦୁଖର ବଜାର ପଛେଁ ଅରନ୍ ଗରସାର୍ । ॥୨୮॥
- ଗୁଟେ ପେଟ୍ ଥିଲେ ମୁଟେଁ ନାହିଁ ଥିତା ଭାଲୁନି  
ପାଁଦ୍ ପରାନୀ ଆଶ୍ଟିଡ଼ ଆ'ନ୍ ଧରି ଭୁଖର ଚାଲୁନି । ॥୨୯॥
- ନାରଦ୍ କହେଲେ ଯେ ଦେଇଛେ ଜନମ୍ ସାଙ୍ଗେଁ ପେଟ୍  
ନାହିଁ କରାବା ପେଟର ସାଙ୍ଗେଁ ଖାଏଦର କାଏଁ ଭେଟ୍ ? ॥୩୦॥
- ରତ୍ନାକର କହେ ସେ ଦେନେବାଲା କେ ଘାଏ  
ପାଏଲେଁ ଖରନ୍ ଛଡ଼େଇ ନେଟିଁ ବଜେଇ ଠାଏ ଠାଏ । ॥୩୧॥

- ମୁହଁକେତାର ଦେଖିବି କେନ୍ଦ୍ରା ଦିଶିବି ତାର ବୃହେରା  
ସାର ଜନମ୍ ଦେଇ ଦେସି ଅସାର ପେଶାର ଚହରା ।                    ॥୩୨॥
- ନାରଦ୍ କହେଲେ ତୁମ୍ ପର ବୋ ! କରମେ ଅଧିକାର  
କାହାରିଠାନ୍ତୁ ବହରାଏ ନାଇଁ, କରସି ସାଉକାର ।                    ॥୩୩॥
- ଯେନ୍ଦ୍ରା କାମ୍‌କେ ସେନ୍ଦ୍ରା ଦାମ୍ ଗୁଞ୍ଜି ବୁନ୍‌ଲେଁ ଧାନ୍  
ଦାଏବା ଜିଏ ? କାନ୍ଦି ବୁବେଇ ହେଲେଁ ନାନାଖାନ୍ ।                    ॥୩୪॥
- ତୁରି ହାରି ଠେଁଆଗିରି ଜନ୍‌ମାଏ ସବୁ ପାପ  
ତାର ଫଲ୍ ତ ପଛାଁ ମହରା କାହିଁ ମିଲ୍‌ବା ମାପ ।                    ॥୩୫॥
- ଯାହା କରୁଛୁ ଧନ୍ ବୁହେ ପାପ୍ କମାନ୍ତି ଆଏ  
ତୁଇଁ କରୁଛୁ ତୁଇଁ ଭୁଗତୁ କାହାର ଆସେ ଯାଏ ।                    ॥୩୬॥
- ତୋର କମାନ୍ତି ପାଁର୍ ପରାନ୍ତୀ ଖାଇ ଜାଇଁବାର କହୁ  
ପର୍‌ରେଇ ଆ ଜାନ୍‌ବୁ ଏକଲା ନିଜେଁ ବୁହି ରହୁ ।                    ॥୩୭॥
- ତର୍‌ରେଇ କରି ରତ୍‌ନା କହେଲା ମତେ ବନାସୁ ବେଡ଼ା  
ଘରକେ ଗଲେଁ ଟରକି ନେତୁ, ନାଇଁ ଦେଖୁ ଈ ଗେଡ଼ା ?                    ॥୩୮॥
- ବାବାଜୀ ବେଶର୍ ଚାଲବାଜି ଛାଡ଼୍ ଯାହା ଅଛେ ଦେ  
ନାଇଁ ଦଉତ ଜୀବନର୍ ଆଶ୍ ପାଏନ୍ ଛଡ଼େଇ ନେ ।                    ॥୩୯॥
- ‘ନାଇଁ ପଲାଏଁ’ ନାରଦ୍ କହେଲେ ମୁହେଁ ଦରଦରୁଁ ହୁଁସି  
ଘିର୍‌ଲେଁ ଯାଏକ୍ ଯିମି, ଅଛୁ ଦଲ୍‌ଦଲି ଥୁଁ ଫସି ।                    ॥୪୦॥
- “ହେନ୍ଦ୍ରା ହେଲେଁ ନାଇଁ ପଲାରୁ ଫିର୍‌ବାର ତକ୍ ଥୁଁ”  
ନାଇଁ ଥୁଲେଁ ହେଲେଁ ତୁଇଁ କେନେ ବର୍‌ତିବୁ ।                    ॥୪୧॥
- ତର୍‌ତର୍ ହଇଁ ରତ୍‌ନାକର୍ ଏକ୍‌ମୁହାଁ ଗଲା ଘର୍  
ଜନ୍ ଜନ୍ କରି ପର୍‌ରେଇ ନେଲା ଦୁହରେଇ ଥର୍ ଥର୍ ।                    ॥୪୨॥

- ମୋର କମାନି ଖାଉଛ ତାହିଁ ପାପ ହଉଛେ ଯେତେ  
ସବୁ କରି କହ ଚାହିଁର ଭାଗ କେ ନେଉଛ କେତେ ? ॥୪୩॥
- ସଭେ କହେଲେ “ଆଶ୍ଚରିୟ କଥା ଆଶ୍ଚରିତ ତ ଆମେ  
ଆମର ଭରନ୍ ପୋଷନ୍ ହେବା ତୁମର କଲା କାମେ । ॥୪୪॥
- କୁଟୁମ୍ବୀକର ବାପ ତୁମର ପାପ ତ ତୁମର ନେ  
ରୋକକଲା ପାପେଁ ଈଶ୍ଵର ଦେବା କିଏ ଯମରନେ । ॥୪୫॥
- ଏଡକି ଶୁନ୍ କିରକିରାନ୍ତୁ ରତନା ଝାକେ ଫିରଲା  
ନାରଦ ପାଦେଁ ପରି ଆଏଇ ହଜଲା ଜିନିଷ ନୁରଲା । ॥୪୬॥
- ଧାଇଁ ଧାଇଁ ଧିସଁ ହଇଁ କିଛି ନାଇଁ କହିଁ ହେଁକଉଛେ  
କହେଲା କଥାର ଧାରକେ ବହେଲା ଲୁହର ଧାରେଁ ହେଁକଉଛେ । ॥୪୭॥
- କହେଲା ମହାପୁରୁ ! ତମର କଥା ସବୁ ସବୁ ଆଏ  
ଜାନି ନାଇଁ ପାରଲି ମୋର ବିତଲା ଜୀବନ୍ ଖଡୁ ଆଏ । ॥୪୮॥
- ଗୁଲ୍‌ଗୁଲା ମୋର ଦେଖୁ ମହାପୁ ! ଦଲ୍ ଦଲି ଥିଁ ପରିଛେଁ  
ବାହାର ହେମି କେନ୍ଦ୍ରାକରି ବଲ୍ ସବୁ ସାରିଛେଁ । ॥୪୯॥
- ଛୁଟିଆ ସଂସାରୀ ଧନ୍ ଆଦର କଲିଁ ଆଦରି  
ମହାଧନ୍‌କେ ମହା ମୁରୁଖୁ ମୁଲୁଁ ଦେଲିଁ ପାଶ୍ଵରି । ॥୫୦॥
- ମହାତମା ! ସେ ମହାଧନ୍ ଅଛେ ତମର ଠାମେ  
ତମେ କହିଛ ଦେବ ବଲିଁ ପାଏମି ନିଶ୍ଚେ ଜାନେ । ॥୫୧॥
- ଉଛୁର ସହି ନୁହେ ଆଉର, ଦୟା କର ତୁରତି  
ତୁମେ ଯେ ହ’ ନାଇଁ ଜାନି, ମତେ ମହାପୁ ମୁରତି । ॥୫୨॥
- ରଢ଼ାକରର ଦରଦମଖା କଥା ନାରଦର ମନ୍  
ଛିଇଁ କଲା ଖୁନ୍ ଖୁଦାଲି ଥନ୍ ଥନ୍ ଅକଥନ୍ । ॥୫୩॥

- ବଏଲେ ମୋର ମହାନ ଧନ ମହାପୁର ନାଁ ଥାଏ  
ଦଉଣ୍ଡେ ଭାଇ ! ଛିନି ନେଇ 'ରାମ୍' ବଲ୍ ନ ଘାଏ । ॥୫୪॥
- ପାପ୍ ନାଇଁ ଯାହା ରାମ୍‌ନାମେ ନାଇଁ ଯାଏ  
ଧରି ଜାନ୍‌ଲେ ତରି ଯିବୁ, ଧର ଧର ମୋର ଭାଏ ! ॥୫୫॥
- ଅଧାର୍ ନାଇଁନ ବେଲର ଉକିଆ ଦେଖୁ ନାଇଁ ଭାଗେ  
ନାଏଁନ ମଏଲା ମନ୍ ମୋହନ୍ ଥୁଲେ ମନେ ଲାଗେ । ॥୫୬॥
- ତିଆରି କହି ଗିଆନୀ ମୁନି ଧୁଆନ୍ କରି ବସଲେ  
ତନ୍‌ମନ୍ ସବ୍ ସାଆଁତି ଆନି ପଦ୍ମାସନେ କଷ୍ଟଲେ । ॥୫୭॥
- ତୁଆଁ ଦୁବ୍‌ସା ଗଜା ଲେଖେଁ ରୁଆଁ ଗଲେ ଚାଁକ୍‌ରି  
ଅନାଧୁନିଆଁ ଭାବ୍‌ନା ମାନେ ମନ୍‌କେ ଗଲେ ସାଁକ୍‌ରି । ॥୫୮॥
- ନାହି ଭିତ୍‌ରୁଁ କହି ଉଠଲେ ଓଁ ରାମ୍ ଓଁ ରାମ୍  
ସବ୍ ଜାବ୍‌ନେ ପବନ୍ ପରଶି ଆନ୍‌ଲା ତୁଆଁ ପ୍ରାଣ୍ । ॥୫୯॥
- ଗଛ ଅଗିର ଗୁଭାମାନକୁ ଉଡ୍‌କିଁ ଥାଏଲେ ଫୁଲ୍  
ଫୁଲେଁ ଫୁଲେଁ ରଙ୍ଗ୍‌ମାନେ ରଙ୍ଗ୍‌ଦାର୍ କଲେ ମୂଲ୍ । ॥୬୦॥
- ଦିଗର ମୁଲେଁ ସୁନାର୍ ଗୁଡ୍ ଖରାର୍ ସାଙ୍ଗେଁ ରୁପା  
ଛଏରା ଦେଖୁଁ ହୀରାର୍ କନି ପଡ୍‌ରେଁ ନୀଲା ଗୁପା । ॥୬୧॥
- ଶୁଖା ଗଛ ବି ପାଆଁଲିଁ ଗଲା ଚେରେର କଠେଁ ଗୀଡ୍  
ସରୁ ଆଡେଁ ସୁନ୍‌ର ଦିଶିଲା ସୁତର ସରୁ ତିଭ୍ । ॥୬୨॥
- ରାମ୍ କହେବା ନିଜେଁ ବଲି ରତ୍ନାର୍ ମନ୍ ଲଲାଲା  
ରାମ୍‌ର ନାମ୍ କହେଲା ମାଡ୍‌ରେଁ ଚୁଡ୍ ତାର ବେବ୍‌ଲାଲା । ॥୬୩॥
- ଜିଭେଁ ନାଇଁ ବସେ ରାମ୍ କରୁଥିଲେଁ ବି ଲୋଭ୍  
ବଏସର ଦିନେ ବଏସରା ନାଇଁ ଥାଏଜ୍ କାଁ କରି କ୍ଷୋଭ୍ ? ॥୬୪॥



- ଭାବୁସି ରାମ୍ କହେମି ବଳି ହାପୁସି କବରେଇ ହେଉଛେ  
ସୋର କରଲେଁ ଜବରା ଜବରି ଫେର ପାଶ୍ରି ନଉଛେ । ॥୨୫॥
- ଯୋର କଲେଁ ଫେର ସୋର ହଇଁ ତୁରତି ଯାଏ ପାଶ୍ରି  
ଅଗି ଜିଭେଁ ଅଛେ ବଲିଁ ଲାଗୁନ୍ ଭାଗେ ଖସରି । ॥୨୬॥
- ରାମନାମଲେ ରମି ମୁନି ଆରାମନେ ସେ ଜପୁଛନ୍  
ରତ୍ନାର ମନ୍ ମୁନୁଷ୍ ଆଏବା ବଲିଁ ସେନେ ଟାକୁଛନ୍ । ॥୨୭॥
- ସମାଧି-ସାଗରେଁ ମୁନି ନାମ୍ ତଜାନେ ବସେଇ  
ଆନନ୍ଦର ମହା ସୁନ୍ଦର ଧାରେଁ ନେତେ ଭସେଇ । ॥୨୮॥
- ହେଲେଁ ରତ୍ନାର ଜୀବନ୍ ଧାର କେତୁଁ ଗଲାନ ଚୁଟ୍ଟି  
ଯେନ୍ ବୁଦେ ରିତେ ଥିଲା ଆଏଇ ରହୁଛେ ସର୍କି । ॥୨୯॥
- ରାମ୍ ଆଏଲେଁ ମୁହେଁ ଲମି ଆଏତା <sup>ସୁନି</sup> ଯିବାରକେ  
ପାରୁ ନାଇଁ ପାରୁ ଅପାର ସୁଖର ପାରାବାରକେ । ॥୩୦॥
- ରତ୍ନା ନାଇଁ ପାରବାର ଜାନି ନାରଦ୍ ଆଏଲେ ଫିରି  
ଦେଖଲେ ରାମ୍ ନାଇଁ ଆସବାର ମୁହେଁ ନାଇଁ ଶିରୀ । ॥୩୧॥
- ସିଧା ନାଇଁ ପାରବାର ହେଲେଁ ଉଲଟା କହ ! ମରା'  
କହ ଇ ଛନ୍ଦକ ଗଲେଁ ଜୀବନ୍ ଗଲା ମାରା । ॥୩୨॥
- ବାଦ୍ନିର ଆଗ୍ ଝିତ୍ତୁ ପଛଟା ସାଁକୁର ସୁନ୍ଦର ଆଏ  
ଆଗ୍ ଛାଡ଼ିଁ ପଛ ଧଏଲେଁ ହାଡ଼କେ ଅଏନ୍ ଯାଏ । ॥୩୩॥
- ମନ୍-ମଏଲା ବନ୍ଦୁହାବାକେ ରାମ୍-ନାମ୍ ବାଦ୍ନି  
ମନ୍ର ଅଏରି ଖେଦ୍ବାରକେ ଆଏ ଅଏନ୍ ମାରନ୍ତି । ॥୩୪॥
- ଏଡ଼କି ବେଲ୍ ତକ୍ ଶୁନ୍ଦ୍ ରତ୍ନାକର ରାମ୍ ରାମ୍  
ନାଇଁ ପାରଲେଁ ବି ଧରି ଶୁନ୍ଦ୍ ସର୍ଲଗ୍ ଗୁଟେ ନାମ୍ । ॥୩୫॥

- ସେ ସୁରେ ଡାର ସୋରକେ ପଶେ 'ମରା' ବଳି  
ଆର ପଇ ନାଇ ବାଆରି ସେ ନାମେ ଗଲା ଗଲି । ॥୭୬॥
- ଡାର ମୁହେଁ ବି ଅନବରତ୍ 'ମରା ମରା' ପୁଟୁଛେ  
ଦିହେଁ ଥିବାର ଗିଆନ୍ ଗୁଚର ଅଗୋଚରେ ଲୁଟୁଛେ । ॥୭୭॥
- ଅଲଗ ନୁହନ୍ 'ରା' 'ମ' ସର୍ଲଗେଁ ହନ୍ ରାମ୍  
ମୁହେଁ ମୁହ୍ମୁହ୍ ରାମ୍ ହରେ ଦେହ୍ ଜ୍ଞାନ । ॥୭୮॥
- ବୁଡ଼ି ରହେଲା ରଢ଼ାକର ରାମ୍-ରସର-ପାନି  
ନାରହ୍ ଗଲେ ଦୁସରା ପାର୍ଡାର୍ ଥୁଡ଼ି ଜାନି । ॥୭୯॥
- ଆଡ଼ମା କହେ ରାମ୍ ରାମ୍ ଦି'ହକେ ଖାଏ ଡିଆଁ  
ଖାନା ପିନା ନାଇଁ, ଲିର୍ଜିଯାଏ ଜଠର-ନିଆଁ । ॥୮୦॥
- ବୁଛର ଗୁଟାଦୁକେଁ ବିନୁଆଁ ବନି ଗଲେ ମୁନି  
ଜକ୍ ହରଦମ୍ ରାମ୍ କହିଁ ତାହିଁ ହେଲେ ଗୁନି । ॥୮୧॥
- ଜଗ୍ ଜକାନୁ ଆର୍ଷ୍ଠ ଦୁହିଟା ବିନୁଆଁ ନୁ ଦିଶୁଛେ  
ଭିତର ଗୁସିଆଁ ଆହୁରି ଆହୁରି ଭିତରୁଁ ଭିତର ପଶୁଛେ । ॥୮୨॥
- ବାଲମାଜି ହେଲେ ବିନୁଆଁ ଭିତରୁଁ ବାହାରି ରଢ଼ାକର  
ନାରଦର ଦୟା-ଦରଦ୍ ଦେଲା ରାମ୍-ରଢ଼ାକର । ॥୮୩॥
- ରଢ଼ାକର ବୁଡ଼ି ଉପକିଁ ନାଇଁ ପାଏଦାର୍ ଥାବ୍  
ମୁନୁଷ୍ ଖୁଜଲେଁ ମୁହ୍ସେଁ ମିଲେ ମହାମୁହ୍ସର ଭାବ୍ । ॥୮୪॥
- ଭାବ୍ଗ୍ରାହୀକେ ସେ ଭାବେଁ ଭାରୁକ୍ ଭକ୍ ବାନ୍ଧନ୍  
କହିଁ ଆଖିଁ ପାଏନ୍ ଗରାଇଁ ମହାନ୍ ମୁନି କାନ୍ଦନ୍ । ॥୮୫॥
- ଦିନ୍ କାନ୍ଦୁଛେ ସେ ଭାବ୍ ଥୁଁ ମୁହ୍ ହେଲା ନ ଲାଲ୍  
ହରେକ୍ ସୁରେଁ ଚେରେ କାନ୍ଦିଁ କହେ ଗୁଡାକେ ଘାଲ୍ । ॥୮୬॥



# ପାଠକ-୧୦

## ଦଶରଥ ବିହା

ଗଲା ଦିନ କଲା କାମର ଅଗଲା ଭାବ ମାନେ  
ହରିଗୁନି ଘାଟି ସାନି ମନ ନାଇବି ମାନେ । ॥୧॥

ଗପିନେଲେ ପାପ ନିଜର ଖପିଯାଏସି ଦୁଖ  
ଫରକାଲେ ମେଘ ଫଟିବ ଦିଶେ ସାରା ଆକାଶର ମୁଖ । ॥୨॥

ତର ତରାନୁ ବେଲ ଉଦୁଛେ ତରା ସବୁ ଖେଦି  
ମୁନି ମନେ ଉକିଆ ବଗରେ ଅଧାର-ଧାର ଛେଦି । ॥୩॥

ପୁରୁଷ ଦିଗେ ସୁରୁୟ ଉଦେ କେଡ଼େ ଉଭାଗର  
ମୁନିର ମୁହେଁ ଝୁକି ପରୁଛେ ଚେହେରା ସରାଗର । ॥୪॥

ରାମରସେ ସର ସର କରି କଥା ପରଷନ୍ ମୁନି  
କୁରୁତ କୁରୁତ ଶୁନିଲା ଲୁକେ ସୁରୁତ କଥା ଶୁନି । ॥୫॥

କହେଲା ଲବ ଗୁରୁର ପାହାତଲେ ଗୁରେଇ ହଇଁ  
ସୁରୁୟ ବଂଶର କଥା ଦଶରଥ ତକ୍ ଥିଲ କହି । ॥୬॥

ଅଜରାଜା ପାଦରୀ କରୁଥିଲେ ଖୁଜାନୁରୀ  
କେନ୍ ରଜାର ଝିକେ ଦଶରଥ ହେଲେ ବିହାଚୁରୀ । ॥୭॥

ବିହା ହଇଥିବେ ମହାରାଜା ଦଶରଥ  
ଦଶ ଇନ୍ଦ୍ରିୟ ଥିଲେ ପରେ ତାକରନେ ସଂଯତ୍ । ॥୮॥

ରାଜପନ୍ ସାଜେ ଧନ୍ କ୍ଷେମ୍ତା ଗଦାଗଦା ପାଇ  
ଇନ୍ଦ୍ରିୟକର୍ଠାନୁ କେନ୍ତା ମନ୍ ପାଏଲା ଗ୍ରାହି । ॥୯॥

ଶୁନି ଶୁନି ରାମର ନାମେ ଦେଇ ହରିନୋଲ୍	
ମନ୍-କରିଆନେ ରାମ୍-ନାମ୍-ରଙ୍ଗ ଦେଲେ ବୋଲ୍ ବୋଲ୍ ।	॥୧୦॥
ଶାଗ୍ରସିଆ ଗଛ ଲହନେ ରାମ୍ ରସିଆ ମୁନି	
ଦେଖନ୍ ରାମ୍-ଶାମଲବରନ୍ ବେଉଡେଁ ହଇଛେ ବୁନି ।	॥୧୧॥
‘ରାମ୍ ରାମ୍’ ଶୁଭେ ଧୁକାର୍ ଶବଦ୍ ସାଏଁ ସାଏଁ	
ରାମର ଭଜନ୍ ବାଗିର ଶୁଭେ ମିଚୁର ଟାଏଁ ଟାଏଁ ।	॥୧୨॥
ମୁନି କହେଲେ ଶୁନ୍ଅ ତିନେ ଦଶରଥର ବିଷଏ	
ଆଠ ବଛରୁଁ ମାଁ ଛଣ୍ ବଳିଁ ଅଜର ଅଘୋର ସଂଶଏ ।	॥୧୩॥
ଭରଲେଁ ବି ବଏସ୍ କେନ୍ସି ଅଏସର ବଏସରା	
ନାଏଁନ ତ ସୁଧାର୍ ସୁଧାର୍ କହନ୍ ରାଏଜ୍ ସାରା ।	॥ ୧୪॥
ମା ଜାଏଡୁକୁଁ ଦେଖିଲେଁ ମନେ ମାଁ ମେତାଲ୍ ମାଏନ୍	
ଦୁଖୀ ରୁଗୀ ଦେଖିଲେଁ ଆଖୁଁ ରୁକେଜ୍ ହେସି ପାଏନ୍ ।	॥୧୫॥
ଭାଏ ବହେନ୍ ଲେଖେଁ ସେନ୍ହେ ପାଆନ୍ ଛୁଆପିଲା	
ସାଜ୍ ସରସିଆ ମିଲାମିଶା ସମିଆ ପାଏଲେଁ ଜିଲା ।	॥୧୬ ॥
ଦେଖୁ ବୁଜାବୁଜା ଆଗୁଁ ହାଡ୍ ହେସି ଚେକି	
କବି କୋବିଦ୍ କେତେ ମାଏନ୍ ପାଆନ୍ ନୁହେ ଲେଖୁ ।	॥୧୭॥
ରାଜା ସାଜେ ରାଏଜ୍ ସାରାର୍ ହଇକରି ବି ଗେଲୁହିଆ	
ଖାନା ପିନା ଦେଖାଶୁନାକେ ନୁହନ୍ ଚିଖେ ଲଲୁହିଆ ।	॥୧୮॥
ମନ୍-ରାଏଜେଁ ଆନନ୍ ରଜା ଦୁଖର ନାଆଁ ନାଲ୍	
ସଡ୍ ପଛାପଛ ବୁଲେ, ମଡ୍ ନୁହେ ଯାହିଁ ଡାହିଁ ।	॥୧୯॥
ଇ ପିଲାକେ ଝି ଦେବାକେ ସବ୍ ରାଜାକର ଶୟ୍	
କୋଶଲ୍ ରଜାର୍ ଆଖୁଁ ଝୁଲେ ବନ୍ଧୁ ହେତା ଅବଧୁ ।	॥୨୦॥

ଗୁପ୍ତ ଖବର-ଖୁଜା ମାନେ କୋଶଳ ରାଏଲ୍ ବୁଲି ଅଜ ମହାରାଜ୍ ଆଗେଁ ଖବର ଦେଲେ ଖୁଲି ।	॥୨୧॥
ଭାରତ୍ ବର୍ଷର ମଝା ମଝି ଅବଧ୍ ଦେଶର ଥିତି ଡଙ୍ଗର ପାହାଡ଼ ଦେଶ୍ କୋଶଳ ଝାର ଝରନାର୍ ଶିତି ।	॥୨୨॥
ବୁହେ ମହାନଏଦ୍ ମହାନ ନାଦେଁ ସୁଧାର୍ ଧାର୍ ଗୁଟେ ପାଖେଁ ଗନ୍ଧ ମାର୍ଦ୍ଦନ୍ ବିନ୍ଧ୍ୟ ଆର ପାର୍ ।	॥୨୩॥
ମାଏର୍ ମାଆଁର୍ ମାୟା ମମତା ଛୁଆକୁଁ ଥାଏ ଆବରି ମାଏର୍ ମନ୍ଦସା ପସଲ୍ ପଲେଇ ସମଜୁଁ ରଖେ ଆଦର୍ଶି ।	॥୨୪॥
କେତେ ଯୁଗୁଁ ଯୋଗ୍ ବିଦ୍ୟାର୍ ଧାର୍ ଜନେ ବୁହେ । ଭୁଖେଁ ମରବାର୍ ଦୁଖେଁ ମରବାର କଥା ଜନା ନୁହେ ।	॥୨୫॥
ଧୁଆନୀ ଗିଆନୀ ଛାଡ଼ ସୋଜ୍ ଲୋକ୍ ସାଧନ୍ ଯୋଗ ତିଆଗର ଆଗେଁ ଆଗଭର ଆନ୍ ଭାଗନ୍ ଦେଖୁଁ ଭୋଗ୍ ।	॥୨୬॥
ତେଲୀ, ମାଲି, କେଉଁର୍ କୁମ୍ଭାର୍ ଲୁହୁରା ସହରା ଶବର ଘର ମାନକେଁ ତତ୍ତର ମତ୍ତର ଯତ୍ତର ବିଦ୍ୟା ଜବର ।	॥୨୭॥
ଯଦ୍ରି ଥାଏ ଯୋଗ୍, କାମ୍ କରବାର୍ ଠିକ୍ ମାରଗ୍ କାହାକେ ନୁହେ ବାଆନି ସେଥୁଁ ସଭେ ଆ'ନ୍ ପାରଗ୍ ।	॥୨୮॥
ଆଗମ୍ ନିଗମ୍ ପାରଙ୍ଗମ୍ କୋଶଳ ରାଜାର ଝି' ଭାରତ୍ ବରଷ୍-ଗୁରସ୍ ହାଁତି କୋଶଳ ଜେମା ଘି' ।	॥୨୯॥
ଜୀବକେ ଦେଖନ୍ ଜେମା, ପିଲ୍ ପରମାତମା ଲେଖେଁ ସୋକ୍ ମୁନୁଷ୍ ମହାପୁ ପାଲଟି ଯାଏ ତାକର ଦେଖେଁ ।	॥୩୦॥
କେଡ଼େ ସୁନ୍ଦର ଜେମା, ଦେଖୁହେସି ନହି ନୁହେ ଧୁମ୍ ଧଡ଼କା କୁଡ଼ିସିବେ ଆର୍ଷ୍ଣ କାନ୍ ଦୁମ୍ ।	॥୩୧॥

- ଅଜ କହେଲେ ଯୁବରାଜ ଘାଏ ଆସୁନ୍ କୋଶଲ ପୁରୁ  
ପହରେଇ ଦେଖିମା କାଁ ବଲବେ ବଶିଷ୍ଠ କୁଲଗୁରୁ ।      ॥୩୨॥
- ଇ କହେବାର ବେଳେ ଆଏଲେ ବ୍ରହ୍ମର୍ଷି ବଶିଷ୍ଠ  
ଅଛନ୍ ତାକର ସାଙ୍ଗେ କୋଶଲ ରାଜଗୁରୁ ଆର ଶିଷ୍ଟ ।      ॥୩୩॥
- କୋଶଲ ରାଜାର ଚିଠି ସାଙ୍ଗେ ଜେମାର ଚିତ୍ରପଟ୍  
ଦେଇ କହେଲେ ଦେଖ ରାଜା ଦେଖୁନ୍ ଦଶରଥ ।      ॥୩୪॥
- ଶିଷ୍ଟ ଭାବେ ବଶିଷ୍ଠ କହେଲେ ଦଏବୀର କାରବାଇ  
ଇ ଆଉ ସେଆଉ ନୁହେ ସୋଜ କରସୁ ପୁଛ ତାହି ।      ॥୩୫॥
- ପତି ପତ୍ନୀ ହେବାରବେଳେ ଲାଗିସି କେନ ବେଶି  
କେତେ ଜନ୍ମର ଲେଖା ଯୁଖା ଥିଲେ ଯାଇ ହେସି ।      ॥୩୬॥
- ବିହା ସରଳା ଜାକ ଯମକେ ରଜାଘରର ଲାଏକ  
ବିହାର କଥା ତାକ ପରୁଛେ ଏତକି ଦିନ୍ ଯାଏକ ।      ॥୩୭॥
- ବ୍ରହ୍ମଚାରୀ ଭିଲି ବିହା ବର୍ଣ୍ଣନା ବନ୍ଦ୍ୟ ନୁହେ  
ଶୁନ୍ଲୀ କଥା ନେଇ ମନେ ଭାବ୍ ତିଆରି ହୁଏ ।      ॥୩୮॥
- ଭାବନା ନେଇ ମନର ଗଠନ୍ ମନ୍ ନେଇ ମୁନୁଷ୍ଠ  
ତାହାକେ ନେଇ ଥିତି ଗତି ନାରୀ ହଉ କି ପୁରୁଷ ।      ॥୩୯॥
- ଦଶରଥ ହାତ୍‌କେ ରାଏକ୍ ଗଲା ଅଜ ଗଲେ ସରଗ୍  
ଇ କବାରେ ସୁରୁୟ ବଂଶେ ପରଶଂସା ସରଲଗ୍ ।      ॥୪୦॥
- ଝିଅର ବାପ୍ ସବୁ ରଜାର ମନ୍ ହରମେଷ୍ଟ ଚାହେଁ  
ଦଶରଥ ମେତାଲ୍ ଜୁଏଁ, ପାଏଲେ ନାହିଁ ବରବା କାଏଁ ?      ॥୪୧॥
- ଅଯୋଧ୍ୟାର ପଶ୍ଚିମେ ଅଛେ ବନ୍ଦ୍ୟ ଚିକେ ଦୂର  
କଇକେୟ ରଜାର ରାଏକ୍ ଗିରିବରଜ୍ ପୁର ।      ॥୪୨॥

- କଇକେୟ ରଜାର ଜେମା ସୁନ୍ଦର ଚଳାକ୍ ଚତୁର  
ଲଢ଼େଇ ନୁ ବି ଅଡ଼େଇ ନୁହେ କମ୍ ନୁହେ ବପୁର ।      ॥୪୩॥
- ରଥ ବାହେବାରେ ମହାନ ପାରର ଅକ୍ଷୁଣ୍ଣ ଧବଳେଁ ହାତୀର  
ଚେନ୍ଦ୍ରାୟାଏ ହଜି ନାରୀ ଅଧନ ଲବଙ୍ଗନ୍ ଜାତିର ।      ॥୪୪॥
- କଇକେୟ ରଜା କଲେ ଝି'ର ସୟମ୍ବର  
କେତେ ରାଜା ଆଏଲେ କରି କେତେ ଆଡ଼ମ୍ବର ।      ॥୪୫॥
- ଦିହ୍ ମୁଡ଼େଁ କେ ହୀରାନୀଳା ମୁଡ଼ା ମୁଡ଼ା ଉଲେଇଛେ  
ଅଲଙ୍କାର ନାଏଁ ଅହଂକାର ଖାଲି ଝୁଲେଇଛେ ।      ॥୪୬॥
- ପାର୍ ପାତାମ୍ବର ମଠା କେ ପିନ୍ଧିଛେ ଠାଟେଁ  
ହାଡ଼ଗୋଡ଼୍ ପିନ୍ଧି ଏନ୍ତା ଚାଲେ ନାଉଁ ଧରାଏ ବାଟେଁ ।      ॥୪୭॥
- ଅଠା ଦେଇଁ କେ ମେଛା ସାଜେ ଚାହିଁ ଥାଏ ହାଡ଼  
ଲାଲ୍ ଆଏଁଖ୍ କାର୍ ଜନାଇ ନିଏ ଧନ୍ ଯଉବନ୍ ମାଡ଼୍ ।      ॥୪୮॥
- ଅଧେର ବ୍ୟସିଆ କିଏ ପାର୍ କେ କରେ ଧନ୍  
କାନ୍ ତରାର୍ ପାର୍ଲୀ ବାଲ୍ ଢାପି ଲୁକାବାର୍ ମନ୍ ।      ॥୪୯॥
- ରଜାଛୁଆ କେ ଆସେ ବିହାର ବସୟ୍ ହୁଏ ନୁହେ  
ଆଏବାର୍ ସୁରେଁ ଆସିଯାଇଛେ ଈ ପାର୍ ସେ ପାର୍ ହୁଏ ।      ॥୫୦॥
- କିଏ ଧରେ ସିଂହର ଛଡ଼ି ହାଟେଁ ବରକଷ୍ କରି  
ଚାଲିବାକେ କଡ଼ା, ବାଡ଼ି ନାଇଁ ଥୁଲେଁ ଧରି ।      ॥୫୧॥
- ଅବଧ୍ ରାଜ୍ ଆଏଲେ କି ସଭାର୍ ସଭେ ତବଧ୍  
ବାଘ୍ ଆଏଲେଁ ଅସ୍ତାବଲ୍ ଯେନ୍ତା ନିଶବଦ୍ ।      ॥୫୨॥
- ଅଁଧାର୍ ଥୁବାର୍ ତକ୍ ତରା ଜୁଗୁର ଜାଗୁର ଥୁଲାନ  
ବେଲ୍ ଉଦିଆଏଲା ପହଚିଆ ଉଦା ବେଲା ନ ।      ॥୫୩॥



ପାଏନ୍ ଉତ୍ତର ଚର ଚର ଚର ଥିଲେ ପୁଟି  
ସେତା ହେଲେ ଯେତା ହେସନ୍ କଇ ଆଏଲେ ଉଠି ।

॥୫୪॥

ବରବରନୀ ବରନ୍ମାଲା ଦଶରଥକେ ଦେଲା  
ବରକେ ଜାନି କନିଆଁ ଆନି ଦଏବୀ ଜୁଟେଇ ନେଲା ।

॥୫୫॥

ଦିନାକେତେ ନୁହେ ଯାଏ ନୁହେ ମେଟେ ହଲୁଦି  
ମଗଧ ରାଜର ଖବର ଅବଧ ରାଜ ଆସୁନ୍ ଜଲୁଦି ।

॥୫୬॥

ମଗଧ ରାଜର ଝି' ସୁମିତ୍ରା ତାକର ସୁନ୍ଦର ପନ୍  
କିଏ ଜାନ୍‌ବା କହି ? ଜାନ୍‌ଏ ଜେମାର ଦରପନ୍ ।

॥୫୭॥

ସୁମିତ୍ରାର ସୁନ୍ଦର ପନ୍ ଦଶରଥ ଶୁନ୍‌ବେ ଯେତେ  
ସୁମିତ୍ରା ତାହୁଁ ଜହ ଶୁନ୍‌ନ୍ ଦଶରଥ ସୁନ୍‌ବେ କେତେ ।

॥୫୮॥

ଦଶରଥ ବିନା ଆର କାହାକେ ନାଉଁ ହୁଅନ୍ ବିହା  
ନେହେଲେ ଜୀବନ୍ ହାରି କରିନେବେ ମାହାଲିଆ ।

॥୫୯॥

ବାରତା ପାଇ ତୁରତି ଗଲେ ଦଶରଥ ମହାରାଜ  
ସୁମିତ୍ରାକୁ ବିହା ହଇ ଫିରଲେ ନିଜର ରାଜ ।

॥୬୦॥

ତାର ପରେ ସାତଶ ପଚାଶ ରାନୀ ହେଲେ ବିହା  
ଗଜ ଗଜାଲା ରାନୀ ମହଲ ବିନ୍ ଛୁଏଁ ମାହାଲିଆ ।

॥୬୧॥

ସଂସାରୀ ଲୋକ ବିହା ହେସନ୍ ପିଲା ଛୁଆର କାୟେ  
ବିନ୍ ସଂତାନେଁ କାଏଁ ସଂସାର; ଘାଟି ହେବାର ଲାଜେଁ ।

॥୬୨॥

ଦେହେର ଭୋକ ମେଟାବାକେ ନୁହେ ବିହା ତୁରା  
ଅଦେହର ଲାଗିଁ ନୁହେ, ବର କନିଆଁ ଯୁରା ।

॥୬୩॥

ସମାନ୍ କୁଲ ସମ୍ମାନ-ମୂଲ ଥିବାର ତୁକେଲ ପିଲା  
ଗୁଟେ ଜୀବନ୍ ହଇ ଯଦୁରି ସତାନ୍ ଜନ୍‌ମିଲା ।

॥୬୪॥

ସେ ସନ୍ତାନ ପାଲି ପୁଷି ମହାପୁ ମେତାଲ୍ କରି  
ଲୋକ ସମାଜକେ ଦେଇ ପିତୃଗଣ୍ଠି ହେବା ପାରି ।      ॥୨୫॥

ଭୋଗ ବିଳାସ ନୁହେ କେବେ ନାରୀ-ସହବାସ  
ଯେ କରସି ମହା ହେସି ଅହି ନରକ ବାସ ।      ॥୨୬॥

ବନ୍ଦ୍ୟ ରୂପ ଗୁନ୍ ବୁଦ୍ଧି ସାଜେ ମୁନୁଷ୍ଠ ପନ୍  
ବାପ ଅଜାନୁ ପୁଓ ପାଏସି ସେଟା କାଏଁନ ଧନ୍ ।      ॥୨୭॥

ମୁନୁଷ୍ଠ ପନ୍ ବଢ଼ି ବଢ଼ି ଘଷି ମାଜି ହଇ  
ଦେବତା-ପନେ ଈ ମୁନୁଷ୍ଠ ସରର କରସି ମହା ।      ॥୨୮॥

ସାତ୍ତ୍ଵ ଚେପନ୍ ରାଜା ଭିତରୁଁ ପହେଲା ତିନ୍ ରାଜା  
ପାଟ୍ଟରାଜୀ ବଳି ରାଜ୍ ପାଟ୍ ଅଛନ୍ ଜାନି ।      ॥୨୯॥

ବନ୍ଧୁବନ୍ଧୁ ବାହାରିଗଲା ନାଇଁହେଲା ସନ୍ତାନ  
ସମ୍ପଦ ମନ୍ ସମାନ୍ ଖାଟ୍, ଦୁଖର ଦୁହୁରି ଟାନ୍ ।      ॥୩୦॥

ମୁହଁ ଉପରୁଁ ବେଲ୍ ଚଳୁଛେ ଯିମା ଚାଲ ଏତକେଁ  
ମୁନି କହେଲେ ଯେତେ କହ ରାମେନ୍ ସରେ କେତକେଁ ।      ॥୩୧॥

ରାମର ନାମେ ହରିବୋଲ୍ ଦେଇ ଛାଡ଼ଲେ ସଭା  
ବଳନ୍ ବେଲ୍‌ହଉ ବେଲ୍‌ରୁ ସଭା ଅଏନ୍ ଯମକ୍ ଧରବା ।      ॥୩୨॥

୧



## ପାଞ୍ଚ-୧୧

### ଦଶରଥ ରଜା ହାତେଁ ରକ୍ଷିପୁତ୍ର ମରବାର

ଭଜନ୍ ପୂଜନ୍ ସାରି ରକ୍ଷି ରାମେନ୍ ଆରଞ୍ଜ କରୁଛନ୍  
ଶୁନ୍ଲୀ ଲୁକର ମନ୍କେ ମୁନି ନୁଆଁ ତଙ୍ଗେଁ ହରୁଛନ୍ ।

॥୧॥

କେ ବଲୁଛେ ମୁନିର କଥା ଛାଡ଼ି ହଏ ନାଲ୍  
ଅରକ୍ତି ରହି ମନ୍ ଲରକ୍ତି ରହେ ଯିବା କାହିଁ ?

॥୨॥

ମୁନି କହନ୍ ରାମର ବିଷେ ଆପେଁ ଶୁଟେ ମହନି  
ମନ୍ ଘିନ୍ବାର କାୟେଁ ଆଏ ସରୁକାଲକେ ବହନି ।

॥୩॥

ଫଟା ମନ୍ ଯୁରବାରକେ ରାମନାମ୍-ଅଠା  
କାମର ଫଲ ରାମର ନାମେ ପାବସି ହଇଁ ଲଠା ।

॥୪॥

ଉଷଡ଼ ମନେ କୁଶ ଆସି ରକ୍ଷିର ପାହେଁ ପରି  
କହେଲେ ରଜା ରହେଲେ ନିସନ୍ତାନ୍ ହଇକରି ?

॥୫॥

ରଘୁବଂଶ କେନ୍ତା ରହେଲା ତାକର ପରେଁ କହ  
କା'ର ପରେଁ କେ ରଜା ହେଲେ ଜାନ୍ବାର ମନ୍ ଜହ ।

॥୬॥

ସେ ସବୁ ଚରିଡ଼ କହ ବାବା ! ଦୟା କରି  
ତୁମର ଭାଷା ହରୁମେଷା ରସ ରଖୁଛେ ଭରି ।

॥୭॥

ରାମର ଜଏ ଗାଇ ରକ୍ଷି କୁଶର ମୁଡ଼ ସୁଆଁଲି  
କହେଲେ ମୁନି ସୁରୁୟ ବଅଁଶ୍ ତୁରୁଡ଼ ଯାଏ ପାଆଁଲି ।

॥୮॥

ସେତେବେଲେଁ ବି ଦଶରଥ ନାଲ୍ ଥାଇ ନିସନ୍ତାନ  
ଝି ଶୁଟେ ଜନ୍ମିଥିଲା ଶାନ୍ତା ତାର ନାମ୍ ।

॥୯॥

ଲୋମ ପାଦ ରାଜା ଅଙ୍ଗଦେଶର ଅଧିପତି ମଧ୍ୟତରୁ ବସିଥିଲେ ଦଶରଥ ମହାମତି ।	॥୧୦॥
ସଦ୍ କରାକରି ହଇଥିଲେ କେନ୍ଦସି କାଲେଁ ଦୁହେ ତାହାକୁ ଦେବେ ପୁଓ କି ଝି ଯଦରି ଜନମ୍ ହୁଏ ।	॥୧୧॥
ସେଥିରୁ କାୟେଁ ଶାନ୍ତା ବଢ଼ିଲେ ଲୋମ ପାଦରୁ ପୁରୋଁ ନିସନ୍ତାନୁ ଲେଖେଁ ରହେଲେ ରାଜା ଅନେକ୍ ଦୂରୋଁ ।	॥୧୨॥
ସଦ୍ ଥାଇ ପୁଓ ନାଏଁନ କିଛି ନାହିଁ ଥିଲା ମିତାଲ୍ ଲାଗେ ବିଷ୍ଣୁପିତା ବାଗିରୁ ସରଗ୍ ମରଦ୍ ପାତାନୁ ।	॥୧୩॥
ରାଜ କାୟ ରୁଝି ଉଷାର ଦେଖୁଁ ଝାରପଦରା ବୁଲନ୍ କେନ ବନ୍ଦ୍ୟ ଲାଗ୍ବା କେବଲ୍ ମନ୍ ଭିତରେ ଗୁଲନ୍ ।	॥୧୪॥
ସରଯୁ ନଦୀରୁ ଖଡ଼ିଁ ଅଛେ ଗହନ୍ ଘୋରୁ ଝାରୁ ତାଲଟେ ପରୁଲେଁ ପାଲଟେ ଗରୁଜେ ଶବଦ୍ ଯୋରୁଯାରୁ ।	॥୧୫॥
ପଗୁନ-ଯାଇଛେ, ଦେଖୁନ୍ ଦେଖୁନ୍ ଦୁଗୁନ୍ ହଇଛେ ଖରା ଗଛ ଝୁରୁଛନ୍ ପଛରୁ କଥା ହଇଁ ପତରୁ ଝରା ।	॥୧୬॥
ବଢ଼ଲ୍ମାନେ କିଷି ହେଲେନ ମହୁଲ୍ ହେଲେ ଟୋଲ୍ ଗଛ ଚିପିନେ ଝୁପା ଝୁପା ଝୁପିଁ ହଇଛନ୍ ଠୋଲ୍ ।	॥୧୭॥
ଆଗୁଆ ହଇଁ ସରଗି ଗଛ ପାଆଁଲି ହେଲା ଶାଗୁଆ ଡି ଡି ହଇଁ ଝାରକେ ଦେଖେ ଥାଏ ବାଗିରୁ ଜୁଗୁଆ ।	॥୧୮॥
ପତରୁ ନାଏଁନ ଶେମେଲ୍ ଗଛେଁ ବଦରୋଁ ପୁଟେ ପୁଲ୍ ଶାଗୁଆ ଭିଡ଼ରେଁ ଥାଗୁଆ ଦିଶେ ଲାଲ୍ ଗୁଲ୍ ଗୁଲ୍ ।	॥୧୯॥
ତାରୁ ପଛା ପଛ ମନ୍ ଉଲ୍ମା ପଲ୍ମା ଧରେ ପାଲିଆ ଫୁଲ୍ ସର ସର ଅଶୋକ୍, ସଉକ୍ କରେ ହେବା ଲାଲିଆ ।	॥୨୦॥

କରୁଲା ଫଲର ସରୁଲା ଦିନ ଗୋଟ ଗୋଟ କରି ଝରୁଛେ ମାଁକେ ଛାଡ଼ି ନାହିଁଯାଏ ବଳି ଗଛ ତଳେ ସିନା ଗରୁଛେ	॥୨୧॥
ହଏଡ଼ା ବେହେରା ଅସିଲା ଫଲ ଏକାସଙ୍ଗେ ପାଚନ୍ ସାଇଁ ସାଇଁ ହଇ ଆଏବେ ଯିବେ ତିଫିଲା ନାଁ ବାଛନ୍ ।	॥୨୨॥
କୁରେ ଫୁଟିଛେ କେରା କେରା ସୁନାରି ଫୁଟେ ଝୁପା ମରକତ୍ ଗଛେଁ କିଏ ଝୁଲାଏ କେରାକେରା ରୁପା ।	॥୨୩॥
ଲଟି ବୁରୋ ସୁରୁ ସୁରୁ ପତା ଫଲ ଲୁକୋଉଛେ କିଏ ନେଇଁଯିବା କାଏଁ କଟା ବାଟେଁ ଛେଁକୋଉଛେ ।	॥୨୪॥
କେ'ନ କେତା ଦାଆଁ ଧରିଛେ ଆଁ କରିଛେ ଜୁଏ ଜିତ୍ ଜାନବାର ପଲାଇଁ ଫାବେ ନେହେଲେଁ ଝପଲେ ହୁଏ ।	॥୨୫॥
ଦଲ୍ ଦଲ୍ ହଇଁ ହାତୀ ଯାଉଛନ୍ ହେଣ୍ଟା ହୁଦା ହୁଦା ଖରହା ବରହା ଦରାଁତି ନୁରନ୍ କାହିଁ ଝୁକ୍ଟାଣୁ ବୁଦା ।	॥୨୬॥
ଗଇଁ ଗହଲେଁ ମାକର ହନୁ ତାହି ମାକରି ଖେଲୁଛନ୍ ତାଲେଁ ତାଲେଁ ଲେଖି ଗୁରେଇ ତଲମୁହାଁ ହଇ ଝୁଲୁଛନ୍ ।	॥୨୭॥
ଗୁଏ ନେଉଲା ଦୁଏଲ୍ ନୁରିଁ ଆଗର ଗୁଡେଁ ଠିଆଡ଼ ଅଏନ୍ ଆଗରା ଆଶେଁ ଆହା ! ସଭେ ଇଆଡ଼ ସେଆଡ଼ ।	॥୨୮॥
ସରଯୁ ନଏନ୍ ଧାର ଏଦେ ଚୁଟକି ଚୁଟକି ଆଏଲା ନ ଦରହା ଦେଖ୍ ବରହା ପରେ ଦିହ୍ ବୁଥେ ମଏଲାନ ।	॥୨୯॥
ସଲ୍ବଲଉଛନ୍ ଜିକ୍ ସକ୍ସକ୍ ପାଏନ୍ ଦେଖ୍ ଅଲ୍ପେଁ ସାଁପ୍ ତୁଙ୍ଗେ ଉରୁଜି ରହି ପାଏନ୍ ତରା ତରା ଝଲ୍ପେଁ ।	॥୩୦॥
କୁଦହା ଚାଲିନେ ତୁଡ଼ା ବେଙ୍ଗ୍ ଡେଗେ ଘାଏ ଘାଏ ଉଡ଼ିଁ ଆଏଲା ପୋକ୍ ଜୋକ୍ ଧରି ପାରଲେଁ ଖାଏ ।	॥୩୧॥

- ପାଏନ୍ ପିଉଛନ୍ ହେଣ୍ଣା ହୁଦା ସମର ତିଅଲ୍ ଗଏଲ୍  
ବନ୍ଦୋଇ ତାହିଁ ଝଁପେଇଁ କରନ୍ ଅଏନ୍ ପାଏନ୍ ମଏଲ୍ ।      ॥୩୨॥
- ସୁରୁ ସୁରୁ ଝୁରି ଫଡ଼କନ୍ ବଡ଼ ମାରନ୍ ହୁଲ୍‌କା  
ସୋକ୍ କଥା ଥୁଁ ଉପଲି ପରେ ବୁଦ୍ଧି ଯା'ର ହଲ୍‌କା ।      ॥୩୩॥
- ମୁଡ଼ ଉପରୁଁ ବେଲ୍ ଖସରେ ଦଶରଥ ବୁଲେ ଏକଲା  
ଛାଏ ଦେଖୁ ଘାଏ ରଜା ହାଏ କରି ଥାକ୍‌ଲା ।      ॥୩୪॥
- ପାଏନ୍ ଘବ୍ ଘବ୍ ଶୁଭେ ଶବଦ୍ ନଏଦ୍ ଭିଡ଼ୁଁ କାହୁଁ  
ରଜାର କାନକେ ତାବିଁ ଆଏଲା ଛନ୍‌କେଁ ଚାହୁଁ ଚାହୁଁ ।      ॥୩୫॥
- ରଜାର ଆଏଖୁ କେ ନାଇଁ ଦିଶେ ପଡ଼ରା କରେ ଉଡ଼ାଲ୍ ।  
ହାତୀ ପାଏନ୍ ପିଇଁ କରେ କାଏଁ ଅଏନ୍ ପାଏନ୍ ଗୁନ୍‌ମାଲ୍ ।      ॥୩୬॥
- ହାତୀ ଅବୁଦିଁ ଶବଦ୍‌ଭେଦୀ ଶରତେ ରଜା କାତି  
ସେ ଶରେଁ ସଂସାର୍ ଗୁଟେ, ସଂସାର୍ ଗଲା ଛାତି ।      ॥୩୭॥
- ଶର ପୁହୁଁ ପୁହୁଁଟି ଆଏଲା ମୁନୁଷ ପିଲାଋ ସ୍ଵର  
ଏ ବୁଆ ! ଏ ମାଗୋ ! ମଲିଁ କାହୁଁ ଆଏଲା ଶର ?      ॥୩୮॥
- ନରଦିଁ ଗଲେ ଦରଦୀ ରଜା ମୁନୁଷ ଟୁଡ଼ ଜାନି  
ଦେଖିଲେ ସଦକେ ସଦ୍ ମୁନୁଷ ଛୁଆ ପରିଛେ ପାନି ।      ॥୩୯॥
- ପାନିର ଉପରୁଁ ଛାନି ଆନି ଭଠେଁ ରଖିଲେ ଯହୁଁ  
ଆଖୁଁ ଲମିଛେ ଲହର ଧାର୍ ଛାତି ଭିଡ଼ୁଁ ଲହୁ ।      ॥୪୦॥
- ରଜା କହନ୍ ଅଜାନତକେଁ ପେଶଲିଁ ବାବା ! ଶର  
ରଷି ଛୁଆ ଦରଦର କାନ୍ଦି କହେ ତରସର ।      ॥୪୧॥
- ଶେଷୁଆଁ ପୁଲେଁ କେନ୍‌ଦୋଷ୍ଟନେ ବରଷେ ବଜରମାର୍  
କାହିଁ ବୁଝୁ ବୁଝୁଦଶା ମୋର ଅନ୍ଧ ବାପ ମା'ର ।      ॥୪୨॥

ରକ୍ଷି ପିଲାକେ କହେଲେ ରଜା ପୁଛି ଆଖିର ଲହ  
ନାହିଁ ଦେଖି ପେଶିଲି ଶର କାଁ କରମି କହ ?

॥୪୩॥

ଶବଦ୍ ଶୁନି ଭାବିଥିଲି ହାତୀ ପିଉଛେ ପାଏନ୍  
ଆଏଖିକେ ଛାଡ଼ି କାନକେ ପରତେ କରି ବୁଡ଼ାଲି ମାଏନ୍ ।

॥୪୪॥

ହାତୀ ହୁରତାବାରୁ କାୟେ ଶବଦ୍-ଭେଦୀ ଶର  
ପେଶି ଯାହା ହେଲା ଦେଖି ଶୁଖି ଯାଉଛେ ସର ।

॥୪୫॥

କିଏ ବାବା ! ନାହିଁ ଜାନି ଛାଡ଼ି ରାଗ ରୋଷ  
ଡାଣବ ତ ଡାଡ଼, ଅଜାନତ୍ କେଁ କରିଛେ ଦୋଷ ।

॥୪୬॥

କହେମି କହେମି ହଇଁ ରକ୍ଷି କହି ନାହିଁ ପାରନ୍  
ହାଏ ମା ! ହାଏ ବା ! ବଳି ଛାଡ଼ି ହାତ୍ ମାରନ୍ ।

॥୪୭॥

ମୋର ପରତେ ଦେମି କାଶା ? ନର ସମ୍ପଦରେ ବିନ୍ଦୁ  
ଅକ୍ଷକ୍ ରକ୍ଷିର ପୁଓ ମାଁ ବାପ୍ ଡାକନ୍ ସିନ୍ଦୁ ।

॥୪୮॥

ମାଁ ବାପର ଘର ନାହିଁ ନାଏନ ଆଏଖି ଡାକନ୍  
ଭାରେ ରୁହି ଝାରେ ମୁଇଁ ବୁଲେଁ ରାଜିଜ୍ ଯାକନ୍ ।

॥୪୯॥

କରମ୍ ଜାନି ଫଲ୍ ଭୁଗୁଛେ କାହାକେ କରମି ରୋଷ  
କାଏ ଦଣ୍ଡଦେମି ତୁମର ନାହିଁ ନ କିଛି ଦୋଷ ।

॥୫୦॥

ସୋର ହଉଛେ “ପୁରୁବ୍ ଜନ୍ମେ ଥିଲି ରଜାପିଲା  
ଶେଲୁହିଆ ଥିଲି ମାଁ ବାପର ବେଭାର ଥିଲା ଜିଲା ।

॥୫୧॥

ବିନା ଦୁଷ୍ଟେ ଧୁନ୍‌ଶର ଧରି ମାରେ ପଶକାପାରା  
ଆଏଜ୍ ହେନ୍ତା ବିନା ଦୁଷ୍ଟେ ସୋଜ୍ ଯାଉଛେ ମାରା ।

॥୫୨॥

ନଏଦ୍ ଖଡ଼ିନେ ମାଆ ବାପା ବେଲ୍ ଭନାନେ ଆକିଛନ୍  
ପାଏନ୍ ନେଲେଁ ପିଇବାକେ ମୋର ଯିବାକେ ଟାକିଛନ୍ ।

॥୫୩॥

ବାଘ ମାଁକେ ମଲା କାଲକେ ପାଏନ୍ ତୁକେ ଦେବାକେ  
ଭାଏଗେଁ ନାଜ୍, ଲାଏକ୍ ନୁହେ କେନ୍ଦସି ଭି ସେବାକେ ।      ॥୪୪॥

ଠିଆ ନାଜ୍ ହ, ମଠିଆ ଅଛେ ପାଏନ୍ ଟିକେ ନିଅ  
ଶୁଷେଁ ଥିବେ ଆକୁଲ୍ ବିକୁଲ୍ ପିଇବେ ତୁରତି ଦିଅ ।      ॥୪୫॥

କହେବ ମୋର ମେତାଲ୍ ପୁଓ ନାଜ୍ ନୁରବେ ନ ଆଉ  
ତାକର୍ ବାଗିର୍ ମାଆଁ ବାଘ ଭାଏଗେଁ ମୋର ଥାଉ ।      ॥୪୬॥

ଖର୍ ନିଶାସ୍ ବୁହେ ଥରକେ ଥର ଯାଉଛେ ଅଟ୍ଟକି  
କଥା କହେଲେଁ ଅଥା ହଇ ଘାଏକେଁ ଯାଏଁ ସର୍କି ।      ॥୪୭॥

ଉଡ଼ି ଯିବାକେ ଜୀବନ୍-ଚେରେ ଭିଡ଼ି ହେଲାନ ହରବର  
ଦେହ୍ ପିଞ୍ଜରିର୍ ବାଗ୍ ଛେକିଛେ ତୁମର୍ ପେଶିଲା ଶର ।      ॥୪୮॥

ଶର କାଡ଼ି ନିଅ ହଉ ପିଞ୍ଜରି ହରଗୁଲା  
ଯେନ୍ଦକେ ଯିବାର୍ ଯାଉ ଜୀବ୍ ନାଜ୍ ହଉ ଗୁଲ୍ଗୁଲା ।      ॥୪୯॥

ରଷି ଛୁଆର୍ କହେଁ ରଜା ଶର ନେଲେ କାଡ଼ି  
ନିଉଡ଼ି ହେଲା ଲହୁ ହୁଲକେ ଜୀବନ୍ ଗଲା ଛାଡ଼ି ।      ॥୫୦॥

ମଲା ଦିହକେ ଖିୟେଁ ବୁହି ପାଏନ୍ ମଠିଆ ହାଟେଁ  
ବୁଧି ହଜା ରଜା ଚାଲିଲେ ଛୁଆ ବତାଲା ବାଟେଁ ।      ॥୫୧॥

ବେଲ୍ ବୁରେଇର୍ ତଲେଁ ଅନ୍ଧକ୍ ରଷି ଏଡ଼କି ବେଲ୍  
ଛୁଆ ନାଜ୍ ଆଏଲା ବଲ୍ ମନ୍ ହୁଏ ଉଡେଲ୍ ।      ॥୫୨॥

“ସିନ୍ଧୁର୍ ମାଆ ! କାଁ କରି ଗା ! ଭକ୍ ଭକାସି ମନ୍  
ଛୁଆ ଆଏବାର୍ ବିଲମ୍ ଜାନି ହିଆ ହୁଏ ଛନ୍ଦନ୍ଦ୍ ।”      ॥୫୩॥

ସିନ୍ଧୁର୍ ମା ବଲନ୍ “ଆମର୍ ଆଏଞ୍ ଥଲେଁ କାଏନ  
ଆଉଛେ କି ନି ଦେଖିଆଏତାଁ ଅଧା ବାଟୁଁ ସାଏନ ।      ॥୫୪॥



ପୁଓଟା ଆମର୍ ଆଁଖୁର୍ ପାରା ସେ ଯାଇଛେ ପାଏନ୍ ଛୁଞ୍ଚା କାଏଁ ଉବେଲ୍ କରତା ଛୁଆର୍ କେତେ ମାଏନ୍ ।	॥୨୫॥
କମ୍ ବେଲ୍ତ ହଏ ନୁହେଁ ତଥାପି ଦମ୍ ଧରୁଁ ଆସୁଥିବା ଶୁଭେ କାହାର ପାହାର ଶବ୍ଦ ଧରୁଁ ।	॥୨୬॥
ଝରଲା ପଡ଼ରେଁ ପାହା ପରଲା ମେତାଲ୍ ଲାଗେ ମତେ ଆ-ରେ ମୋର୍ ଜୀବର୍ ଧନ୍ ଟାକି ମରିଛୁଁ ତତେ ।	॥୨୭॥
ପାଏନ୍ ନାଇଁ ପାଶେଁ କାଏଁ ଏଡ଼କି ବେଲ ହେଲା ବାଟେଁ ଥିଲା କାଏଁ ପିତା ଜନ୍ମୁ ସେଥିଁ ସମିୟା ନେଲା ।	॥୨୮॥
ନାଇଁ ଆସୁଥାଇଁ ତରେଁ ମରେଁ ଅଧିପରାନ୍ ଶୁଷେଁ ଶୁଖେ ଟିଁ ଟିଁ ପୁଓରେ ! ପାଏନ୍ ତୁକେ ଆ'ନ୍ ।	॥୨୯॥
ରଜା କହେଲେ ଦୁଖେଁ ମଜାଇ ହଇ ଜହ ଜହ ପାଏନ୍ ଆନିଛେଁ ମାଏନ୍ତା ମୁନି ଦେମି ଟିକେ ରହ ।	॥୩୦॥
ତୁମର ପୁଓ ନାଇଁ ପିରେ ନ ଯାଇଛେ ଯେନ୍ ଠାନ୍ ଅଜାନ୍ତକେଁ ଅଦେଖା ଶର୍ପେଷ୍ଟିଲିଁ ନେଲା ପ୍ରାନ୍ ।	॥୩୧॥
ଅବଧି ରାଜ୍ ଦଶରଥ ମୁଇଁ ପାହେଁ ପରୁଛେଁ ମୁନି ଗରୁଜି ଉଠିଲେ ମୁନି ରଜାର୍ କଥା ଏଡ଼କି ଶୁନି ।	॥୩୨॥
ରଜା ହଇଁ ପରଜା ମାରୁ କେ'ନ୍ନୁ ଶିଖିଲୁ ଧରମ୍ ଆଏଁଖୁ ଥାଇ ବି ଦେଖିଲୁ ନାଇଁ କଲୁ ଏଡ଼େ କରମ୍ ।	॥୩୩॥
ଆମର୍ ସିନେ ଆଏଁଖୁ ନାଇଁ କାନେ ତାଲୁଁ ବାର୍ କାନ୍-କେଭେଁ ବନ୍ଦ୍ୟ ବିଚାର୍ ଦେସି ଅବଧି ରାର୍ !	॥୩୪॥
ଆମର୍ ହାଡ଼ ଗୋଡ଼୍ ଆଏଁଖୁ କାନ୍ ଥିଲା ସିଏ ସେ ଗଲା ତ ସବୁ ଗଲା ଜୀବନ୍ ଆର୍ କାଏଁ ଜୀଏ ।	॥୩୫॥

ମଲା କାଳେଁ ଦେଲା ଦରଦ୍ ପିଲାଋ ଏ ବିଛେଦ୍  
କେ ଗନ୍ଦା ହୁରୁଦ୍ ଭିଡ଼ରେଁ ହେଲା କେତେ ଛେଦ୍ । ॥୭୬॥

ଅନୁଭବନେ ଜାନି ହେସି ଅନୁମାନୁ ନୁହେ କରି  
ସେ ଅନୁଭବ୍ ହେବା ତୋରୁ ଯିବାରୁ ଆଗୁଁ ମରି । ॥୭୭॥

ହୃଦି ନେସି ଭାଷା ଯଦ୍ରି ସେ ଦରଦ୍ କେ କହେବା ?  
ହୁଝୁ ମୋରୁ କହେଁ ତୋରୁ ସେ ଅନୁଭବ୍ ହେବା । ॥୭୮॥

ବାହୁନ୍ ମୁଇଁ ନାଲିଁ ହେଲେଁ ବି ନାଲିଁ କହେଁ ମୁଇଁ ଅସଦ୍  
ଇଆଡ୍ ସେ ଆଡ୍ ନୁହେ ଆଦୁଁ ଜାନ୍ତୁ ଦଶରଥ୍ । ॥୭୯॥

ବଏଶ୍ ବାପ୍ ଶୁହୁରୁ ମା'ରୁ ଅଭରସନୁ ଜନମ୍  
ସଦ୍ କହିଛେଁ ସଦ୍ ଭାବିଛେଁ କରିଛେ ସଦ୍ କରମ୍ । ॥୮୦॥

ମୁହଁ ମୋର ସଦ୍ ବାହାରିବା ସଦ୍ ବଏସରା ଅଛେ  
ଅସଦ୍ ନାଲିଁ ବାହାରେ ପୁରୁଥା ପରଲେ ହେବା ପଛେ । ॥୮୧॥

ହେତା ଗୁଟେ ସଦ୍ ଦରଶୀ ମୁନି-ମୁହଁରୁ କଥା  
ଆଏଖ୍ ହରାଇ ହେଲୁ ଆମେ ଦୁହିଁ ପରାନା ଅଥା । ॥୮୨॥

ସେ କଥା ମୁଇଁ କହି ନଭଛେଁ ଶୁନ୍ଦୁ ହେଲେ ଶୁନ୍ଦ  
ଗୁଦର ଗୁଡିଆ ତିର୍ଜଟା ରଷି ସଦ୍ କହେବାରୁ ଗୁନ୍ । ॥୮୩॥

ଆଏଲେ ଦିନ୍ଦଏ ବାପା ମୋରୁ ଅର୍ଜା ଚର୍ଜା ପରେଁ  
କହେଲେ ମତେ ପାହାଧୁଏଲ୍ ନେ ଯୁହାରି ପାହାତଲେଁ । ॥୮୪॥

ଗୋଦରୁ ଗୋଡ଼କେ ବିକାରୁ କଲିଁ ଦେଲିଁ ଆଏଖ୍ ମୁଜି  
ମୋରୁ ସ୍ତ୍ରୀ ବି ସେତା କଲେ ଭଲମଦ୍ ନାଲିଁ ବୁଝି । ॥୮୫॥

ଏବମସ୍ତୁ କହେଲେ ରଷି ଆଏଖ୍ ମୁଜିହୁଁ ଚାଏଲ୍  
ଅବତକ୍ ଆଏଖ୍ ସେତା ଅଛେ ବୁଦେ ଦିଶ୍ଟା ଭାଏଲ୍ ? ॥୮୬॥

ସତ୍ ଆଶ୍ରୀର କଥା ସତ୍ ଚିଣେ ଚଳେ ନାହିଁ  
ହଅନି ଯାହା ତାହା ହିଁ ହେବା ନେହେଲେଁ ଚଳୁବା କାହିଁ ?      ॥୮୭॥

ପୁଓ ପଲାବା ଛାଡ଼ି ତୋର ଜୀବନ୍ ଯିବା ଛାଡ଼ି  
ଆଏଇ ଯେତା ଛଡ଼େଇ ନେଲୁ ଅନ୍ଧର ହାତୁଁ ବାଡ଼ି ।      ॥୮୮॥

ରଜା କହେଲେ ପୁଓ ହେବା ତ ଜୀବନ୍ ଗଲେଁ ଯାଉ  
ଧଏନ୍ ଧଏନ୍ ମୁନି ମହାତ୍ମା ! ତୋର ଦୟା ଥାଉ ।      ॥୮୯॥

ଅଭିଶାପ୍ ଯେନ୍ ଦେଲୁ ମତେ ହେଲା ଆଶୀର୍ବାଦ୍  
ତୁମକୁଁ ମୁନି ସୁରୁୟ ବଂଶର ଶ'ଶ' ଧଏନ୍‌ବାଦ୍ ।      ॥୯୦॥

ଅଭିଶାପ୍ ମୋର ଅଭିଲାଷ୍ ପୁରାବା ନେଲିଁ ଛିନି  
ସୁଜନ୍ ସଙ୍ଗର ଉଜନ୍ କେତେ ବୁଝିଲିଁ ଇହାଛିନି ।      ॥୯୧॥

ଗଛକାଟୁକେ ଦେସି ଯେତା ଉଦାର ଗଛ ଛାଏ  
ତୁମର ଦୟା ମୋର ଉପରେଁ ଠିକ୍ ସେତା ଆଏ ।      ॥୯୨॥

ସୁଜନ୍ ଆଏ ଯେ ରିଶ୍ମିଥିଁ ବି କାହାରି ଅନ୍‌ଭଲ୍  
କରେ ନାହିଁ ଧରେଇ ନେସି ବାଛିଁ ବନ୍‌ଏ ଫଲ୍ ।      ॥୯୩॥

ପିଲାଟି ମଲା ଦେହ୍ ତ ଥିଲା ତାକର ଆଗେଁ ପଡ଼ି  
ଅନ୍ଧକ୍ ରସି ତାମଡ଼ି ତାର ଉପରେଁ ଗଲେ ଗଡ଼ି      ॥୯୪॥

କହେଲେ ପୁଓ ବନ୍‌ଏ କଲୁ ପଲେଇଁ ଗଲୁ ଯାହା  
ଭାଙ୍ଗି ନେଲୁ ଆମର ଦୁହିଁ ଲୁକର ଜାଙ୍ଗଲ୍ ବାହା ।      ॥୯୫॥

ଦୁଦି ଝନ୍‌କୁଁ ଜୀବନ୍ ଯାକ କେତେ ବୁହିତୁ ଭାରେଁ  
ଅନ୍ଧା ବୁହିଁ ବୁଲୁତୁ କେତେ ଅନ୍ଧାର ସଂସାର୍-ଝାରେଁ ।      ॥୯୬॥

ଆରଫାଲେଁ ନାହିଁ ଟାକରୁ ବାଟ୍ କଡ଼ାମି ବଲିଁ  
କହି ମୁନି ପୁଅର ଉପରେଁ ସେନେ ପରଲେ ଢଲିଁ ।      ॥୯୭॥

ମୁନି-ସିଆନୀ କହେଲେ ସିନ୍ଧୁର ବାପା ! ତିକେ ଟାକ  
ଏକଲୀ କରି ଯିବ ସାଙ୍ଗେ ରଖି ଜୀବନ୍ତ ଯାକ ?

॥୯୮॥

ସେ ବି ଗଲେ ଢଳି ସରି ଗଲା ଗୁଡ଼େ ସଂସାର  
ଅଜାନ୍ତକେ କେନ୍ଦ୍ରା କରାମତି ହେଲା ହିଂସାର ।

॥୯୯॥

ଦୁଖ ସୁଖ ମିଶା ମିଶିଭାବେ ଭାସି ଭାସି  
ଭାବନ୍ତ ରଜା କା'ଣା ପାଏଲେ କାହିଁ ଥିଲେ ଆସି ।

॥୧୦୦॥

କେନ୍ଦ୍ରକେ ଯିବେ କା'ଣା କରବେ ନାଲି କରବାର ଠିକ୍  
ତିନୁ ତିନୁଟା ଜୀବନ୍ତ ଗଲା ତାକର ଲାଗି ଧିକ୍ ।

॥୧୦୧॥

ରକତ ମାଉଁସ-ଦିହୁ ରଜାର ପାଲଟି ଯାଇଛେ କାଠ  
ମନର ମୁନୁଷ୍ଟ ଭାବନା ଭିତରେ ପାଶ୍ଚରି ନେଇଛେ ବାଟ ।

॥୧୦୨॥

ଆର୍ଦ୍ର ନାଲି ଥିବାର ମୁହଁ ଆଖି ଆଖି ଝୁଲୁଛେ  
ଛାତିଟାକ କାଟି କାଟି ଖଣ୍ଡ ଖଣ୍ଡ କରି ଖୁଲୁଛେ ।

॥୧୦୩॥

ଅକାରନେ ପରିବାରଟେ ନିମିଷଟାକେ ଶେଷ  
କଳାବଳି ରଜା, ବଜା ବାଜିବା ଦେଖି ଦେଖି ।

॥୧୦୪॥

ମରନ୍ତ ଠାକୁ ଜିତିଯିବା ସେ ମହା ବଦନାମ୍  
କେନ୍ଦ୍ର ପରାଡ଼ିତ୍ ଏଡ଼େ ପାପ କରବା ଥୁମଥାମ୍ ।

॥୧୦୫॥

ଭାବି ଭାବି ପୁହୁଁଟିଗଲେ ବଶିଷ୍ଠ ରଷି ଆଶ୍ରମ୍  
ଗୁରୁ ନାଏନ ତାକର ପୁଠକେ କହେଲେ ନିଜର ଭ୍ରମ୍ ।

॥୧୦୬॥

ଯାହା ହେଲା କହେଲେ ହେଲା କେଡ଼େ ବଡ଼ ପାପ  
କେନ୍ଦ୍ର ପରାଡ଼ିତ୍ କଲେ ମୁନି ପାପ ହେବା ସାପ ।

॥୧୦୭॥

ବାମଦେବ କହନ୍ତ ରାମ୍ ନାମ୍ ଜପ ତିନୁ ଥର  
ରାମର ନାମେ ପାପ ପଲ୍ୟାଏ କିପି ଥରଥର ।

॥୧୦୮॥

- ରଜା ଫିରଲେ ରାଜଧାନୀକେ ବଶିଷ୍ଠ ନିଜର ଆଶ୍ରମ  
ପୁଓନୁ ଶୁନି ସବୁଜାନି କହେଲେ ହେଲା ବିଭ୍ରମ ।                                    ॥୧୦୯॥
- କହେଲେ ଥରେ ରାମ୍ କପାଳେ ପାପ ନାଇଁ ରହେ, ଯାଏ  
ତିନୁତିନୁ ଥର ରାମ୍ କପାବାର ମୁରୁଖ ପନ୍ ଆଏ ।                                    ॥୧୧୦॥
- ରାମର ଗୁରୁର ପୁଓ ରାମର ଗୁନ ଜାନୁ ନାଇଁ  
ମୁରୁଖ କୁଲେ ଜନମ୍ ନେରୁ ମୁରୁଖ ପନ୍ ପାଇ ।                                    ॥୧୧୧॥
- ରାମ୍ ଦର୍ଶନ୍ ପାଏଲେ ଯାଇ ନାମୀ ନାମର ଭେଟ୍  
ହେଲେ ମେରବା ମୁରୁଖାମି ତୋର ମିଲବା ଗିଆନ୍ ଶ୍ରେଷ୍ଠ ।                               ॥୧୧୨॥
- ଚେରେ ଗୁହୁଡ଼ା ଗରୁମାନକୁ ଆଏଲେ ଉଡ଼ି ଉଡ଼ି  
ରକ୍ଷି ଜାନୁଲେ ସ୍ଵରୁୟ ଦେବତା ଯିବେ ଏଡ଼କେ ରୁଡ଼ି ।                               ॥୧୧୩॥
- କହେଲେ ଯିମା ଚାଲ ସଂଧ୍ୟା ଶଉଚ ସମିଆ ହେଲା  
ଇତାର ପରେ ଯାହା ହେବା ସକାଳୁ ସଭାକେ ରହେଲା ।                               ॥୧୧୪॥



## ପାଠକ-୧୨

### ପୁତ୍ରେଷୁ ଯଜ୍ଞ ଆର ରକ୍ଷିଣୁଜା ମୁନି

- ଲାଲ ଗଲ ଗଲ ବେଲ ଉଦେ ବାଲମିଳା ହନ୍ ଉଷଡ଼  
ସଭାରୁ ଠାଣେ ଉଭା ହଇ ଯୁହାରନ୍ ଶିଡ଼ଶିଡ଼ । ॥୧॥
- ଶୁନ୍‌ବାରୁ ଲୋକ ସଭେ ସେ'ନ ହଇଁଗଲେ ନ ଠୋଲୁ  
ଭଜନ୍ ସୁରେ ଭକ୍ତି ଭରେ ଥିଲେ ପୂରା ଭୋଲୁ । ॥୨॥
- ରାମ ଗୁନ୍ ଗୁନି ମୁନି ଆସନେ ବସିଲେ ଯାଇ  
କହିଲିଲା ପୁଲୁ ହାରୁ ଲବ ବେକେଁ ଦେଲେ ଲମେଇ । ॥୩॥
- ପାହା ଧୂଏଲ ମାଖୁ କହେଲେ କହ ବାବା ! ଆଏଇ  
ଦଶରଥ ପରେ କିଏ ଦେଖା ଚାହାଁ କଲେ ରାଏଇ । ॥୪॥
- ମୁନି କହେଲେ ଶୁନି ଲବରୁ କଥା, ରାମରୁ ନାମେ  
ହରିବୋଲୁ ଦେଇ ବସ ଏକ ଚିତ୍ ଏକ ଧାଣେ । ॥୫॥
- ଦଶରଥରୁ ମନ୍-ଆକାଶେଁ ବସା ବାହେ ଆଶା  
ଘାଏକେଁ ଛନ୍‌କେଁ କାନ୍‌କେ ଶୁଭେ ପୁଠରୁ ହେବାରୁ ଭାଷା । ॥୬॥
- ପୁଠ ନାଇଁ ହଏ ନିଜେଁ ହୁଅନ୍ ପଛେ ବୁଢ଼ା  
ନିଅଁଶୀ ହଇ ବଏସ୍ ସରୁବା, ମରୁବେ ବଂଶରୁଡ଼ା ? ॥୭॥
- ବଶିଷ୍ଠ ରକ୍ଷିରୁ ଆଗେଁ ଯାଇ ଶିଷ୍ଟ ଭାବେଁ କହେଲେ  
ଗୁରୁ ଯାହା କହେବେ କରୁବେ ଶୁନ୍‌ବାରୁକେ ରହେଲେ । ॥୮॥
- ଗୁରୁ କରୁଲେ କଥା ସୁରୁ କାକରୁ ଛାନ୍ କାଁ କରି  
ହଉଛ ରାଜା ! କଲପନାକେ ଅଲପକେଁ ନୁହେ ଧରି । ॥୯॥



- ଗୋଟ୍ ଗୋଟ୍ କରି ରଖି ଶୁଙ୍ଘ ରଖିବ କଥା ହେଉଲେ  
ସବୁ ଜାନ୍ଦବ ପାଏବ ବନ୍ଦ୍ୟ ତତୁକଥା ଖୁଲ୍ଲେ । ॥୨୧॥
- ବ୍ରହ୍ମାର ମନୁ, ମରୁତ ଜନମ୍, ମରୀଚ ପୁଓ ତାକର  
ମରୀଚର ପୁଓ କଣ୍ୟପନୁ ଜନମ୍ ବିଭାଣକର । ॥୨୨॥
- କରୁଥିଲେ ସେ ତପ୍, ଥିଲେ ପୂରା ବ୍ରହ୍ମଚାରୀ  
ତପ ଭାଙ୍ଗିବାର ଲାଗି ଇନ୍ଦ୍ର ତତ୍ପର ମନ୍ ଭାରୀ । ॥୨୩॥
- ନର୍ମଦା ଖିତି ରଖି ନିନ୍ଦାମ୍ ତପେଁ ବସିଅଛନ୍  
ଉର୍ବଶୀ ଯାଆନ୍ ଆକାଶ୍ ମାର୍ଗେ ପିଧନ୍ ଉଡନ୍ ଖସିଛନ୍ । ॥୨୪॥
- ଦେଖୁକରି ବ୍ରହ୍ମଚାରୀ ରଖିବ ବ୍ରହ୍ମ ଖସିଲା  
ପାଶ୍ ପାଞ୍ଚରର ଘାସ୍ ପତ୍ରେଁ ସହଜେଁ ଯାଇ ମେଶିଲା । ॥୨୫॥
- ଇନ୍ଦ୍ର ଶାପେଁ ମଦ୍‌ନିକା ନାଏଁ ଗୁଟେ ଅପସରୀ  
ହରିନ୍ ହଇଥିଲା ଖାଏଲା ସେ ଘାସ ଖାସ୍ କରି । ॥୨୬॥
- ତାହାର ହେଲା ଗରଭ୍ ସେନ୍ ଜନମ୍ ମୁନୁଷ୍ ପିଲା  
ହରିନ୍ ଲେଖେଁ ଜନମ୍ ତାର୍ ସିଙ୍ଗ ଦୁଇଟା ଥିଲା । ॥୨୭॥
- ଅଧା ପଶୁ ଅଧା ମୁନୁଷ୍ ଜନ୍ମିଲା ସେ ହୁଆ  
ଝାରେଁ ପରି ନିର୍ଆଶରୀ କାନ୍ଦେ କୁଆଁ କୁଆଁ । ॥୨୮॥
- ବିଭାଣକ ଜାନି ପୁଓ ପାଲ୍ଲେ ପୁଷ୍ଲେ ଆନି  
ମୁନୁଷ୍‌ର ସବୁ କ୍ରିୟା କଲାପ୍ ଶିଖେଇ କଲେ ଜ୍ଞାନୀ । ॥୨୯॥
- ମନନ୍ କରି ମହାପୁକୁଁ ତପ୍ ଖଟନ୍ ଝାରେଁ  
ନିଜର ଭଲ୍ ଭୁଲି କହନ୍ ସୁଖ ଭରୁ ସଂସାରେଁ । ॥୩୦॥
- ମତେ ପଛେ ହୁଖ୍ ମିଲୁ ଜଗତ୍ ରହୁ ସୁଖେଁ  
ସବୁ ପରାନାର୍ ପେଟ୍‌ପୁରୁ ମୁଇଁ ମଲେଁ ବି ଭୁଖେଁ । ॥୩୧॥



- ଏକା କରୁବାର କବାର ସିନେ ସତ୍ ତପିସା ହୁଏ  
 ଛଟା ଛାଡ଼ି ଯାହା କଲେଁ ମହାପୁରୁ ତୋଷୁ ନୁହେ । ॥୩୨॥
- ସତୋଷ ହଇ ଇନ୍ଦର ରୂପେଁ ଆସଲେ ଭଗବାନ  
 କହେଲେ ବାବା ! କେନ୍ଦ୍ରା କଲେଁ ପୁରୁବା ମନସ୍କାମ୍ । ॥୩୩॥
- ଶୁରଙ୍ଗୀ କହେଲେ “ବରଷା ରଜା ! ଅଭାବ ହେଲେଁ ବରଷାର  
 ମୁନୁଷ୍ ଅଥା ଗଛ ଲତା ପଶୁପକ୍ଷୀର ସଂସାର । ॥୩୪॥
- ଯେନ୍ ଗୁଲୁଗୁଲୀ କହ ନାଏଁନ ବର୍ଷାର ଧାର ଯେତେ  
 ଅଏନ୍ ଲାଗୁସି ଅନୁଖନୁ ସତେଁ କେଦନି କେତେ । ॥୩୫॥
- ମୋର ମନ୍ କାମନା ମୁଇଁ ଚାହେଁଲେଁ ହେତା ବରଷା  
 ଇନ୍ଦର କହେଲେ ହେବା ତାହା ମୋରନେ ରଖି ଭରସା । ॥୩୬॥
- ତୁଇଁ ରଖୁଛୁ ପାଏନ୍ ପବନ୍ ଆକାଶ ନିରମଲ  
 ଝାର ପଡ଼ରା ସରଜିଁ କରୁଛୁ ତାହିଁ ଫୁଲ ଫଲ । ॥୩୭॥
- ତୋର ହାତେଁ ନୁକ୍‌ସାନ୍ କେତେଁ ଝାର ପଡ଼ରା ନୁହୁ  
 ହରିନର ଗୁନ୍ ସହଜ ସରଲ ସୁତର ଭାବ ବୁହୁ । ॥୩୮॥
- ଅହିଂସ ପଶୁ ହିଂସାକରବାର ମୁନୁଷ୍ଠାନୁ ବନ୍ଦ୍ୟ  
 ସାରା ସଂସାର ନୁରି ବସଲେଁ ତୁଇଁ ଆଉନ ଜନ୍ଦ୍ୟ । ॥୩୯॥
- ତପିସାର ଫଲ ପାଇ ରଖି ଆହୁରି ଖଟନ୍ ତପ୍  
 ବିଶ୍ଵ ଚଲାଏ ଯେନ୍ ଇଶ୍ଵର ତାର କରନ୍ ଜପ୍ । ॥୪୦॥
- ଝାରେଁ ସାରନ୍ ଦିନକାଲ୍ ତାକର ସବୁ ଆଏ ଝାର  
 ନାଇଁ ଦେଖନ୍ ନାରୀର ମୁହୁଁ, ବିଲାସର ସଂସାର । ॥୪୧॥
- ସିଦ୍ଧି ସବୁ ନିଧି ମେତାଲ୍ ସବୁ କଲେ ଠୋଲ୍  
 ଇଶ୍ଵର ଇଚ୍ଛା ସବୁ ଭାବିଁ ସେଥିଁ ହେଲେ ଭୋଲ୍ । ॥୪୨॥

ଲୋମପାଦ୍ ରଜାର୍ ଦେଶେ ହଂସ ନଇଁ ବରଷା  
ରଜା ପରଜାର ହେଜା ନାଇଁ ଉର୍ତ୍ତିଯାଏ ସାହିସା ।

॥୪୩॥

ନାରଦ୍ ଆଏଲେଁ ସିଂଖିଲି ତାହାକୁଁ ରଜା ଜନାଏ ବୁଝୁ  
କହେଲେ ରକ୍ଷ୍ୟଶୁଣା ମୁନି ଦେବେ ବରଷାର ସୁଖ ।

॥୪୪॥

ଭୁରଥାଇ କରି ଆନ୍ଲେ ତାହାକୁଁ ନାରୀ ନାଆଁ ଜାରତା  
କେନ୍ କାମ୍ ଅଛେ ନାରୀ ଯାହା କରି ନାଇଁ ପାରତା ।

॥୪୫॥

ବରଷା ହେଲା ହରଷେଁ ରକ୍ଷି ବିଷୟାଥୁଁ ରସି  
ତୁମର ଝିଁ ତ ଶାନ୍ତା ଥିଲେ ବିହା ହେଲେ ଭରସି ।

॥୪୬॥

ଅଛନ୍ ରକ୍ଷି ଅଙ୍ଗ ଦେଶେଁ ତାହାକୁଁ ଆନ ନିଉତି  
ସବୁ ଫଲ୍ ମିଲିବା ଯାହା ସିଦ୍ଧି ରଖୁଛନ୍ ସାଉତି ।

॥୪୭॥

ଅବଧୁ ରାଜା ! ଜାନ୍ଅ ଈଶ୍ଵର ଇଚ୍ଛାମଏ ଆନ୍  
ତାହାକୁ ନାଇଁ ଜାନି ପାରନ୍ ଯାହାର ନାଇଁ ଜାନ୍ ।

॥୪୮॥

ସବୁ କାମେ ଇଚ୍ଛା ତାକର ଥାଏ ଲୁକି ଲୁକି  
ଦେଖୁ ନାଇଁ ପାରି ଲୋକ୍ ହଇ ଥିସନ୍ ବୁଝା ।

॥୪୯॥

ଇ ଦେଖିବାରୁ ବିଦ୍ୟାକେ କହେସନ୍ ଦରଶନ୍  
ଯେ ପାରସି ଦେଖୁ ସୁଖ ତାରନେ ପରସନ୍ ।

॥୫୦॥

ରକ୍ଷ୍ୟଶୁଣା ଲେଖେଁ ସୃଷ୍ଟି, ସୃଷ୍ଟିକାରାର ନମନା  
ସହଜେଁ ହଜେଇ ନେସନ୍ ବୁଦ୍ଧି ନାଇଁ ବୁଝି ତାର କାମନା ।

॥୫୧॥

ମୁନୁଷ୍ଠ ଆର ପଶୁର ସଂଗମ୍ ଅନଶୁନା ତ ଆଏ  
ବୁଆଁ କଥା ବୁଆଁ ଚିନ୍ତା ବୁଆଁ ଧାରନା ଆଏ ।

॥୫୨॥

ଅମୂଲ୍ ଅତୁଲ୍ ଆଏ ସତେଁ ଇ ମୁନୁଷ୍ଠର ରେଡ୍  
କେତେ ବଡ୍ ଫଲ୍ ପାଏସି ପାଏଲେଁ ବୁକୋ ଖେଡ୍ ।

॥୫୩॥

- ଗତି ଜଗତର ବଦଳାଇ ପାରେ ଯୁଗି ଛିଡ଼ିଲା ଧର୍ମ  
ହେଁଥିରୁ କାୟେଁ ରଖି ଭାଷିନେ ନାଁ ଦେଇଛନ୍ ବ୍ରହ୍ମ । ॥୪୪॥
- ନାଇଁ ଜାନି ମୁନୁଷ୍ଟ ସିନେ ଯଦଖତ୍ କରି ଖଏତ୍  
ଦେହରୁ ଭୋକ୍ ମେଟାବାରୁକେ ଯେ କରେ, ସେ ଦଏତ୍ । ॥୪୫॥
- ଗଢେଁ ଧରବେ ରାନୀ ବ୍ରହ୍ମ, ଆଗୁଁ ହଉନ୍ ଖୁସି  
ଉପଲଏଖ୍ ଆନ୍ ବ୍ରହ୍ମର ଉପଯୋଗ୍ ଲାଗି ରଖି । ॥୪୬॥
- ଝିଁ ଜୁଏଁ ତ ଆଁନ୍ ନିଜେଁ ଆନି ଆସୁନ୍ ଆପଣ  
ରାଜ୍ କର୍ମଚାରୀ କରୁନ୍ ଯଜ୍ ଆୟୋଜନ୍ । ॥୪୭॥
- ଭଲ୍ କାମ୍ କରନ୍ ତୁରତି ଉଛୁରୁ କରନ୍ଦାରୁ ନୁହେ  
ମହାପୁଲାଗି ମହାନ୍ କାମରୁ ମହାନ୍ ଫଲ୍ ହୁଏ । ॥୪୮॥
- ଦଶରଥ୍ ଗଲେ ଅଜ୍ ଦେଶ୍ କେ ବଶିଷ୍ଠ୍ ଗଲେ ଆଶ୍ରମ୍  
ଯଜ୍ଜରୁ ଲାଗି ରାଏଜ୍ ସାରାରୁ କହି ନୁହେ ସେ ଶ୍ରମ୍ । ॥୪୯॥
- ଯଜ୍ ସରଳା ଜାକ୍ ଯମ୍ କେଁ ତାହୁଁ ଆନ୍ଲେ ଚରୁ  
ରାନୀ ଦୁହିକୁଁ ଦେଲେ ତାକ୍ ଗଢେଁ ବିଚରୁ । ॥୫୦॥
- ଏକ୍ ନିଷ୍ଠ୍ କରବା ଆଚାରୁ ବିଚାରୁ ବଲିଁ ଚରୁ  
ପୁଓ ଜନ୍ମି ମାଁ ବାପରୁ ଭାବ୍ କେ ଆଚରୁ । ॥୫୧॥
- କଉଶଲ୍ୟା କାଳକେୟୀ ଚରୁରୁ ଅଧା ଅଧା  
ସୁମିତ୍ରାକୁଁ ଦେଲେ ତାକ୍ ଅଧା କରି ଶରଧା । ॥୫୨॥
- ଏ'ଦେ ଏଦେ' ଯଜ୍ ସରଳା ଉତ୍ତରି ଆଏଲା ବରଷା  
ଉଷତ୍ ତପତ୍ ପୂର୍ଥୀ ଖାଏଲା ଲେଖେଁ ଖଣ୍ ସୀରସା । ॥୫୩॥
- ଡଙ୍ଗୁଁ ଡଙ୍ଗୁଁ ଲିଭିଲା ଜୁଏ ନଗୁଁ ନିଝରେ ପାଏନ୍  
ରଝୋ ରଝୋ ମେଘରୁ ଧାରେଁ ଉଛୁଲିଁ ଉଠେ ଛାଏନ୍ । ॥୫୪॥

ବତର୍କିରି କୀରା ଉଡ଼ନ୍ ରଙ୍ଗନ୍ ସାଧବ ବହ ରାନୀ ମାନକର ମନ୍ ଉଡ଼ନ୍ ଦିନୁଦିନ୍ ଜହ ଜହ ।	॥୨୫॥
ଆକାଶ ଦିହେଁ ମେଘୁଆ ଶାଢ଼ୀ, ଶାଗୁଆ ପିନ୍ଧେ ଧରତୀ ଶାଢ଼ୀ ସଉକୀ ରାନୀ ମାନକର ସଉକ୍ ହଏ ପୂରତି ।	॥୨୬॥
ବାଜା ମାନେ ପରଲୀ ଛିଁଛିଁ ମାଟିଁ ଯାଆନ୍ ଗଜେଇ ରାନୀ ଗର୍ଭରୁ ବାଜା ଖୁଜନ୍ ମାଏର୍ ଘାଏ ଘାଏ ହେଜେଇ ।	॥୨୭॥
ଗଜରି ଥିବାର ଗଛ ପତରେଁ ସୁନ୍ଦର ଦିଶେ ଧରତୀ ରାନୀମାନେ ଆହୁରି ସୁନ୍ଦର ପନେ ହେଲେ ଭରତି ।	॥୨୮॥
କଳିଆ ମେଘ ଧୁବଳା ହେଲେ ଗୁନ୍ଦାଲ ପାଏନ୍ ନିର୍ମଳ ଧୋବ୍ ଫର୍ ଫର୍ କାଏଁଶ୍ କଇଁର ପୂର୍ଥୀ ହଏ ମଲ୍ ମଲ୍	॥୨୯॥
ରାତିର ଝରା କାକର-ପ୍ରେମେ ପରିଯାଉଛେ ଧରା ମୁଲକି ହୁଁସେ ଚହଲି ପହେଲି ବେଲର କଅଁଳି ଖରା ।	॥୩୦॥
ଶୀର୍ ନାଇକି ଖରା ନାଇଁ ସୁରୁର୍ ତୁରୁର୍ ସକାଲ୍ ପାଏନ୍ ପବନ୍ ଆକାଶ ପଛାଁ, ପଛାଁ ଦିନ୍ କାଲ୍ ।	॥୩୧॥
ରାନୀ ମାନକର ମନ୍ ପଛାଁ ଚିତା ଦକ୍ ନାଇଁ କିଛି କା'ଣା ପାଏବାର୍ ଆଶ୍ ନାଇଁ କରେ ହାଇଁ ପାଇଁ ।	॥୩୨॥
ବଶିଷ୍ଠ ସାଙ୍ଗେଁ ଶ୍ରେଷ୍ଠ ଗିଆନୀ ବିଶିଷ୍ଠ ରଷି ମୁନି ରାଜ୍ ପୁରେଁ ରୋଜ୍ ଗିଆନ୍ ଗଛ ଦିଅନ୍ କେତେ ଝୁନି ।	॥୩୩॥
କେତେ ସୁଆଦ୍ ପାବଳା ଫଲ୍ ଗଦେଇ ହୁଅନ୍ ଝରି ରାନୀମାନେ ମନ୍କେ ମନ୍ ଗରୁଡେଁ ଦିଅନ୍ ଭରି ।	॥୩୪॥
କଉଶଲ୍ୟା ମାଁ ଘରୁଁ ତ ବଏସରା ଥିଲା ଯୋଗ୍ ଏଛୁନି ସାଧୁ ସେଥିଁ ପାଉଛନ୍ ଅନନ୍ଦ୍ ସୁଖଭୋଗ୍ ।	॥୩୫॥

ଦେଖୁ ଶିଖୁ କଲକେୟା ସୁମିତରା ଦୁହି ରାନୀ  
ଯୋଗୁ ସମାଧି ସାଧୁ ମନେ ସୁଖ ଦଉଛନ୍ ସାନି ।

॥୭୬॥

ଦିହୁ ଦିଶୁଛେ ମୁଗା ଶିଠା ମନ୍ ସଲଖ ସଞ୍ଚୁର  
ଅନାଦରେ ଇନ୍ଦ୍ରିୟମାନେ ହୁଅନ୍ ଆଞ୍ଚୁର ଚଞ୍ଚୁର ।

॥୭୭॥

ଦଶରଥ ନୁହନ୍ ବଶ କେତେ କେନ୍ଦସି ଇନ୍ଦ୍ରିୟ ଆଗେ  
ରାନୀମାନୁକୁ ସେନ୍ତା ଜାନି ଆନନ୍ଦ ଲାଗେ ଲାଗେ ।

॥୭୮॥

ଚାରହେ ଜମଲେ ହାରେ ହାରେ ଫୁଲ ଦେଇ ଚଢ଼େଇ  
ବିଷ୍ଣୁ ମୂର୍ତ୍ତିର ପୂଜା କରନ୍ ଫୁଲ ପରସାଦ ବଢ଼େଇ ।

॥୭୯॥

ଏକା ସାଙ୍ଗେ ଏକ ଆସନେ ଏକାନ୍ତ କରନ୍ ଧାନ୍  
ପଦରା ଉଦରା ହଇ ପସରାନ୍ ନିଜର ଆତ୍ମ-ଜ୍ଞାନ୍ ।

॥୮୦॥

କହୁନ୍ କହୁନ୍ ବାଲମୀକି ଲାଗିଗଲା ସମାଧି  
ଶୁନ୍‌ଲା ଲୋକ ବି ସଭେ ସେଥୁଁ ସେ'ନ ଗଲେ ଗାଧି ।

॥୮୧॥

ସୁରୁୟ ହେଲେ ମଝ ଆକାଶେ ସମାଧି ହେଲା ଭଙ୍ଗ  
ଭଙ୍ଗ କରଲେ ସଭା, ରଷି ମାଖୁ ରାମ୍ ରଙ୍ଗ ।

॥୮୨॥



## ପାଠକ-୧୩

### ଦଶରଥ ଶୟରାସୁର ଲଢ଼େଇ

- ବେଲହଉ ବେଲା ଖରା ପସରା ବେଲ ବସି ଉଲହଉଛେ  
ଗଛର ତଳୁଁ ଖରା ଖସାଇ ପଶିମକେ ପେଲହଉଛେ । ॥୧॥
- ରଷି ବସିଛନ୍ ପାରଳା ମେଛା ତାଡ଼ି ମୁତର ଜଟା  
ଲାଲିଆ ଖରା ପାଇ ଦିଶେ ବରପେଁ ଫଗୁ ଛଟା । ॥୨॥
- ରାମ୍ ରସକେ ଫିରେ ରାମେନ୍ ଶୁନ୍‌ଲା ଲୁକର ସଭା ବି  
ବାହାରେଁ ରାମ୍ ନାଇଁ ପାଏଲେଁ ଆରମା-ରାମ୍ ଅଭାବୀ । ॥୩॥
- ଛାଡ଼ଲା ଠାନ୍ ରାମେନ୍ କଥା କହିଚାଲିଛନ୍ ରଷି  
ପାଏନ୍ ମେତାଲ୍ ପିଇଯାଉଛନ୍ ଲବ କୁଶ ଖୁସି । ॥୪॥
- ଉତ୍ତରା ପବନ୍-ପିଠିଁ ଗୀତ୍ ଗାଇ ଆସେ ଶୀତ୍  
ସୁରୁୟ୍ ତେଜକେ ହୁରିଆ କରେ ଦୁଇଦିନିଆଁ ଜିତ୍ । ॥୫॥
- ପାଟି ଆସନ୍ ଫସଲ୍ ସବୁ ନଚି ଉଠେ ମନ୍  
ଜଗଦକର୍ତ୍ତାର୍ ଦେ'ନ୍ ଜାନି ଉଷତ୍ ମହତ୍ ଜନ୍ । ॥୬॥
- ରାନୀମାନେ ଜାନିଗଲେ ଜଗତ୍ ଇଶ୍ୱରମ୍ୟ  
ଯାହିଁ ଦେଖିଲେଁ ସେ ହିଁ ଦିଶନ୍ କାହିର୍ ତର ଉଏ ? ॥୭॥
- ନିଜର ଭିତ୍ରେଁ ଇଶ୍ୱର ଦେଖନ୍ ଇଶ୍ୱର ନେ ନିଜକେ  
ଇଶ୍ୱର ଜାନି ଅସ୍ତଚାନ୍ ନାଇଁ କେନ୍ ସି ହେଲେଁ ଚିଜ୍ କେ । ॥୮॥
- ସକାଳୁଁ କାକର କାର୍‌ବାକେ ଖରା ବସନ୍ ପିଠେଇ  
କୁଲ୍ ଦେବ୍‌ତା ବେଲକେ ଦେଖନ୍ ମୁତକେ ହାତ୍ ଉଠେଇ । ॥୯॥

କହନ୍ ତୁମର ଅଶ୍ରୁ ବଅଁଶର ଧରୁଁ ବିହନ ମାନ  
 ସୁରୁୟ ଦେବତା ! ତୁମର ମେତାଲ ଛାଡୁନ୍ ଅଭିମାନ ।                    ॥୧୦॥

କିଛି ନାଇଁ ପାଇ ତୁମେ ଜଗତ୍ ସେବା କର  
 ସେ ସେବା-ଭାବନା ପ୍ରଭୁ ! ଛୁଆକର ମନେ ଭର ।                    ॥୧୧॥

ଶୀତ ଗଲା ଗଛ ଲତାର ଗହଳି ଭିତରେଁ ଛିଲ୍ଲି  
 ରତୁର ରଜା କେନ୍ ଛଟକେଁ ବଉଳେଁ ଆଏଲା ଆଗ୍ଲି ।                    ॥୧୨॥

କୁଇଲି କହେ ଆଦରେଁ ଆସି ରତୁରାଇ ହୋ ! ଆସ  
 ଫଗୁଆ ରଙ୍ଗର ନୁଆଁ ପଡରେଁ ଆସନ୍ ପରିଛେ ବସ ।                    ॥୧୩॥

ପଲଶା ଗଞ୍ଜେଁ ଲାଲ ରଙ୍ଗର ବନ୍ଧା ହେଲାନ ଧଜା  
 ମୁଇଁ ବଜାଏଁ ସହନାଇ ସାଙ୍ଗେଁ ପଶକାର ମୁହେଁ ବଜା ।                    ॥୧୪॥

ମହୁଲ୍ ଆମ୍ବ ଚାର ବଉଳେଁ ମୁକୁଟ୍ ସଜା ହେଲା ନ  
 ପିଆଲା ବେଲକେ ହୁଲହୁଲିକେ ମହୁମାଛି ବି ରହେଲାନ ।                    ॥୧୫॥

ବାଟ ଦେଖୁଛେ ତଳୁଁ ଉପର ଉଡି ଉଡି ଚିହା  
 ତାଲ ତଳେଁ ତଳେଁ ଲୁଙ୍ଗର ପୁଙ୍ଗର ତୁଙ୍ଗେ କୁଞ୍ଜାଟିଆ ।                    ॥୧୬॥

ଚପା ଚେରେ କହଲିଁ କପାଏ ପତର ଗହଳି ଦେଖୁ  
 ତିତେର ତାକି ତିରତିରାଏ ଗୁରୁଁ ରଖେ ଲେଖୁ ।                    ॥୧୭॥

ରାମୀ ମାନକର ମନ୍ ମାନ ଆତୁର ହଇଁ ଯାଏ  
 “ରତୁର ଦିହେଁ ଚତୁରତୁର ଯାଉ ଉତୁର ଘାଏ” ।                    ॥୧୮॥

କହି ନିଜର ଦିହକେ ଦେଖୁ ଭାବନ୍ ଭାବ୍-ଗିରିକେ  
 ତୁଇଁ ଚାହେଲେଁ କୁନ୍ୟା କହକା, ଛୁଟା ଡେରସି ମିରିକେ ।                    ॥୧୯॥

ଚୋର ଦୟାନେ ମୁନୁଷ୍ ହେସି ଦେବତା ନେହେଲେଁ ଦଏଡ୍  
 ତୁଇଁ ଆସି ଘାଏ ମୁନୁଷ୍ ହେଲେଁ ହଇଁଦିବା କାଁ ଖଏଡ୍ ?                    ॥୨୦॥

ଆ ମହାପୁରୁ ! ଆ'ନ ଘାଏ ମୁନୁଷ୍ଟର ରୂପ ଧରି  
ଦେଖା କେହେନି କାମ୍ ଯାହା ନର ନାହିଁ ପାରେ କରି ।

॥୨୧॥

ନାରୀ କରିଛୁତ ନାରିନାହିଁ ନେ ମାଁକେ ମାଁ କହ  
ମହାପୁରୁ ମାଁ ହର୍ଷ ଆମେ ପୁଓ ହଇଁ ତୁଇଁ ରହ ।

॥୨୨॥

ମାଁ ଚାହେଁଲେ ପୁଓ ମାନୁକୁଁ କରି ପାରସି ଦେବତା  
ଦୁର୍ଜନା ଦେଇ ଈ କଥାକେ ଦୁନିଆଁ ଦିନ୍ଦି ଦେଖତା ।

॥୨୩॥

ଫଗୁନ୍ ଗଲାନ ଚନ୍ଦ ଆସି ଜଗତମାତାର ପୂଜା  
କରବାକେ ଜଗତ ଯାକରୁ କରନ୍ ସଜାହୁଜା ।

॥୨୪॥

ଏନ୍ତା ବେଲେଁ ଆ ମହାପୁରୁ ଧରତୀ କେ ଘାଏ ଉତ୍ତରି  
ମାଁର ମାନୁ ମହତ୍ ମାଁର ନିକେ ପତୁ ନିଥୁରି ।

॥୨୫॥

ହେ ପୁରୁଥୀ ପିତା ! ମାଁ ପୁରୁଥୀ ସଜ୍ ହେଉଛେ  
ମନ୍ ପୁଲକା ପବନ୍ ପାଇ ଜୀବନ୍-ଗୀତ୍ ଗାଉଛେ ।

॥୨୬॥

ତାର ଦେଖା ଶିଖା ଯେତେ ଭାଏ ବିରାଦର ଗ୍ରହ  
ପୁଷାକୀ ନିଜର ଠାନେ ରହି ଦେଖେଉଛନ୍ ଆଗ୍ରହ ।

॥୨୭॥

କେତେବେଲେଁ ନେବ ଜନମ୍ ନିଘା କରୁଛନ୍ ସସି  
କୁରୁତ୍ କୁରୁତ୍ ଭାବନ୍ ନିଜକେ କୁରୁଲି ଉଠନ୍ ହସି ।

॥୨୮॥

ମୁନି ରଖି ଯୋଗୀ କବି କେଭୁଁ ଦେଖନ୍ ବାଟ୍  
କଲେଁ କଲେଁ କଲମ୍ ତଳାବେ ଜଗତର ସମ୍ରାଟ୍ ।

॥୨୯॥

ନିଜର କୁଲର ଉଜ୍ଜ୍ ଲାଗିଁ ଉକିଆ ଦିଅନ୍ ଜାଲି  
ହରୁଦ୍ ଖୁଇଁ ସୁରୁୟ ଦେବତା କିରନ୍ ଦିଅନ୍ ଜାଲି ।

॥୩୦॥

ରାନୀ ମାନେ ସାନି ମନେ ପ୍ରଭୁ ପାଏବାର ଆଶା  
ରାଜ୍ ବଗତାର ଗୁତା ଉତାର ମୁହେଁ ଆତୁର ଭାଷା ।

॥୩୧॥



ମନେ ରଜୁଛେ ଆନନ୍ଦ ରସ ଚିତ୍ତ ଚ୍ୟତନ୍ ରଞ୍ଜେଇ ଆନନ୍ଦ-ଧୃତି ରାମ୍ ଆସନ ଆସଲେଁ ଦିଏ ହଜେଇ ।	॥୩୨॥
କଉଶଳ୍ୟା ଯଉବନ ଆଶୁଁ ଯୋଗ୍ ବିଦ୍ୟାନେ ପାରଗ୍ ସେ ଜାନିଛନ୍ ଯୋଗ୍ ଆସନ ଆନନ୍ଦ ପାଏବାର୍ ମାରଗ୍ ।	॥୩୩॥
କଲକେୟୀ ଅଛନ୍ ପାଶେଁ ସାନ୍ ପଛେଁ ତାକର୍ ଦେଖ୍ଲା ଲେଖେଁ ଦେଖ୍ ଜାନନ୍ ସାରା ଜଗତ ଯାକର୍ ।	॥୩୪॥
କଥା ପୁଟେ ଭାବ୍ ମେତାଲ୍ କଉଶଳ୍ୟା ମୁହୁଁ ସାଙ୍ଗେଁ ଦୁହି ରାନୀ ହୁଁକାର୍ ଦେଇ କରନ୍ ହୁଁ ।	॥୩୫॥
ମୁନୁଷ୍ ମନର୍ ରାଏଜେଁ ଯଦ୍ରି ଘଡ଼େ ନାଲ୍ ଆନନ୍ଦ୍ ସେ ଘଡ଼ି ମନ୍-ଅସୁରପୁରୀ ରାଜ୍ କରସି ଦ୍ଦନ୍ ।	॥୩୬॥
ସେ ଦ୍ଦନ୍ ତ୍ ଜାନ୍ବ ଆଏ କେତେଁ କେନ୍ ନାମ୍ ତାହାକେ ମାରେ ପୁହୁଁଚି ପାରଲେଁ କେବଲ୍ ଆନନ୍ଦ-ରାମ୍ ।	॥୩୭॥
ମରତ୍-କଥା କେ ପତାରେ ସରଗେଁ ବି ଈ ଅସୁର ଯାହା କରସି ଯୁଗ୍ ଯୁଗ୍ ତକ୍ ନାଲ୍ ହଏ ପାଶୁର୍ ।	॥୩୮॥
ମରବାର୍ ତର୍ ନାଲ୍ ଆଏ ସହଜେଁ ଅମର୍ ଲୁକେଁ ମନ୍ମାନେ ସେନ କଲ୍ବଲ୍ ହନ୍-ଇନ୍ଦ୍ରିୟର ଲୁକେଁ ।	॥୩୯॥
ଶାନ୍ତି ଯେନ୍ତି ହେଲେଁ ଥୁସି ଆବରଣର୍ ତଲେଁ ସେ ଆବରଣ୍ ଅସୁର୍ ହଇ ସତାଏ ଦେବ୍ତା କୁଲେଁ ।	॥୪୦॥
ଦେବ୍ତା-ଦେଶ୍ ସରଗ୍-ପୁରେଁ ଏନ୍ତା ହେଲା ଥରେ ଶାନ୍ତି ହେଲା ଦ୍ଵାପି, ତାପି ହେଲା ଦେବ୍ତା ପରେ ।	॥୪୧॥
ଲଭ୍ଲେଁ କାହିଁ ପାରତେ ? ସ୍ଵାରଥ୍ ଅଛେ ଭରପୁର୍ ଶାନ୍ତି ଦ୍ଵାପା ଭାବ୍କେ ଦେଖ୍ଲେ ଆଏ ଶମରାସୁର୍ ।	॥୪୨॥

କାମ୍ କ୍ରୋଧ ଲୋଭ ମମତା ଗରବ୍ ଇରଷା ମିଶ୍ରି  
ନାହିଁ ଥିଲେ ସୋଭ ମୁନୁଷ୍ଟ ବି ଦେବତା ମେତାନ୍ ଦିଶି ।      ॥୪୩॥

ସଭେ ଗଲେ ଜୁଟି ଦେବତାପନ୍ ନିଅନ୍ ଜୁଟି  
ଦେଖୁନୁହେ ଦେବତା ମାନ୍‌କର ଦୁର୍ଦ୍ଦଶା ହାଏ-ଲୁଟି ।      ॥୪୪॥

ଗରବ୍ ଗଉରବ୍ ମହରଗ୍ ହେଲା ସରଗ୍ ରାଏଜ୍  
ଶମ୍ଭବ୍ ସାଙ୍ଗେ ସମର୍ କାୟେ ମାଗ୍‌ଲେ ନରର୍ ସାହେୟ୍ ।      ॥୪୫॥

ସେନା ସଜାଇ ନିଜେ ରଜା ଗଲେ କରି ଲଢେଇ  
ପୁରାନ୍ ଅବତକ୍ ଘୁଷି ହୁଏ କରି ରଜାର ବଡେଇ ।      ॥୪୬॥

କଇକେୟୀ ତ ଯାଇଥିଲା ରଜା ସଙ୍ଗେ ମିଳି  
କା'ଣା ହେଲା ସବୁ ଜାନିଛେ କହ ନମଝିଲି ।      ॥୪୭॥

ସାନ୍‌ରାନୀ କହେଲେ ନାନୀ ! କହ ତୁମେ ପହେଲେ  
ଆମର୍ ରାଜାକୁ ଛାଡି ମରତେ ନାହିଁ ଥାଇ କିଏ ହେଲେ ?      ॥୪୮॥

ମୂର୍ଖ କହୁଛେ ଶୁନ୍‌ଅ ସବୁ କହନ୍ ମଝିଲା ରାନୀ  
ଲୋକ୍ ଗୁଁଦଲେଇ ହେସନ୍ ଭିତର୍ କଥା ନାହିଁ ଜାନି ।      ॥୪୯॥

ଦେବତାକର୍ ତ ମନର୍ ରଥ୍ ହେଲା ବଳି ତିଳା  
ଲଢେଇ, ଦଶରଥ୍ ବିନା ରଥେ ଅଭିଆର୍ କା'ର୍ ଥିଲା ?      ॥୫୦॥

ଆହୁରି ଗୁଟେ କଥା ଅସୁର୍ ଯୁଧୁଥିଲା ଲୁକି  
କେ'ନ ଥିବା ଯେ କିଏ ପାରବା ? ସଲଖେ ଶରଯୁଖ୍ ?      ॥୫୧॥

ଆମର୍ ରଜା ହାତେ ଥିଲା ଶବଦ୍‌ଭେଦୀ ଶର୍  
ନାହିଁ ଦେଖ୍ ଶବଦ୍ ବାରି ମାରନ୍ ତତ୍‌ପର ।      ॥୫୨॥

ତଥାପି ତ ଆମର୍ ରଥକେ କରଲା ଧରେ ତିଳା  
ନାହିଁ ପାରଲେ ଜାନି ରାଜା ହିରଲା କାନ୍‌ଖିଲା ।      ॥୫୩॥

- ଚିନିଆଙ୍କୁ କାନ୍ଦୁଲୀ କଲିଁ ଜାନି ପାଏଲି ଭଲେ  
ନେହେଲେ କେ'ନ ଥୁଲୁଁ ଆମେ, ହେତାଲେ ଦିହ ହଲେ ।      ॥୫୪॥
- ଜାନ୍‌ଲା ଉତ୍ତରୁ ରାଜା କହେଲେ ବଅଁଚାଲ ମୋର ଜାନ୍  
ଯା'ଣା ମାରବ ଦେମି, ମାରବ ବଏଲେ ମାଗ ପ୍ରାଣ ।      ॥୫୫॥
- ମୁଇଁ କହେଲି ତୁମେ ଥିଲେ କାଁ ଅଛେ ଦରକାର ?  
ଥାଉ କେବେ ମାଗିନେମି ଦେବାର କଲିଁ ସାଉକାର ।      ॥୫୬॥
- ଯାହାକେ ମିଲୁସି ତମର ବାଗିର ପରାନ୍-ପତି ଘାଏ  
କା'ଣା ମାରବା ? ତାହାର ଥାର କେନ୍ ଅଭାବ ଥାଏ ।      ॥୫୭॥
- ଅଯୋଧ୍ୟାକେ ଫିରୁଲୀ ପରେ ଗୁଡର ମୁଲା ଆଙ୍କୁର୍  
ଶରବାଜିଁ ଘା ହଇଁ ନାଇଁନ ପୂଜର ଛୁର୍ ।      ॥୫୮॥
- ଧନୁନ୍ତରୀର ପୁଓ ପଦ୍ମାକର ବତାଲେ ଉପାଏ  
କିଏ ଯଦ୍‌ରି ନଖର ଘା'କେ ମୁହେଁ ଶୁଷ୍ଟି ଘାଏ ।      ॥୫୯॥
- ପୋଇ ରକତ ରୋଇ ରୋଇ କରିନେତା ସାପ୍  
ଇ ଦୁଖନ୍ତୁ ତେତକେଁ ରଜା ପାଇ ଯାଏତେ ମାପ୍ ।      ॥୬୦॥
- କାହାକେ ଥାର ନାଇଁ ଜନାଇ ନିଜେଁ କଲି ମୁଁଇ  
ରଜା କହେଲେ “କିଏ ପାରବା ? ଯାହା କଲୁ ତୁଇଁ ।      ॥୬୧॥
- ଆଗୋ ଥରେ ଯାତିଥିଲି ନାଇଁ ମାଗଲୁ କିଛି  
ଇଛୁନି କହେଁ ମାଗ୍ ମନ୍‌କେ ମନ୍ ବାଛି ନି ଛି” ।      ॥୬୨॥
- ଇଟା ଶୁନି ତିନ୍‌ହି ରାନୀ ଖୁଦ୍ ଖୁଦେଇ ହୁସି  
ଗଦ୍ ଗଦାଇଁ ଗଲେ ତୁରତି ଆନନ୍ଦ-ରସେଁ ରସିଁ ।      ॥୬୩॥
- ଘାଏ ଗଲା କି ହାଏ କରି କହେଲେ ବଡ଼ଖାରାନୀ  
ପେଟେଁ କେନ୍ତା ବଥା ହଉଛେ ନାଇଁ ପାରବାର ଜାନି ।      ॥୬୪॥

ଗରଭ୍ ଗୁସିଆଁ ଘାଏକେଁ ଛନ୍ଦକେଁ ପେଟ୍ ଭିତରେଁ ଲତାଏ  
ଭିତରେଁ ଭିତରେଁ ପାରତାର୍ ହେବାର୍ ଥିତିକେ ମୋର୍ ହେତାଏ । ॥୨୫॥

ସଭେ ଗଲେ ରାନାବାସକେ ହେଜି ନିଜର୍ ଥିତି  
ଧିଆନେ ମଜିଯାଏ ରାଏଡ୍ ଆଯୋଧିଆ ଶିତି । ॥୨୬॥

ସରଯୁ ବହେ ରାଏଡ୍ ସରତା ଉଛୁଲ୍ ପୁଛୁଲ୍ ପାନି  
ଅବଧି ଶୁଏ ରାଏଡ୍ ରାନାର୍ ଅଧାର୍ ପନଡକାନ୍ତି । ॥୨୭॥

ତାରା ଗୁହଡ଼ା ସାରା ରାଏଡ୍ ଦେଖୁଥାଆନ୍ ବାଟ୍  
କେତେବେଳେଁ ଆଏବେ ବଳିଁ ସୁରୁଷିର ସମ୍ରାଟ୍ । ॥୨୮॥

ଉଆଁସ୍ ଯାଇ ଆଠଦିନ୍ ହେଲା ମଝ୍ ଆକାଶେଁ ଜନ୍  
ସରଯୁ ପାଏନ୍ ଦରପନେ ମୁହୁଁ ଦେଖୁଁ ଛନ୍ ଛନ୍ । ॥୨୯॥

ଆଏତେ କାଏଁ ତେଜ୍-ସମୁଦର ଯାହୁଁ ପାଇ ଥିପେ  
ଭାଏଗବାନ୍ ମୋର୍ ଦିହୁଁ ସୁଧା ଥପଥପ ଥିପେ । ॥୩୦॥

ଚଏତୀ ପବନ୍ ବୁହେ ଚେତେଇ ଚିଡ୍ ଚଏତନ୍ ମାନ୍  
ଆଏବା ଯେ ସେ ଅଛେ ଦେଖୁଁ ଫିକି ଅଭିମାନ୍ । ॥୩୧॥

ଗରହମାନେ ଆସି ବସିଛନ୍ ବନ୍ଧୁ ଠାନ୍ ବାଆରି  
କାଏଁ ତୁକବେ ଅଜାନ୍ତକେଁ ଗର୍ଭୁଁ ଆଏଲେଁ ବାହାରି । ॥୩୨॥

ପୁରୁଥୀ ପରି ନିଦର କୁଡେଁ ତୁରତି ପରେଁ ଶୁଲ୍  
ରାନୀ ମାନେ ଉଚୁସ୍ ପୁଚୁସ୍ ଗର୍ଭର ଭାର ବୁହି । ॥୩୩॥

ଦାସୀମାନେ ଉଠବସ୍ କେ ବସି ଗୋଡ଼ ଚିପେ  
ରାନୀର୍ ଦୁଖେଁ ଦାସୀମାନ୍କର ଆଖୁଁ ପାଏନ୍ ଥିପେ । ॥୩୪॥

କିଏ କହେ ରଜା ଆଗେଁ ଘଡ଼ି ଘଡ଼ିକର ହାଲ୍  
ବସି ନାଲିଁ ପାରି ରଜା କରନ୍ ବୁଲ୍ ତାଲ୍ । ॥୩୫॥

ରାଏଡ଼ ଗଲାନ ସରି ସରି ହୁଁସିଁ ବେଳୁ ଉଦୁଛେ  
ଅଁଧାର ଦେଖିଲେ ଖରାଡ଼ ଧାରେ ଖଣ୍ ଖଣ୍ କରି ଛେଦୁଛେ ।     ॥୭୬॥

ରାଜମହଲର ଶିଢ଼େଁ ଦିଶେ କଅଁଳି ଲାଲିଆ ଖରା  
ଦିନକେ ଦେଖୁଁ କା'ଣା ହଉଛେ ରାଏଡ଼ ଚାଏର ଘଡ଼ି ଗଲା ।     ॥୭୭॥

ଏନ୍ତା କହି ଅନ୍ତପୁରୁଁ ଜେହେଲା ଗଲା ଘୁଟି  
କାମ୍ ବୁତାନେ ଲାଗିଲେ ଲୋକ୍ ଜାନି ନିଜର ରୁଟି ।     ॥୭୮॥

ଏଡ଼କି କହି ସଭା ସାରଲେ ମୁନି ମହାଶଏ  
ଇତି ଶ୍ରୀ କଲେ ଗାଇ ଗାଇ ରାମର ଜଏ ।     ॥୭୯॥



## ପାଠକ-୧୪

### ରାମ ଜନମ୍ ଆର ବିଶ୍ୱାମିତ୍ର ସାଙ୍ଗେ ରାମ ଲକ୍ଷ୍ମଣ ଯିବାର କଥା

ଆଶ୍ରମ-ଗଛ ଅଗି ମାନକେଁ ଲାଲିଆ ଖରା ପାଉଛେ  
ରଷି ବସିଛନ୍ କ୍ଷାଳ ଆସନେ ସଭା ସର୍ଭରି ଆଉଛେ । ॥୧॥

ଲବ କୁଶି କୁଶି-ଆସନେ ବୀନା ଧରଁ ବସ୍ତ୍ରଲେ ନ  
ଚେଲା ମାନକର ହେଲା ନାଲଁ ଭେଲା ବାଧୁ ଆସଲେ ନ । ॥୨॥

ସୀତା ଆସି ମୁନି କୁମାରୀ ଦଲ୍ ଭିତରେଁ ବସୁଛନ୍  
ପୁନୀ ଆକାଶର ତରା ମଝିଁ ଜନ୍ ଆସି କାଏଁ ହୁଁଛନ୍ । ॥୩॥

ସଭା ଆରଞ୍ଜର ପୂଜା ପାଠ ଘଡ଼େ ଆଗୁଁ ସରିଛେ  
ଯାହାକେ ଦେଖବ ରାମେନ୍ ଶୁନ୍ଦବାର କାୟେଁ କାନ୍ ପାରିଛେ । ॥୪॥

ମୁହଁନୁ କଥା ନାଲଁ ବାହାରୁ ଆଖୁଁ ଲହ ବୁହୁଛେ  
ଡାଢ଼ି ମେଛା ନାଲଁ ମାନି ମୁନିର ଗାଲ୍ ଧୁଉଛେ । ॥୫॥

ଓଁ ରାମ୍ କହି ମୁନିର ଲାଗିଁ ଗଲାନ ସମାଧୁ  
ଅଜନ୍ମା ଆବଜ୍ ଜନମ୍ ନେବା, ଆଦି ହେବା ଅନାଦି । ॥୬॥

ଜନମ୍ ମୁର୍ତ୍ତୁର ସଂସାରେଁ ଅଜନ୍ମା ନେବା ଜନମ୍  
ସମକର କରମଫଲ୍ ଦାତା ଧରବା ମୁନୁଷ୍ କରମ୍ । ॥୭॥

ଇ ଭାବନାନେ ଭାବିତ୍ ଅଛନ୍ ଛନ୍ଦସ ମୁନି ଜ୍ଞାନୀ  
ତୁରତି ହରଷ୍-ହାଡ଼ି ଭିତରୁଁ ରସ୍ ଆନୁଲେ ଛାନି । ॥୮॥

ଯେନ୍ ପରାନୀ ଜନମ୍ ନେଲେଁ ଜନମ୍ ଦାତା ପିତା  
ଧୂସି ନେହେଲେଁ ମାଟିର ମଠିଆ ଖପ୍ରି ହଇଁ ଥିତା । ॥୯॥

ଜନ୍ମିବାରୁ ତ ବ୍ୟସରାନାଇଁ ନାଇଁ ଜାନ୍‌ଏ ଜନ୍ମି  
କଉଶଲ୍ୟା ହାଏ ହାଏ କରି ଘାଏ ଘାଏ ଯା'ନ୍ ସର୍ମି ।      ॥୧୦॥

ଶୁଭଥଲେଁ ତ ସବୁଦିନ୍ ଦେଖନ୍ ପ୍ରଭୁର ସପନ୍  
ତେତି କାଏଁ ପାଶ୍‌ରି ନେବେ ତାହାରି ସ୍ୱରୂପ ଦେଖନ୍ ।      ॥୧୧॥

ରକ୍ଷି କହେଲେ ସବୁ ମାଁ, ପୁଠକୁଁ କଲେଁ ରାମ୍  
କାଁ କରି ଈ ଦୁନିଆଁ ସାରା ରହେତା ଦୁଖର୍ ନାମ୍ ।      ॥୧୨॥

ଜୀବନ୍ ମାନେ ଲକେ ପକେ ହେବାକେ ପାର୍‌ତାର୍  
ସହଜେଁ ମାନ୍‌ବେ ଜନମ୍ କରମ୍ ? ଜନମ୍ ନାଇଁ ଯାର୍ ।      ॥୧୩॥

ମାଆଁମାନେ ନାଇଁ ପାଏଲେଁ ହେଲେଁ ଟିକେ ଦୁଖ୍  
ଦେଖ୍‌ବେ କେନ୍ତା ରାମ୍ ମେତାଲ୍ ପୁଠ ମାନ୍‌କର ମୁଖ୍ ।      ॥୧୪॥

ବେଲ୍ ହେଲା ନ ମୁହଁ ଉପରେଁ ଦୁହୁରି ତେଜ୍ ରୁକୁଛେ  
ତାହାରି ଜନମ୍ ଦାତା ବାହାରି ଜନମ୍ ନେବା ଦେଖୁଛେ ।      ॥୧୫॥

ସବୁଠାନ୍ ବନ୍‌ଏ ଫଲ୍ ଦେସନ୍‌ଯେନ୍ ଥାଇ  
ସେ ସେ ଠାନେ ଗରହ ନଖତର୍ ଲାଗି ରହେଲେ ନ ଯାଇ ।      ॥୧୬॥

ଯେନ୍ ଚତୁର୍‌ଭୁଜ୍ ମୂର୍ତି ମନେ ଥାପି କଉଶଲ୍ୟା  
ଯୋର୍ ଥଲେ ସାଧୁ ମନେ ସେ ହିଁ ଆସି ଗଲା ।      ॥୧୭॥

ସେ ମୂର୍ତିକେ ଧର୍ ଗଜରେ ଆଶା ନୁଆଁ ନୁଆଁ  
ରାନୀ ଅନ୍‌ମାନେ ସେ ଆସି କାଦେ କୁଆଁ କୁଆଁ ।      ॥୧୮॥

ରାନୀର ଆଖିଁ ଛୁଆ ଧରେ ଚତୁର୍‌ଭୁଜ୍ ମୂର୍ତି  
କାହିଁ ପଲାଇ ପିଲାତା ଦୁଖ୍, ମନେ ଅସରା ପୁର୍ତି ।      ॥୧୯॥

ବ୍ୟସରା ବଶେଁ ଗୁନ୍ ଗୁନ୍‌ଉଛନ୍ ଜଣାଣ୍ ମନେ ମନେ  
କହନ୍ ପ୍ରଭୁ ! ପୁଠ ହଇଛୁ ମୁହଁ ଲଗା ମୋର୍ ଥନେ ।      ॥୨୦॥

- ପୁଓକେ ଯେତା ଦେଖୁ ହେସି ସେନ୍ଦ୍ରେ ଏକାନ୍ତ କରି  
 ସେତା ସେନ୍ଦ୍ରେ ଶରୁଧା ପ୍ରଭୁ ! ତୋର ନିକେ ଯାଉ ଝରି ।      ॥୨୧॥ .
- ଦାସୀ ମାନେ ଆସି କହେଲେ ରଜା ଆଗେଁ ଭରସି  
 ତିନ୍ଦ୍ରି ରାନୀର ଚାଏରଟା ପୁଓ ଅମରତ ଆସେ ବରଷି ।      ॥୨୨॥
- ରଜା ଦେଲେ ବେକୁଁ ବହରାଇ ହୀରାନୀଲାର ହାର୍  
 ଅନ୍ତପୁରକେ ପୁହୁଁଟିବାକେ ତୁରତି ହେଲେ ବାହାର୍ ।      ॥୨୩॥
- ରାଏଜ୍ ସାରା ଚହଲ୍ ପରେ ବାଜେ କେତେ ବଜା  
 ଉଷର୍ ମାରେଁ ସଭେ ହୁଅନ୍ ଧୁଆନ୍ ଗିଆନ୍ ହଜା ।      ॥୨୪॥
- ଯାହାର୍ ପାଶେଁ ଯାହା ଥିଲା ଦେଇ ବସେ ସିଏ  
 ସଭେ ହଉଛନ୍ ଦାତା ନେବାର୍ କାୟେଁ ନାଉଁ କିହେ ।      ॥୨୫॥
- ବଡ଼ ମଝିଆଁ ଦୁହି ରାନୀକର୍ ପୁଓ ଗୁଟେ ଗୁଟେ  
 ଯଅଁଲା ଜିଆ ପୁଓ ଦୁଇଟା ସାନ୍ରାନୀକୁଁ ଯୁଟେ ।      ॥୨୬॥
- ଯେ ଯାହାକେ ଭେଟେ ହୁଅନ୍ ଏଖେଇ ଗୁଟେ କଥା  
 ପାଶ୍ରି କବାର୍ ବୁତା ହୁଅନ୍ ଆନନ୍ ମନ୍-ମଥା ।      ॥୨୭॥
- ଗାଁ ଖୁଏଲ୍ନେ ଦାମୁର୍ ତେଗନ୍ ତାଲେଁ ପଦ୍ରେଁ ବେରେ  
 ପାନି ଉଡ଼କନ୍ ପାଏନ୍ତରୁ କେତେ କହେଲେଁ ନାଉଁ ସରେ ।      ॥୨୮॥
- ଝାର୍ ପଦ୍ରେରୁ ଜିନ୍ଦ୍ ଜାନୁଆର୍ ଉଡ଼କା ତେଗା ଦେଖୁ  
 ହଦ୍ରେ ଲାଗେ କହେବାକେ କେ ପାରେ ଛାଏଲ୍ କେଖୁ      ॥୨୯॥
- ବାଲ୍ମୀକି କହନ୍ ବଶିଷ୍ଠ ସାଙ୍ଗେ ଶାନ୍ତ ଶିଷ୍ଟ ଗିଆନୀ  
 ଧାର୍ ଧଏଲେ ରାଜମହଲ୍କେ ପୁଓ ଜନମ୍ ଜାନି ।      ॥୩୦॥
- ବଡ଼ ରାନୀକର୍ ପୁଓ ସୁନ୍ଦର୍ ଶାମଲ୍ ବରନ୍ ଶରୀର୍  
 ଦିଶେ ମେୟ୍କେ ଘାରି ତହିଁ ବିଜ୍ଜଲି ମିଶା ସରିର୍ ।      ॥୩୧॥



କଇକେୟାକର ପୁଓ ହଇଛନ୍ ଠିକ୍ ସେତାବରନ୍  
 ସାନ୍ରାନୀକର ପୁଓ ଦୁହିଟା ଶଙ୍ଖର ରଙ୍ଗ ଧରନ୍ । ॥୩୨॥

ବଶିଷ୍ଠ ରଷି ଆର୍ଷ୍ଣ ମୁଜି ଯୁଲେଇ ଦେଖ୍ଲେ ଘାଏ  
 ଭିନ୍ରେ ଯାହାକେ ଦେଖନ୍ ବାହାରେ ଠିକ୍ ସେତା ଥାଏ । ॥୩୩॥

ରାଜା କହେଲେ କହ ଗୁରୁ ! କ୍ଷୁଆକର ଭଲ ମନ୍  
 ରଷି କହନ୍ ସବୁ ସୁନ୍ଦର ଶୁଭ୍ ନାର୍ଦ୍ଦନ୍ ଦୁନ୍ । ॥୩୪॥

ବଡ଼ ପିଲାକେ ଦେଖ୍ଲେ ଆର୍ଷ୍ଣ ନାଇଁ ପାର୍ବାର୍ ଘୁଟି  
 ଯେ ହେଲେ ବି ରସିଯିବା ଯେତା ଥାଉ ରୁଟି । ॥୩୫॥

ଛନ୍କେ ମନ୍ ରମିଯିବା ବଡ଼ ପିଲାକେ ଦେଖ୍ଲେ  
 ବୁଦ୍ଧି ଗିଆନ୍ ନାଇଁ ରହେ ଯେତେ କରି ରଖ୍ଲେ । ॥୩୬॥

ଯେ ଦେଖ୍ବା ଯାହାକେ ଦେଖ୍ବା ସେ ଯିବା ନ ରମି  
 ହେଁ ଥୁର୍ ଲାଗି ରାମ୍ ହଉ ନାମ ଦୁଖ୍ ନାଇଁ ପାରେ ଶମି । ॥୩୭॥

ମଝିଆଁ ରାନୀର ପୁଓକେ ଦେଖ୍ଲେ ପୁରେ ସବୁ କାମ୍ନା  
 ଭରତ୍ ହଉ ନାଆଁ ଦେଖ୍ଲେ ଭରତି ହଉ ଭାବ୍ନା । ॥୩୮॥

ସବୁ ଲକ୍ଷଣ୍ ଧରିଁ ଆଇଛେ ସାନ୍ ରାନୀର ବଡ଼ ପିଲା  
 ଲକ୍ଷଣ୍ ହଉ ନାମ୍ କେନ୍ଦ୍ରି ଲକ୍ଷଣ୍ ନାଇଁ ତିଲା । ॥୩୯॥

ସୁରୁପିଲାକେ ଦେଖ୍ବ ସଡ଼େ ପାର୍ଲୀ ଦିନ୍କେ ତାର୍  
 ଭଡ଼ପାଡ଼ ଅଏରି ନିପାଡ଼ କରବା ଘାଏ ନୁହେ ବାର୍ବାର୍ । ॥୪୦॥

ଶତ୍ରୁଘନ୍ ନାଁ ହଉ ଶତ୍ରୁହୀନ୍ ରଘୁବଂଶ୍  
 ନରୁ ହଇଁ ବି ପିଲା ତାରୁହିଟା ପାଏବେ ନାରେନ୍ ଅଂଶ୍ । ॥୪୧॥

ହାଡ଼ ଯୁତି ଅରକେ ଥର୍ ରାଜା କରନ୍ ବିନ୍ତି  
 ତୁମର୍ ତାର୍ ଆଶିଷ୍ ପାଇଁ ମୁନ୍ଦ୍ରେ ହଉନ୍ ଗନ୍ତି । ॥୪୨॥

- ଷଠୀ ସରଳା ଅର୍ଦ୍ଧେ ଉତ୍ତଳା ସରଳା ଭାବ୍ ଖୁଆନି  
 ତୁଆକେ ତୁଆ ମତୁଆଲ୍ କରେ ଛୁଆ ଚାରହିକର ଚାହାନି ।      ॥୪୩॥
- ଚାରି ହାତେଁ ଗୁଡେଁ ରଞ୍ଜି ଘରୁ କରି ରନ୍ଦନ୍  
 ଧନ୍ ଦେଖଲେ ଧୂସଲ୍ ମେତାନ୍ ଧୂସଲ୍ କରନ୍ ଧନ୍ ।      ॥୪୪॥
- କାଥୁ ଧରି ଠିଆ ଉତ୍ତଳେ ପକାଲେ ପାହେ ପାହେ  
 ରାଜ୍ ମହଲେଁ ସେ ଉଖନେ କେତେ ମହୋଛବ୍ ଯାଏ ।      ॥୪୫॥
- ତିନ୍ଦି ରାନୀରୁ ଚାରହି ପୁଓକୁଁ ସେନ୍ଦହେ ସରାଗ୍ ସମାନ୍  
 ତିନ୍ଦି ରାନୀ ଭୁରଥେଇ ନିଅନ୍ ଜନ୍ଏ ହେଲେଁ ଅମାନ୍ ।      ॥୪୬॥
- ରାଜା ଆଏଲେଁ ଚାରହି ପିଲାକୁଁ ଅରକେଁ କରନ୍ ପାୟୀ  
 ଦୁହି ଖାଁକେ ଦୁଇ ଧଏଲେଁ ଖଦେଁ ଦୁଇ ଥାଇ ।      ॥୪୭॥
- ଦାସୀ ପରିବାରୀ ସାଙ୍ଗେଁ ଉଆସର ଅନୁଚର୍  
 ଛୁଆକୁଁ ଛାଡ଼ି ମନ୍ ନାଜୁଁ କରନ୍ ଫିରବାକେ ଘର ।      ॥୪୮॥
- ରାମ୍ ଚାଲ୍ଲେଁ ଠୁମୁକ୍ ଠୁମୁକ୍ ପଛେଁ ଲକ୍ଷ୍ମଣ ଲେଙ୍କଡନ୍  
 କେନେ ଭରଦ୍ ହିଟି ପରଲେଁ ଶତ୍ରୁଘନ୍ ଗୋଡ୍ ରଗଡନ୍ ।      ॥୪୯॥
- ମାଁ ସାନି ଗୁରସ୍ ଭାବ୍ ଖୁଆବେ ବଲିଁ ବସି  
 ଡାକ୍ଲେଁ ପଲାନୁ କିରକିରାନୁ ଖଲ୍ ଖଲାନୁ ହସି ।      ॥୫୦॥
- ହସ୍ଲେଁ ଆଗରୁ ଦାଁର୍ ଦୁଟାକ ଆଖୁଁ ଉଠେ ଝଲସି  
 ମର୍କଡ୍ ଗଛେଁ ମୋତିରୁ ଫଲ୍ ଧରି ଆସେ କାଏ କଷି ।      ॥୫୧॥
- ଡାଡ଼କେ କିଏ ଖେଲେଇ ଆନ୍ଲେଁ ହନ୍ ଭାଲୁ ମାକର  
 ଉଆସ୍ ନିକେ ଡାକି ଆନି ରଖନ୍ ଦିନ୍ ଯାକର ।      ॥୫୨॥
- ରାମର ସଉକ୍ ସାଙ୍ଗେଁ ସମ୍ବକର ଶରଧା ମିଶିଥାଏ  
 ସୁଆଲି ଆନନ୍ ପଶୁ ମାନ୍କୁଁ ସେନ୍ଦହେ ସହିତ ଘାଏ ।      ॥୫୩॥

ପାଠ ପଢ଼ା ବ୍ୟସ୍ତ ଜାନି ବଶିଷ୍ଠ ପଢ଼ାଲେ ପାଠ	
ପାଠ କା'ଣା କି, ଆଏ ସିନା ଜୀବନ୍ତ ଗଢ଼ବାର ବାନ୍ ।	॥୫୪॥
ଜାନ୍‌ଲା ମିତାଲ୍ ସବୁ ପିଲା ଏଖେଇ ଘାଏକେଁ ବୁଝନ୍	
ପାଠ ସରଲା ନୁଆଁ କା'ଣା ପଢ଼ାବେ ଗୁରୁ ଶୁଭନ୍ ।	॥୫୫॥
ସେ ସାଙ୍ଗେଁ ଲଢ଼େଇ କରବାର ବିଦ୍ୟା ଆର୍ ବିଧି	
ଶିଖାଲେ ସାଉତି ରଖନ୍ ଜାନି ଖେତ୍ରୀମାନ୍‌କର ନିଧି ।	॥୫୬॥
ପଢ଼ା ଠାନ୍ ପିରି ଖେଲନ୍ ଗୁଡୁ କିଦ୍ କିଦ୍ ଜୁଏ	
ହାର୍ କିଦ୍ ନେଇ ଦୁଖ୍‌ତ ହେବାର୍ କିହେ ଦେଖନ୍ ନୁହେ ।	॥୫୭॥
ଜିତୁଥିଲେଁ ବି ରାମ୍ ଜାନି ଜାନି ଯାଆନ୍ ହାରି	
ଜିତ୍‌ଲେଁ ଉଷତ୍ ଭାଏମାନେ ହେବେ ବଲିଁ ଖାଲି ।	॥୫୮॥
ମାଆଁନୁ ଆସି କୁମାର୍ ବାପା ପାଦେଁ କରନ୍ ଯୁହାର୍	
ଦଶରଥ୍ ମନ୍ ସମୁଦରେଁ ପୁନି ରାତିର୍ ଜୁଆର୍ ।	॥୫୯॥
ଚାର୍‌ହି କୁମାର୍‌ର କଥା ଚାର୍‌ହି ଦିଗେଁ ହେଲା ଜାରି	
ବିଶ୍ୱାସ୍ କରି ବିଶ୍ୱାମିତ୍ର ରଷି ଉଷତ୍ ଭାରୀ ।	॥୬୦॥
ସେ ଭାରୁଥିଲେ ମୁନୁଷ୍ ପାଏଲେଁ ବନ୍ଦ୍ୟ ଗତି ଥିତି	
ଦୁଖ୍ ଦାରିଦର୍ ଯାଇ ସୁଖେଁ ସିଞ୍ଚି ଉଠା ଶିତି ।	॥୬୧॥
ବିଶ୍ୱର୍ ହିତେଁ ବିଶ୍ୱାମିତ୍ର କରୁଥିଲେ ଯାଗ୍	
ଦ୍ୟତ୍ ଆସି ଖ୍ୟତ୍ କରନ୍, ରଷି ମନେ ରାଗ୍ ।	॥୬୨॥
ରାମ୍ ଲକ୍ଷ୍ମଣ୍ ଆଏଲେଁ ଦ୍ୟତ୍ ଉପାତ୍ ଯିବା ନାଶ୍	
ପିଲାକର୍ ବି ବଢ଼ିଯିବା ନିଜର୍ ଉପରେଁ ବିଶ୍ୱାସ୍ ।	॥୬୩॥
ବ୍ରହ୍ମର୍ଷି ବଶିଷ୍ଠ ପରଶିଥିବେ ଅସୀମ୍ ଜ୍ଞାନ୍	
କମିଥିବା ଭାଏଲ୍ ଲଢ଼େଇ କରବାର୍ ବିଧି ମାନ୍ ।	॥୬୪॥

ବିଶ୍ୱାମିତ୍ର ଲଢ଼େଇ ଜାନନ୍ ଜନମ୍ ଖେତ୍ରୀ ଘରେ  
ଖେତ୍ରୀ ବିଦ୍ୟା ତାକର ଠାନେ କେଉଁ ନାହିଁ ସରେ ।      ॥୨୫॥

ସବୁ ଦେତେ ଶିଖେଇ, ଦଏତ୍ ମାନକୁଁ ଦେତେଦେଖେଇ  
ଉତ୍ପାଦକୁଁ ମୁକୁଁ ନିପାତ୍ ସେ ହିଁ ପାରବେ ଏଖେଇ ।      ॥୨୬॥

ଅଯୋଧ୍ୟାକେ ଆଏଲେ ରକ୍ଷି ରାଜା କଲେ ମାଏନ୍  
ରକ୍ଷି ପଦରାନ୍ ରାଜ୍ପାତ୍ ସାଙ୍ଗେଁ ନିଜେଁ ଅଛତ୍ ଅଏନ୍ ।      ॥୨୭॥

ରାମ୍ ଲକ୍ଷ୍ମଣ୍ ପଠନ୍ ଲିଖନ୍ ଭଲକରି ତ ସାଏଲେ ନ  
ସଂସାର ସାଗର ଲହିକି ବାକେ ବାଟ୍ପାଟ୍ ବି ପାଏଲେନ ।      ॥୨୮॥

ରାଜା କହେଲେ ଠିକ୍ କହେଲ ତୁମର କଥା ସତ୍  
ବାଟ୍ ନାହିଁ ପାଇ ଚାଲିଲେଁ ଜୀବନ୍ ଯତ୍ଖତ୍ ।      ॥୨୯॥

ରକ୍ଷି କହେଲେ ରାଏଜେଁ ତମର ଯଜ୍ଞ ଯାଏ ମାରା  
ନାହିଁ ପାରି ହଏ କରନ୍ ଉତ୍ପାତ୍ ଦଏତ୍ ସାରା ।      ॥୩୦॥

କେଉଁ ନାହିଁ ମାଗି ରାଜା ! ଆଜିର ତୁମକୁଁ ମାଗେଁ  
ରାମ୍ ଲକ୍ଷ୍ମଣ୍ କାମ୍‌କେ ଆଏବେ ଆସନ୍ ମୋର ସାଙ୍ଗେଁ ।      ॥୩୧॥

ତାତ୍‌କା ନାଆଁର ଅସୁରେନ୍‌ଟେ ଚାହାର ପୁଠ ଦୁଇ  
ସୁବାହୁ ଆର ମାରାତ ଦୁହେଁ ଅତ୍ୟାଚାରର ଘୁଇ ।      ॥୩୨॥

ସେ ଅସୁରକୁଁ ସାଏତ୍ କରବାର ନୁହେ ଆମର ଆଏତ୍  
ରାମ୍ ଲକ୍ଷ୍ମଣ୍ ଆଏଲେଁ ଦୁଏଲ୍ ବିନୁଆଁ ହେବେ ଦଏତ୍ ।      ॥୩୩॥

ରାଜା କହନ୍ ମହାନ୍ ରକ୍ଷି ! ତତୁରଙ୍ଗ ସେନା ମୋର  
ସାଙ୍ଗେଁ ନେଇ ଯିମି ମୁଇଁ କରମି ସମର ଘୋର ।      ॥୩୪॥

ରାମ ଲକ୍ଷ୍ମଣ୍ କାଁ କରବେ ସହଜେଁ ଆ'ନ୍ ଛୁଆ  
ଅସୁର ରୂପ ଦେଖିଲେଁ ତରେଁ ହେବେ ଅଚାକୁହା ।      ॥୩୫॥

- ଗୁରୁ ବଶିଷ୍ଠ କହେଲେ ରାଜା ! ରାମ୍ ଲକ୍ଷ୍ମଣ ଯାଉନ୍  
ଦିନକାଳ କାଏଁ କଟେଇ ନେବେ ରାଜ୍ ମହଲେଁ ଥାଉନ୍ । ॥୭୬॥
- ଦେଖ୍ ଆସୁନ୍ କା'ଣା ଅଛେ ରାଜ୍ମହଲ୍ ବାହାରେଁ  
ଅସୁର ମାରି ଆତମ୍-ବିଶ୍ୱାସ୍ ଆସୁ ନିଜର ବାହାରେଁ । ॥୭୭॥
- ରାଜା କହେଲେ ରାମ୍ ଲକ୍ଷ୍ମଣ୍ ବିନା ଜୀବନ୍ ମୋର  
ଜୀବନ୍ ନୁହି ପାଲଟି ଯିବା ମହା ମରନ୍ ଘୋର । ॥୭୮॥
- ସାଁପର ମୁହଁମଣି ହାତୀର ମୁହଁ ମୋତି କାଢ଼ି  
ନେଲା ଲେଖେଁ ହେବା ଅକ୍ଷର ହାତୁଁ ତାହାର ବାଢ଼ି । ॥୭୯॥
- ସୁରୁୟ ଗଲେଁ ପୁରୁଥୀ ଯେନ୍ତା ତୁରତି ହେସି ଅକ୍ଷର  
ହଜେଇ ନେଲେଁ ବାଢ଼ି ଯେନ୍ ଦଶା ହେସି ଅକ୍ଷର । ॥୮୦॥
- ହେନ୍ତା ଦଶରଥ୍ ସାଜେଁ ତାହାର ତିନିରାଜୀ  
ଅଯୋଧ୍ୟାଟା ହେବା ଯଜୋବଜୋ ଘାଁଟି ସାନି । ॥୮୧॥
- ବିଶ୍ୱାମିତ୍ର କହେଲେ ରଜାର ପକ୍ଷେଁ ଏତେ ମମତା  
ଅସୁନ୍ଦର, ସାଜେ ରଜାକେ ସବ୍ ରୁତାନେ ସମତା । ॥୮୨॥
- ରାମ୍ ଯଦ୍ରି ଆନନ୍ ଧାମ୍ ସମକର ଉପକାରୀ  
ନିଜର ସଜର ଲାଗିଁ ନାଜିଁ ରଖ ବାଧୁ କରା । ॥୮୩॥
- ପାରବାର ଲୋକ୍ ନୁହେ ଗୁଟେ ଘର ଗୁଟେ ଦେଶର  
ଜଗତର ସଂପଦ୍ ଆଏ, କାହାର ପର ତିସର ? ॥୮୪॥
- ଜଗତର ଭଲ ଲାଗି କରୁଁ ଆମେ ହୁମ୍ ଯାଗ୍  
ଶାନ୍ କରୁଁ ପାଏନ୍ ପବନ୍ ପୂର୍ଥୀ ଆକାଶ୍ ଭାଗ୍ । ॥୮୫॥
- ସେ'ଟା ଯେ ହଇନାଇଁ ଦିଏ ସେ ଆଏ ରାକ୍ଷସ୍  
କେତେ ରୁପ୍ ? କେ କଲ୍ବା ? ବଲେଁ କେତେ ବର୍ଜସ୍ ? ॥୮୬॥



- ବାଟ୍ ଉତ୍ସରେ, ନାହିଁ ସରେ ଦୁହିଁ ଭାଇର କଥା  
 ରାମ୍ ପଚାରନ୍ “ବାବା ! ସବୁର କିଏ ଆଏ କର୍ତ୍ତା ?” ॥୯୮॥
- ମୁନି କହେଲେ ଯେ କରିଛେ ସେ ଏକା ନ ଜାନ୍ସ  
 ଭନିଆଁ କାର୍ ନାଁ ଧଏଲେଁ ତାର୍ ମନ୍ କାଏଁ ମାନ୍ସ ? ॥୯୯॥
- ଲକ୍ଷ୍ମଣକେ ଦେଖୁ ଅଲ୍ପପର୍ ହୁଁସି ପକାଲେ ରାମ୍  
 ଲକ୍ଷ୍ମଣ୍ କହନ୍ ଯେ କରିଛେ ଧଏନ୍-ଯା’ ଆଉ ନାମ୍ । ॥୧୦୦॥
- ବାଟ୍ ଚାଲୁଁ ଦୁଇ ବଟିଆ ବାଟ୍ ଦେଖୁଁ ଠିଆଡୁ  
 ମୁନି କହେଲେ ଲେହେଁଟେ ଦେଖୁ ରାମ୍ ଲକ୍ଷ୍ମଣ୍ ଆଡୁ । ॥୧୦୧॥
- “ଆମେ ଯେନ୍‌କେ ଯିମା ସେନ୍‌କେ ଅଛେ ଦୁଇଟା ବାଟ୍  
 ଗୁଟେ କେଡ଼ି କିନ୍‌ରା ଆରକ ସିଧା ସଲଖ୍ ଛାଟ୍ । ॥୧୦୨॥
- କିନ୍‌ରା ବାଟେଁ ତର ନାହିଁ ଚାଲବାକେ ବି ସୁଖ୍  
 ସଲଖ୍ ବାଟେଁ ବାଟ୍ ଦେଖୁଛେ ବିପଦ୍ ଆପଦ୍ ଦୁଖ୍ । ॥୧୦୩॥
- ସଲଖ୍ ବାଟେଁ ଗଲେଁ ଆମକୁଁ ସମିତା ନେବା ଯେଡ଼କି  
 ଆର ବାଟେଁ ତାର୍ ଦୁଇଗୁନ୍, ରହେବାର୍ ନାହିଁ ଅଟକି । ॥୧୦୪॥
- କହିସାରି ରସି, ରାମ୍ ଲକ୍ଷ୍ମଣକୁଁ ତାକୁଛନ୍  
 ବଲ୍ ସାହସ୍ କେନ୍ତା ବଲିଁ ମନ୍ ମାନ୍‌କୁଁ ଯୁଖୁଛନ୍ । ॥୧୦୫॥
- ରାମ୍‌କହେଲେ “ବିପଦ୍ ତର ତରଲେଁ ତ ତରାସନ୍  
 ହରାମନେ ଲଡ଼ଲେଁ ଅରବା ଦୁରବଲିଆ ବି ହରାସନ୍ । ॥୧୦୬॥
- କାଏଁ ଗୁଆଁମା ସମିଆ ? ଯିମା ସିଧା ସଲଖ୍ ବାଟେଁ  
 ବିପଦ୍ ଆପଦ୍ କାଁ କରବା ? ଧୁନ୍‌ଶର୍ ଥୁଲେଁ ହାଟେଁ । ॥୧୦୭॥
- ଦୁବିଧା ଗଲା ମୁନି ଚାଲଲେ ସିଧା ବାଟ୍ ବାଆରି  
 ବିବେକ୍ ପଛେଁ ମନ୍ ବୁଦ୍ଧି ଦୁହେ ଯା’ନ ବାହାରି । ॥୧୦୮॥

ବାଲ୍ୟମୀଳି କହନ୍ ନର ଜୀବନେ ଦୁଇ ବଟିଆ ବାଟ୍  
ଯେ ଜାନ୍ସି ଚାଲି ଖାଲି ତାହାରି ଲାଗି ଛାଟ୍ ।

॥୧୦୯॥

ମଧ୍ୟମିଆଁ ସଂଧ୍ୟା ଶଉର୍ ବେଳା ଯାଉଛେ ଗଡ଼ି  
ଯିମା ଚାଲ କହେଲେ ସମଜୁଁ ନିଜେଁ ଉଠି ପଡ଼ି ।

॥୧୧୦॥







ବାଟେଁ ଘାଟେଁ ଗଛେଁ ଖୁଟେଁ ଦେଖନ୍ ଯେତେ ପରାମୀ  
ରାମ୍ ଉପରୁଁ ଫିରେଇ ନାଉଁ ପାରନ୍ କିହେ ଚାହାଁନି ।

॥୧୦॥

ସବୁବେଳେଁ ହୁଁସି ଖୁସି ଦୁଖ୍ ନାଉଁ ଘାଏ  
ସତ୍-ଚିତ୍-ଆନନ୍ଦ୍ ମଧ୍ୟ ରାମ୍ ମହାପୁ୍ ଆଏ ।

॥୧୧॥

ମନେ ଅଛେ ଅନେକ୍ ବଲ୍ ମୁହେଁ ଅଲ୍ପପର୍ ହୁଁସି  
ଦିହେଁ ଅଛେ କେତେ ବସ୍ତୁ କିଏ ପାରୁବା କଷ୍ଟି ?

॥୧୨॥

ମୁନୁଷ୍-ସୀମା ଭିତ୍ରେଁ ଥାଇ କରୁବା ଅସୀମ୍ କାମ୍  
ସମ୍ପୁର୍ଣ୍ଣ ହୁଁସେଇ ରସେଇ ବସେଇ ନେବା ସାକେତ୍ ଧାମ୍ ।

॥୧୩॥

ଜୀବନ୍ ଯାକର୍ ଜୟ୍ ତପ୍ ମୋରୁ, ଆଏଇ ପାଏଲା ସିଧୁ  
ସୋଇ ବୁଡେଁ ଯୋଗ୍ ସମୁଦ୍ରେଁ ଆଏଇ ମିଲୁଲା ନିଧୁ ।

॥୧୪॥

ଜଗତ୍ରେ ଭଲ୍ କରୁବାକେ ଶକ୍ତି ଅଛେ ଅପାର୍  
ଅରୁଜିଲା ମୋରୁ ଯୁଦ୍ଧ୍-ଅସ୍ତ୍ରୁ ବିଦ୍ୟା ବୁଧୁର ସାର୍ ।

॥୧୫॥

ସକ୍ ପାଇଛେଁ ସବୁ ଆଏଇ ସପ୍ତି, ଭାବୁନା-ହୀନ୍  
ରହେମି ତାରୁ ନାଆଁ ଜପି ଜାଇଁମି ଯେତେଦିନ୍ ।

॥୧୬॥

ଯାଉନ୍ ଯାଉନ୍ ଚଳାବାଟେଁ ପରେ ସରଯୁ ନଦୀ  
ମାନ୍ ସରବରୁଁ ପାଏନ୍ ଆନି ଗଙ୍ଗାକେ ଯାଏ ନର୍ଦ୍ଦି ।

॥୧୭॥

ରଷିରୁ କହେଁ ସେ'ନ ତିନିହି ଜନ ପରଲେ ଗାଧୁ  
ଗାଧୁ ରଜାରୁ ପୁଓ ଯେତକି ବିଦ୍ୟା ଥୁଲେ ସାଧୁ ।

॥୧୮॥

ଶସ୍ତ୍ରୁ ସାଙ୍ଗେଁ ଲଢେଇ କରୁବାରୁ ବିସ୍ତ୍ରୁ ସବ୍ ସାଧୁନା  
ରାମକୁଁ ଦେଲେ ସପ୍ତି ମନେ ଧରି ଇଶ୍ଵରୁ ଭାବୁନା ।

॥୧୯॥

ବାଟ୍ କଜାଇ ଆଶ୍ରମରୁ, ଆଗୋ ଚାଲନ୍ ମୁନି  
ତରୁତରାମୀ ଅସୁରେନ୍ତେ ଆଏଲା ମୁଡକେ ଝୁନି ।

॥୨୦॥

ରାମ୍ ଲକ୍ଷ୍ମଣ ନାହିଁ ଦେଖୁଁ କେବେ ଏତା ନାରୀ  
ଅସକର ହେଲେ କାଁ ହେବା ବକସ୍ ଥିବା ଭାରୀ ।

॥୨୧॥

ରଷି କହେଲେ ରାମ୍ ! ତାଡ଼କା ଅସୁରେନ୍ ଲଏ ଆଏ  
ବଡ଼େ ରାଏଜକେ ନାହିଁ ଲାଗେ ଉଜଡ଼ାବାକେ ଘାଏ ।

॥୨୨॥

ଯାଉ ଯାକ ଭାରତ୍ କରୁ ଭାରସି ନିମିଷ୍ଟ ଟାକେଁ  
ହାଏର ଗୁହେର କରୁ ଦେଖିଲେଁ ବି ଟିଖେ ନାହିଁ ଟାକେ ।

॥୨୩॥

ଛନ୍ଦକେଁ ମାରସି କେତେ ଲୋକ୍ ଛିନା କରସି ଗାଆଁ  
ତାଡ଼ନ୍ ମାରନ୍ ଧୁରନ୍ଧରା ତାଡ଼କା ତାର ନାଆଁ ।

॥୨୪॥

ପହେଲେଁ ତାହାକେ ମାର କୁମାର୍ କହେଲେ ମହାରସି  
ପରେଁ ଯାଇ ଯାଉ ଯଜ୍ଜ କରୁ ପାର୍ମୁଁ ଖୁସି

॥୨୫॥

ରାମ୍ କହନ୍ “ବାବା ! ଅସୁରେନ୍ ହେଲେଁ ବି ନାରୀ  
ନାରୀ ମାର୍ବାର୍ ଭାରୀ ଦୋଷ୍, ଗୁରୁ ଦେଇଛନ୍ ବା’ରି ।”

॥୨୬॥

“ଲୋକ୍ ଅମଙ୍ଗଲ୍ ଯେ’ତି କରୁ ପୁରୁଷ୍ ହଉ କି ନାରୀ”  
ରଷି କହନ୍ “ପାପ୍ ନୁହେ ସେ ପୁଇନ୍ ପାର୍ଲେଁ ମାରି ।

॥୨୭॥

ମୋର କଥାନେ ମୋର ଦେଲା ଶରେଁ ରାମ୍ ! ମାର  
ଆଇଛେ ତ ଘୁଟି ନାହିଁ ଯାଉ ଇ ପାରା”

॥୨୮॥

ରାମର ଶରେଁ ମରେ ଅସୁରେନ୍ ରଷି ମହାନ୍ ଖୁସି  
ରାମର ନାମ୍ ମିଶେଇ ତାଡ଼କାର୍ ନାଁ ହୁଅନ୍ ଘୁଷି ।

॥୨୯॥

ଆଶ୍ରମକେ ପୁହୁଁତି ରଷି ଯଜ୍ଜ କଲେ ତୁଆଁ  
ନାଲ୍ ଆକାଶେଁ ବହଲିଆ ହଇଁ ଚହଲିଁ ଆଏଲା ଧୁଆଁ ।

॥୩୦॥

ସୋର ପାଇ ଘୋର ଡରଡରାନୀ ମାରାବ୍ ଆର ସୁବାହୁ  
ହୁମ୍ କୁଡ଼େଯାଇ ପକାଲେ ହାଡ଼ ମାଉସ୍ ମେଦ୍ ଲହୁ ।

॥୩୧॥

ସୁବାହୁ ଅସୁର ରାମର ଶରେଁ ହୁହୁ ଗଲା ପୁଡ଼ି  
ବିନ୍ଦୁ ଫଳକର ଶରେଁ ମାରୀବ୍ କାହିଁ କାହିଁ ଗଲା ଉଡ଼ି ।      ॥୩୨॥

ଉଶ୍ୱାସ ହେଲେ ବିଶ୍ୱାମିତ୍ର ବିଶ୍ୱାସ ବଢ଼େ ରାମନେ  
ରକ୍ଷି ରହେଲେ ସୁସ୍ତର ନିଶ୍ୱାସ ମାରି ଆରାମନେ ।      ॥୩୩॥

ହୁମ୍ କୁଡ଼କେ ଟିକେ ଛାଡ଼ି ଛଏରା ତଲେଁ ବସି  
ରାମ୍ ଲକ୍ଷ୍ମଣ କଥା ହୁଅନ୍ ଦୁହିକର ମୁହେଁ ହସି ।      ॥୩୪॥

ଲକ୍ଷ୍ମଣ କହନ୍ ବୁଝି ହେବାର ନାହିଁ ଗୁଚେ ବିଷଏ  
ରକ୍ଷିକର ଅଛେ ସବୁ ଶକ୍ତି ନାହିଁ ନ ତ ଶସ୍ତ୍ରଏ ।      ॥୩୫॥

ତପେଁ ବ୍ରହ୍ମ ଶକ୍ତି ବ୍ୟସରା ବଲେଁ ଖେଡ଼ରାର୍  
ଅସ୍ତର ଶସ୍ତର ଅଭାବ୍ ନାହିଁ ଅଛେ ତାକର ଯୁକ୍ତିରିର ।      ॥୩୬॥

କାଁକରି ଆନଲେ ଆମକୁଁ ଅଯୋଧ୍ୟାଆନ୍ ବା'ରି  
ଅସୁର ମାନକୁଁ ସହଜେଁ ସେ ତ ପାରିଥୁଡେ ମାରି ।      ॥୩୭॥

ତାକର ନିର୍ଦ୍ଦେଶ୍ ସାଙ୍ଗେଁ ଥିଲା ତାକର ଦେଲା ଶର  
ତାକର କହେଁ ଅସୁର ମଲେ ନାମ୍ ଖାଲି ଆମର ।      ॥୩୮॥

ରକ୍ଷି ଆମର କାୟେଁ ଅହରହ ଗହଗହ  
ସବୁ ଦିନିଆଁ ପୂଜା ପାଠକେ ଆଗ୍ରହ ନାହିଁ ଜହ ।      ॥୩୯॥

ହାବ୍ ଭାବନ୍ ଜନାସି ତୁମେ ନାରେନ୍ ତାକର ଲେଖେଁ  
ନାହିଁ ମାନଲେଁ କିଏ କେନ ରହେବା ତାକର ଦେଖେଁ ।      ॥୪୦॥

ରାମ୍ କହେଲେ ଲକ୍ଷ୍ମଣ୍ ବୋ ! ପ୍ରାଣୀ ମାତ୍ରେଁ ନାରେନ୍ ଆନ୍  
ସେ ଆଏ ବାବୁ ! ନିରୁଧିଆ ଯେ ଭାବସି ଜଥୁଁ ଆନ୍ ।      ॥୪୧॥

ନିଜ୍ ଭିତରର ନାରେନ୍ କେ ଯେ ଗହେରେଁ ରଖେ ତାପି  
ସୋଜ୍ ଜୀବନ୍ତେ ଲେଖେଁ ଲାଗେ ଦେଲା ମେତାଲ୍ ଯାପି ।      ॥୪୨॥

ନିଜକେ ଭାବେ ନାରେନ୍ ଯେ ନାରେନ୍ ମିତାନ୍ କାମ୍  
କରିପାରେ ନାରେନ୍ ସେ ଲକ୍ଷ୍ମଣ ହଉ କି ରାମ୍ ।

॥୪୩॥

ଅସ୍ତୁର୍ ମାରବାର କଥା କହୁ, ପାରିଥିତେ ସେ ନାଶି  
ତପର୍ ବଳେ ମାଏଲେ ଖପ୍ତା ତାକର୍ ତପ୍ ରାଶି ।

॥୪୪॥

ତପ୍ ସାଧନା ନୁହେ କେଉଁ କାହାକେ ମାରବାରଲାଗି  
ଭଲ୍ କମାନି ଖଲ୍ କବାରେଁ ଲଗାଏ, ଯେ ଅଭାଗୀ ।

॥୪୫॥

କ୍ଷେତ୍ରୀର୍ ବଲ୍ ଅଛେ ପରବଲ୍, ଥାଇ ଅଶେଷ ଅସ୍ତର  
ଅସୁର୍ ନାଇଁ ମାରଲେ ରକ୍ଷି ଭାବନା ରଖୁ ବିଷ୍ଣୁ ।

॥୪୬॥

କ୍ଷେତ୍ରୀର୍ ତେଜ୍ ଥାଇ ବି ସୋଜ୍ ହଇଥିଲେ ଯୁଗୀ ?  
ଥରେ ତେରଲେ ବରନ୍ ଧରମ୍ ପରେଁ ରହେଲେ ଜୁଗି ।

॥୪୭॥

ବଡ଼ ଈ ସଂସାର୍ ଅଛନ୍ ଅସୁର୍ ବଢ଼େ ବଢ଼େ  
ସୋଜ୍ ଲୋକ୍ ରୋଜ୍ ଡରନ୍ ସାମ୍ନେ ଯଦ୍ରି ପଡ଼େ ।

॥୪୮॥

ହୁଏରାନ୍ ହଇଁ କହନ୍ ନାରେନ୍ ଆସି ତାହାକୁଁ ମାରୁ  
ନିଜର୍ ନାରେନ୍ ନାଇଁ ବେତାତେ ? ଜିତୁ ଭାଏଲ୍ ହାରୁ ।

॥୪୯॥

ଜିତି ପାରଲେଁ ନଥୁ ନେସନ୍ ନିଜର୍ ନାମେ ଥୁଇ  
ହାରଲେଁ କହନ୍ ଈଶ୍ୱର ଇଛା, କାଁ କରମି ମୁଇଁ ?

॥୫୦॥

ସେ ଭୁଲ୍ ନାଇଁ ହେବା ମୂଲ୍ ହଉଛେ ଜୀବନ୍ ବାର୍  
ଜାନି ଆନିଥିବେ ମୁନି ଶିଖାବେ ହାତକେ ହାତ୍ ।

॥୫୧॥

ଖୁସି ମନେ ଆସି ରକ୍ଷି କହେଲେ ହୁଁସି ହୁଁସି  
ଅସୁର୍ ଡରର୍ ଆତୁର୍ ଭାବ୍ ମନେ ନାଇଁନ ପଶି ।

॥୫୨॥

କହେଲେ ତମର୍ ମରମୁଁ ସରଲା ଅସୁର୍ ଧରଷଣ  
ବନ୍ଧୁ ଅଛେ ତ ଦିହପା' ମନ୍ମାନେ ପରସନ୍ ।

॥୫୩॥



ମହାନ ଆତ୍ମା ଜନକ ଆତ୍ମ-ବିଦ୍ୟା ଅଛନ୍ତି ଜାନି ଦେହ ଥାଇ ବି ଦେହାତୀତ୍ୱ ଦେହୁଁ ନିଜକେ ଛାନି ।	॥୨୫॥
ରଖନ୍, ବିଦେହ, ରଜା ବିଦେହ ଆଏ ତାକର ଦେଶ ବଇଦେହୀ ଝି ସୁନ୍ଦରପନ୍ଦର ସେନେ ଶେଷ ।	॥୨୬॥
ଦେହ ଥାଇ ବି ବଇଦେହୀ ତାକ ପତୁଛେ ନାମ୍ ନୁହେ ଜନ୍ମନ୍ କିହେ ତାକର କହେବେ ଗୁନ୍ ଗ୍ରାମ୍ ।	॥୨୭॥
ସୁନାର ନକ୍ଲେଁ ଜନକ୍ ମୁରୁଥଲେ ଯଜ୍ଞ ଜମି ନକ୍ଲେଁ ଗାରେଁ ଲାଲ୍‌ଗଲ୍‌ଗଲ୍ ଛୁଆ ଆଏଲା ଜନ୍ମି ।	॥୨୮॥
ଜାନକୀ ନାମେ ତାକ୍ଲେଁ କିଏ ତାକ୍‌ସି ଭୁମିସୁତା ସରଳ ମରତ୍ ମୁରବାରକେ ସତେଁ ଆଏ ସେ ସୂତା ।	॥୨୯॥
ବାପ୍ ଅଜା ପନ୍‌ଅଜା ଦିନୁ ଜନକ୍ ରଜା ଘରେଁ ଶିବ୍ ଦେଲା ଧନୁ ଅଛେ ପାଇ ପୂଜା ଆଦରେଁ ।	॥୩୦॥
ଧନୁର କଥା କହି ନୁହେ ଆଶ୍ରିୟ ଅନା ଧୁନ୍ ଦଏଶ୍ ଯଜ୍ଞ ଖତମ୍ କଲେ ଶିବ୍ ଧରି ଈ ଧୁନ୍ ।	॥୩୧॥
ସେ ଧୁନ୍‌କେ ଧରି କହେଲେ ଦେବ୍‌ତା କରମି ଶେଷ୍ ଯଜ୍ଞେ କେନ୍ଦ୍ରା ନାଲ୍ ରଖ୍‌ଲେ ମୋର ଭାଗ୍‌କେ ଲେଶ୍ ।	॥୩୨॥
ଦେବ୍‌ତାମାନେ ଗୁଲ୍ ଗୁଲା ହଇଁ ମାଗିନେଲେ କ୍ଷେମା ଧୁନ୍‌କେ ଆଉର ନାଲ୍ ଧରୁଁ, ରକ୍ଷିଜିମାନେ ଦେମା ।	॥୩୩॥
ସେ ଧୁନ୍‌କେ ସିପିନେଲେ ଭଲ୍ ରଖ୍‌ବାର୍ ଆଶେଁ ରକ୍ଷିମାନେ, ନିମିବଂଶୀ ଦେବରାଜ୍ ରଜା ପାଶେଁ ।	॥୩୪॥
ସେ ଦିନୁ ଅଛେ ଧୁନ୍‌ଗା ନିମି ବଅଁଶର୍ ହେଇ ଜନକ୍ ରଖନ୍ ଦେବ୍‌ତା ମିତାନ୍ ପୂଜା ଉପ୍‌ଚାର୍ ଦେଇ ।	॥୩୫॥





## ପାଠକ-୧୭

### ଅହଲ୍ୟା ଉଦ୍ଧାର, ଗଙ୍ଗାପାରି, ଧୀବର

- ତରତରାନ୍ତୁ ବେଲ୍ ଉଦୁଛେ ଆଶ୍ରମ୍ ତରାତରା  
ତଅଁରି ଆସେ ତଙ୍ଗର୍ ଶିୟୁଁ ଗଛ ଅଗିକେ ଖରା ।
- ବାଲ୍ମୀକି କହନ୍ ତାଲନ୍ ରାମ୍ ଲକ୍ଷ୍ମଣ ଦୁହି ଭାଇ  
ବିଶ୍ୱାମିତ୍ର ପଛେଁ ଗଛର୍ ସାଜେ ଯେନ୍ତା ଛାଇ ।
- ପହଟିଆ ଉଦା ବେଲୁଁ ବାହାରି ହେଲା ବେଲ୍ ଉଦା  
ଏକସ୍କର୍ ତାଲନ୍ ଦୁହି ଭାଇ ମୁନି ହୁଦା ।
- ଅଧାରୁ ଝୁମରା ଭାଙ୍ଗି ଆଉଛେ ପୁଅୀ ଉଠେ ଚେତି  
ପାହାଁତି ପବନ ହାତେଁ ପତର-ଆଏଁଶ୍ ରେଁତି ରେଁତି ।
- ମୁହୁଁ ଧୁଏ କାକର ବୁନ୍ଧା, ପରେ ଥୁଁ ଥୁଁ  
ଖରା ଝଲକି ଛରା ଦିଏ ଠାନ୍ ଠାନ୍ ଦିଏ ଲିପି ।
- ପରଭାଟୀ ପଡ଼େ ଚରେଇ ମୁହେଁ ଝାରପତ୍ରା ଭରେ  
ମର୍ମର୍ ସୁରେଁ ପତର ସତେଁ ଗୀତର ପାଲିଆ ଧରେ ।
- ପୁହୁଁଚି ଆଏଲେ ଠାନ୍ଟାକେଁ ଝାର ଲାଗିଛେ ଘଣ୍ଟ  
ଜୀବନ୍ ନାଏନ କାହିଁ ଲାଗେ ନିର୍ଜନ୍ ପରପଞ୍ଚ ।
- ଚେରେ ଚିଗୁଁନର୍ ନାଁ ନାଏନ ଜର୍ ଜାନୁଆର୍ କିଛି  
ଶୁଖା ପନ୍ତେ ଭିତ୍ରେଁ ବାହାରେଁ ହଇଯାଇଛେ ବିଛି ।
- ଦିନ୍ଦି କେନ୍ ରକ୍ଷିର୍ ଆଶ୍ରମ୍ ଜନେ ଥୁଲା କାଏ  
କିହେ କାହିଁ ନାଲ୍ ସବୁଆଡ଼େଁ କରେ ଝାଏ ।

ରାମ୍ ଦେଖନ୍ ଦେଖନ୍ ଆଶ୍ରମଟାକର ଅଛେ ଚିହ୍ନା ବନା ଜନ୍ ପରାମୀ ନାହିଁ ଦେଖୁ ମନ୍ ତନାବନା ।	॥୧୦॥
ଚାଲୁଲା ବାଟେଁ ହୁମ୍ଦେଇ ହେଲା ପଥରଟାକେ ପାହା ଝାରିଁ ହେଲା ନାରୀ ଜନ୍ଏ କେତେ ଅଏନ୍ ଆହା ।	॥୧୧॥
ବିଷୁ ବିଷୁ ବଲିଁ ରାମ୍ ନାରୀକେ କରୁନ୍ ଯୁହାର ରାମର୍ ପାହେଁ ପରି ନାରୀ କହେଲା ବାର୍ବାର ।	॥୧୨॥
ତମେ ମହାପୁ ପର୍ମାତ୍ମା ଆନନ୍ ଉକ୍ତ ଠାନ୍ ସଥର୍ ସଥର୍ ଦିହେଁ ଆଏକ୍ ପରଷିନେଲ ପ୍ରାନ୍ ।	॥୧୩॥
ରାମ୍କୁଁ ଦେଖନ୍ ସଭେ ରାମ୍ ମୁନି ମୁହୁଁକେ ଦେଖନ୍ କେନ୍ଦୁ ଆଏଲା ନାରୀ କେନ୍ଦକେ ଗଲା ଥିଲା ପଖନ୍ ।	॥୧୪॥
ସାଙ୍ଗର୍ ରଷି ଦେଖାଦେଖୁ ହଇଁ ହେଲେ ଠିଆଡ୍ କିଏ ଦେଖେ ରାମ୍ ଆଡେଁ ତ କିଏ ଈଆଡ୍ ସିଆଡ୍ ।	॥୧୫॥
ନାରୀ ଯାହାକେ ମନ୍ ଭିଡ୍ରେଁ ରହିଥିଲା ଧାଇ ନିଜର୍ ଭିଡ୍ରେଁ ନିଜେଁ ହଇଲା ଆଖୁର୍ ଆଗେଁ ପାଇ ।	॥୧୬॥
ବିଶ୍ୱାମିତ୍ର ଠାଡେଁ ଠାଡ୍ ଧିଆନେ ଥିଲେ ପଶି ଆଖୁଁ ଉହଲେ ଲହ କେନ୍ ରସେଁଥିଲା ରସି ।	॥୧୭॥
କେତେ ଯୁତି ଆଏଁଖୁ ରଷିକୁଁ ଦେଖନ୍ ଭକ୍ ଭକ୍ ଯାହା ଆଏ ତାହା କହେବେ ଦିଶେ ଦକ୍ ଦକ୍ ।	॥୧୮॥
ଗୋଲ୍ ହଇକରି ଛାଏରାତଲେଁ ବିଭୋର ମନେ ବସି ଛିନ୍ଦବେ ବଲିଁ କାନ୍ ପାରିଛନ୍ ରଷି ଦେଲେଁ ପରଷି ।	॥୧୯॥
କଉଶିକ୍ କହନ୍ ଗଉତମ୍ ଉତମ୍ ମୁନି ଜନ୍ଏ ସବ୍ ଶାସ୍ତରେଁ ପାରଙ୍ଗମ୍ ଦର୍ଶନ୍-ଜ୍ଞାନ ବନ୍ଏ ।	॥୨୦॥

ମନ୍ ତନ୍ ଦେଇ, ବିହି ନାରୀ ମୂର୍ତ୍ତିଟେ ଗଢ଼ିଲା  
ନିର୍ଦ୍ଦୋଷ୍ଟ ନିଷ୍ଠାପ୍ତ ବଳି ଅହଲ୍ୟା ନାଁ ବଢ଼ିଲା । ॥୨୧॥

‘ଗୋ’ ବ୍ୟଲେଁ ଇନ୍ଦ୍ରିୟକୁଁ ରଖୁଥିଲେ ଆଏତେଁ  
ସେ ଗଉଡମ୍ ହାତେଁ ଦେଲେ ରହେବା ଶୁଭେଁ ସାଏତେଁ । ॥୨୨॥

ଇନ୍ଦ୍ରିୟ ଇନ୍ଦ୍ରିୟ କର ହାତୁଁ ନାହିଁ ପାରି ଉଦ୍ଧରି  
ଦେହ ଭୋକର ଦାଉନୁନାହିଁ ପାରୁଥାଇଁ ସଞ୍ଜରି । ॥୨୩॥

ଅହେଲା-ରୂପର ନଦୀର ଧାରେଁ ଉହୁଲେ ତାର ମନ୍  
ସୋଇ ସୋଇ ତାର ଶୋବ ସମୟ ହଉଥାଏ ରତ୍ନଭନ୍ । ॥୨୪॥

ସଜ ନୁରେ ସେ ରୂପର ପାନି ପକାତା ଗୁଟେ କୁଡ଼ୁ  
ହରୁହରଦମ୍ ହରୁଗୁନି ହଇଁ ବିରଡ଼ୁଥିଲା ମୁଡ଼ୁ । ॥୨୫॥

ଖୁସି ହେଲା ଦେଖୁ ଦିହଏ ରକ୍ଷି ନାଏଁନ ଘରେଁ  
ଗଉଡମ୍ ବେଶେଁ ଅହେଲା ପାଶେଁ ହାଜର ହରବରେଁ । ॥୨୬॥

ଦେହର ଭୋକ୍ ମେଟେଇ ଫିରୁଥିଲା ଚୋରର ଲେଖେଁ  
ପରୁଲା ରକ୍ଷିର ଆଖେଁ ଅରିଗଲା ତାକର ଦେଖେଁ । ॥୨୭॥

ରକ୍ଷି କହେଲେ ଚୋର ବାଗିର ମୋର ବେଶେଁ ଆସି  
ନିଲାଇ ଭାବେଁ ସରଗ୍ ପୁରର ମହତ୍ ଦେଲୁ ନାଶି । ॥୨୮॥

ଯୋନି ଲଲିହିଆ ଏତେ ? ହଇ ସରଗ୍ ରାଏଇ ରଜା  
ହଜାର ଯୋନିର ବଜାର ତୋର ଦିହେଁ ରହୁ ସଜା । ॥୨୯॥

ଅହେଲାକେ କହେଲେ ତୁଇ ନୁରୁଥିଲୁ ଉଖୁ  
ଅମର ପତିକେ ନିଜର ପତି କଲୁ ନିଲାଇ ମୁଖୀ । ॥୩୦॥

ଦିହ ପାଏଲୁ କେଡ଼େ ଅଏନ୍ ମନ୍ତ୍ରୀ ଅପରଈନ୍  
ଛନ୍ଦକର ସୁଖ ଲାଗି କଲୁ ଜୀବନ୍ ରତ୍ନଭନ୍ । ॥୩୧॥

ଦିହରୁ ଆନନ୍ଦ ପୁଆଳୁ ଜୁଏ ନାହିଁ ଥାଏ ବି ଥାଉଁ  
ଆନନ୍ଦ ଆଗେଁ ଆଦମା କେ ଠକେ ଭୁରୁଥାଉଁ ।

॥୩୨॥

ଆଶ୍ରମ ଆଗରୁ ପଥରୁ ଉପରେ କାଳକାଳୁ ବସିକରି  
ଦିହକେ ମାରି ରହ ଶାଶ୍ୱତ ଆନନ୍ଦ ଅନୁସରି ।

॥୩୩॥

ସେ ଆନନ୍ଦ ନେବା, ମୂରତି ପରମାନନ୍ଦ ରାମ  
ତାହାକୁଁ ଛିଇଁ ସମାନ୍ ହେବା ଅନୁଭବ ଅନମାନ୍ ।

॥୩୪॥

ସେ କଥା ତ ହେଲା ଇଛୁନି ଦେଖିଲି ପରତଖୁ  
କହେଲି ତାହା ଯାହା ହଇଥିଲା ଅବତକ୍ ।

॥୩୫॥

ରାମ୍ ହେଲେ ଲାଜେଁ ଲାଜେଁ ବାକୀ ହେଲେ ହରଷ  
ଅହେଲା ତ ବୁଡ଼ି ଯାଇଛନ୍ତି ପାଇ ଆନନ୍ଦ ରସ୍ ।

॥୩୬॥

କା'ଣା କହନ୍ କା'ଣା ନାହିଁ ଆଖୁଁ ବୁହେ ଲହ  
ରାମ୍ ଘାଏ ସୁଆଁଲି ଆନୁଲେଁ ହେଁକାନ୍ ଜହଜହ ।

॥୩୭॥

କହେଲେ ରଷି ଅହେଲା ମା ! ବାହାରିଛୁଁ ମିଥିଲା  
ଶୁଭେଁ ସାଏତେଁ ପାଏଲ ଯାହା କରମେ ତମରୁ ଥିଲା ।

॥୩୮॥

ଅହେଲା କହନ୍ ପତିମୋର ସାଧୁ ସୁଜନ୍ ଆନ୍  
ତାକରୁ କହେଲା କଥା କେହେନି ମିତ୍ରେଁ ନୁହେ ଆନ୍ ।

॥୩୯॥

ଜନମ୍ ଜନମ୍ ହେତା ଶାୟ ମିଳୁଥାଉ ନ ମତେ  
ହେ ରାମ୍ ! ମୁଇଁ ସବୁ ଜନ୍ମେ ଦେଖୁ ଥାଏସିଁ ତତେ ।

॥୪୦॥

ରଷି କହେଲେ ପରମ୍ ପତିକେ ନିଜରୁ ପତି ଭାବି  
ରହ ମା ଅହେଲା ସେଟା ଆନନ୍ଦ ଘରରୁ ଚାବି ।

॥୪୧॥

ଆଶ୍ରମକେ ଗଲେ ଅହେଲା ମିଥିଲା ବାକୀ କୁକେ  
ପଛକେ ଦେଖିଲେ କୁନ୍ଦାଁ ଆଶ୍ରମ୍ ଗଛ ଉଦାଲେଁ କୁକେ ।

॥୪୨॥

ବାଟ୍ ଚାଲୁଛନ୍ ମୁନ ମରୁଳା ସଭେ ଆନନ୍ଦ ମନ୍  
ଯାହାକେ ଦେଖିଲେ ଥାନନ୍ ରସେ ଅଛନ୍ ଛନ୍ଛନ୍ ।                    ॥୪୩॥

ଚାଲି ଚାଲି ସଭେ ଦେଖନ୍ ରାମ୍ ଆଡେଁ ଲେହେଁଟି  
ଆର୍ଷମାନକର ହାଡ୍ ଥଲେଁ ନଉଥୁଟେ କାର୍ଷ ସାଞ୍ଚିଟି ।                    ॥୪୪॥

ଜିଭ୍ ଥଲେଁ ଚାଟି ଚାଟି ସାରିନେତେ ନ ଭାଏଲ୍  
ହେଁଥୁର୍ କାୟେଁ ଦଧବା ଆଖିଁ ଜିଭ୍ ନୁହେଁ ଦିଏ ତାଏଲ୍ ।                    ॥୪୫॥

ରାମ୍ ଲକ୍ଷ୍ମଣ୍ ବାଟ୍ ଚାଲି ଦିହ୍ ଯାଉଛେ ଗହଦି  
କାଁ କରବେ ରଜାପିଲା ବାଟ୍ ଚଲା ନାଲ୍ ପହଦି ।                    ॥୪୬॥

ନାଲ୍ ଥୁପିଁ, ମୁହେଁ ଉପକେ ଗହଦ୍ ଥପେ ଥପେ  
ସୁରୁସୁରୁ ପଶୁଁ ପଥର୍ ପହୁଁପୁଲେଁ କେ ଲିପେ ।                    ॥୪୭॥

ସୁନ୍ଦର୍ ଦିଶେ ଆହୁରି ସୁନ୍ଦର୍ ଯେ ଜାନ୍ସି ଦେଖି  
ଆଖିର୍ ହାଡେଁ କଳମ୍ ଥଲେଁ ପାରତା ସିନେ ଲେଖି ।                    ॥୪୮॥

ରାମ୍ ଚାଲିଛନ୍ ସୁନ୍ଦର୍ ପନର୍ ବୁହିଲା ଗଙ୍ଗା ଧରି  
ରାମ୍କେ ଧରବା ବଲ୍ ସତର୍ ଗଙ୍ଗା ପୁହୁଁଟେ ଝରି ।                    ॥୪୯॥

ସସଦ୍ ଗଙ୍ଗା ନସଦ୍ ଦେଖିଁ କହେଲେ ସମକୁଁ ରଷି  
ଥାକିଁ ଝାଲମାର ଘାଏ ଛଏରା ତଲେଁ ଖୁସି ।                    ॥୫୦॥

ଗାଧୁ ପାଧୁ ସଂଧୁଆ ଶଉର୍ ଇହାଦେ ଇନେ ସାରମା  
ତଙ୍ଗା ଧରି ଗଙ୍ଗା ଲହୁଁକି ମିଥୁଳା ବାଟ୍ ଧରମା ।                    ॥୫୧॥

ଭଙ୍ଗ୍ ଭଙ୍ଗାନୁ ଗଙ୍ଗା ଆସେ ଲହରୀ-ଅଙ୍ଗା ପେସରେଇ  
ରାମ୍କେ ଧରି ଜାବନ୍ ଭରି ଆଶ୍ଚଟେ ଦେବା ଉସରେଇ ।                    ॥୫୨॥

ଆନନ୍ଦମଏର୍ ଆନନ୍ଦ ରସ୍ ବରହୁର୍ ଗଡୁ ଭିଡୁଁ  
ତାକର୍ ନଖର୍ କନ୍ ବାହାରେ ଯୁଗ୍ ଯୁଗ୍ ଉଡୁଁ ।                    ॥୫୩॥

- ଆଏଜ୍ ପାଇଛେ ସଜେଁ ଘାଏ କାହିଁ ଛାଡ଼ିବା ସୁଯୋଗ  
କେନ୍ ଯୁଗୀ ଯୁଗ୍ ଯୁଗ୍ କୁଗି ପାଏବା ସାଧୁ ଯୋଗ । ॥୫୪॥
- ଉଛନ୍ ମନ୍ ଉଡ଼କି ଉଠେ ଫଡ଼କିଲା ଝୁରି କଟେଁ  
ଇହାଦେ ନେହେଲେଁ ଆର୍ ଘଡ଼କେଁ ପାରୁବା ଧରି ଅଁଟେଁ । ॥୫୫॥
- କିନ୍ଦ୍ରି କିନ୍ଦ୍ରି ଭଉଁରୀ ଭିଡ଼ରେଁ ଗୀଡ଼ ଗାଇଗାଇ ନାଚେ  
ପଥରେଁ ପଥରେଁ ପାଏନ୍ ପିଧୁନା ଅଥରେଇ କରି କାଚେ । ॥୫୬॥
- ପାନିର୍ ଚେରେର୍ ସୁରେଁ ମନ୍ ଆକାଶେଁ ଯାଏସି ଭତି  
ଝାଏନ୍ଦୁ ଝଂପେଇ ହଉଁ ନିଜର୍ ରସେଁ ଯାଏସି ବୁଡ଼ି । ॥୫୭॥
- ଖରାରୁ ଧାସେଁ ପାନିର୍ ଉଠେଁ ମୁଲୁର୍ ମୁଲୁର୍ ହୁଁସେ ।  
ସେ'ହିଁ ଖାଲି ରସ୍ ଆଏନ ସବୁ ପାଶ୍ରି ପଶେ । ॥୫୮॥
- ଗାଧୁଆ ପାଧୁଆ ଶଉଡ଼ ସଂଧୁଆ ପୂଜା ପରସାଦ୍ ସାରି  
ତିଆରି ହଇଁ ବାହାରି ପରଲେଗଜା ହେବେ ପାରି । ॥୫୯॥
- ପାଶେଁ ଅଁଡ଼ରେଁ ନାଏନ ତଜା ଅଛେ ମଝା ଧାରେଁ  
ତାକ୍ଲେଁ କହେ କେଉଁର୍ 'ଭାଇ ! ମୁଇଁ ନାଇଁ ପାରେ । ॥୬୦॥
- ରାମର୍ ପାହାରୁ ଧୂଏଲ୍ କରସି ପଥରକେ ବି ନାରୀ  
ତଜା ମୋର୍ ତାହାରୁ କଅଁଲ୍ କାଠେଁ ଆଏ ତିଆରି । ॥୬୧॥
- ସେ ଧୂଏଲ୍ ଅଁ ନାରୀ ପାଲଟି ବସଲେଁ ମୋର୍ କୁଶଳି  
ପାଁର୍ ପରାନୀର ଜାବନ୍ ଯିବା, ଜାବକା ଯିବା ଭୁଷ୍ଲି । ॥୬୨॥
- ଜାବକା ତ ଯିବା ସାଜେ କୁଟୁମ୍ ବଭବା ଜନ୍ସ  
ବଡ଼୍ଲେ ଜନ୍ସ ଅତିଆ ବି ତ ଖଜିଯିବା ବନ୍ସ । ॥୬୩॥
- କହି କହି କେଉଁର୍ ପାଶ୍ରିକେ ତଜା ଆନୁଲା ବାହି  
ଅଜ୍ଞାନ-ରାଏଡ଼ ଅଜାନ୍ତକେଁ ଆସେ ପାହି ପାହି । ॥୬୪॥

ଖଏଣ୍ଡେ ତଜା ଆଏଲା ମାଦରେ ରାମ୍ ବସବେ ବଳି  
ଉଦରୁନ୍ ସାଏର ଧାବର ପାଦକେ ଧଏଲା ଜବର କରି । ॥୨୫॥

ରହ ରହ ମୁଇଁ ପାହାକେ ଧୁଇଁ ପୁଛି ସାରସିଁ ବାଏଲ  
ହରବରା ନାଇଁ ବାଏଲ ଥିବା ନୁହେ ଦେଖେଁ ତାଏଲ । ॥୨୬॥

ପାହା ଧୁଇଁ ମୁଡର ବାଲେଁ ରେତି ଛାଡ଼ଲା ପାହା  
କେଟ ସିଧୁଁ କାହିଁ ବାଏଲ ଥିବା କାସିଁ ନୁରି ଦେଖେ ଆହା । ॥୨୭॥

ସେ ପାଦତଲେଁ ଦେଖିଲା କେତେ ଜନ୍ଦବେଲ ତରା  
ନଏଦ୍ ସମଦର ଝାର ପରବତ୍ ଗାଁ ଭୁଇଁ ଧରା । ॥୨୮॥

ଆଁଖିର ପାନି ଦିହ୍ ସର ସର ଭାବ୍ ସରସର ମନ୍  
ରାମ୍ ତରସର ସଂଭାଲି ନିଜକେ ଯିବାକେ ଛନ୍ଦନ୍ଦ । ॥୨୯॥

କଉଣିକ୍ ବୁଝି ସବୁକଥା ନୁହନ୍ ଚିଖେ ହରବର  
ଖୁସି ହଇଁ ରଖି ଭାବନ୍ ହୁସିଆର ଆଏ ଧାବର । ॥୩୦॥

ଯୁଗୀ ରଖି ମୁନି ମାନ୍କୁଁ ଘାଏକେଁ ଗଲା ବହିକି  
ନଏଦ୍ ଲହିକା ଆଗୁଁ ସଂସାର-ସାଗର ଗଲା ଲହିକି । ॥୩୧॥

ଧାବର କଲା ଧୀ ବରକଷ୍ ରଖିର ଧିଆନ୍ ଆନ୍  
ବ୍ରହ୍ମ ଜାନ୍ଲା ଲୁକକୁଁ ମିଲେ ବ୍ରହ୍ମ ସମାନ୍ ମାନ୍ । ॥୩୨॥

କୁଡେଁ ତଜା ଧରିଁ ଗଜା ଉଛଲେ ଉଷର-ମାରେଁ  
ରାମ୍ ମୂରତି ହୁରଦେଁ ଲେଖେ ତଜାର ଗାରେ ଗାରେଁ । ॥୩୩॥

ତଜା ଯାଉଛେ ହଲିଝୁଲି ଧାବର ରହେ ଧୀର  
ଭାବ୍-ସାଗରେଁ ନାବ୍ ଚାଲିଛେ ମନ୍ ରହିଛେ ଥୁର । ॥୩୪॥

ଧାବର ବୁଲେ ଭାବ୍ ରାଏକେଁ ଲମି ଯାଇଛେ ବନିହାଁ  
ଶ୍ରୀରାମ ଅଛନ୍ ସେ ବି ଅଛେ ଆର ନାହିଁ କେ ଉନିଆଁ । ॥୩୫॥

ସୁନ୍ଦର ଚେହେରା ସୁନ୍ଦର ବେଞ୍ଜାର କେତେ ସୁନ୍ଦର ମନ୍  
ଦୁଖର ନାଆଁ ଗଂଧୁ ନାହିଁ ଅଠିପର ପରସନ୍ । ॥୭୬॥

ରାମ୍ ନୁହେସନ୍ ରଜାପିଲା ତଜା ବୁହା ସେ ନୁହେ  
ଗୁଟେ କିଟ୍ ନାପର ମୁନୁଷ୍ ଅଲର ନୁହନ୍ ଦୁହେ । ॥୭୭॥

ରାମ୍ ନୁହେସନ୍ ବଡ଼ କି ନିଜେ ନୁହେ ସେ ସାନ୍  
ଗୋଡ଼ ଧୁଇଁ କାଏଁ ରାମ୍ନୁ ପାଏଲା ଏତେ ମହତ୍ ଦାନ । ॥୭୮॥

ଆନନ୍ଦ ଗଛେ ଫଲ ଫଳିଛେ ଦୁହେ ଖାଉଛନ୍ ଝାରି  
ଝନ୍ଦଏ ଦିଶେ ଦୁହିଁକୁ ଦେଖିଲେ ବନ୍ଦଏ କରି ପାରି । ॥୭୯॥

ରକ୍ଷି ଭାରୁଛନ୍ ଜାଏତ୍ କୁଲ୍ ନେଇ କିହେ ନୁହନ୍ ସାନ୍  
ମନ୍ ପଛା ଥିଲେ ମିଲନ୍ ଛନ୍ଦକେ ଭଗବାନ୍ । ॥୮୦॥

ବନ୍ଦଏ କରି କଲେ ଜନ୍ଦଏ ଯାହାର ଯେନ୍ ବୁରତି  
ବିଲମେ ବି ଫଲ୍ ପାଏବା ନାହିଁ ହେଲେ ବି ତୁରତି । ॥୮୧॥

ଲୋକ୍ ନୁହେସନ୍ ଦୀନ୍ କିହେ କବାର ନୁହେ ହୀନ୍  
ବିଶ୍ୱର କା'ର ଠାନ୍ ଇଶ୍ୱର ନୁହନ୍ ପରାଭିନ୍ । ॥୮୨॥

ତାହାକେ କେ ମନ୍ ଦେଲେ, ସେ ତନ୍ ପାରସି ଦେଇ  
କା'ଣା ଦେସି କେ କହେବା ସବୁ ଦେଲେ ନେଇ । ॥୮୩॥

ବିଶ୍ୱାମିତ୍ର ବୁଲି ବୁଲନ୍ ଅଲଗା ଭାବନା-ଝାରେ  
ସମକ୍ତ ଆଶ୍ରିୟ କରି ତଜା ପୁହୁତେ ଆର ପାରେ । ॥୮୪॥

ଉତ୍ତରି ଆସି ସଭେ ପାନିର ପାଶେ ହେଲେ ଠିଆ  
ରାମ୍ ଉତ୍ତରବାର ଦେଖି ବୁତ୍ତରି ଗଲା ଧୀବର ହିୟା । ॥୮୫॥

ପାହେଁ ପଡ଼ବା ବଳି ବୁପରା ଅଟା ମୁଡ଼ ଲୁହାଁଲା  
ରାମର ଆଖି ଆନନ୍ଦ-ଲହ ଦେଖୁନ୍ ଦେଖୁନ୍ ବୁହାଲା । ॥୮୬॥



ଅଧ୍ୟାୟରୁଁ ଛିନି ନେଇ ରାମ୍ କହେଲେ ଭାଇ !  
ତୋର ଲାଗିଁ ଜାଗା ମୋର ପାହାର ତଳେଁ ନାହିଁ ।

॥୮୭॥

ସବୁକାଳେଁ ମୋର ଛାତିର ତଳେଁ ରହେବା ତୋର ବାସ୍  
କହି ଆସୁଛି ଆମ୍ଭଲେ ରାମ୍ ନିଜର ଛାତିର ପାଶ୍ ।

॥୮୮॥

ଦୁହି ହାତେଁ ସାଆଁଟି ଧରି ହେଲେ ଥନ୍ ଥନ୍  
କିହେ କାହାକେ ଛାଡ଼ିବାରୁକେ ନାହିଁ ଲାଗିବାରୁ ମନ୍ ।

॥୮୯॥

ବେଲ୍ ବୁଡ଼ି ଆସିଲା ଜାନି ବାଲ୍ମୀକି ତୁମ୍ ପଢ଼ିଲେ  
ସଭା ଭାଙ୍ଗିଲା ଭାଗି ସଭେ କୁରିଆ ମାନ୍ କୁ ଗଢ଼ିଲେ ।

॥୯୦॥



# ଅନ୍ଧୋଧା-କାଠି

ରାମ୍-ରାମା:ପହେଲା ରାମ/ ୧୪୭

## ପାଉଡ଼-୧

### ରାମ୍ ଲକ୍ଷ୍ମଣ ମିଥୁଳା ପୁସ୍ତକାଳୟ

- ତାଲପଦରା ଅଡ଼େଇ ଅଡ଼େଇ ନାଇଁ କରି ମଠ  
ସକ୍ ସକାନୁ ସକାଲ ଆଏଲା ବାଲମାକି ମୁନି ମଠ । ॥୧॥
- ହୁରହୁରିଆ ଧୁକା ହାତେଁ କୁରିଆ ଟାଏର୍ ୦ଟଭଲେ  
କୁଆ ଗୁହୁଡ଼ାର୍ ହୁଆ ହୁଟା ତାକେଁ ସମଜୁଁ ଉଠଉଛେ । ॥୨॥
- ଆଶ୍ରମ ଗାଏ ପରଘାନି-ଗୀତ୍ ଚେରେର କଠେଁ କଠେଁ  
ହୁଁସି ପୁଟେ ଜାଇ କୁଇ ମଲାର ଉଠେଁ ସଥେଁ । ॥୩॥
- ପୂର୍ଥୀ ରାନୀର ରାତିର ସପନ ତରା ହଇ ଲିଭୁଛେ  
ସବ୍ ସତାନିର ଜୀବନ୍-ଗୀତ୍ ଅରୁନ୍-ରାଗେଁ ଶୁଭୁଛେ । ॥୪॥
- ଅଂଧାର୍ ଉପରେଁ ମହାନ୍ ରିଶ୍ମି ରାଗେଁ ବେଲ୍ ଲାଲ୍  
ହୁର୍ ମୁଖିଆ ଅଂଧାର୍ ଭାଗେ ଡେଗନ୍ତୁ ଗାଡ଼ ଖାଲ୍ । ॥୫॥
- ମୂଲିହାର୍ ରାଏତ୍-ଚରାକର କୁଲିହା ଧରେ ଦୁଏଲ୍  
ଛରା ଦେଇ ଖରା ବିବରୀ ଆଁବରି ଆନ୍ଦ୍ ଖୁଏଲ୍ । ॥୬॥
- ଘଡ଼େ ଆଗୁଁ ବଡ଼େ ପହରୁଁ ସାରି ପାହାଁତୀ ତକରା  
ବେଦାନିକେ ଖେଦି ଆଇଛନ୍ ପାଶର ଝାର୍ କୁକରା । ॥୭॥
- ପୁହୁରା ନାଏନ କା'ଣା କରବେ ଖୁଜି ନୁରି ହଉଛନ୍  
ମୁନି ମାନକର ଆସନ୍ ନୀବାର୍ ପୁଆଲ୍ ଇଠ୍ରେଇ ନଉଛନ୍ । ॥୮॥
- କାହିଁ କେନ୍ଦ୍ରା ଗୁଟେ ଖଣ୍ଡ୍ ପାଇ ନୀବାର୍ ଦାନା  
ଠୁକି <sup>ପୁଣି</sup> ~~ଉପେ~~ ମନେ ସାରନ୍ ସକାଲ୍ ବେଲର ଖାନା । ॥୯॥

ପୁଲ୍ ବିରୁଦ୍ଧିର ବାଦ୍ଧି ଧରି ମୁନି କୁମାରୀର ଦଳ  
ବର୍ଣ୍ଣହେଇ ଆନନ୍ଦ ବାନା ଉଡେ ପିଧିଲା ବଳକଲ । ॥୧୦॥

ବ୍ୟସ-ରଜା ବସ୍ବାର ମଜା ଲାଗି ପକାଏ ଚଢ଼କା  
ସେ ଆସନ୍ ଆସନ୍ ଛାତିର ଉପରୁ ଉପର ଉପକି । ॥୧୧॥

ହଲା ଝୁଲା ହେଲେ ଆସନ୍ ରଜା ହେବା ରିଶା  
ହେଥୁର ଲାଗି ପିଧିଲା ବକଲ ହୁସିଆର ହରମିଷା । ॥୧୨॥

ପୁରୁବ ଦିଗକେ ମୁହଁ କରି ଅଁଟା କରି ବାଁକ  
ସୂର୍ଯ୍ୟମୁଖୀ ପୁଲ୍‌ବାସର ସତେ ସୁଯୋଧ୍ୟ ଦିଏ ଝାଁକ । ॥୧୩॥

ଜନାଶୁନା ନାହିଁ ଜନ୍ ଆସଲା ମେତାଲ ପଶି  
ସୀତା ବର୍ଣ୍ଣହେଇ ବସନ୍ ଆସି ମୁହେଁ ଅଲପ ହସି । ॥୧୪॥

ଜନ୍‌ଏ ଆସି କହେଲା ବାଦ୍ଧି ଧରି, ନାନି ! ଛାଡ଼  
ତମସା ନଏଦ୍ ଶିଧାଏ ତମକୁଁ ହେବା ଘାଏ ଲାଡ଼ । ॥୧୫॥

ଯ' ସେନକେ ତାକ୍ ଦଉଛେ ଲହରୀ-ହାଡ଼ ପେସରେଇ  
ଯାଉଛୁନ ତମର ପଛାପଛ କାମ୍ ଉସରେଇ । ॥୧୬॥

ସୀତା କହେଲେ “ଖୁଆଲେ ତୁକେଲମାନେ ! ଅ’ଲବାର  
ସାଙ୍ଗେ ମତେ କେନ୍ଦା କରିନାହିଁ ଦିଅ କବାର । ॥୧୭॥

ସିଆନ୍ ସୁନ୍ଦର ସୁତର ଜନ୍‌ଏ କହେ କାର୍ଯ୍ୟ କାୟେ ?  
କରିଦେବୁଁ ତମକୁଁ ନାନି ! କବାର ହେସି ଲାଜେ । ॥୧୮॥

ବାବାର କଥା “କବାର ନାହିଁ ଦେବ ମୋର ମାଁକେ  
କବାର ନାହିଁ କରି, ଥୁବା କବାର ଠାନେ ନାଁ କେ ।” ॥୧୯॥

ତମକୁଁ ପାଏବା ବଳିଁ ତମସା ହଇଁଯାଉଛେ ଉଛନ୍  
ନାହିଁ ଶୁନ୍‌ଅ ? କୁଲକୁଲ୍ ତାକେ ଆସ ବଳିଁ ଉଛନ୍ । ॥୨୦॥

ସୀତା ତେଡ଼କେଁ ତୁମ୍ଭୀ ଧରି ଧଏଲେ ତମ୍ଭା ବାଟ୍  
ବରନ୍ଦ୍ରା ସାରି ମୁନି ଚୁକ୍ଲେ ଲମ୍ଲେ ସାଥେଁ ସାଥ୍ । ॥୨୧॥

ତମ୍ଭା ନଦୀର ଖିତି ଖିତି ମୁନି ମୁନି କୁମାର  
ସଂଧ୍ୟା ଶଉଚ୍ ସାରନ୍ ଶୁଭେ ବେଦ୍ ପଢ଼ା ଅଗ୍ବାର । ॥୨୨॥

କିଏ ପଶି ଛାତେ ପାନି ବେଲ୍ ଆଡ଼କେ ଦେଖ୍  
ଉଁଝଲା ଉଁଝଲା ପାଏନ୍ ଧରି ବେଲ୍‌କେ ଦିଏ ଟେକି । ॥୨୩॥

ଚଂଗାନ୍ ଉପରେଁ ବସି କିଏ ପିଁଧିଲା ବକଲ୍ କାଚେ  
ପାଶେଁ ପାଶେଁ ତମ୍ଭା ପାଏନ୍ ହିଁସି ହିଁସି ନାଚେ । ॥୨୪॥

କିଏ ଧରି କୁଶମ୍ ଫଲ୍ ପଥରେଁ ଥୁଇ ଠେଁସୁଛେ  
ତେଲ୍ ବହରାଇ ଦିହ୍ ଭରଭର ପହେଇ ପହେଇ ପିଶୁଛେ । ॥୨୫॥

ବାବା ଆସନ୍ ଗାଧ୍ ପାଧ୍ ମୁହେଁ ବସେ ଓଁକାର୍  
ରାମ୍ ଅଛନ୍ ହୁରୁଦ୍ ଭିତରେଁ ହରମେଷ୍ ହଇଁ ସାକାର୍ । ॥୨୬॥

ସୀତା ପିରନ୍ ତମ୍ଭା ଘାଟୁଁ ଉଦା ସରସର ପିନ୍ଦନା  
ରାମ୍ ସର ସର ହୁରୁଦ୍ ଭିତର ମୁଡେଁ ଉଦା ଉଦନା । ॥୨୭॥

ସୀତା ଚାଲନ୍ ଲହର ଝପର ମୁନି କୁମାରୀ ସାଙ୍ଗେଁ  
ଉଲ୍‌ଗି ହଇଁ ପାହେଁ ପରଲେ ମୁନି ଦେଖୁଁ ଆଗେଁ । ॥୨୮॥

କେନ୍ ଆଶୀର୍ବାଦ୍ ଦେସନ୍ ମୁନି ଦେଖନ୍ ଏକସକିଟି  
କିଏ ଆଏ ? ବଲ୍ ରୁଧ୍ ନାଜ୍ ପାର୍ବାର୍ କିଟି । ॥୨୯॥

ନୁହେ ସେ ମୋର ଦେଖିଲା ଜନକ୍ ରଜାର ଜେମା  
ମୁରତି ଧରେ ସଦ୍ ସାଙ୍ଗେଁ ଶାନ୍ତି ଦୟା ଖେମା । ॥୩୦॥

ଲକ୍ଷ୍ମୀ ନୁହେ, ନୁହେ ସରସତୀ, ବ୍ରହ୍ମାଣୀ କି ଶିବା  
ଉଦ୍ରାଣୀ କେ ଅନ୍‌ମାନି ନୁହେ ସେ କାଏଁ ପାଶ୍‌କେ ଯିବା ? ॥୩୧॥

କିଏ ଆସେ/ସେ ପତରେଇ ନେବେ ନୁରି ଦେଖନ୍ ଭିତରକେ  
ଏ ରୁଆ ! ସେ'ନେ ରାମ୍ ନାଏନ କାହିଁ ଗଲେ ଈ ବତରକେ ।      ॥୩୨॥

ରାମରଠାନେ ସେ ବସିଛନ୍ ଯାହାକେ ଦେଖନ୍ ଆଗେଁ  
ଜଗତର ମାଁ ଆଇଛେ ଆଏଇ ଭୁଲା ଭଗତ୍ ଭାଗେଁ ।      ॥୩୩॥

ମା ମା ବଲ୍ ପୁର୍ ପୁଟାଲେ ନାଇଁ ଆଏବାରୁ ନାଆଁ  
ରାମ୍ ନାଇଁନ ଛିନା ଅଛେ ମନ୍ ବୁଦ୍ଧିର ଗାଆଁ ।      ॥୩୪॥

ସୋର୍ ତ ସୋର୍ ମୋର୍ ବଲ୍‌ବାରୁ ମୁନିର୍ ନାଇଁ କିଛି  
ମନ୍ ଠାନ୍‌କେଁ ଗୁଛା ହଇଛେ ହେବାରୁ ନାଇଁ ବିଛି ।      ॥୩୫॥

ଏଡକି ବେଲେଁ ଲବକୁଶ ଆଶ୍ରମତୁ ଆଏଲେ  
ମୁନି ପାହା ଛିଇଁ ଛିଇଁ ମୁଡ଼ିଆ ମାନ୍ ମାଏଲେ ।      ॥୩୬॥

କହେଲେ ବାବା ! ତୁରତି ଯିମା ସଭା ସମିଆ ହେଲାନ  
ସମିଆ ଶମି ଚରକି ନେବା ଆମର ଅବ୍ ହେଲାନ ।      ॥୩୭॥

ମୁନିର୍ ଭିଲେଁ ମୁନି ଗଲେ ତାର ପଛାପଛୁ ସାତା  
ଇତାର ପରେଁ ମଠ୍ ବାହାରେଁ କିଏ କାହିଁ ଥିତା ?      ॥୩୮॥

ସାରା ଆଶ୍ରମ୍ ବେଦୀ ଠାନେ ଘାଏକେଁ ହେଲେ ଠୋଲ୍  
ବାଲ୍‌ମାକି ଆଏଇ ଦିଶନ୍ ଅନାମେଡ୍ ଆତମ୍ ଭୋଲ୍ ।      ॥୩୯॥

ସମିଧ୍ ଜଲେ ସମାନ୍ ଭାବେଁ ହୁମ୍ କୁଡ଼କେ ଲାଗି  
ମୁନି ବାବାରୁ ମନ୍ ଭାବନା ଭିଡ଼ୁଁ ଆସେ ଭାଗି ।      ॥୪୦॥

ଆଖୁଁ ଝରେ ଲହ୍ ଥପ୍ ଥପ୍ କିଠୁଁ ଝରେ ଭାଷା  
କା'ଶା ପାଏଲେ ? ପୁରତି କରେ ସବୁ ପାଏବାରୁ ଆଶା ।      ॥୪୧॥

ସଏଦ୍ ସୁମ୍‌ରି କନକ୍-ଗୁରୀ ଜନକ୍ ଜେମା ନାମେ  
ଥନ୍ ଥନାଇ ତାକନ୍ ମା ଗୋ ! ଲଗା ତୋର କାମେ ।      ॥୪୨॥

ଜନମ୍ ମାଏର୍ ଜନକ୍ ପୁରକେ ଘାଏ ମିତାଲ୍ ନେ'ନ  
ଜାନମି କେନ୍ତା ଥିଲା କା'ଣା କରୁଥିଲୁ ସେ'ନ । ॥୪୩॥

ମନେ ମନେ କହି ସଭାଜନକୁ କହନ୍ ମୁନି  
ରାମ୍ ଲକ୍ଷ୍ମଣ୍ ଗଙ୍ଗା ଲହଁକି ଗଲେ ଥିଲ ଶୁନି । ॥୪୪॥

ଇ ନୁ ଇଆଡ୍ ହେଲା କଥା ଲୁଭ୍ ଲଭାନି ଆଏ  
କରକଣ୍ ମୁହେଁ ରସର୍ କଥା ବଖାନି ଦେଖିବିଁ ଘାଏ । ॥୪୫॥

ରାମ୍ ଧଏଲେ ରସି ସାଙ୍ଗ୍ ଗଲେ ଛାଡ଼ି ଧାବରକେ  
ରାମକେ ନାଜ୍ ଛାଡ଼ି ପାରୁଲା ଫିରିଁ ଧାବର ଘରକେ । ॥୪୬॥

ଯାତ୍ରୀ ଦେଖିଲେଁ ତାହାକେ ନାଜ୍ ଦିଶନ୍ ବଡ୍ ସାନ୍  
ଯେ ହେଲେଁ ବି ତାହାର୍ ଲାଗି ରାମ୍ ସମାନ୍ ଆ'ନ୍ । ॥୪୭॥

ବାହାରେଁ ଭିତରେଁ ନଦୀର୍ ଧାରେଁ ରାମର୍ ରୁପ୍ ଦିଶେ  
ସଂସାର୍ ବିଧନ୍ କାର୍ବାରକେ ନାମ୍-ହତିଆର ନିଷେ । ॥୪୮॥

ଧାବରର୍ ଧା ବୁରୁଷାଲ୍ ହଇଁ ତାହି ପଖରା ମେଲେ  
ସଂସାର୍ ଲାଗେ ଅସାର୍ କାଠି, କୁଢ଼ି ଲେଖେଁ ଖେଲେ । ॥୪୯॥

ରାମ୍ ଲକ୍ଷ୍ମଣ୍ ବିଶ୍ୱାମିତ୍ର ସାଙ୍ଗେଁ ସାଙ୍ଗର୍ ମୁନି  
ବାର୍ ଚାଲୁଛନ୍ କେଉଁର୍ ବୁଢ଼ାର୍ ଭାନ୍କେ ହୁଗୁନି । ॥୫୦॥

କେ କହୁଛେ ପୁରାନ୍ ଶାସ୍ତ୍ରର୍ କହେ ଗଙ୍ଗାର୍ କାମ୍  
ମଲା ପରେଁ ବି ହାଡ୍ ପାଏଲେଁ ନେସି ସରର୍ ଧାମ୍ । ॥୫୧॥

ଜୀବନ୍ କାଲେଁ ତଙ୍ଗା ନେଇ ଗଙ୍ଗାନେ କଲେଁ ଜୀବକା  
ତାର୍ ନାଜ୍ ସଂସାର୍-ସାଗର୍ ଭିତରେଁ ବୁଢ଼ା ଉପକା । ॥୫୨॥

ସଂସାର୍ ଯାର୍ ପାଦର୍ ଧୂଲିଁ ରହିଥିସି ଲଟ୍କି  
ତାହାକେ ଧୁଇଁ ପାଦେଁ କାଏଁ ରହେଲା ନିଜେଁ ଅଟ୍କି । ॥୫୩॥

ଆଉର ଝନ୍ଦ୍ୟ ମୁନ ବ୍ୟଲେ ଅନୁମାନେ ସାଧତ୍ ରାମ୍ ଆର ଇ ଧାବର ବୁଢ଼ା ଦୁହେ ଗୁଟେ ଜାଧତ୍ ।	॥୫୪॥
ଝନ୍ଦ୍ୟ କରେ ଡଙ୍ଗା ଧରି ଗଙ୍ଗା ନଧବ୍ ପାର୍ ଆର ଝନ୍ଦକ ପାର୍ କରସି ଦୁଷ୍ଟର ସଂସାର୍ ।	॥୫୫॥
ଶୁନନ୍ ସଉମିତ୍ରୀ ରାମ୍ ଦିଅନ୍ ମୁହଁ ମୁରି ଲାଜେଁ ତାକର୍ ଦିହ୍ ଭରଭର ଚଢେ ଘୁରଘୁରି ।	॥୫୬॥
ରକ୍ଷି ପରମ୍ ପୁରୁଷର ଚରମ୍ ଦୟା ସୁମରି ରାମ୍ ଦେଖ୍ ମନ୍ ଭିତ୍ରେଁ ଅନ୍ଦଜାନେ ଯା'ନ୍ ଘୁମରି ।	॥୫୭॥
ମନର୍ ଆନନ୍ଦ୍ ରାମ୍ ସିନା ସେ'ନେ ମାନର୍ ମଧଲା ମୁଷ୍ଟିଲେଁ ମାର୍ଗଲା ସବ୍ ରାମ୍ ପଶିଆଁ ସଧଲା ।	॥୫୮॥
ଦିନ୍ ନୁହେ ସରେ ସେ'ନ୍ ମିଥୁଲା ନୁହେ ଦୂର୍ ଖରା ନାଇଁ କି କାକର ନାଇଁ ଧୁକେ ହୁର୍ ହୁର୍ ।	॥୫୯॥
ରତୁମାନେ ହେତୁ ନାଇଁ କରି ବେଲା ଘଡ଼ି ଗଛଲତାନେ ଫୁଲ୍ ଫଲ୍ ସବ୍ ଅଦିନେ ଆସନ୍ ଭରି ।	॥୬୦॥
ସିଲ୍ ସକାଲେଁ ସରେ ନାଇଁ ଚେରେର୍ ହରେକ୍ ଗାଡ଼ ତାଲୁ ଫଟା ଖରା ନାଇଁ, ନାଇଁ କନ୍ଦକନି ଶୀତ୍ ।	॥୬୧॥
ଚାଲୁତି ବାଟେଁ ଆଖ୍ ପାଖ୍ ଗଛ ଛଧରା ତାପିଛେ ଶାନ୍ତି ପୁଠ ପରଜା ନେଇଁ ଚାରି କୁଡ଼ି ଖେପିଛେ ।	॥୬୨॥
କଉଶିକ୍ ପାଖେଁ ଯାଇ କହନ୍ ସଉମିତ୍ରୀ କେନ୍ ରାଧକ୍ ବାବା ! ସୁଖ୍ ଶାନ୍ତି ସବୁ ମିତ୍ରି ।	॥୬୩॥
ଶିରୀ ଇନେ ଚାରି ଦିଗ୍ରେକେ ଘେରି କରି ରହିଛେ ଜନ କାର୍ଯ୍ୟ ସବୁଦିନକେ ଦୁଖର୍ ରାଧତ୍ ପାହିଛେ ।	॥୬୪॥



ବାବା କହେଲେ ବାବୁ ! ଇଟା ଶିରୀର ଜନମ୍ ଠାନ୍  
ବିଦେହ୍ ଇନେ ଦେହର ଉପରେ ନାଏନ ମନର ଟାନ୍ ।

॥୨୫॥

ଇ ରାଏଜର ରଜା ଜନକ୍ ରଜା ଭିତ୍ତରେ ରଷି  
ରଷି ଭିତ୍ତରେ ରଜା ଧଏନ୍ ତାକର ପଉରୁଷି ।

॥୨୬॥

ପୁରଥା ଇ ନ ପିଲାଟା ହେସି ସରଲ୍ ଆଏସି ସରର  
ଚଉକସ୍ ରହେ ଇନ ଚଉଦ ଭୁବନର ଚଉବରର ।

॥୨୭॥

ଦେଖ୍ ଜାନ୍ସନ୍ ସଭେ ବଲି ସବୁ ଇନେ ସୁନ୍ଦର ଆଏ  
ସୁନ୍ଦରପନ୍ ତ ଦେଖ୍ନେ ବାଲାନ୍ ଆଁଖ୍ ଆଁଖ୍ ନ ଥାଏ ।

॥୨୮॥

ହେଥୁର କାୟେ ରାଏଜ୍ ରାନୀର ସୁନୟନା ନାଆଁ  
ଜନମ୍ ଜାନ୍ ନାଇଁ କରି ବି ଭୁମିସୁତାର ମାଆଁ ।

॥୨୯॥

କାମର ନୁହନ୍ କାମ୍ କ୍ରୋଧ୍ ଛ'ହି ଅବଗୁନ୍  
ବଲି କାର୍ଯନ କାମ୍ ଅଏରି ଥୁଇଲେ ଇ ନେ ଧୁନ୍ ।

॥୩୦॥

ପୁରଖା ପାତି ଦିନୁ ଇନେ ଅଛେ ଶିବ୍ ଧନୁ  
ତାର୍ ଉଠନେ ଉଛବ୍ ହଏ ପାଖ୍ରି ନୁହେ ମନୁ ।

॥୩୧॥

କଥା ହଉଁ ଦେଖନ୍ ଏ ଦେ ମିଥୁଲା ସହର ଦିଶୁଛେ  
ଚୁନାଲା ଘରର ସୁନାକଲ୍‌ଖେଁ ଲାଲିଆ ଖରା ହୁସୁଛେ ।

॥୩୨॥

ସହର ପାଖେଁ ସହରାବାର୍ ଲାଏକ୍ ଆମ୍ ବୁରେଇ ଘର୍ ।  
ଆଏବାର୍ ଲୋକ୍ ଲାଗି ଆଏ ସତେଁ ପର୍ଯାନି ମର୍ ।

॥୩୩॥

କେନ୍ ତାଲ୍‌ନେ କୁଇଲି ତାକେ କେନେ କୁଁଭାଟିଆ  
ତାଲେଁ ଆସି ଝଂପେଇ ହଏ ଉପରେଁ ଉଡ୍‌ଲା ଚିହା ।

॥୩୪॥

ଗୁଲିହା ସାଙ୍ଗେଁ ଧୁବେନ୍ ଚେରେ କୁଦା କୁଦି ହଇ  
ଗୁଟେ ତାଲେଁ ବସନ୍ ଆସି ବସ୍‌ଲା ଲେଖେଁ ସହା ।

॥୩୫॥

ଅଧନୁକା ଢେଁଟି କଜଲପାତି ହରଲ୍ ହୁଦା ହୁଦା  
ତାକୁଁ ତାଲକେ କେ ମାରୁଛେ ଘାଏ କେଁ ଛନ୍ଦକେଁ କୁଦା ।

॥୭୬॥

ଭେଙ୍ଗରାଜ୍ ସାଙ୍ଗେଁ ଶାରୀ ଆଉର ରୂପ ରାମୀ ମଧନା  
ପରଘାନୀ ଗୀତ୍ ଗାଆନ୍ ଆଗୁଁ ନେଲା ଲେଖେଁ ବଧନା ।

॥୭୭॥

ସାଦ୍ ସୁତର ବୁରେଇ, ଗୁଠେ ନାଇଁ କୁଟା କାଠି  
ଖାଏଲା ଜିନିଷ୍ ପରଲେ ସଥେଁ ଖାଇ ହେବା ଚାଟି ।

॥୭୮॥

ସଞ୍ ପହରିଆର ସୁରୁତ୍ ପବନ୍ ସୁତର ସୁଧାର ବହେ  
ବାଟଲକାର୍ ଝାଲ୍ ଶୁଖାବା ଶୁନେଇ ସତେଁ କହେ ।

॥୭୯॥

କଉଶିକ୍ କହନ୍ ଇ ନେ ବାହୁ ! ବସି ଥାକମା ଘାଏ  
ଯେନ୍ଦକେ ଯିମା ଆମର ଯିବାର ସେ ଜାନ୍ବାର ଯାଏ ।

॥୮୦॥

ସଭେ ବସଲେ ବୁରେଁ ଭିତରେଁ, ରାମ୍ ଲକ୍ଷ୍ମଣ୍ ଦୁହେ  
ଭାବଲେ ବୁରେଇ ବୁଲା ଛାଡ଼ି ସୋଇ ବସବାର୍ ଦୁହେ ।

॥୮୧॥

ବୁଲି କିନ୍ଦରି ବୁରେଇ ଦେଖନ୍ କେନେ ଉସାର୍ ପିସାର୍  
ସାଧୁ ସଇର ହୁରୁଦ୍ ଲେଖେଁ ପାଇ ନୁହେ ପାର୍ ।

॥୮୨॥

ମାନି ଚଳନ୍ ସଭେ ସମ୍ପ୍ରୁଁ ଶାନ୍ତି ଶାସନ୍ ଚାଲେ  
ସରର୍ କାହିଁ ମାଡ଼ବା ପାଖ୍ ଯେନ୍ ବତ୍ରେଁ ପାଲେ ।

॥୮୩॥

ଘଡ଼େ ନାଇଁ ଯାଉଁ ପଡ଼େ ଶିଖ୍ ମୁହୁରୀର ଶିବଦ୍  
କାନେ, ବାକି ଶିବଦ୍ ମାନେ ପଡ଼ିଗଲେ ଡବଧ୍ ।

॥୮୪॥

ଜନକ୍ ରଜା ଲୋକ୍ ଜନ୍ ନେଇ ତତାପନା ଆସନ୍  
ଆଗେଁ ରଷି ଶତାନନ୍ ଆନନ୍ ରସେଁ ଭାସନ୍ ।

॥୮୫॥

କଉଶିକ୍ ରଷିର ପାହା ଧୁଉନ୍ ଜନକ୍ ରାଇ ନିଜେଁ  
ମନା କରନ୍ ରଷି, କହି “ଲାଜର୍ ପାନି ଭିଜେଁ ।

॥୮୬॥

କାର୍ଯ୍ୟ ଲୁଚକର ମୁଇଁ ଲୋକ ତୁମେ ଶୁକ ମୁନିର ଗୁରୁ  
ଆଶିଷ ଦିଅ ମତେ, ମୋର ମନ୍ କାମନା ପୂରୁ ।”

॥୮୭॥

କାର୍ଯ୍ୟ ମାନୁତେ ଜନକ ଗୋଡ଼ ଧୁଇଁ କଲେ ପୂଜା  
ଅତିଥ୍ ସମକର ମାଧନ୍ତା, ନାହିଁ ଲାଗେ ରଜା ଗୁଜା ।

॥୮୮॥

ଦୁହିକର ଭଲ ଅସାର ପଡ଼ାର ଉତାର ସରେ ନୁହେ  
ଜନ୍ବେଲ୍ ତେଜେ ରାମ୍ ଲକ୍ଷ୍ମଣ ଆସଲେ ଦୁହେ ।

॥୮୯॥

ଦୁହିକୁଁ ଦେଖୁ ଜନକ ରକ୍ଷି ହଇଗଲେ ତସୀଦ୍  
ଦିହ୍ ଦେଖୁ ପାଶ୍ଚି ନେଲେ ହେବାର ଦେହେ-ଜିଡ଼ ।

॥୯୦॥

ମନ୍ ଭିଡ଼ରେ ସର୍ ସରାଲା ଆନନ୍ଦ ରସର ଧାର  
ନିଜେ କିଏ ? ଇୟେ କିଏ ? ବିଚାର ମାନ୍ବ ହାର ।

॥୯୧॥

କଉଶିକକୁଁ କହନ୍ ରକ୍ଷି ! କିଏ ଆନ୍ ଯେ କହ  
ଦେଖିଲା ବେଳୁଁ ଲୁଖିରା ମନ୍ ଉଖିଲି ଆସେ ଜହ ।

॥୯୨॥

କେନ୍ ସରଗର ଦେବତା କି କେନ୍ ମରତର ମୁନୁଷ୍  
ମୁଇଁ କାର୍ଯ୍ୟ ଚିହ୍ନେ ହଇଥୁବେ ପରମ୍ ପୁରୁଷ ।

॥୯୩॥

କେନେ କିଏ ଜନମ୍ ଦେଇଛେ କେନ୍ ମାଁ ଭାବଗବାନୀ ?  
କେନ୍ ଆଶ୍ରମର ତପସ୍ବିନୀ ? କେନ୍ ରାଧକର ରାନୀ ?

॥୯୪॥

ଘାଏ ମତେ ଶିଖେଇନିଅ କରି କେନ୍ ତପିସା  
ଏତା ଦୁଇ ମୂରତିର ତୁମେ ସଙ୍ଗ ପାଇଛ ହମିଷା ।

॥୯୫॥

କଉଶିକ୍ କହନ୍ ତୁମକୁଁ କେନ୍ କଥା ଅଜନା  
ତୁମେ ହେସ ଦୁଇ ଚାଏର ଜନ୍ ଜାନ୍ବାରେଁ ଗନା ।

॥୯୬॥

ସମ୍ ଦରଶୀ ସବ୍ ଦରଶୀ ଦୂର୍ ଦରଶୀ ତମେ  
ତୁମକୁଁ ଦେଖିଲେଁ ଦର୍ଶନ୍ ଶାସ୍ତ୍ର ଦୂରୁଁ ନମେ ।

॥୯୭॥

- ତୁମକୁ ଦିଶେ ସବୁ କା'ର ଆଖି ବାଟ୍ ଚାଲବ  
ମହାମନା ହୋ ! ମନର ଛକ୍ଷେ ମୁରତି ସିନେ ଢାଲବ ।      ॥୯୮॥
- ଯାହାର ମନ ଯେତକି ଉସାର ଯେତକି ଥିବି ଲମ୍  
ଠିକ୍ ସେତକି ଦେଖିବା ତାହାକେ ଜହ ନୁହେ କି କମ୍ ।      ॥୯୯॥
- ଯେ ଯେନ୍ତା ଦେଖିବା ତାହାକେ ଠିକ୍ ସେନ୍ତା ଦିଶେ  
ପଛା ନିଜର କରିପାରଲେ ନିଜର ସାଙ୍ଗେ ମିଶେ ।      ॥୧୦୦॥
- ଠିକ୍ ପରତେ କେ'ନ ଦେସନ୍ ମାଆଁ ବାପ୍ ଦେଖି  
ଭିତର ମୁନୁଷ୍ ଅନ୍‌ସାରେ କାଏଁ କେଭେଁ ବାହାର ବେଶ୍ ।      ॥୧୦୧॥
- ହେନ୍ତା ପରତେ ପସନ୍ ଯଦରି ଶୁନ୍‌ଅ ତିନେ କହୁଛେଁ  
ଜାନିଛତ ମୁଇଁ ଅବଧି ସାମା ଭିତରେଁ ରହୁଛେଁ ।      ॥୧୦୨॥
- ଅବଧି-ରାଜ ଦଶରଥକର ଗେହ୍ଲା ପିଲା ଦୁହେ  
ବଡ଼ ବଡ଼ଖା ରାନାର ରାମ୍ ସାନ୍ ସୁମିତ୍ରାର ହୁଏ ।      ॥୧୦୩॥
- ତପିସା କଥା ପଦ୍‌ରାଲ ଯେ କେ'ନ ସାଧି ପାରଲିଁ ?  
ସାଧିନା କାଲେଁ ଅସୁର ବାଧା ତୁରତି ସରଲି ପରଲିଁ ।      ॥୧୦୪॥
- ମୂଲକରନ୍ତୁ ତପିସା ମୁଇଁ ମିଲେ ଜଗତର ମୂଲ  
ସାରିଥିଲେଁ ଯାହା ପାଏତି କାହିଁ ତାହିର ତୁଲ୍ ?      ॥୧୦୫॥
- ଦୁଇଟା ମହାନ-ଏଦ୍ ମିଶିଲେଁ ପାଏନ୍ ବଡ଼େ ଯେନ୍ତା  
ଦୁଇଟା ମହାନ୍ ଆତ୍ମା ମିଶିଲେଁ ବଡ଼େ ମାଏନ୍ ସେନ୍ତା ।      ॥୧୦୬॥
- ସେ ଅନ୍‌ସାରେଁ ସମିୟା ବଡ଼େ କର୍ଥୁ କଥା ବଡ଼ି  
ଶତାନନ୍ଦ ଦେଖିଲେ ବେଲ୍ ତଲ୍‌କେ ଯାଏ ଗତି ।      ॥୧୦୭॥
- ହାତ୍ ଯୁତି କହେଲେ ପ୍ରଭୁ ! ସହର ସାରା ଟାକିଛନ୍  
ଶୁନି ତମର ଲେଖେଁ ଅତିଥୁ ଆମ୍ ବୁରେଇଁ ଥାକିଛନ୍ ।      ॥୧୦୮॥

ଏକ ନକ୍ଷରେ ସଭେ ଦେଖନ୍ତୁ ତମର ଯିବାର ବାଟ  
ସେ'ନେ କଥା ବାର୍ତ୍ତା ହେଲେ ହେବା ହରିହାର ।

॥୧୦୯॥

ନାହିଁ ପଲାଉ ପର୍ସାଦ୍ ବେଳା ପଚାର ଉଚାର ଭିତ୍ତରେ  
ଆଜ୍ଞା ହଉ ପାହା ବଡ଼ାବାର ଲାଗି ଇତାର ଉତ୍ତରେ ।

॥୧୧୦॥

ଅଡ଼ା ଯୁଆଡ଼ି ଚାଳନ୍ତ ଜନକ୍ ସାଙ୍ଗେ ବିଶ୍ୱାମିତ୍ର  
ଭୁଜନି ପାଶେ ରାମ୍ ଚାଲୁଛନ୍ତ ଡେବ୍ରି ସଉମିତ୍ର ।

॥୧୧୧॥

ତାର ପଛକେ ମୁନି ମରଳା ଆର ମିଥୁଲାର ଜନ୍  
ପୁହୁଁଚିଲେ ଯାଇ ରାଜ୍ ମହଲେ ତରାସି ଆସେ ଜନ୍ ।

॥୧୧୨॥

ମୁନି କହନ୍ ମୁଦ୍ ଉପରକେ ବେଲ୍ ଆବଲାନ ରହୁ  
ବେଲ୍ହଉ ବସି ଛିନ୍ଦମା ବୁହେ ମିଥୁଲାନେ ଘି' ମହୁ ।

॥୧୧୩॥



## ପାଠକ-୨

### ସ୍ଵୟଂବର ସଭା କଥା

ବେଲ ଯାଉଛି ଖେଲିଲା ଲେଖେଁ ତରକେ ଜଳକି ଜଳକି  
ତର ତରାନ୍ତୁ ଖରା ଆସେ ବେଦୀ ତରାକେ ଛଳକି ।

॥୧॥

ଦୁଆଁ ଭାବେଁ ଗାଆନ୍ ମୁନି ମାଆଁର ନାଆଁ ନେଇ  
ଭୋଲ ହଇଛନ୍ ସଭା ସାରା ପୂରା ମନ୍ତ୍ରିତ୍ ଦେଇ ।

॥୨॥

ନମେଁ ମାଗୋ ! ପରମେଶ୍ଵରୀ ମାଆଁ ସାରା ସୃଷ୍ଟିର  
ନାଆଁ ଦିଅନ୍ ଭଗଦମାନେ ନିଜର ନିଜର ଦୃଷ୍ଟିର ।

॥୩॥

ପାଁତିବୁଡ଼ ତ ତୁଇଁ ମା ! ଯେ ଦେଖେ ଶିତି ଥିଁ  
ଶିତିର ଝି ମିତ୍ରି ଦିଶୁ ଚାହାକେ ଚାର ନାଦି ଥିଁ ।

॥୪॥

ସାଗର ସୁତା ତାର ଆଖିଁ ନଜର ଯାର ପାନି  
ତେଜ୍ଞିଜ୍ଞି ଲୋକ ତ ତତେ ଜ୍ୟୋତିର୍ମୟୀ ଜାନି ।

॥୫॥

ମରୁତ ଭିତ୍ରେଁ ଦେଖିଲେଁ ଆଉ ବାହୁୟୀ ତୁଇଁ ବାଣୀ  
ବ୍ୟୋମ୍ ଦରଶୀର ଲାଗି ତୁଇଁ ଶୂନ୍ୟ ସନାତନୀ ।

॥୬॥

ନାରାୟଣର ଶକ୍ତି ତୁଇଁ ମାଆଁ ନାରାୟଣୀ  
ବ୍ରହ୍ମ ଦରଶୀର ଲାଗି ଆଉ ତୁଇଁ ପରମ୍ ବ୍ରହ୍ମାଣୀ ।

॥୭॥

ଶିବର ଶକ୍ତି ଶିବା ମା ଶାନ୍ତ ଭାବେଁ ଶଙ୍କରୀ  
ପଲେ' ଥିଁ ଯାର ଲୟେ ତାର ତୁଇଁ ପର୍ଲକରୀ ।

॥୮॥

ଜୁଏ ଦେବତାର ଜଳନ୍ ଶକ୍ତି ଜଳର ଶୀତଲ ଭାବ  
ଗରୁଡ଼ ନଖତର ଗୁରୁକ ଖେଳୁ କିଏ ପାଏନ୍ନା ଥାବ ।

॥୯॥

କ୍ଷୀ

- ଧରତୀ ଦେବୀର ଝି ତୁଇଁ ସୁରୁୟ ଦେବତାର ବହ  
କାହାର କା'ଣା ନୁହୁ ମା ! ତୋର ମୁହେଁ ହେଲେଁ କହ । ॥୧୦॥
- ମୋର ଭିତରେ ତୁଇଁ ଅଛୁ ତୋର ଭିତରେ ମତେ  
ତୋର କରି ରଖତୁ ହେଲେଁ ବୋଝ୍ ହେତିଁ କାର୍ଯ୍ୟ ତତେ । ॥୧୧॥
- ତୋର ଭିତରେ ଥାଇ ଗାଏତିଁ ତୋର ଗୁନଗ୍ରାମ  
ମୋର ସରବସ ମୁଇଁ ପଶିଆଁର ମେଟି ଯାଏତା ନାମ । ॥୧୨॥
- ଶକ୍ତି ତୁଇଁ ପରକୃତି ତୁଇଁ ମୁନୁଷ୍ଟ ତୋର ବିନେ  
ମୁର୍ଦ୍ଦାର ହଇଁ ଥିସି ସବୁଠାନେ ସବୁଦିନେ । ॥୧୩॥
- ମିଥୁଲାର ଆଏ ଭାଏର ଉଷଦ୍ଧି ଆଏଇ ଉଦ୍‌କୁଛେ  
ଆନନ୍ଦ ମୂରତି ରାମକୁଁ ଦେଖୁ ଦୁଖର ଗୋଠ ବଦ୍‌କୁଛେ । ॥୧୪॥
- ଆଗୁଁ ଜନିର ଲୁକକୁଁ ଦିଶେ ସବୁ ଆତ୍ମା ଗୁଚେ  
ଦିହ ଦୁଇଖଣ୍ଡ ହାଡ଼ ରକତ ପକ୍ଷେ ମାଉଁସ୍ ପୁଚେ । ॥୧୫॥
- ଚରମ ରୂପ ଆତ୍ମାର ପରମ ଆତ୍ମା ଆତ୍ମାରାମ୍  
ଦେଖୁ ଜାନିଲା ଲୁକକୁଁ ଆଏଇ ସେନ୍ତା ଦିଶନ୍ ରାମ୍ । ॥୧୬॥
- ଦେହ-ଦଉଲର ଦେବତାକେ ଜନକ୍ ରଜା ଜାନିଛନ୍  
ପୁଠ ପରଜା ଦେଖୁନେବେ ମହା ସଉକେଁ ଆନିଛନ୍ । ॥୧୭॥
- କାହାକେ ଦିଶନ୍ ରାମ୍ କିଶୋର କୁମାର ରଜାପିଲା  
ସୁନ୍ଦର ବଏଲେଁ ଏଦ୍‌କି ସୁନ୍ଦର କେନେ କାହିଁ ଥିଲା ? ॥୧୮॥
- ଦିହ-ଲଲେହଇ ନାରୀ ମାନକୁଁ ଶୋଭା ସବୁର ଖଦାନ  
ଆନିର ବାନିର ମାଏନ୍ ମନ୍‌ସା ଇଏ ଆନ୍ ନ ନିଦାନ । ॥୧୯॥
- ସାରା ଜଗତ୍-ଜୀବନ୍-ନାରୀର ଇଏ ନ ପରମ୍ ପତି  
ଆଏଲା ଗଲା ଜଗତ୍ ଲାଗି ଆ'ନ୍ ଚରମ୍ ଗତି । ॥୨୦॥

- ଜନକ୍ ରଜାର ରାଜମହଲେଁ ବିରାଜି ଅଛନ୍ ଆସକ୍  
ରାମ୍ ରାମାନୁଜ୍, ଦଏବୀ ହେଲା କାଏଁ ସାହେୟ୍ । ॥୨୧॥
- ରାନୀ ଜାନି ସାନି ହଉଛନ୍ କାମ୍ ବାହାନାକେ ଆସି  
ନିଜର ଦାସ୍ ଓ ନିଜେଁ ନୁହନ୍ କାହିଁ ପାଏବେ ଦାସୀ ? ॥୨୨॥
- ରମା ନିଜେଁ ଲାଗି କରୁଛନ୍ କୁନୁଆଁ ମାନ୍କର ମାଏନ୍  
କେତେଁ ପାଏବେ ? ଆସକ୍ ପାଇଛନ୍ ସାରା ଶକ୍ତିର ଖାଏନ୍ । ॥୨୩॥
- ଖୁଆ ପିଆ ସରଳା ରାଏତ୍ ବଡ଼ି ବଡ଼ି ଆଉଛେ  
ଝୁମ୍‌ରା-ରାଏକ୍ ଝିକାରୀ ସୁରେଁ ପରଘାନୀ ଗାତ୍ ଗାଉଛେ । ॥୨୪॥
- ଏସନ୍‌କେ ଯିବେ ରକ୍ଷି ହାଇ ମାରିଁ ହେଲେ ବାହାର୍  
ରାମ୍ ଲକ୍ଷ୍ମଣ୍ ଗୁରୁ ପାଦ୍ ସେବାର୍ କାୟେଁ ତିଆର୍ । ॥୨୫॥
- ରକ୍ଷି କହନ୍ ‘ନାଇଁ’ ‘ନାଇଁ’ ନିଦ୍ ରାଏକର ରାନୀ  
ତୁମ୍‌କୁଁ ଘାଏ କୁଡାବାକେ ହଏ ଘାଟି ସାନି । ॥୨୬॥
- ତାର୍ କୋଡ୍‌କେ ଯାଇ କୁମାର୍ ଆଗୁଁ କର ଚୋଷ୍  
ଘିଷି ମାଜି ସାଉଁଟି ନେବା ବାଟ୍ ଚାଲବାର୍ ରୋଷ୍ । ॥୨୭॥
- ଚରେ ତାକେ ସକାଲ୍ ପାହେ ଉକିଆ ଆସେ ଚହଲି  
ନିଦ୍-ପିଞ୍ଜରୁଁ ଜୀବନ୍ ବାହାରି ଲଗେଇ ନେଲା ଗହଲି । ॥୨୮॥
- ସନ୍ ଦିନିଆଁ ସକାନ୍ କବାର୍ ବିଶ୍ୱାମିତ୍ର ସାରି  
ବସନ୍ ରାମ୍ ଲକ୍ଷ୍ମଣ୍ ଆସି ବସ୍‌ଲେ ମୁଡିଆ ମାରି । ॥୨୯॥
- ଆଶିଷ୍ ଦେଇ ଆଉଁସି ଆନୁଲେ ଦୁହି ଭାଇକର ଦେହେ  
ମହା ଆଦ୍‌ରେଁ ଦରଲି ନେଲେ ହୁରଦର ସଦ୍ ସେନେହେ । ॥୩୦॥
- ରକ୍ଷି କହନ୍ ହିଁସି ହିଁସି ମିଥୁଲାର୍ କଥା ଘାଏ  
ଉଷତ୍ ହଇଁ ମନ୍‌ଚିତ୍ ଦେଇ ଶୁନନ୍ ଦୁହି ଭାଏ । ॥୩୧॥



ଧରଲୁ ବିରଲୁ ଦେଶ୍ ମିଥୁଲା, ଚାଷ୍ଟି ଲୁକରୁ ଚୁରୁତି ଆଲିସ୍ ନାଲି କାଲୁ କାଲୁ ଧରି ମନ୍ ମମକରୁ ପୁରୁତି ।	॥୧୩୨॥
ଡଙ୍ଗରୁ ଭାଟି ତୁଲି ବନାସନ୍ ନଙ୍ଗଲୁ ଧତ ଚାଷ୍ଟି ଭୁଇଁ ଗରୁଭୁଁ ଲକ୍ଷ୍ମୀର ଜନମ୍ ହେସି ବାରମାସ୍ ।	୧୩୩॥
ଧାରା ଶରାବନ୍ କନ୍କନି ଶୀତ୍ ରଠଖରା ନାଲି ମାନି ଦିହୁକେ ସର୍ପି ମନ୍ ଅରୁପି ଆନନ୍ ଫସଲୁ ଛାନି ।	୧୩୪॥
ଦିହୁଟା ନୁହେ ବଡ଼ ଇତାକୁଁ ସଭେ ଆତମ୍ ଦରଶୀ ହେଥୁରୁ ଲାଗି ବିଦେହ ଦେଶ୍ ବଲି ନାଆଁ ପରସି ।	୧୩୫॥
ଦିହରୁ ଦୁଖେଁ ନିଘା ନାଲି ମନ୍ ସୁଖେଁ ଅଘଉଛନ୍ ମରୁଟେଁ ଥାଇଁ ସରରୁ ଆଡ଼କେ ଅନୁଖନ୍ ଅଗଉଛନ୍ ।	୧୩୬॥
ରଜା ପରଜା ଗୁଟେ କଟେଁ କାଟ ନଉଛନ୍ ଦିନ୍ ହାନ୍ ନୁହେ କାହାରି କବାରୁ ମନ୍ନୁହେ କା'ରୁ ଦୀନ୍ ।	॥୧୩୭॥
ପରଜାରୁ ଅନ୍ତରୁ ପାଏବେ ରଜା ଧରନ୍ ନଙ୍ଗଲୁ ହଜାଇ ନେସନ୍ ନିଜକେ ରଜା ଖୁଜିଁ ପରଜାରୁ ମଙ୍ଗଲୁ ।	॥୧୩୮॥
ଘରୁ ଦୁଆରାରୁ ଆଚାରୁ ବେଭାରୁ ରଖିରୁ ରକମ୍ ବିଚାରୁ ଦୁରୁଦଶା ନାଲି ପରଜାରୁ, ନାଲି ରଜାରୁ ଅତ୍ୟାଚାରୁ ।	॥୧୩୯॥
ବାହା ବର୍କସି ନାଲି ଚଲେ ନାଲିନ ବଦମାସି ରାବଣ୍ ବାଶାସୁରୁ ବାଗିରୁ ଲୋକ୍ ଡରୋଁ ପଲାସି ।	॥୧୪୦॥
ନଙ୍ଗଲୁ ଗାରରୁ କମାନିନେ ନାଲିନ ବେଇମାନି ଲୁଟ୍ ବା କିଏ ରଜା ପରଜାରୁ ଯୋଟକେ ନାଲି ମାନି ।	॥୧୪୧॥
ଯେ ଯେନ୍ତା ଜାନ୍ସି କରସି ଦେ' ଦେବୁଡାରୁ ପୂଜା ପୂଜାରୁ ପରକାରୁ ନେଇ ନାଲି କାହିଁ ଲତା ଯୁଟା ।	॥୧୪୨॥

ଗରିବ୍ ନାଏନ୍ ବିଲକୁଲ୍, ନାଇଁ କେଡ଼ି କେତେ ଧନୀ  
ଯେ ଯେନ୍ତା କହେସି ଥୁସି ସେନ୍ତା ତାରୁ କରନି ।

॥୪୩॥

ଜନ୍ କଏଲାନକାରୀ ଜନକ୍ ପୁହୁଁତି ଆଏଲେ ସେନକେ  
ଦେଖୁ ହେସି ଲେଖୁ ନୁହେ ମାଏନ୍ ଲେନ୍ ଦେନକେ ।

॥୪୪॥

ଆଏଖୁ ମିଟ୍ଟକା ପରେ ନାଇଁ ରଜା ଦେଖୁଁ ରାମ୍  
ଯେତେ ଦେଖିଲେ ବି ନାଇଁ ଅଟ୍ଟକେ ସେ ଦେଖିବାରୁ କାମ୍ ।

॥୪୫॥

ବାଟ୍ ଦୁଆରେଁ ଦେଖନ୍ ଜମା ଠାଡ଼ ପଟୁଆ ଲୋକ୍  
ରାମ୍‌କୁଁ ଦେଖୁଁ ମେଟେଇ ନେବେ ଆଖିର ଆଖିରି ଭୋକ୍ ।

॥୪୬॥

ସରୁଦିନେ ତ ପରଜା ଛାଡ଼ିଁ ନାଇଁ କରି କିଛି ଭୋଗ୍  
ଆଏକ୍ କାଁ କରି ଛାଡ଼ବେ ଯେବେଁ ଯୁଟି ଯାଇଛେ ଯୋଗ୍ ।

॥୪୭॥

ରାମ୍‌ନେ ଅଛେ ଯେନ୍ ଅସରା ପସରା ସୁନ୍ଦରାପନରୁ  
ମୁଇଁ ତ ଦେଖେଁ ସାପୁଲ୍ ହଉ ଆଏଖୁ ମିଥଲା ଜନର ।

॥୪୮॥

ଦୁହି ଭାଇକୁଁ ଦେଖୁ କହନ୍ “ବାପା ମାନେ! ତୁମରୁ  
ପାହା ଧୁଏଲ୍ କେ ପାଏବାରୁ କେ ଆଶୁ ଅଛେ ଆମର ।

॥୪୯॥

ରି ମିଥୁଲା ଜାଗା, ଘାଏ ନାଇଁ ଆଏତ ବୁଲି ?  
ଦେଖୁତ କୁକରୁ ତାଲି ଚଲନ୍ ଶୁନ୍ ତ ବାରୁତା ବୁଲି ।”

॥୫୦॥

ଏଡ଼କି ଶୁନି ଗୁରୁ ମୁହଁକେ ଦେଖିଲେ ଦୁଇ ଭାଏ  
ମୁନି କହେଲେ ‘ଯ’ ଦି ଯେ କିନ୍‌ରୁଁ ଆଏବ ଘାଏ’ ।

॥୫୧॥

ସୟଂବରୁ ସଭା ଯିମା ବିଲମ୍ କରବ ନାଇଁ  
ଶିବ୍‌ଧୁନକେ ଦେଖିମା ବଲିଁ ଆଇଛୁଁ ପରେ ଧାଇଁ ।

॥୫୨॥

ଏଡ଼କି ଶୁନି ରାମ୍ ଲକ୍ଷ୍ମଣ ରାଜ ତାଡ଼ନ ଠିଆ  
ତୁଁତି ହେଲେ ଲୋକ ଶ’ଶ’ ଯୁହାରୁ ଦିଆନିଆ ।

॥୫୩॥

ସମ୍ବନ୍ଧିଆ ସାଜ୍ ସରସିଆ ପିଲା ଗୁହୁଡ଼ା ଆସି  
 କଢେଇ ବୁଲନ୍ ଖୁସଲକେ ଖୁସଲ ଉଷର ସାରରେ ଭାସି ।      ॥୫୪॥

କେ ମିଶିଁ ଯାଏ ଘିଷିହଇଁ ତାମ୍ବି ଦେଖେ ଦିହ  
 ଆଖିର ହାତେ ଅତାଳି ଆନ୍ଦ୍ର ସୁନ୍ଦର ପନର ନିହ ।      ॥୫୫॥

ରାମ୍ ଦେଖୁଛନ୍ ଆଶ୍ରିୟ ହଇଁ ସମାନ୍ ଘରବାରୀ  
 କେନ୍ଦ୍ରା ରଜାର କେନ୍ଦ୍ରା ପ୍ରଜାର ନାଇଁ ହେବାର ବା'ରି ।      ॥୫୬॥

ରାଜ୍ ତାଉଁନେ ସଭେ ହାଜର ଭିତରେ ନାଏନଂ କିହେ  
 କିଏ ରହେବା ? ସୁନ୍ଦର ପନ୍ ତ ମୂରତି ଧରି ନିଏ ।      ॥୫୭॥

ସହର ସାରା ଦେଖୁ ନିଅନ୍ ଛାଡ଼ି ନାରୀ ମୁହଁ  
 ନାରୀ କହନ୍ ଆମେମାନେ ଭାବଗବାନୀ ତ ନୁହଁ ।      ॥୫୮॥

ରାମ୍ ଲକ୍ଷ୍ମଣ ଗଲା ପରେ ଜନକ୍ ଜଉଣିକ୍ ହୁହେ  
 ତାକର ତାକର କଥା ବାରତା ଗହେରୁଁ ଗହେର ହୁ' ।      ॥୫୯॥

ଜନକ୍ କହନ୍ ଜନମ୍ ସାରା ଯେନ୍ ରୂପ୍ ଥୁଲି ସିତି  
 ରାମ୍କୁ ଦେଖିଲା ବେଳୁଁ ତାହା ହୁରଦେଁ ଯାଏ ରିତି ।      ॥୬୦॥

କଲପନାକେ କଲବଲ୍ କରି ଲେଖୁଥିଲିଁ ଯେନ୍ ରୂପ୍  
 ରାମ୍କୁ ଦେଖୁ ଚେରେଷା ସବୁ ପତି ଗଲେ ନ ହୁପ୍ ।      ॥୬୧॥

ଦିହର ବପୁ ମନର ବଲ୍ ଦେଖିବାରକେ ଯୁଖୁ  
 ରଖା ହଜଛେ ଶିବର ଧନୁ ପନର ଲେଖେଁ ଉଖୁ ।      ॥୬୨॥

ସୀତା ପାଏବାର ଲୋଭ୍ ସାଙ୍ଗେଁ ବପୁର ଅଭିମାନ୍  
 ନେଇଁ ଆଏଲେ ବାଣା ରାବଣ୍ ପାଏଲେ ଅପମାନ୍ ।      ॥୬୩॥

କା'ଣା କହେମି ତୁମକୁଁ ରଖି ! ତୁମେ ସବୁ ଜାନ୍ଅ  
 ତୁମେ ବି ତ ସବୁ ଦିହେଁ ମହାପୁ ଥିବାର ମାନ୍ଅ ।      ॥୬୪॥

ସତ୍ତ୍ୱେ ସତ୍ତ୍ୱ ସାତାର ନେ ମୋର, ପରକୃତି ହସ ଦୁରୁଣ  
ପାଏବା ସର୍ଥେ ଆଏବା ଯଦ୍ୱି କେତେ ପରମ୍ ପୁରୁଷ । ॥୨୫॥

ପରମ୍ ପୁରୁଷ ବାଆରିଦାକେ ଅଛେ ଶିବର ଧୁନ  
ପାଏବା ସାତା ଯେ ପାର୍ବବା ଚଢ଼େଇ ତାହି ଗୁନ । ॥୨୬॥

ସମିଆ ହେଲା ରକ୍ଷି ଏତକେ ଯଜ୍ଞ ଠାନ୍ଦକେ ଯିମା  
ଉଦ୍‌ବେଗ୍ ଲାଗେ ଗୁନ୍ ଦେଇ କେ ନେବା ସାତାର ଜିମା । ॥୨୭॥

ରଜା ରକ୍ଷି କୁନୁଆଁ ମଏତର ସମକୁ ଦେଖିଁ ଘାଏ  
ମନାଗୁନା ନାମ୍ ବଦନାମ୍ ନିଜର ହିଁ ତ ଥାଏ । ॥୨୮॥

ଦୁହି ଭାଇକୁ ଧରି ଆଏବ ପଠେଇ ନଉଲେ ରଥ  
ରଜା ପିଲା ଆ'ନ୍ ଖଥୁବେ ଧୁନେ ସାମ୍‌ରଥ । ॥୨୯॥

ବିଶ୍ୱାମିତ୍ର କହନ୍ ଇ ପାହେ ବାଟର ଲାଗି  
ରଥ ଜରୁରତ୍ ନାଇଁ ଚାଲି ଚାଲି ଯିମୁଁ ଭାଗି । ॥୩୦॥

ଦିହନା ଏକେ ରଥଟେ ଆଏ ତାହାକେ କେନ୍ ରଥେଁ  
ଯୁଦ୍ଧେ ନ ଯିମୁଁ ଯଜ୍ଞନିକେ ଦରକାର ନାଇଁ ସତେଁ । ॥୩୧॥

ପୁଲକିଳାମନ୍ ଜନକ୍ ରଜାର ଗଲେ ମୁଲକି ହିଁସି  
ଦୁହି ଭାଇ ଆସି କଉଶିକ୍ ପାଶେଁ ଗଲେ ବସି । ॥୩୨॥

ରକ୍ଷି କହେଲେ “ବାହାର ବାବୁ ! ଯିମା ସଭାଠାନ୍ଦକେ  
ଦେଖିମା ହେଲେଁ ଶିବ ଧନୁନେ ରଜାମାନ୍ଦକର ଚାନ୍ଦକେ । ॥୩୩॥

ସୟଂବରର ଆତଂବରକେ କେନ ହେବା କହି  
ଦେଖନ ହାରାର ଆର୍ଷଣ୍ ଯାହିଁ ଦେଖେ ଯାଏରହି । ॥୩୪॥

ମୁନି ଲାଗି କୁଶେଁ ଦୁନି ପକା ହଇଛେ ଆସନ୍  
ତପ୍-ସରବସ ରକ୍ଷି ଆସି ହରଷ ମନେ ବସନ । ॥୩୫॥

- ରଜା ପରଜା ସମ୍ବନ୍ଧେ ଲାଗିଁ ସଜା ହଇଛେ ଠାନ୍  
କାହାରି ଲାଗି ବଡ଼ ନୁହେ କି କାହାରି ଲାଗି ସାନ୍ ।      ॥୭୬॥
- ଶିବ୍ ଧୁନ୍ ଯେନ୍ ଥୁଆ ହଇଛେ ମରା ହଇଛେ ମଚା  
ଯେ ଯେନ୍ଠାନ୍ନେ ବସିଥିଲେଁ ବି ଦିଶୁଥିବା ପଛାଁ ।      ॥୭୭॥
- ବା'ରି ହଉଛେ ନାରୀ ମାନ୍ଦକର ବସି ଦେଖିବାର୍ ଠାନ୍  
ସଜା ତାହିଁ ମୋତି ହୀରାନୀଳା ରତନ୍ ମାନ୍ ।      ॥୭୮॥
- ସେ'ନ୍ନୁ ଦିଶିବା ସଭାର୍ ସବୁ ତାହାକୁଁ ରୁହେ ଦେଖୁ  
କେତେ ସୁନ୍ଦର କେନ୍ କଲମେ ହେବା ହେଲେଁ ଲେଖୁ ।      ॥୭୯॥
- ଭିନ୍ ବ୍ୟସର ନାରୀମାନେ ସିତି ଚଢ଼ି ଯାଉଛନ୍  
ଦେଖନ୍ ହାରୀ ଆର୍ଦ୍ରମାନେ ତଲ୍ ଉପର ହଉଛନ୍ ।      ॥୮୦॥
- ପରୀ ହାରିଯିବା ବାଗିର ସୁନ୍ଦର ସବୁ ନାରୀ  
ସେଥିଁ କିଏ ଭାବଲ୍ ଥିବେ ସୀତା ନୁହେ ବା'ରି ।      ॥୮୧॥
- ଘେରି ରହିଛନ୍ ସଖୀ ଚାରି ପାଖେଁ ଆଏଲେ ସୀତା  
ବାକି କଥା ଛାଡ଼ ହୀରା ସୁନା ପଡ଼ିବେ ଶିଠା ।      ॥୮୨॥
- ଛାଆନିକେ ନାହିଁ ପଶୁନ୍ନୁ ବେଲର ଧାସ୍ ପାଇ  
ଝଲମଲାଳା ସଭା ବିଜୁଲି ଗଲା ଲେଖେଁ ଛାଇ ।      ॥୮୩॥
- ବଡ଼ ଭାଗିଆ ରଜା ମାନ୍ଦକର ଚେହେରା ଗଲା ଉଡ଼ରି  
ଧୁନ୍ଦର କଥା ଶୁନି ଆଗୋ ମନ୍ଦମାନ୍ ଥିଲା ବୁଡ଼ରି ।      ॥୮୪॥
- ଜାନ୍ଦଲା ଗୁନ୍ଦଲା ଲୋକ୍ ଭାବଲେ ଆଏ ଜଗତ୍-ଶିବ୍ତି  
ହଇଲେ ନିଜେଁ ଉଜୁରିଁ ଗଲା ନିଜର ନିଲଜ୍ ବଡ଼ତି ।      ॥୮୫॥
- ରୁପ୍ ଲଲିହିଆ ରଜାମାନ୍ଦକର ଥିଏଁ ପରଲା ଲାଲ୍  
ଏତା ସୁନ୍ଦର ଦେଖାନାହିଁ, ନାହିଁ ଶୁନି କେନ୍ କାଲ୍ ।      ॥୮୬॥

ପାଏବାକେ ଜୀବନ୍ ଯଦ୍ରି ଯିବା ହେଲେଁ ଯାଉ ରୂପ-ପୂଜାନେ ଜାନ୍ ଗୁଆଁବାର୍ କଥା ରହି ଥାଉ ।	॥୮୭॥
ଦେଖତେ ସାଏର୍ କେତେ ରଜାର୍ ଜାଜାଲ୍ ଯାଏ ପତି ଆଶାର୍ ଗଛେଁ ଧଏଲା କର୍ଷିଁ ବଖାଲିଁ ଗଲା ଝଡ଼ି ।	॥୮୮॥
ଗିଆନୀ ଧୁଆନୀ ମୁନିମାନେ ରହେଲେ ହାତ୍-ଯୁଡ଼ି ଦେଖଲା ରୂପକେ ସାଆଁଟିବାକେ ସାଜନ୍ ହୁରୁଦ୍-ଝୁଡ଼ି ।	॥୮୯॥
ସୀତା ସମକୁଁ ଅବଶ୍ କରି ଆବ୍ରି ନେଲେ ଆସନ୍ ରଜା ମାନ୍କର ରୁଧ୍ ବେଉସା ନାଇଁ ମାନ୍ଲା ଶାସନ୍ ।	॥୯୦॥
ରଜାମାନେଁ ମନ୍ ଭିଡ଼ରେଁ ହଇ ଯାଉଥାନ୍ ଆଉଟି ରାମ୍ ପୁହୁଟି ମନ୍ଦିଡ଼ି ସବୁ ସାଏଁନ୍ ନେଲେ ସାଉଟି ।	॥୯୧॥
ବିଶ୍ୱାମିତ୍ର ରାମ୍ ଲକ୍ଷ୍ମଣ୍ ସଭାଠାନେ ଉଭା ମରତ ପାଶ୍ରିନେଲେ ଦେଖୁଁ ମୁରତି ମନ୍ଲୁଭା ।	॥୯୨॥
ମୁନି-ମନ୍-ସମୁଦରନେ ଉଛୁଲିଁ ଆଏଲା ଜୁଆର୍ ମନ୍ ଭିଡ଼ରେଁ ସନ୍ମାନ୍ନେ ସଭେ କଲେ ଯୁହାର୍ ।	॥୯୩॥
ରଜାମାନ୍କର ସାଙ୍ଗେଁ ସମ୍ବର ନଜର ହଇଁ ଏକ୍ ରାମ୍-ରୂପନେ ଗୁଲେଇଁ ହେଲା ଘୁଲେଇଁ ଗଲା ଟେକ୍ ।	॥୯୪॥
ସୁନ୍ଦରପନର ସାଙ୍ଗେଁ ଖେଟିଁ ହଇଛେ ଅଜେ ଅଜେଁ କେତେ ଯେ ବଲ୍ କିଏ କଲ୍ବା ଦିହର ଶାମଲ୍ ରଜେଁ ।	॥୯୫॥
ରାମ୍-ଲକ୍ଷ୍ମଣ୍ ଆଖ୍ ପାଖ୍ ମଝିଁ କଉଶିକ୍ ବାବା ଆସ୍ତେ ସାଏର୍ ଦେଖ୍ ଦେଖନ୍ହାରୀ ହେଲେ କାକା ।	॥୯୬॥
ନାରୀ ବସ୍ବାର୍ ମତା ଉପରୁଁ ଶ'ଶ' ଯୁଡ଼ି ଆଏଁଖ୍ ରାମ୍ ଆଡ଼କେ ଉଡ଼ିଁ ଆଏଲେ ବାଁଧୁଲା ବାଗିର ପଏଁଖ୍ ।	॥୯୭॥



ବଛା ବଛା ବୀର୍ ଆସିଁ ପଛା ପଛ ସରୁଛନ୍	॥ ୧୦୯ ॥
ବାକି ଯାହା ଅଛନ୍ ଆଏବାର କାୟେଁ ଅପସରୁଛନ୍ ।	॥ ୧୧୦ ॥
ସଖୀମାନେ କହନ୍ ଯେ ରାମକୁଁ ପାରନ୍ ଦେଖୁ ଜେମା କପାଳେଁ ଈଏ ପରେ ହଇଥିତେ ଲେଖୁ ।	॥ ୧୧୧ ॥
କାଁ କରବ ରଜା ଆମର ଶିବ୍ ଧନୁ ପନ୍ ରଖୁ ବିଗଡ଼େଇ ନେଲେ କହେ ଜନ୍ଏ ଆର ଜନ୍ଏକେ ସଖୁ ।	॥ ୧୧୨ ॥
ଏତେ କଅଁଳି ବଏସେଁ ପାଆଁଳି ଥିବା ହେତେ ବଲୁ ? ଧୁନ୍କେ ଗୁନ୍ ବଡ଼ାଲେଁ ଯାଇ ? ରୁପ୍ ତ ପରବଲୁ ।	॥ ୧୧୩ ॥
ମୋର ବଲେଁ ମୁଇଁ ଈ ପିଲାଣେ ଜେମା ଦେଇ ସିପି କୁଆଁରୀ ହଇଁ ଯାପୁଟିଁ ଜୀବନ୍ ଯୁଗଲ୍ ରୁପ୍ -ଜପିଁ ।	॥ ୧୧୪ ॥
ମେଛା ତାମଡ଼ି କେ ଆଏଲେଁ ଧୁନର ପାଶକେ ପାଶକେ ସଖୁମାନେ ହସନ୍ କହିଁ ଦେଖୁତ ଇତାର ଆଶକେ ।	॥ ୧୧୫ ॥
କେ କହେ ମା ଧରତି ! ଜୁଏଁ କରୁରୁ କାଁ, ଈତାକେ ଜୀବତି ଧରି ଥା ଧୁନ୍କେ ନାଇଁ ଛାଡ଼ନ୍ ପୁତାକେ ।	॥ ୧୧୬ ॥
ଧନୁର ପାଶୁଁ ପିରିପିରି ରଜା ଗଲେ ନ ସରି ହାଏ ! ଈନ ବୀର୍ ନାଏଁନ ସୀତାର ସମ୍ ସରି ।	॥ ୧୧୭ ॥
ଲାଜେଁ ସରମେ ରଜାମାନେ ସରମି ହେଲେ ମଉନ୍ ବଲବାନ୍ ଯେ ଭାବନ୍ ନିଜକେ ହଇଁ ଗଲେ ନିଉନ୍ ।	॥ ୧୧୮ ॥
ବାଲମିକୀ ଦେଖୁ ବେଲ୍ ବୁଡ଼ିଆ ଖରାର ଲାଲିଆ ରଙ୍ଗ କହେଲେ ଏଇଁନି ଏଡ଼କେଁ ଈ ସଭା କରମା ଭଙ୍ଗ ।	॥ ୧୧୯ ॥
ଈନୁ ଈଆଡ଼େ ଯାହା ହେଲା କାଲିର ସକାଲ୍ ବେଲେଁ କଥା ବାରତା ହେମା ବାବା ! ରାମ୍ବର ଦୟା ହେଲେଁ ।	॥ ୧୨୦ ॥





# ପାଉଚ-୩

## ଶିବ୍ ଧନୁ ଭଙ୍ଗ

- ମଙ୍ଗଲ ଆଲତି ସଲା ସରି ପୂଜା ଉପଚାର  
ବାଲମିକୀ ରଷି ରାମେନ୍ କହେବେ କରୁଛନ୍ ବିଚାର । ॥୧॥
- ଦେଖଲେ ଆଜିର ମୁନି କୁମାରୀ ଭିଲେଁ ନାଏଁନ ସୀତା  
ସେ ଦିର କାଁ କରି ସାରା ସତା ଦିଶୁଛେ ଶିଠା । ॥୨॥
- କାଁ ହେଲା ମା' ନାଜ୍ ଆସଲେ ଖାଁର ମୁନି ମନ୍  
ସତାଲା କାଏଁ ସତେଁ ମା'ର ସୟଂବର ବର୍ଣ୍ଣନ୍ । ॥୩॥
- ପୁଓ ଆଗେଁ ମା'ର ବିହାର କଥା ପରବା ଜାନି  
ମା' ମୋର କାଏଁ ନାଜ୍ ଆସଲା ଶଉଚା ଚାରୁ ମାନି । ॥୪॥
- ରୁଡ଼ା ହଜ୍ ବି ସୋଜ କଥାକେ ନାଜ୍ ପାରଲିଁ ଭାବି  
ଜଗତ୍ ମାତା ମା'ର ନ ମୋର ସବୁ ଘରର ଚାବି । ॥୫॥
- ଉଚିତ୍ ଚିତ୍ ଦେଖ ବାବାର କୁଶ କହେଲା ଯାଇ  
ସୟଂବର କଥା ଶୁନ୍ଦେ ସଭେ ରହିଛନ୍ ଚାହିଁ । ॥୬॥
- କୁଶର କଥା ଶୁନି ରଷି କହେଲେ “ଓମ୍ ରାମ୍ !  
ସମକର ରାମ୍ ଶବଦ୍ ମିଶି ଘୁମ୍ରିଲା ସେଠାନ୍ । ॥୭॥
- ରଷି କହେଲେ ନାଜ୍ ସରନ୍ ସୀତା ସୟଂବର  
ଶୁନିଥିଲ ଶୁନ୍ ହଇଥିଲା ରଜା ଆଡ଼ମ୍ବର । ॥୮॥
- କିହେ ନାଜ୍ ଆସଲେ ଯହୁଁ ଶିବ୍ ଧନୁର ପାଶକେ  
କେ ଜାନିଥିଲା ଏଡ଼ା ଡ଼ଙ୍ଗେଁ ଭାଙ୍ଗେ ସଭାର ଆଶକେ । ॥୯॥

- ଧୀର ଭାବେ କହେଲେ ଜନକ୍ ବୀର ଶୁଭନ୍ କାଏଁ ମହୀ  
କହେବାର କେ ଲାଜ୍ ଶୁନ୍‌ଲେ ନାହିଁ ହଏ ସହି । ॥୧୦॥
- ଜାନିଥିଲେ ଏତା କାଏଁ ମାନିଥିଲେ ପନ୍  
ବୁରଥା ମୋର ଆଶ୍ ବିଶ୍ୱାସ୍ ସୀତାର ସୁନ୍ଦର ପନ୍ । ॥୧୧॥
- ଏତକି ଶୁନି ଲକ୍ଷ୍ମଣ୍ ତଦକ୍ଷଣ୍ ଉଠିଲେ ଚମକି  
ସଭାକେ ମାନି ଚାନି ଘାନି କଥା କହନ୍ ଚନ୍ଦକି । ॥୧୨॥
- ସୁରୁୟ୍ କୁଲର ସୁରୁ ଛୁଆଟେ ଥିଲେ ଧରଣୀ ମାତା  
ବୀର ଶୁନ୍ ନୁହେ, ଆଏଇ ତ ଅଛନ୍ ରାମ୍ ସାମରଥା । ॥୧୩॥
- ସୁରୁୟ୍ କୁଲର ସୁରୁୟ୍ ଆଦେଶ୍ ଦେଲେ ଶିବ୍‌ଧୁନ୍  
ଗୁନ୍ ଚଢ଼ାବାର ଛାର ଭାଜି କରମି ନୁହ୍ ତୁନ୍ । ॥୧୪॥
- ରାମ୍ ଅଲପର ହୁସି ହାତେ ଲକ୍ଷ୍ମଣ୍‌କେ ଦାବଲେ  
କଉଶିକକୁ ଦେଖ୍ କା'ଣା କରି ହେସି ଡାବଲେ । ॥୧୫॥
- ବିଶ୍ୱାମିତ୍ର କହେଲେ ବାରୁ ! ବିଶ୍ୱେଁ ଈ ଧୁନ୍‌କେ  
ତୁମକୁଁ ଛାଡ଼ି କେ ପାରବା ଚଢ଼େଇ ତାର୍ ଗୁନ୍‌କେ । ॥୧୬॥
- ନିର୍ଗୁନ୍ ହିଁ ଗୁନ୍ ଚଢ଼ାବା ଗୁନ୍ ଗୁନାଲେ ରଖି  
ଇଶ୍ୱର ଇଚ୍ଛା ବିଶ୍ୱର ମଜଲ୍ ଜାନିହେଲେ ଖୁସି । ॥୧୭॥
- ଗୁରୁ ପାଦେଁ ହୁରୁଦ୍ ଭରି କରି ନମସ୍କାର୍  
ରାମ୍ ଉଠିଲେ ସାମନେ ହାତ୍ ଯୁଡ଼ି ବାଟଂସାର୍ । ॥୧୮॥
- ହସି ହସି ଦଶି ଦିଗକେ କରି କରି ଯୁହା  
ଶିବ୍ ଧନୁର ମତ୍ ଆଡ଼କେ ଧୀରେ ହେଲେ ବାହାର୍ । ॥୧୯॥
- ଆନନ୍ ମୁରତି ଧରଣୀ ଉପରେଁ ପକଉନ୍ ଗାହେ ପାହେ  
କଦମେ କଦମେ ପଦମ୍ ପୁଲ୍ ପୁଟି ପୁଟି ଯାଏ । ॥୨୦॥

ସାଦା ସାଧାରଣ ଲୁକର ମୁହଁ ବାହାରେ କାହାରି ଲୋକ ଭିତରେ ଲୁକିଥିଲା ତେଜ୍ ନୁହୁଥାଇଁ ବାଆରି ।	॥୨୧॥
ଇ ହୁଏ ହୁଏ ମୁହଁ ଏଡ଼ି ତେଜ୍ ଏଡ଼େ ସୁନ୍ଦର କିହେ କାହିଁ କେଉଁ ଦେଖିନାହିଁ ଜୀବନ୍ ଭର ।	॥୨୨॥
ଦେଖନ୍ ରକ୍ଷି ମୁନି ଯୋଗୀ ତପୀ ଯତି-ବରତୀ ଜଗତ୍ ଯାକର ଯେତେ ଜ୍ୟୋତି ହଇଛେ ଗୁଚେ ମୂରତି ।	॥୨୩॥
ନାରୀମାନଙ୍କର ନଜରମାନେ ନାଇଁ ପାରନ୍ ନାରି ସୁନ୍ଦର ବଏଲେଁ ଇଏ ନ ସୁନ୍ଦର ସହଜେଁ ହୁଅନ୍ ବାରି ।	॥୨୪॥
ସୁନୟନା ରାନୀ ନୟନ୍ ମାତୁରେଁ ସାର୍ ଯ ।'ର ରୂପ ଅବିର୍ଯ୍ୟା ହଇଁ କହନ୍ ଆର୍ଷ୍ଣ ଥିତା କାଏଁ ଆର ।	॥୨୫॥
ମତ୍ତାଠାନେ ପୁହୁଁଚି ଧୁନୁକେ କରି ନମସ୍କାର ଶକ୍ତି ସୁମୁଁ ତୁରତି ନଜର ଗଲା ଉପର ପାର ।	॥୨୬॥
ସାତା-ବଜର-ନଜର ସାଜେଁ ହେଲା ମିଶାମିଶି ଅଦୃଶ୍ ଉନିଆଁ ମାନୁକୁଁ ଖାଲି ଦୁହେ ଦୁହିଁକୁଁ ଦିଶି ।	॥୨୭॥
ନଜରେଁ ନଜରେଁ ମନ୍ ଆତ୍ମା ହଇଁଗଲେ ଗୁଚେ ନିଜର ନିଜର ଏକତା ଭାବ୍ ସହଜେଁ କ୍ଷୀର୍ ଗୁଚେ ।	॥୨୮॥
ନିର୍ଗୁନ୍ ନିରାକର ପରମ୍ ପୁରୁଷ ଚରମ୍ ଶକ୍ତି ଉଡ଼ି ଆଇଛନ୍ ମରତ୍ ଭୁଇଁ ନେଇ ମଧୁର ମୂରତି ।	॥୨୯॥
ଶକ୍ତିମୟୀର ଶକ୍ତି ଆସି ମିଶେ ପରମ୍ ପୁରୁଷେଁ ଦେଖନ୍ ହାରୀର ମନର ବଲ୍ ତାହିଁ ମିଶେ ହରଷେଁ ।	॥୩୦॥
କୁଶେର ତାଜେ ଧବଳା ବାଗିର ଧୁନ୍ ଧବଳେ ରାମ୍ ତାଲି ପରଲା ଦାରି ଦିଗୁଁ ଦୁଲକେ ସଭା ଠାନ୍ ।	॥୩୧॥

ଗୁଡ଼େ ପାଖକେ ତଳେଁ ଜାକି ଆର ପାଖକେ ଧରି  
ଗୁନ୍ ଲଗଉନ୍ ଧୁନ୍ ଭାଙ୍ଗଲା ମହାନ୍ ଶବ୍ଦ କରି ।

॥୩୨॥

ସେ ଶବ୍ଦେଁ ସଭା ସାରା ଜବ୍ଦେଁ ଗଲେ ଚମକିଁ  
ଆକାଶ ପାତାଳ ପୂର୍ଥୀ ତଳ ଘାଏକେଁ ଗଲା ଧମକିଁ ।

॥୩୩॥

ନିର୍ଗୁନ୍ ନିରାକାର ଦୁହେ ଧନୁର ଦୁହି କୁଟି  
ଗୁନ୍ ଚଢ଼ୁନ୍ ସଗୁନ୍ ସାକାର ପୁରୁଷ ପରକୁଟି ।

॥୩୪॥

ଜଏ ରାମ୍ ଜଏ ସୀତା ଜଏ ଜଏ ସୀତାରାମ୍  
ହରିବୋଲ୍ ହୁଲ୍‌ହୁଲି ପରେ ଉଇଲେ ମିଥିଲା ଧାମ୍ ।

॥୩୫॥

ରଷି ମୁନିକର ବେଦ୍ ମନ୍ତରେଁ ସଭା ଗଲା ଝଙ୍କରି  
ପୁଲ୍‌କିଁ ଗଲେ, ପୁରବାସୀକର ରୁଆଁ ଗଲା ଟାଙ୍କରି ।

॥୩୬॥

ପାଶର ପାଶର ଗଛେଁ ଯେତେ ଫୁଟିଥିଲା ଫୁଲ୍  
ଦେ ଦେବତାର ଆଶିଷ୍ ମେତାଲ୍ ଗରେଇଁ ହେଲେ କୁଲ୍ ।

॥୩୭॥

ସରମେ ସରମେ ଉଲ୍‌ମି ଗଲା ରଜା ମାନକର ମୁହଁ  
ରୂପ୍-ଜଗତର ଜିତା ସୀତାର ଲାଏକ୍ ଆମେ ନୁହଁ ।

॥୩୮॥

ଧୁନ୍ ଭାଙ୍ଗବାର ସାଜେଁ ଭାଙ୍ଗଲା ରାଜାମାନକର ମାନ୍  
ଜନକ୍ ରଜାର୍ ଡର ଭୟେ ଉଲ୍‌ଟିଆ ଅନ୍‌ମାନ୍ ।

॥୩୯॥

କେତେ ଢଙ୍ଗର ବଜା ବାଜଲା ନାର୍ ତେହେଁରୁ ଜିତି  
ଥୁଟିଁ ବଏଲେଁ ସେନେ, ବରୁନି ପାର୍ଟିଁ ସେ ଥୁଟି ।

॥୪୦॥

ଜନ୍ ଯେନ୍ତା ଜନକ୍ ଜେମା ବରନ୍ ମାଲା ଧରି  
ରାମ୍‌କେ ଅରପିଁ ନିଜ୍‌କେ ସପି ନେଲେ ଗୁଟା କରି ।

॥୪୧॥

ଜନକ୍ ଶତାନନ୍ଦ୍ ବିଶ୍ୱାମିତ୍ର ତିନ୍‌ହି ରଷି  
ବିଦ୍‌ବାର ଆଚ୍‌ବାର କଲେ ମନ୍ ମାନେ ମହାନ୍ ଖୁସି ।

॥୪୨॥

- ଦଶରଥ ନିକେ ପଲେଇଁ ଗଲା ତୁରତି ଛ ବାରତା  
ବିହା ବରପଦ୍ ଲାଗି ବାପ୍ କକା ସିନା କରତା ।      ||୪୩||
- ଯେନ୍ ଦିନ୍ତୁ ଗଲେ ରାମ୍ ଲକ୍ଷ୍ମଣ ବିଶ୍ୱାମିତ୍ର ସାଙ୍ଗେଁ  
ଅବଧ ରଜା, ରାଧିକ୍‌ବାସୀ ଦୁର୍ଜୟ ଲାଗେଁ ଲାଗେଁ ।      ||୪୪||
- ଜନକ୍ ରଜାର୍ ଖବର୍ ପାଇ ଉଷଦ୍ ମାରେଁ ଉଦକିଲେ  
ସାଙ୍ଗ୍ ସରସାକୁଁ କହେବେ ବଳିଁ ଯେ ଯେତା ବିଦକିଲେ ।      ||୪୫||
- କୁଲ୍ ପୁରୋହିଦ୍ ବଶିଷ୍ଠ ରଷି କହେ ଅନ୍‌ସାରେଁ ରଜା  
ମିଥୁଲା ଯିବାର୍ କାୟେଁ କରାଲେ ସବୁ ସାଙ୍ଗ୍ ସଜା      ||୪୬||
- ସେ ବରାତିର୍କ କଥା ଜେନ ବରନ୍ତି ହେବା ଘାସ  
ହେତା ବରାଦ୍ ନୁହେ ହଏ ଏଦକି ଦିନ୍ ଯାଏ ।      ||୪୭||
- ଅରକିବାଜେ ପଡ୍‌ଲେଁ ବି କାହିଁ ବାଟେଁ ଘାଟେଁ  
ସମିୟା ନାଇଁ ମାନି ମିଥୁଲା ପୁହୁଁଚି ଗଲେ ଠାଟେଁ ।      ||୪୮||
- ଜନକ୍ ରଜାର୍ ରଷି ବିଚାରେଁ ରଜାର୍ ମାଏନ୍ ମିଶିଛେ  
ପର୍ଦ୍ଦାନିକେ ଭଲ୍ ଉପଡ଼ାର୍ ଠୁଲାନ୍ ଯେଦକି ଦିଶିଛେ ।      ||୪୯||
- ବରାତି ସାଙ୍ଗେଁ ପର୍ଦ୍ଦାନିର୍କ ଦଲ୍ ସଦ୍‌ଭାବ୍ ନେଇ ମିଶୁଲା  
ଦୁଇଟା ମହା ସମୁଦର୍ ଏକ୍ ହେଲା ଲେଖେଁ ଦିଶୁଲା ।      ||୫୦||
- ବରାତି ଦଲର୍କ ସଭେ ଭାବନ୍ ନିଜର୍କ ପୁଠର ବିହା  
ପର୍ଦ୍ଦାନି କଲା ଲୋକ୍‌କର୍କ କାଏଁ ଝିଁ ହଉଛେ ଦିଆ ?      ||୫୧||
- ମାର୍ ମରଦନ୍ ଗାଲି ଝଗର୍କ ମାନ୍ ଅଭିମାନ୍  
କାହାରି କିଛି ନାଏଁନ ସଭେ ସଦ୍‌ଜନ୍ ସମାନ୍ ।      ||୫୨||
- ସରିଗଲା ପରଘାନି କାମ୍, ମହାନ୍ ମନା ଗୁନା ଥୁଁ  
ଡେରା ଦେଲେ ମହଲେଁ ବନା ହଇଥିଲା ସୁନାଥୁଁ ।      ||୫୩||

ଜନକ ରାଜର୍ଷିକର ଭାବ କୁଶଧୁଜ୍ ଆ'ନ୍  
ସାକାଶ୍ୟ ଦେଶେ ମହାରାଜା ହଇଁ ଥା'ନ୍ ।

॥୫୪॥

ଡକରା ପାଇ ଆସିଥିଲେ ଧନୁ ଉତ୍ସବ ମେଳାକେ  
ଭାବ ବିରାଦର ଆସସନ୍ ତ ଭଲମନ୍ଦ ବେଳାକେ ।

॥୫୫॥

ଦୁଇଭାଇର ସାଙ୍ଗେ ଥାଇ ରଷି ଶତାନନ୍ଦ  
ଦଶରଥକର ପାଶକେ ଗଲେ ମନ୍ ମହାଆନନ୍ଦ ।

॥୫୬॥

ବଶିଷ୍ଠ ସୁମନ୍ତ ସାଙ୍ଗେ ଦଶରଥ ବି ବସିଛନ୍  
ମନ୍ ହରଷେ ରାମରସେ ସରସରାନୁ ରସିଛନ୍ ।

॥୫୭॥

ଶତାନନ୍ଦ କହେଲେ ଅଛେ ଚଳାଚଳ ଧାରା  
ବିହା ପୁରୁଷ ପରା ଉରା କୁଲ ଗୋଡ଼ ସାରା ।

॥୫୮॥

ଗୋଡ଼ ନେଇ ରକଡ଼ ଆର ବଅଁଶ୍ ନେଇ ବେଭାର  
କୁଲ ନେଇ ମୂଲ ହଏ ଚାଲ ଚଳନ୍ କବାର ।

॥୫୯॥

ହେଁଥିରୁ କାୟେ କହି ନଉଛେଁ ନିମି ବଅଁଶର କଥା  
ଇ କୁଲନେ ଜନ୍ମି ନିମି ମିଥି ସାମରଥା ।

॥୬୦॥

ଦେବରାଜ୍ ଲେଖେଁ ରଜା ଯାରନେ ଶିବ୍ ଥୁଇଲେ ଧୁନ୍  
ସେ କୁଲେଁ ତ ଜନମ୍ ଜନକ୍ ଚରିଡ଼ ଅନାଧୁନ୍ ।

॥୬୧॥

ଦିହ୍ ଥାଇ, ନାଇଁ ଲେଖେଁ, ମହାନ୍ ଆତ୍ମିକ୍ ବିଚାର  
ରଜା ହଇଁ ବି ପାଶରନ୍ ନାଇଁ କେଡେଁ ରଷି ଆଚାର ।

॥୬୨॥

ଯୁଥାଁ ଭୂମି ଯୁଦ୍ଧଲା ବେଲେଁ ପାଏଲେ ନନୀ ଛୁଆ  
ସରଗେଁ ମହରର ଯାହା ମରତେଁ ଥୁଲା ଥୁଆ ।

॥୬୩॥

ନଜଲ୍ ସାଆରୁଁ ଜାଡ଼ ଜାନି ନାଆଁ ହେଲା ସାତା  
ଶିବ୍ ଧନୁ ହେଲା ପନ୍ ବାଆରିଁ ଦେବା ଜଗଡ଼ ଜିତା ।

॥୬୪॥

- ଇ ବଂଶେ ଜନମ୍ ବଳି ଶିବ୍ ଧନୁ ଥିଁ ଗୁନ୍  
ଚତାଲେ ରାମ୍ ଗୁନ୍ ସମୁଦର ନାଏନ କାହିଁ ଖୁନ୍ । ॥୭୬॥
- ଶତାନନ୍ଦ କହେଲେ “ମୁଇଁ ଥୁଏ ଗୁଟେ ବିଚାର  
ଜାନଲା ଶୁନ୍‌ଲା କଥା କେତେ ହେମା ଗୁଡା ଉଡ଼ାର । ॥୭୭॥
- ରାଜ ରକ୍ଷକର ନିଜରୁ ଝିଁ ନାଁ ତାର ଉରମିଲା  
ଶୋଭା-ସାଗରର ଉର୍ଜ୍ଜ୍ଵ ସବୁ ସେଠାନ୍ତେ ଉଲ୍‌ମିଲା । ॥୭୮॥
- କେତା ହେତା ତାହାକୁ ଦେଲେ ସଉମିତ୍ରିକୁ ସପି  
ନିଦକ୍ ଲକ୍ଷ୍ମଣ ଦିନ୍ କାଟତେ ରାମ୍‌ନେ ଜୀବନ୍ ଅପି । ॥୭୯॥
- ଲକ୍ଷ୍ମଣ ଦେଖି ଜାନି ହେସି ଲକ୍ଷ୍ମଣ୍ କେତା ପିଲା  
ତାକର ସଂସାର ସଉଲ୍‌ବାବାକେ ଲାଏକ୍ ଆ'ନ୍ ଉରମିଲା । ॥୮୦॥
- ବିଶ୍ଵାମିତ୍ର କହେଲେ ମନର କଥା ଗୁଣ୍ ଛଡେଇ  
କହେଲ ଯୁଗି ! ହଅନି ଠାନ୍‌କେ ଯୋର ଆନ୍‌ସି କଡେଇ । ॥୮୧॥
- ଗୁଟେ ଜନମ୍‌ର ନୁହେ ପରେ ବିହା ବୃରା ଧନ୍ଦା  
ଯାହାର ଯିଏ ତାହାର ସାଙ୍ଗେ ଆଗୁଥୁସି ବନ୍ଧା । ॥୮୨॥
- ଆଉର ଗୁଟେ କଥା କହୁଛେ ସଭେ ଦିଅ କାନ୍  
କୁଶଧ୍ଵଜକର ଦୁହି ଝିଁ ସୁନ୍ଦର ସୁଜାନ୍ । ॥୮୩॥
- ଭରତ୍ ଶତ୍ରୁଘନ୍ ସାଙ୍ଗେ ସାନ୍ ବଡ ବାଆରି  
ଦୁହି ଜେମାକୁ ଛନ୍ଦଲେ ଅମର୍ ନାଇଁ ହେତା କାହାରି । ॥୮୪॥
- ସଭେ ମିଶି ‘ହୋ’ କରି କହେଲେ ଏକା ସାଏର  
ଇଟା ହିଁ କର୍ମା ହେଲେ, ଲଗନ୍ ନାଇଁ କାଏର । ॥୮୫॥
- କେତେ ଦିନୁ ବୁହିଁ ଆଉଛେ ସମିଆ ଅସରା ଧାର  
ତାହାକେ ନେଇ କଲି ହେସି ବଳି ନାଆଁ କାଲ୍ । ॥୮୬॥

ଚିହ୍ନା ଧରି ଚାଲିଥିବି ଯାଏସି ଯାହା ଘଟି ଘରନାମାନେ ଚରନ୍ତୁ ତାର ଧାରେଁ ଯାଏସନ୍ ଅଟି ।	॥୮୭॥
ଗରୁହ ନଖତରୁ ଥିତି ଜାନି ଜାଗା ବନ୍ଦି ଧାରେଁ ବେଲେଁ କାଲେଁ କବାରୁ କଲେଁ ଲିଖା ସୁନାରୁ ଗାରେଁ ।	॥୮୮॥
ଆଏଜ୍ କାଏଲ୍ ଛାଡ଼ିଁ ପରଦିନକେ ଅଛେ ଲଗନ୍ ସେ ବେଲା ବାଆରୁଁ ବିହା ହେବା ସଭେ ଲାଗନ୍ ।	॥୮୯॥
ଜନକ୍ ଲାଗୁନ୍ ତାକରୁ କାମେ ବରାତି ରଖୁନ୍ ବରୁଁ ବରକନିଆଁ ରହୁନ୍ ରାତି ନିୟମ୍ ଅନ୍ୟରି ।	॥୯୦॥
ଏତକି କଥା ବାର୍ତ୍ତା ସାରିଁ ଗଲେ ରଖି ରଜା ନିଦ୍-ରାଏଜେଁ ସମ୍ବକରୁ ଲାଗିଁ ଥିଲା ଶୁଭବାର ଖଞ୍ଜା ।	॥୯୧॥
ରାମ୍‌ଧୁନ୍ ଗାଇ ପୂଜା ସାରି ଇନେ ଥାଉ କଥା କହିଁ ମୁଜ୍‌ଲେ ପୁଥ୍ ପତରୁ ରଖି ସାମ୍‌ରଥା ।	॥୯୨॥





## ପାଠକ-୪

# ରାମ୍ ସାଙ୍ଗେ ଚାରିଭାଇକର ବିହା ପଶୁରାମ୍ ଭେଟ

ବେଳହଉ ବେଲ୍ ହଏ ବେଲ୍ ଖେଳେଁ ତାର୍ ହେଲଭଲେ  
ବିଖିରା ଖରା ସାଆଁଟି ଦିରୁ ତରାକେ ପେଲହଭଲେ ।

॥୧॥

ଚରା ସାରି ଚରେମାନେ ବାଁଧୁବସଲେ ଦଲ୍  
ଆକାଶେଁ ଉଠି ଗୁଡାକେ ଆଏବେ ଛାଡ଼ି ଧରା ଚଲ୍ ।

॥୨॥

ରାଏଡ଼ ପୁଟା ଯେନ୍ ପୁଲ୍ ମାନେ କଡ଼ର ଓଠ ପିଟେଇ  
ଏଦେ ସେ' ଦେ ହୁଁସବେ ଲେଖେଁ ହୁଅନ୍ ପାଖଡା ହିଟେଇ ।

॥୩॥

ପୁରୁବ୍ ଦିଗୁଁ ସୁରୁୟ ଉହୁଁ ହୁଁସେ ପହୁଁ ପୁଲ୍  
ନୁହେ ଜାନ୍ଏ ହୁଁସିର ପରେଁ ହଏ କାନ୍ଦିର ମୁଲ୍ ।

॥୪॥

ସେ ସମିଆ ଶମି ଆଉଲେ ନାଇଁ ପାର୍ବାର୍ ଜାନି  
ଭଅଁର ସାଙ୍ଗେଁ ଭରମି ଯାଏ ଇହାଛିନି ବି ପାନି ।

॥୫॥

ବାଲମାଜି ନିଜର ଲିଖା ରାମେନ୍ ଉଷଡ଼ ମନେ ଖୁଲି  
ସୀତା ବିହା କଥା କହୁଛନ୍ ହଏ ସଭାନେ ଗୁଲି ।

॥୬॥

ସରର ନୁହେଁ ସରି ଆଏଇ ମିଥୁଲା ଯାହା ଦିଶୁଛେ  
ସରୁ ମିଡ଼ରେଁ ବନ୍ଧଏ ବଡ଼ରେଁ ବାହାରେଁ ଭିଡ଼ରେଁ ହୁଁସୁଛେ ।

॥୭॥

ସମ୍ବକରମନ୍ ଆନନ୍ଦ ହେଲେଁ କେନ୍ତା ଦିଶେ ରାଏଇ  
ସେ ନମନା ସାମନେ ଅଛେ ଯେ ଦେଖିବା ଆଏଇ ।

॥୮॥

କାହାରି ଉସନାକ୍ ନାଇଁ ଲାଗେ କାହାକେ ଅସକଟ୍  
କାହାରି ନତା ତେଗା କାହାକେ ନାଇଁ ଦିଏ ସଂକଟ୍ ।

॥୯॥

ଜେମାର ବିହା ସେମାନଙ୍କର ଝି'ର ବିହା ଥାଏ ତତା ପନା ଆନାଯାନା ଉତ୍ତାର ନାହିଁ ଘାଏ ।	॥୧୦॥
ଉତ୍ତରା ନକ୍ଷତର ଲଗନ୍ ଥାଏ ବିହାର ଲାଏକ୍ ଅଛେ ଯେନ୍ତା ବିହା ସରବା ସକାଲ୍ ପୁଆ ଯାଏକ୍ ।	॥୧୧॥
ଗରୁହ ମାନେ ଯାହାର ଯେନ୍ତା ବନ୍ଦ୍ୟ ଠାନ୍ ବାଆରି ରାମ୍ ସୀତା ବିହା ଦେଖିବାର ଲାଗି କରୁଛନ୍ତି ତିଆରି ।	॥୧୨॥
ସୂରୁୟ ଯାଇଛେ ଦୁସରା ଦିଗ୍‌କେ ଜନର ପାଲି ପରିଛେ ଜନମ୍ ନାହିଁ ଦେଖି ବିହା ଦେଖିବାର ସୋର ଧରିଛେ ।	॥୧୩॥
ଜନମ୍ ନାହିଁ ଦେଖି ଜନ୍ ଦୁଖମନା ତ ଥିଲା ରାମ୍ କହିଥିଲେ ଦୁହିକର ନାଁର ରହୁ ଶିଲ୍ ଶିଲ୍ ।	॥୧୪॥
ତଥାପି ଥାଏକ୍ ଜନ୍ ରହିଛେ ଶୁଖି ମନେ ବସି ସାଙ୍ଗ ସରସିଆ ତରା ଧରି ଆକାଶ ଦିହେଁ ହସି ।	॥୧୫॥
ବରପିଲାମାନେ ବେଦୀ ବସିଛନ୍ତି କନିଆଁ ଥାଏନ୍ ନୁହେ ଖେଦି ଆନୁଛେ ବେଦୀ ନାହିଁ ବସିବାର ତକ୍ ଦୁହେ ।	॥୧୬॥
କଉଶିକ୍ କହନ୍ ରାଜରଷି ନାହିଁ ଥାଏବାର ସୀତା ? ଜନକ୍-କହନ୍ ନାହିଁ ଭିରବାର ସାଜୋ ଲାଗେ ହିଟା ।	॥୧୭॥
ରତନ୍ ଅଲଂକାର ସବ୍ ସୀତାର ବରନେ ଶିଠା ସଖୀ ମାନେ ହିଟେଇ କଡେଇ ହଇଗଲେ ନ ତିଟା ।	॥୧୮॥
ବିଶ୍ୱାମିତ୍ର କହେଲେ ରଷି ! ବେଡ଼ା ହେଲ ତମେ ସରଗର ରୂପେ ମରତର ସାଜୋ କେଉଁ କାହିଁ ଜମେ ।	॥୧୯॥
ହେଁ ଚେରେଷା ନାହିଁ କରନ ସାଜୋ ନୁହୁନ୍ ଅଥା ବିନ୍ ସାଜୋନେ ସୀତାର ରୂପ୍ ସହଜେଁ ଥାଏଖିକେ ଲଠା ।	॥୨୦॥

ରାଜକ୍ରମାରୀ ମାନେ ଆସୁନ୍ ଲଗନ୍ ନୁହୁ ମାର୍	
ପୂର୍ଥୀର୍ ଅଲଂକାର୍ ମାନୁକୁଁ ସାଜୋ କାର୍ଯ୍ୟ ଦରକାର ?	॥୨୧॥
ଏଡକି କହୁଁ ସଖୀ ମାନକର ସାଜେ ଆଏଲେ ସୀତା	
ପଛେ ଆଏଲେ ତିନ୍ ବହନୀ ରୂପେଁ ଜଗଜିତା ।	॥୨୨॥
ବସି ବେଦୀନେ ବେଦର ନୀତି ନେଇ ମୁନିମାନେ	
ଶୁଲକ୍ ପତି ରୁଝେଇନେଲେ ବିହା ବର୍ପନର ମାନେ ।	॥୨୩॥
ବିଶେଷ କରି ରୁହିବାର ନାଆଁ ଆଏ ବାବୁ ବିହା ।	
ମନ୍ତନ୍ ସାଜେଁ କ୍ରିୟା କରମ୍ ପରନ୍ନା ଦିଆନିଆ ।	॥୨୪॥
ଦୁଇଟା ଜୀବନ୍ ଗୁଟେ ହେବା ଗୁଟେ ତନ୍ ମନ୍	
ଜନ୍ଏ ପାଏଲେଁ ଦୁହେଁ ଭୁରବ ବିପଦ ହଉ କି ଧନ୍ ।	॥୨୫
ଚାଲିଁ ଯାଉଥିବ ଯୁଲି ବାଧୁଁ ଈ ସଂସାର ବାଟ୍	
ଝାଲି ନେବ ମନ୍ ସାଜେଁ ମନ୍ ନାଲିଁ ଧରବା ପାଟ୍ ।	॥୨୬॥
ଆର୍ ଜନ୍କର ମୁଡ୍ ବଥାବା ଜନ୍ଏ ଭୁରଲେଁ ଜର୍	
ଜନ୍ଏ କୁଁଥାଲେଁ ଆରଜନକର ଶୁଖୁଁଯାଉଥିବା ସର୍ ।	॥୨୭॥
ଜନ୍ଏ ନାଲିଁ ଦେଖିଲେଁ ଆରକ ହଉଥିବା ଅଥା	
ଉନିଦ୍ରା ହେଲେଁ ଜନଏ ଆରକର ନାଲିଁ ପଦବା ପତା ।	॥୨୮॥
ବାକି କଥା ଲୋକ ରୀତି ଇଟା ନ ବିହା ଆଏ	
ମୋର୍ କଥା ସୋର୍ ଥିବା ଜୀବନ୍ ଯିବାର୍ ଯାଏ ।	॥୨୯॥
କୁଶ୍-ରଖିନେ ରଖିମାନେ ହାଡ୍ ବନ୍ଧନ୍-ପକାଲେ	
ଦୁଇଟା ଜୀବନ୍ ବାନ୍ଧି ଏକ୍ କରି ଲାଖୁଁ ଲଖାଲେ ।	॥୩୦॥
ଶିଖେଁ ପାଏନ୍ ଧରିଁ ରାଜା ରାନୀ କରି ଧାନ୍	
ଉନିଆଁ ଧନ୍ ଦରବ୍ ସାଜେଁ କନିଆଁ କଲେ ଦାନ୍ ।	॥୩୧॥

ତାକର ସାଙ୍ଗେ ଲାଗେ ଲେଖର ଯାହା ପାର୍ଲେ ଦେଲେ  
ସେନ୍ଦ୍ରେ ସରାର ଦେଇ ବଦଲେ ଦୁଖ ଦରଦ୍ ନେଲେ ।

॥୩୨॥

ଉଷ୍ଣ-ଆନନ୍ଦ କଥା ହେଲେ ବି ସବୁ ଆଖି ଲହ  
ବାପ୍ ମା'ର କଥା କେ କଲବା ? ସାଙ୍ଗ ସର୍ବସିଆ ଜହ ।

॥୩୩॥

'ବିହା ହୁମର ଜୁଏ ଜଲେ ଘି' ଆହୁତି ପାଇ  
ତାହାର ଧାର୍ଷେ ସୀତାର ମୁହେଁ ଗହଦ୍ ହଏ ଛାଇ ।

॥୩୪॥

ନାଇଁ ଥିଏ ଅଲଝି ରହେ ଗହଦ୍ ଥିପେ ଥିପେ  
ସୀତାର ମୁହେଁ କେ ଆନି କାଏଁ ମର୍କଦ୍ ମଣି ଲିପେ ।

॥୩୫॥

ତାହିଁ ପରୁଛେ ସେ ଛନ୍ଦକ ଜଳତା ଜୁଏର ଛାଏ  
ନଜର ତାହିଁ ପରୁଲା ବେଳୁ ରାମ୍ ଦେଖିବାରେ ବାଏ ।

॥୩୬॥

ସୀତାର ସୁନା ଦିହେଁ ଏକେଁ ଜଳତା ଜୁଏର ତେଜ୍  
ମୁରତି ମାନ ଶକ୍ତି ଶୁଏ ଦସେଇ ଜୁଏର ଶେୟ ।

॥୩୭॥

ସୀତା ହାତର ରତନ୍ ଦୂରି ଜୁଏର ତେଜେଁ ଝରକେ  
ସେ ଭିତରେଁ ରାମ୍ ମୁରତିରଞ୍ଜଣରା ଛନ୍ଦକିଁ ଛରକେ ।

॥୩୮॥

ଜଗଦ୍ ଜିତା ରୂପକେ ଦେଖିଁ ସୀତାହାରି ଗିଆନ୍ ।  
ହାତକେ ଚେକିଁ ଦୂରି ଦେଖିଁ ରହନ୍ ଏକ୍ ଧିଆନ୍ ।

॥୩୯॥

ପୁରିଦ୍ କହେଲେ ଉଠି ଚିକେ ଅଗ୍ନି ଭାଉଁରେ ଦୁହେ  
ସାଦ୍ ଥର କରି କିନ୍ଦ୍ରି ଆସ ଜୁଏ ସାକ୍ଷୀ ହୁଏ ।

॥୪୦॥

ଦୁହେ ଦୁହିକୁଁ ସିପି ହେବାର୍ ସେ ରହେଲା ସାକ୍ଷୀ  
ଚରୁରଖ ଖାଏବ ରାତିଁ ବିଭୁତି ନିଅ ମାଖି ।

॥୪୧॥

ଯେ ଯାହିଁ ଅଛେ ଜଗତେଁ ଜୁଏ ରହିଛେ ଜତି  
ତାହାର୍ ବାଗିର୍ ଅଭିନ୍ ରହେବ ନୁହିବ ଛଡା ଛତି ।

॥୪୨॥

ବର କନିଆଁ ଚାରି ଯୁଲି ଭରି ସୁନ୍ଦର ଭାବେଁ  
ସଁସାର ସାଗରେ ଝଂପେଇ ହେଲେ ଅଗ୍‌ବା ନୂଆ ନାବେଁ ।

॥୪୩॥

ବିହା ସରି ଖୁଆ ପିଆ ଦିଆ ନିଆ ସରଳା  
ଜନକ୍ ଭାବୁଲେ କହେବାକେ ବାପର ପାଲି ପରଳା ।

॥୪୪॥

ହାଡ଼ ଯୁଡ଼ି କହେଲେ କା'ଣା କହେମି ଦଶରଥ  
ଜାନି ଯଉତୁକ୍ ଦେବାର କାୟେଁ ନୁହେଁ ସାମରଥ ।

॥୪୫॥

ଦଶରଥ କହନ୍ କା'ଣା ଦେତ ? ଜନକ୍ ରାଜରଷି !  
ଜନମ୍ ଜାଡ଼ କରି ଝି' ଦେଲ ପାଲି ପୁଷି ।

॥୪୬॥

ତାହାରୁଁ ଅଧଧକା ଆଉରୁ କିଛି ନାଉଁ ଦରକାର  
ଲଗତିଆ ହେଲୁଁ ଦେଲ ଯେତକି ଶକ୍ତି ଅଛେ କା'ର ?

॥୪୭॥

ଜନକ୍ କହେଲେ କାହିଁ ଚଳିବା ନାଉଁ ଦେଲେଁ କିଛି  
ବାପର ଧନେ ଝିଅର ହକ୍ ଚୁଟିଁ ଯିବା ଛି' ଛି ।

॥୪୮॥

ମୋର ହେଲେଁ କାଣା ଅଛେ ? ଜୟ ତପର ସିଧୁ  
ଯଦରି ଥାଏ ଦେଜନଉଛେଁ ନାଉଁନ ଭନିଆଁ ନିଧୁ ।

॥୪୯॥

ଦଶରଥ କହେଲେ ତମର ଇଚ୍ଛା; ଯାଏସୁଁ ରଷି  
ଝି'କୁ ବିଦାୟ କର ଉଷଡ଼ ମନେ ହୁଁସି ଖୁସି ।

॥୫୦॥

ବିଶ୍ୱାମିତ୍ର ଗଲେ ସେ'ନୁ ହିମାଳୟ ପରବଡ଼  
ଜନକ୍ ରାଜର୍ଷିନୁ ନେଲେ ବିଦାୟ ଦଶରଥ ।

॥୫୧॥

ପୁଓ ବହକୁଁ ଧରି ଧଏଲେ ଅଯୋଧ୍ୟାର ବାଟ  
ଧୁରିଆ ଠାନୁ ଦିଶେ ଚାଲେ ହରବରେଁ କେନ୍ ହାଟ ।

॥୫୨॥

ଜଏ ରାମ୍ ଜଏ ସାତାର ରାମ୍ ତାକ୍ ପତୁଛେ ହୁରି  
ଭାର୍ଗବ୍ ରଷି ପଶୁରାମ ଶୁନି ଯାନ୍ କୁହୁରି ।

॥୫୩॥

ପରଶୁ ସାଙ୍ଗେ ବ୍ୟସ୍ତକା ଧନୁ ଧରି ଆଗେଁ ଠିଆବୁ  
ହଉନ୍ ଦଶରଥ ଚିହ୍ନି ତୁରେଁ ଇଆଡ଼ ସେ ଆଡ଼ ।

॥୫୪॥

ସୁତର ଭାବେଁ ମୁଡ଼ ଲୁହାଇ ଜୁଡ଼ି ଦୁହିଁ ହାଡ଼  
ଦଶଦିଗଜୟୀ ଦଶରଥ କଲେ ପ୍ରଣିପାଡ଼ ।

॥୫୫॥

ପିତାକର ମାନ୍ ରଖିବାକେ ପୁଏ ଦେଲେ ସମ୍ମାନ  
ପଶୁରାମ୍ ତବି ରିଶ୍ମିର ମାରେଁ ଜାଜର ମାନ୍ ।

॥୫୬॥

ପଶୁରାମ୍ କହେଲେ “ରାମ୍ କିଏ ? ପରସୁ ଝାଁପେଇ  
ଜଲତା ଜୁଏ ନେ ନିଜେଁ ପରି, ମତେ ଦେସୁ ତପେଁଇ ।”

॥୫୭॥

ଲକ୍ଷ୍ମଣ କହେଲ ତପୀ ! ତପିବା ତୁମର କାମ୍  
ଯାହାକେ ଯେନ୍ନା ଚାହିଁ ଦିଅନ୍ ସରବ୍ ଜାନ୍ ରାମ୍” ।

॥୫୮॥

“ଦାବ୍ ଦଶରଥ ପୁଓକେ ତୋର ବଢ଼ିଁ କହୁଛେ କଥା  
ନୁହେ ତିହ୍ନେ ସାମ୍ନେ ପଶୁରାମ୍ ମହାରଥା ।”

॥୫୯॥

ଦଦରା ଶିବଧନୁ ଭାଙ୍ଗି ଭଦ୍ରାମି ବି ଭାଙ୍ଗିଛ  
କାଁ କରମି ? ମୋହରି ହାତେଁ ମରବାର ତ ମାଗିଛ ।

॥୬୦॥

ଲକ୍ଷ୍ମଣ କହେଲେ ଖେଲେଁ ଭାଙ୍ଗୁ କେତେ ଧୁନ୍  
ହେତକି ବେଲେଁ କେ ନ ଥିଲ ପଡ଼ିଥିଲ ତ ତୁନ୍ ।”

॥୬୧॥

ଏକୁଶ୍ ଥର କ୍ଷେତ୍ରି ଶୂଭନ୍ କରିଛେଁ ଇ ପୁରଥୀ  
ନିଘା ନାଇଁ କେନ୍ ଛୁଆ କେନ୍ ଖେଲେଁ ଥିଲା ଭୁରଥୀ ।

॥୬୨॥

“ଆଏଇ ବି ରାମ୍ ଭାଙ୍ଗିଲେ ଧୁନ୍ ଛୁଆ ଖେଲ ବାଗିର  
ରାଗିଁ ଯାଉଛ କାଁ କରି ସେ ସୋଜ କଥା ଲାଗିର ” ।

॥୬୩॥

ଲକ୍ଷ୍ମଣର ଇ କଥା ଶୁନି ମୁନି ମହାନ୍ ରିଶ୍ମି  
ତିଲ୍ଲରି ତିପ୍ପଲେଁ ମୁଡ଼େଁ ଶୁହ ବଲ୍ କା’ଣା କଷ୍ମି ?

॥୬୪॥

ରାମ କହେଲେ “ମୁନି ତୁମେ ବ୍ୟସେ ବନିହା ବଡ଼  
ବାହୁନ୍ ଅଂଶେ ଜନମ୍ ବ୍ରହ୍ମ କରିଥିବ ଜଡ଼ ।

॥୨୫॥

ଜାନି ତମକୁ ମହାପୁ ଲେଖେ ଥୁଲୁ ଅବତକ୍ ମାନି  
ମାନବାର୍ତ୍ତାକେ ଡରବାର ଭାବି ହୁଅ ଚାନିଘାନି ।”

॥୨୬॥

ଜାନିକରି କାଏ ଭାଇଲି ଧୁନ୍, ଗୁନ୍ ଚଡ଼ଉ ଥୁଲି  
ପନ୍ଥୁଲା ଜନକ୍ ସପି ନେଲେ ମସଥୁଲା ।

॥୨୭॥

ଗୁନ୍ ଚଡ଼ାଲି କି ଧୁନ୍ ଭାଇଲା ମୁଲି ହେଲି କାଏ ଦୁଷ୍ଟା  
କାଁ ହେଲା ଯେ ରିଷା ହଉଛ ହଇକରି ବି ରଷି ।

॥୨୮॥

ମୁନି କହେଲେ କ୍ଷେତ୍ରି ଛୁଆ, ଅସୁହା ନାଲି କହ  
କଥା ଶୁନି ହୁରୁଗୁନି ହଇ ହୁରୁଦ୍ ଜଲେ ଜହ ।

॥୨୯॥

କେତେ ବରକଷ୍ଟ ହାତେ ଅଛେ ଈ ବ୍ୟସ୍ତବା ଧନୁ  
ଜାନମି ତତେ ମାନମି ସତେ ତାହି ଚଡ଼ାଗୁନ୍ ।

॥୩୦॥

ଶୁନି ରାମ୍ ଭୁଜନି ଗୋଡ଼ ଚିକେ ଦହପେଇ  
ପଶୁରାମ୍ ହାତୁଁ ଧୁନକେ ଆନଲେ ଲହପେଇ ।

॥୩୧॥

ପଶୁରାମ୍ ଦିହେଁ ଥୁଲା ଗୁନ୍ ସାଜେଁ ଯେନ୍ ବଲ  
ରାମ୍ ନିକେ ଆସେ ଧନୁର ବାଟେଁ ଅନର୍ଗଲ ।

॥୩୨॥

ଗୁନ୍ ଚଡ଼ାଇ ଧୁନେ ରାମ୍ ଯୁଖଲେ ଗୁଟେ ଶର  
କହେଲ “କେନ୍କେ ପେଶମି କହ ଭାର୍ଗବ ମୁନିବର ?

॥୩୩॥

କଷ୍ଟଲା ଶର ଭାଷୁଲା କଥା ପିରେଇ ନୁହେ ଜାନୁଅ  
ପେଶଲେଁ ଯାହାକେ ଶେଷ୍ଟ ହେବା ସେ ଈଟା ମନେ ମାନୁଅ ।

॥୩୪॥

ଯେନ୍ ଗୁରୁ ଯେନ୍ ଶକ୍ତି ଥୁଲା ପଶୁରାମ୍ ଠାନେ  
ଉର୍ଜିଗଲାନୁ ସେଟା ଈନ୍ଦି ବିରୁଟି ଅଭିମାନେ ।

॥୩୫॥

- ତାଙ୍କର ଧନୁ ରାମ୍ ହାତେ ଶୁନ୍ ନେଇ ହୁଏ ବଙ୍କା  
ଏତକି ଦେଖୁଁ ପଶୁରାମ୍ ମନେକଲେ ଶିଖା ।      ||୭୬||
- ଆନନ୍ଦ ମଧ୍ୟକେ ନାହିଁ ଚିହ୍ନି ନିରାନନ୍ଦ ଦେଲି  
ଇଶ୍ଵର ଦେହ ନିଜର ବଳି ସୋଇ ଆଦରି ନେଲି ।      ||୭୭||
- ରାମ୍ କଥା କାହିଁ ଶୁଭ୍ରତା କା'ଣା କହେତେ ଭାବଲୁ  
କୁନ୍ଦା ଭାଷିବା ବାଗିର ସୋର ନାହିଁ ପାଏବାର ତାଏଲ ।      ||୭୮||
- ନାହିଁ ଟାକି ରାମ୍ କହେଲେ “ଶୁନ୍ ଅ ପଶୁରାମ୍  
ସଂସାର କାମ୍ ସାରି ଯାଇଥିବ ନିଜର ଧାମ୍ ।      ||୭୯||
- ଯେ'ନୁ ଆଇଛୁଁ ସେନକେ ଯିମା ପରମାତ୍ମା ଘର  
ସେନକେ ନାହିଁ ପୁଣିବାର ତକ୍ ଫିରୁଥିମା ଥର ଥର ।      ||୮୦||
- ତୁମର ତପିସାର ବଳେ ତ ପାରିଥିବ ଫିରି  
ଅଭିମାନ ଥିଁ ହାନି ହେଲା ସବୁ ତପିସାର ଶିରୀ ।      ||୮୧||
- କଷ୍ଟଲା ଶର ପେଷିଲି ଏଦେ ତମର ଫିରବାର ବାଟକେ  
ଅମର ହଇଁ ରହେବ ଦେଖୁ ଅସାର ସଂସାର-ହାଟକେ ।      ||୮୨||
- ପଶୁରାମ୍ କହେଲେ ଯାହିଁ ସୃଷ୍ଟିର ହେବା ଭଲ  
ତାହା ହିଁ କର ନାହିଁ ତ ଚିହ୍ନି ପାରୁଲି ମୁଇଁ ଖଲ ।      ||୮୩||
- ତୁମର ଭାବେ ଫିରୁଥିଲ ତୁମର ଏଇନିର ଘରକେ  
ନିଜର ବାଟ୍ ବନ୍ଦ ହୁଏ ବାଟ୍ ଛେକିଲେ ପରକେ ।      ||୮୪||
- ବାହୁନ୍ ଅଂଶେ ଜନମ୍ ଦେଇଁ ଦେଲ ରଜୋଗୁନ୍  
ମାଁକେ ମାରି ଭାବକୁ ମାଏଲି ମାଏଲି ସହସ୍ରାର୍ଜୁନ୍ ।      ||୮୫||
- ଶୁଣି ନୁରି କ୍ଷେତ୍ରି ମରାଲୁ ମତେ ସଜିବାନନ୍ଦ  
ମାତେ ତାଲେ ମାନେ ହାରୁଲୁ ଜୀବନ୍ଦ ଜୀବନ୍ଦ ଛନ୍ଦ ।      ||୮୬||



କାନ୍ଦନ କହି କେଉଁ କାହିଁ ଆନନ୍ଦ ପାଏଲି ରିତେ ?	
ତତେ ଲୁକେଇ ନିଜକେ ଦେଖେଇ ପ୍ରଚାର କଲି ପରତେ ।	॥୮୭॥
ହୁରଗୁନି ହଇଁ ଭୁରଗୁମୁନି କହନ୍ ଆପେଁ ଆପ୍	
ଅମ୍ରେଇ କରି ଆନନ୍ଦ ମୟକେ ନାଇଁ ଶୀତଲାଇଁ ତପ୍ ।	॥୮୮॥
କିଏ କହେ ମହାପୁରୁ ତତେ କିଏ ମହାପୁରୁଷ୍	
ମୋର ଆଖି ମୋର ମନର ମୁଦୁଷ୍ ଆଜିର ହଏ ଦୁରୁଷ୍ ।	॥୮୯॥
ନାଇଁ ଯୁଗାଏ ମତେ ନାଇଁ ମାଗେଁ ଯୋଗର ସିଧ୍	
ଯେନ୍ ନିଶା ଦିଏ ଡର ଲାଗସି ନାଇଁ ମାଗେଁ କେନ୍ନିଧ୍ ।	॥୯୦॥
କାମ୍ନାମାନେ ମରଁ ଗଲେନ କା'ଣା ହେଲେଁ ମାରମି ?	
ଆନନ୍ଦ ରସୁଁ ରିତେ ପାଏଲେଁ ବାକି ଜୀବନ୍ ପାରମି ।	॥୯୧॥
ମୁକ୍ତି ନାଇଁ ମାଗେଁ ଦକାର୍ ନାଇଁ ମୋର ନିର୍ବାଣ୍	
ଯେତକି ଜନମ୍ ଦେବୁ ଦେ, ଯେନ୍ ଇଚ୍ଛା ସେ ପ୍ରାଣ୍ ।	॥୯୨॥
ହେ ଗୁଣାଧାର୍ ତୁଇଁ ନ ଆଉ ଏକଲ୍ ଆନନ୍ଦ ରସ୍ ।	
ଅକ୍ଲେଁ ପଡ଼ି କେନ୍ନି କାଲେଁ ନାଇଁ ହଉ ବିରସ୍ ।	॥୯୩॥
ସେ ରସନ୍ତୁ ରିତେ ମେତାଲ୍ ଦେତୁ ହେଲେଁ ଥିଁପେଇ ।	
ନାଇଁ ତରଲିତିଁ କେହେନି ତାପ୍ ଦଉଥିଲେଁ ବି ତପେଁଇଁ ।	॥୯୪॥
ମୋର ମାର୍ଗେଁ ମୁଇଁ ଯାଉଛେଁ ତୋର ବାଟେଁ ତୁଇଁ	
ପଶୁଁରାମ୍ ରହେଲ୍ ତୁଇଁ ନେଇଁ, ଯା ତାର୍ ମୁଇଁ ।	॥୯୫॥
ପଥର୍ ଛେକା ଅଲଗେଇ ଯାଏ ଯେନ୍ତା ନଦୀର୍ ଧାର୍	
ସେନ୍ତା ଗଲା ଲୋକ୍ ବାହିନୀ ଆନନ୍ଦ ଅସୁମାର୍ ।	॥୯୬॥
ଅବଧ୍ ବାସୀ ସୋର୍ ପାଇକରି ସହର୍ ସାରା ସାଜିଛନ୍	
ଯୁଲିକେ ଯୁଲି ପୁଓ ବହକୁଁ ଦେଖ୍ବେ ଆସିଁଖ୍ ମାଜିଛନ୍ ।	॥୯୭॥

ସବୁ ବେଶିନେ ଝୁଟି ଲେଖା ତାହି ସୁନାର କଲସୀ  
ଆମଡ଼ାଲ ପରେ ନଡ଼ିଆ ଆଗେ ସୁନାର ଜାଗର ଜଳସି ।      ॥୯୮॥

ଖୁଏଲ କେ ଖୁଏଲ ଆମ୍ ତରନ୍ ତାହି କେତେ ରଙ୍ଗର ଫୁଲ  
ଉଲା ହଜଛେ, ସମକର ମୁହେଁ ହସି ମୁଲ ମୁଲ ।      ॥୯୯॥

ଛୁଆମାନକର ଉଷାର ନାଇଁ ନତାଡେଗା ଲାଗୁଛେ ।  
କେତେ ଦୂରେ ଅଛନ୍ ବଳି ଆଗକେ କେ ଭାଗୁଛେ ।      ॥୧୦୦॥

ଜଏ ରାମ୍ ଜଏ ସୀତାରାମ ଜଏ ଅଯୋଧ୍ୟାର ଜଏ  
ଶୁଭଲା କି ଅବଧି ଆକାଶ ହେଲା ଆନନ୍ଦ ମଏ ।      ॥୧୦୧॥

ଆସି ଗଲେ ନ ଏ ଦେ ବଳି ବାରତା ପଏଲେ ତୁରତି  
ରାଏଜେ ଜନ୍ଏ ନାଇଁ, ନାଇଁ ମନେ ଯାର ଫୁରତି ।      ॥୧୦୨॥

ହୁଲ୍ ହୁଲି ଦେଇ ପୁଓ ବହକୁ ବନ୍ଦେଇଁ ରାନୀ ମାନେ  
ମହଲକେ ନଉନ୍ ଗହଲ୍ ଚହଲ ସୀମା ନାଇଁ ମାନେ ।      ॥୧୦୩॥

ତୁଖା ତୁଖା କେ ଥିଲା ଯେ କାହାକେ ଦେତେ ଦାନ୍  
ନିଜର ଗୀତେଁ ନିଜେଁ ଭୋଲ୍ କେ ଦେଖେ ନାରୁଗାନ୍ ।      ॥୧୦୪॥

ସୂରୟ ନାଇଁ ବୁଡ଼ନ୍ ବହ ତୁକା ଦେଖିବେ ବଳି  
ବହ ତୁକା ଶେଷେଁ ପଛିମ୍ ପୁରକେ ଗଲେ ତଲି ।      ॥୧୦୫॥

ରାଏତ୍ ଆଏଲା ଅବଧି ସାରା ସଭେ ଧଏଲେ ଦଶନା  
ଆମେ ବି ଯିମା ସଖିଲ ନିଜର ନିଜର ପଟି ମଶନା ।      ॥୧୦୬॥

ରାମ୍ ଧୁନ୍ ଗାଇ ବାଲମିକୀ ମୁନି କଥା କଲେ ବହ  
ରାମର ନାମେ ଆଏଜ୍ ଗୁମରେ ଦୁଆଁ ରକମର ଛହ ।      ॥୧୦୭॥



## ପାଠକ-୫

### ରାମ ରଜା ହେବାର ପ୍ରସାଦ । କୈକେୟୀ-ମନ୍ତ୍ରଣା କଥା

ସକାଳୁ ସତ୍ତା ଚାଲେ, କଅଁଳ ଖରା ଆସେ ବିଖରି  
ମୁନି-ମୁହଁ ରାମେନ୍ କଥା ଅଥକ୍ ଆସେ ନିଥିରି ।

॥୧॥

ସୀତା ନାଏନ ଗୁଡ଼ା ଉତ୍ତାର ହୁଅନ୍-ମୁନି ଗୁଳ୍ମେ  
ସବୁ ମନେ ସର୍ବ୍ବ କାହାରି ମୁହେଁ ନାହିଁ ଉଖିଲେ ।

॥୨॥

ମୁନି ଜାନନ୍ କାଁ କରି ଯେ ସୀତା ନାହିଁ ଆସନ୍  
ସେଥିରୁ ଲାଗି ନାହିଁ ମାନି ରାମେନ୍ କହି ବସନ୍ ।

॥୩॥

ରାମ୍ ସୀତାର ପହେଲା ଭେଟ୍ ମହୁଣଯ୍ୟା ଘରେଁ  
କେନ୍ ଭାବନେ କହେବେ ରଷି ପଡ଼ିଲେ ହରବେରଁ ।

॥୪॥

ସୁରୁ ନୁହେ ଗୁରୁ କହେବେ ଘର ଗୃହସ୍ଥିର କଥା  
କେନ୍ ଭାଷାନେ କହେବେ ମୁନି ନୁରି ନୁରି ଅଥା ।

॥୫॥

ସତ୍ତାକେ ସୀତା ନାହିଁ ଆସ୍ବାରୁ ସେ କଥାକେ ଡରି  
ଆହୁରି ଡରେଁ କୁହୁରି ମୁନିର ମନ୍ୟାଏ ଅରି ।

॥୬॥

ରାମକୁଁ ସୁମରି କହନ୍ ତମର ସବୁକଥା ସୁନ୍ଦର  
ବନ୍ୟ ନାହିଁ ଲାଗେ ଯାର ମନ୍ ଥିବା ମନ୍ଦର ।

॥୭॥

କହେଲେ ମୁନି “ଶୁନ୍ଅ ରାଏର୍ ଧୀରେ ବଢ଼ି ଆଉଛେ  
ପଦମ୍ ବନ୍ଦକେ କାକର ପବନ୍ ଅଦମ୍ କରି ନଉଛେ ।

॥୮॥

ସୀତାର ପଦମ୍ ମୁହଁ ଶେଥା ଦିଶେ ଲାଜ୍ -କାକରେଁ  
ରାମ୍-ଚନ୍ଦ୍ରକେ ଆର୍ବିଖ-କର୍ବିଫୁଲ୍ ଟାକେ ଆଦରେଁ ।

॥୯॥

ହାତୀ ଦାଁତର ପଲ୍ଲବ୍ ତରୈ ସୁନା-ପୁତୁଲି ଥୁଇ  
ରତନ୍ ଦୀପର ଉକିଆ ତରୈ ସମିଆ ରହେ କୁହି ।

॥୧୦॥

ଏ'ଦେ ଆଏବେ ସେ'ଦେ ଆଏବେ ରୂପ-ରାଏଜର ରଜା  
ରୂପମାନେ ସବ୍ ତୁପ୍ ଅଛନ୍ ଦିହେଁ ରହି ସଜା ।

॥୧୧॥

ନିରାକାର ଆକାର୍ ନିଏ ଗୁନ୍ ଧରେ ନିର୍ଗୁନ୍  
ହକାବାଦୀ ହଇଁ ରୂପମାନେ ହୁଅନ୍ ରୁଣ୍ ।

॥୧୨॥

କବାର୍ ହିରୁଲା ଫିରୁଲା ସୀତା ହିଆ କୁରିଆର ବାର୍  
ରାମ୍ ମୂରତି ର୍ କେହୁଁ କେହୁଁ ତାହିଁ ଲାଗିଛେ ନାର୍ ।

॥୧୩॥

ସୀତା-ରୂପ-ଅମୃତ୍ ପିଆନ୍ ଅଞ୍ଜର ମୁହେଁ ରାମ୍  
ରାମ୍-ରୂପ ଦେଖୁଁ ସୀତା ହେଲେ କାର୍ଯ୍ୟ ନିସ୍ପ୍ରାଣ୍ ।

॥୧୪॥

ହଜୁଲା ରାମ୍ ନିଜ୍ଜେ ସାଆଁଟି ସୀତାକୁଁ ଦେଲେ ଛିଇଁ  
ସୂର୍ଯ୍ୟ ବଂଶୀର ତାପେଁ ତରଲେ ସୀତାର ଦିହ୍-ଘିଇ ।

॥୧୫॥

ତରୁଲିଲା ଘିଁ ଛଲୁକିଲା ଲେଖେଁ ଜାନ୍ଦକୀ ଗଲେ ଛନ୍ଦକି  
ଲାଜ୍ ଆସି ରାଜ୍ କରୁଲା ଭାବନା ଗଲା ଅରକି ।

॥୧୬॥

କୁଇଲି ସୁରକେ କୁଇଲା ଲେଖେଁ କରି ଦେଇଁ ଖାର୍  
କଥା କହି ବଇଦେହୀ ଗୋ କରିଦିଅ ନିସ୍ତାର୍ ।

॥୧୭॥

ହିରନ୍ ଆଖୁଁ ସୁନା ବରୁନି ! ଦେଖୁନିଅ ପଲକେ  
ଧୀରୟ -ଗଛ ଦମ୍ ନାଇଁ ଧରେ ତାହିକେ ଡାହି ଫଲକେ ।

॥୧୮॥

କଥା କାର୍ଯ୍ୟ ଅଥା ହଇଁ ବେକୁଁ ଥୁଲେ ବସି  
ଉକବୁକେଇ ଉପକିଁ ଆଏଲେ ଚଣେ ହଇଁ ହସି ।

॥୧୯॥

ମୁଲବ୍ ଜିତା ମୁଲକି ହୁଁସି ମୁଲ୍ କେତେ ? କହ  
କଷି କରି ବେଶୀ ଦେଲେଁ ବି ହୁଁସି ହେବା ଜହ ।

॥୨୦॥

ଭୂଇଁସୁତା ତାମ୍ବୁଟି ରାମ୍ ପାହାଚଲର ଭୂଇଁ  
ମୁଡ଼େ ମାରି ଚୁଡ଼େଇ ନାହିଁ ପାରି ରହେଲେ କୁହିଁ । ॥୨୧॥

ଆନନ୍ଦ ମୂରତି ରାମ୍ ତୁରତି ଆଉଜି ଧଏଲେ ଛାଟି  
ଦୁହିକର ଦୁହେ ସାକ୍ଷୀ ରହେଲେ କେ ଥିଲା ଆର ରାତି ? ॥୨୨॥

ଦୁଇଟା ଜୀବନ୍ ଏକ ହେଲା ଏକ ଜନ୍ ମନ୍  
ଭେଦ ଭଦ୍ରି ବିଦ୍ରି ହଇଗଲା ରନ୍ଭନ୍ । ॥୨୩॥

“ଦେହ ନେଇଛେ ବିଦେହ-ଜେମା କାଲ୍ କାଲ୍‌କେ ଦୁକାଲ୍  
କା’ଣା କହେମି ରହେଲା ତୁମର ଏକଲାର ଅଧିକାର ।” ॥୨୪॥

ଅଲପର ହୁଏ କହେଲେ ସୀତା “କେତେ କଲପର ତପ୍  
ସାପୁଲ୍ ହେଲେ ଆକୁଲ୍ ମନର ଯେତେ ଜନ୍ମର ଜପ୍ । ॥୨୫॥

ଦିହ-ଦୁଲ୍‌ଟାକେ ସପି ନେତି ଯେ ଯିବା ଦିନ୍‌ଏ ଝରି  
ପାହାନେ ତାହା ଅରପିନିଏ ଏଡ଼କି ନ ମୋର କରି । ॥୨୬॥

କଲା କାମେ ଭଲ୍ ହେବା ଯାହା ସବୁ ହେବା ତମର  
ଅନ୍ଭଲ୍ ଯାହା ଅଜେଇ ନେବ ଭୁଗମି ଜୀବନ୍ ଭର । ॥୨୭॥

ଦୁହେ କହି ପାରନ୍ ନାହିଁ ଆଖି ଆଏଖି ମିଶି  
ସୀତା-ନଇରୈ ରାମ୍ ନାଚନ୍ -ରାମକୁଁ ସୀତା ଦିଶି । ॥୨୮॥

ପାଶ୍ ମହଲେ ଲକ୍ଷ୍ମଣ୍ ଉର୍ମିଲାର କଥା ବାରତା  
ରାଏତ୍-ସରତା ତାଲେ ଘଡ଼େ ଛନ୍‌ଏ କେ କାଏଁ ସରତା । ॥୨୯॥

ଭରମିଲା ଲେଖେଁ ନାହିଁ ହେବ ଭରମିଲା! କଥା ଶୁନି  
ଚିରୁଥିମି ଦୁହୁଦ୍ ନାହିଁ ପାରୁଥିମି ତୁନି । ॥୩୦॥

ମୋର ବଳି କିଛି ନାହିଁନ ଅରପି ନେଇଛେ ରାମ୍‌କେ  
କା’ଣା ଅଛେ ଯେ ଦେମି ? ନାହିଁ ଆସେଁ ତମର କାମ୍‌କେ । ॥୩୧॥

ତୋରନେ ମୋର କୋର କପଟ୍ ନାହିଁ, କହେଁ ସାଫ୍  
ଡାଢ଼ଲେଁ ସହେମି ଉଷତ୍ ହେମି କରି ପାରଲେଁ ମାଫ୍ ।”

॥୩୨॥

ଉରମିଲା କହନ୍ ଉଲମି ପରି ସଉମ୍ବିତୀ ଉପରେଁ  
“ତୁମେ ଯଦ୍‌ରି ଅର୍ପି ହେଲେଁ ମୁଜ୍ କାଏଁ ନାହିଁ ପାରେଁ ।

॥୩୩॥

ନାହିଁ ପାରଲେଁ ହେମି କାଏଁ ତୁମର୍ ପତ୍ନୀ ଲାଏକ୍  
ତୁମର୍ ବାଟେଁ କିଟାନି ହଏଁ ଜୀବନ୍-ଥ୍‌ବାର୍ ଯାଏକ୍ ।

॥୩୪॥

ଆର ଘରେଁ ମାଣ୍ଡବୀ ଆର୍ ଭରତ ଦୁହେ ବସି  
କଥା ବାର୍ତା କରନ୍ ସେନେ ଝଲକେ ଖୁସିର୍ ହୁସି ।

॥୩୫॥

ଭରତ୍ କହନ୍ ଭରି ରହିଛେ ସେନ୍‌ହେ ଆର୍ ଭକ୍ତି  
ସେନ୍‌ହେଁ ଦେସି ଶତ୍ରୁଘନ୍‌କେ ଭକ୍ତି ରାମ୍‌ର ପରତି ।

॥୩୬॥

ଆର୍ କିଛି ନାହିଁ ମାଣ୍ଡବୀ କହ କା’ଣା କରମି ?  
ଦେବାର୍ ନାଏଁନ, ଦେଲେଁ ଝୁଲ୍‌ମୁନା କରି ଭରମି ।

॥୩୭॥

ମାଣ୍ଡବୀ କହନ୍ ଦୁହେ ଅଭିନ୍ ଦିଆନିଆ କାହିଁ ?  
ଦୁହେ ହଇଁ ଗୁଟେ ଜୀବନ୍-ଗୀତ୍ ଯିମା ଗାହିଁ ।

॥୩୮॥

ଶତ୍ରୁଘନ୍ କହନ୍ ମା’ର୍ ଦୁଇଟା ପୁଓ ଆମେ  
ମତେ ଦିଅନ୍ ଭରତ୍ ସେବା ଲକ୍ଷ୍ମଣକୁଁ ରାମେ ।

॥୩୯॥

ଶୁତକାର୍ତ୍ତି ! ତମର୍ ଭାଗେଁ ନାହିଁ ନ କିଛି ମୋର୍  
ପୁରାହର୍ ଲେଖେଁ ଯିମା ବିହି ବାନ୍ଧଲା ତୋର୍ ।

॥୪୦॥

ଶୁତକାର୍ତ୍ତି କହନ୍ “ନାହିଁ ଅତୁଁ କିଏ କାହିଁ  
ଯୁରି ହେଲାଁ ଦୂରିଆ ଯାଇ ବି ନାହିଁ ହଉଁ ଯାହିଁ ତାହିଁ ।

॥୪୧॥

କୁଲ୍ ଭୁଆଷେନ୍ ଉଠଲେ କିନି ସୁରୁୟ୍ ଆଏଲେ ଦେଖ୍  
ଉଠ ବଳିଁ ଚିଠି ପଠାଲେ ଲାଲ୍ ମୁରୁଜେଁ ଲେଖ୍ ।

॥୪୨॥

ମିଥୁଳା ନେ ଥୁଳା ବେଲେଁ ଆସି ଯୁଧାଜିତ୍ କଳକେୟୀକର ଭାଏ ଧୀର ବୀର ପ୍ରସନ୍ନଚିତ୍ ।	॥୪୩॥
କଳକେୟ ଇ ବଏସେଁ ଭରତକୁ ହ'ନ୍ ଝୁରି ଖନ୍ ଦେହେନେ ଦିନ୍ କାଟୁଛନ୍ ଝି' ନାତିକେ ନୁରି ।	॥୪୪॥
କହେଲେ ଦଶରଥ ଯାଉ ଭରତ୍ ନେଇ ସାଙ୍ଗେଁ ଶତ୍ରୁଘନ୍‌କେ, ଯିବାର୍ କାୟେଁ ସୁବିଧା ହଉ ଆଗେଁ ।	॥୪୫॥
କଳକେୟୀ କହନ୍ ଭରତ୍ ଗଲେଁ ରାମ୍ ପାଶେଁ ଥାଉ, ରାମ୍ ଗଲେଁ ପ୍ରାଣ ଯିବା ରାମୀ ବାସେଁ ।	॥୪୬॥
ବିହା ସରଳା ପରଲ୍ଲା ସବୁଆଡେଁ ରାମର କଥା ତାତ୍କାମରାନ୍ନୁ ଧୁନ୍‌ଭଙ୍ଗା ତକ୍ କହିଁ ନୁହନ୍ ଅଥା ।	॥୪୭॥
କିଏ କହେ “ଦଶମୁଡିଆ ରାବଣ୍ ପରେ ଆସି ଧୁନ୍ ଦେଖୁଁ ତୁନ୍ ପରିଁ ଗଲା ଲାଜ୍-ସଗ୍‌ରେଁ ଭାସି ।”	॥୪୮॥
ଆଉର୍ ଜନ୍‌ଏ କହେଲା “ଆଏଲା ପରେ ବାଣୀସୁର୍ ଡରହେଁ ପଲାଲା ବରତା ବାଧୁଁ କେଡ୍‌ନି କେଡେ ଧୂର୍ ।	॥୪୯॥
ସାରା ପୂର୍ଥୀର ବଛା ବଛା ବୀର୍ ବରକଷ୍ଟ ରଜା ଜମି କରି ଯେନ୍ ହଟ୍‌ହଟା ଯେ କେ ଦେଖେ ସେ ମଜା ।	॥୫୦॥
ସଭେ ଘାଏ ଝିପେଇ ହଇ ଯାଆନ୍ ପରେ ହଟି ହରାପନର୍ ଗହେରା ଚେହେରା ଯାଉଥାଏ ଚହଟି ।	॥୫୧॥
ଥୁଳା ଥୁଳା ମିଥୁଳା-ରଜା କଲା ଗୁଟେ କବାର୍ ପରମାନ୍ କଲା ଆମର୍ ରାମ୍ ପୂର୍ଥୀର ପାର୍‌ବାର୍ ।	॥୫୨॥
କହେଲାଜନ୍‌କ ପୁଲେ ସଥେଁ ନିଜେଁ ଥାଏ ରାମ୍ ନିଜେଁ କଲା ଲେଖେଁ ଲାଗେ ରାମ୍ କଲା କାମ୍ ।	॥୫୩॥

ରାମ୍ ସାଙ୍ଗେ ନଜର ପନକେ ନଉଥାଏ ନଥିଁ  
ରାମର ଗୁନ ନିଜର ଗୁନ ଭିତରେ ଦେଇ ପଥି ।

॥୪୪॥

ରାମ୍ ସୀତାର ହରୁଦ୍ -ଖେତେ ଭଲ ପାଏବାର ବିହନ  
ତେଜ୍ ପାଏନ୍ ପବନ୍ ପାଇ ହଏ ବୁରୁଷାଲ୍ ଗହନ୍ ।

॥୪୫॥

ଯାହାକେ ପାଏଲେ ତାହାକେ କରି ନିଅନ୍ କେତେ ନିଜର  
ଲେତା ନାଇଁ ଛିଡ଼େ ସବୁ ଦିନକେ ପାଲଟେ ବଜର ।

॥୪୬॥

ଘରକୁଚୁମ୍ ରାଏଜ୍ ବାସୀ ଗାଏ ଘୁଡ଼ା ହାତୀ  
ପଶୁ ପକ୍ଷୀ ଗଛ ପତର ସଜେଁ ଯାଆନ୍ ମାତି ।

॥୪୭॥

ସମକୁଁ ଘାରେ ହରୁମେଷା ଭଲ ପାଏବାର ନିଶା  
ଅଯୋଧ୍ୟାର ପୂର୍ଥୀ ଆକାଶ୍ ସରାଗ୍-ରାଗ୍ ମିଶା ।

॥୪୮॥

ସେ ରାଗ୍ ଆଲାପ୍ ଧରେ ଦଶରଥକର ମୁଡ଼େଁ  
ଧୁବ୍ଲା ରଙ୍ଗେଁ ଉପକେ କାନ୍ ପଟିଆ ବାଲର କୁଡ଼େଁ ।

॥୪୯॥

କାନ୍ ପାଶେଁ ସେ କଲେଁ କଲେଁ କହେ ଶୁନ୍ଥ ରଜା  
ବଲ୍ ବଏସର ସାଙ୍ଗେଁ ଯାଏ ରାଜକରବାର ମଜା ।

॥୫୦॥

ଏଡ଼େ ସୁନ୍ଦର ସୁଧାର୍ ସୁତର ପୁଓ ରାମ୍-ମେତାଲ୍  
ଥାଇ କେନ୍ଦ୍ରା ରାଜ୍ ପଣିଆଁ- ମଦେଁ ରହ ମାତାଲ୍ ।

॥୫୧॥

ରାମକୁଁ ରାଏଜ୍ ସିପି ଆଏଜ୍ ଯ' ଝାର୍  
ସାର ଈପାରର ବେପାର୍ ସାରକର ଆର ପାର୍ ।

॥୫୨॥

ରାମ୍-ରସେଁ ସରସର ହଇଁ ଭିଜିଁ ଗଲେ ମଞ୍ଜି  
ରାମକୁଁ ଯୁବରାଜ୍ କରବାର୍ ସପନେ ଗଲେ ହଜି

॥୫୩॥

ବଶିଷ୍ଠ ଅଛନ୍ ସାଙ୍ଗେ ସବ୍ ମନ୍ତ୍ରୀ ସଭାସବ୍  
ରଜା କହେଲେ ଉଷଡ଼ ଭାବେଁ ଭାଷା ଗଦ୍ ଗଦ୍ ।

॥୫୪॥



କେନ୍ଦ୍ରା ହେବା କଥା ଗୁଡ଼େ କହେଁ କର ବିଚାର  
ବିରଝେଇ କରି ବ୍ୟସ୍ ମତେ କହେ ବାରବାର ।

॥୨୫॥

ରାଜ୍ ମୁକୁନ୍ଦ କାଏଁ କେତେଁ ତତେ ନାହିଁ ଲାଗେ ବୋଝ  
ସିଂହାସନ କିଟାର ଆସନ ସୁଖ ଲାଗେ କାଏଁ ରୋଜ୍ ?

॥୨୬॥

ପାରଲୀ ପୁଓକୁଁ ଦେଖିବି ଯେ ଆପେଁ ଆବରେ ସଂସାର  
ସେ ଆଏ ମହାମୁରୁଖ ତାର ବୁଦ୍ଧି ବୁରତି ଅସାର ।

॥୨୭॥

କେନ୍ଦ୍ରା ହେତା ରାମ୍ ହାତେଁ ଦେଇ ନେଲେଁ ରାଜ୍‌ପାଟ୍  
ସେ ପାର କଥା ହେକ୍‌ଟିଁ ଇନିର୍ ସରଲୀ ହାଟବାର୍ ।

॥୨୮॥

ଜନ୍‌ଏ ଜନ୍‌ଏ ସଭେ କହେଲେ ବନ୍‌ଏ ବିଚାର୍ କଥା  
ତୁମ୍‌ର ଲାଏକ୍ କଥା କହେଲେ ଖୁଲିଁ ମନର୍ ବଥା ।

॥୨୯॥

ମନ୍ତ୍ରିଣୀ ସର୍ କହେଲେ ଅଁତ୍ରି ଉଠିଲା ଦିନୁ ରାମ୍  
ସବୁ ହୁରଦେଁ ବାସ୍ ସମ୍‌କର୍ ମୁହେଁ ତାକର୍ ନାମ୍ ।

॥୩୦॥

ଜଏସେଁ ବଡ଼ ବେତାର୍ ଭଲ ସମ୍‌କର୍ ମନ୍ ଜିତା  
ରାମ୍-ହେବେ ରାଜା ରାଜ୍‌ରାମୀ ହେବେ ସୀତା ।

॥୩୧॥

ଖବର୍ ରଥେଁ ଆନନ୍ଦ ବୁଲିଁ ଆସବା ଦୁଆର୍ ଦୁଆର୍  
ରାଏକ୍ ସାରାର୍ ମାନ୍-ସାର୍‌ରେଁ ହେବା ପୁନିର୍ କୁଆର୍ ।

॥୩୨॥

ବଶିଷ୍ଠ କହେଲେ ଶିଷ୍ ଶାନ୍ ସୁଧାର୍ ସୁନ୍‌ର କଥା  
ଯେନ୍ଦ୍ରା ହେବାର୍ ଥୁସି ହେସି ସୋକ୍ ହେସୁଁ ଅଥା ।

॥୩୩॥

ଭଲ୍ କଥାକେ ବିଲମ୍ ନାହିଁ ଜଲ୍‌ଦି କଲେଁ ଯାଇ  
ପରଦିନେ ତ ପୁଷ୍ୟା ନକ୍ଷତର୍ ଭାଗେଁ ପାଇ ।

॥୩୪॥

ଅଭିଷେକ୍‌କେ ଏନ୍ଦ୍ରା ଦିନ୍‌ଟେ ନାହିଁ ନ ଆର୍ ପାଶେଁ  
ରାମ୍ ସୀତା ରହୁନ୍ ଆଜ୍‌ହୁଁ ରୀତମ୍‌ତ୍ ଉପାସେଁ ।

॥୩୫॥

- ବାଧ୍ୟ ସାରା ଯାରି ହେଲା ହେବେ ରାମ୍ ରଜା  
 ବାଡ଼ି ଗୁବେଁ ଗୁବେଁ ନାହିଁ ନାହିଁଥିବାର ସାଜ୍ ସଜା । ॥୭୬॥
- ସଭେ ସମକୁଁ କହନ୍ କାଧଲ୍ ରଜା ହେବେ ରାମ୍  
 ସଜା ବୁଜାନେ ଲାଗଲେ ସଭେ ଛାଡ଼ି ସବୁ କାମ୍ । ॥୭୭॥
- ବାପା ଦେଇଥିଲେ କଇକେୟା ସାଙ୍ଗେଁ ଦାସୀଟେ  
 ଦାସୀ ନୁହେଁ ସୁଖ ଦାସସି ସତେଁ ସତ୍ୟାନାଶୀ ଟେ । ॥୭୮॥
- ଦିହଟା ବଂକା ଟେଁକା ତାର୍ ପିଠିଁ କୁଜ୍ ବଡ଼େ  
 କଥା ମଥୁଁ ମନ୍ ଥରାସି ନାହିଁ ଲାଗେ ବି ଘଡ଼େ । ॥୭୯॥
- ମଝଲୀ ରାନୀର୍ କାୟାର୍ ଛାୟା ନାଆଁ ତାର୍ ମଛରା ।  
 କହେଲା କଇକେୟା ରାନୀକୁଁ କଥା ବନ୍ଦ୍-ମନ୍-ଥରା । ॥୮୦॥
- “ରାମ୍ ପରେଲୋ ! ରଜା ହେବା ଶୁନ୍ଲୁ କି ନି ରାନୀ ।”  
 ଶୁନ୍ଲୁ ରାନୀ ବେଁକର୍ ହୀରାହୀର୍ ଦେଲେ ଆନି । ॥୮୧॥
- “କାଁ କରି ଲୋ ଉପଲି ପରୁ ? ଆଉ ଅରବା ବେଡ଼ୀ  
 କା’ଣା ଭାବୁ ? ହାଟେଁ ଲାଗଲାନ କତା ଗୁଡ଼େଁ ବେଡ଼ି । ॥୮୨॥
- ଭରତ୍ ଅଛେ ମାମୁଁ ଘରେଁ ରଜା ହୁଏ ରାମ୍  
 ରାମ୍ ଭରତ୍ ଜନ୍ମେ ଘଡ଼େ ଛନ୍ଦ୍ ବଡ଼୍ ସାନ୍ । ॥୮୩॥
- ବନ୍ଦ୍-୦କେ ରଜା ହେବୁ କଉଶଲ୍ୟାର୍ ଦାସୀ  
 ରଜା ରାମ୍‌କେ ଖଜା ମିଠେଇ ଭରତ୍ ଭାସଗେଁ ବାସି । ॥୮୪॥
- ରଜା ପରେଁ ରଜା ହେବେ ରାମ୍‌ର୍ ପୁଠୁ ନାତି  
 ଭରତ୍‌ର୍ ହୁଏ ବୁଖା ର୍ ମାରେଁ ନାହିଁ ଶୁଭୁଥିବେ ରାତି । ॥୮୫॥
- ହୀରୀର୍ ହୀର୍ ଦଉ କା’ଣା ରଖିଥା ଯା ସାଉତି  
 କାମ୍‌କେ ଆସବା ବୁଖେଁ ଯେବେଁ କୁଟୁମ୍ ହେବେ ଆଉତି ।” ॥୮୬॥

- ଘୃତା ମୁହାଁ ପୁତା ମୁହାଁ ଲୋ ତୁଇଁ କାଏଁ ଚିହ୍ନକୁ ରାମକେ  
 ନକର୍ ଅସକର୍ କାରା ଜାନକୁ ଆନନ୍ଦ ଧାମକେ ? ॥୮୭॥
- ଗୁହୁରି ତୁତାର ପୁହୁରୀ ମାଛି ସରର ଗଙ୍ଗାର ପାଏନ୍  
 ରୁରବା କାଏଁ ଘୁରବା ନାଇଁ ? ଦେଲେଁ ଅଏନ୍ ମାଏନ୍ ” । ॥୮୮॥
- ତୁଇଁ ଜାନିଛୁ ହେଲେଁ ଯେତା ଜାନୁକୁଁ ସେତା କର  
 ଚୋର ଭଲକେ କହେଲିଁ କରଲେଁ କର ନାଇଁ ତ ମର । ” ॥୮୯॥
- କଇକେୟା ଭାଲି ବସଲେ ଗାଲେଁ ହାଡ଼ ଦେଇ  
 କାଁ ବଲିଁ ସେ ଖାଲନ୍ ରାମକେ ଭାବନ୍ ଗହରେଇ । ॥୯୦॥
- କିଏ ରାମ ? କାହିଁ ଆଇଛନ୍ ? ଜାନନ୍ କାଏଁ ଦଶରଥ ?  
 ଖାଲି ଜାନିଛନ୍ କେତା ପୁରବା ନିଜର ମନୋରଥ । ॥୯୧॥
- ରସ ବଏଲେଁ ସେ ହିଁ ଆଏ କେବଲ ଆନନ୍ଦ ରସ  
 ଯାର ଆଶେଁ ଇ ଜୀବନ୍ ଯେତକ ଦଉତନ୍ ବିବଶ । ॥୯୨॥
- ଚେତନାଥୁଁ ଥୁଲେଁ ଥୁପେ ଜଗତ୍ ଯାତନା ଯାଏ ।  
 ମନ୍ ଭିତରୁଁ ମୁନି ମାନେ ନାଇଁ ଅଲଗାନ୍ ଘାଏ । ॥୯୩॥
- ଚିତ୍-ପରୁଆ ଭିତରେଁ ରଖୁ ଅନନ୍ଦ କାଲୁଁ ଯୁଗା  
 ଆନନ୍ଦ-ରସେଁ ପହରନ୍ ଅସରା ଅମତ୍ ଭୁଗିଁ । ॥୯୪॥
- ଦାନା ବାଧୁଲେଁ ସେ ରସ ଆଏଜ ନିଏ ମୁନୁଷ୍ଟ ବୃପ୍  
 ରଜା ଚାହୁଁଛନ୍ ଅବଧୁ ଭିତରେଁ ରହିଆଉ ସେ ବୃପ୍ । ॥୯୫॥
- ଖୁଚିଁ ବଧା ଶରରା କୁଆ ବାଗିର ଅବଧୁ ସାମନା  
 ନାଇଁ ତେଗି କିହରୁ ଆଇ ଈନେ ସାରା ଜମାନା । ॥୯୬॥
- ବାଜି ଜଗତ୍ ଅଧାର୍ ଆଉ ଅବଧୁ ଦିଶୁ ଉକିଆ  
 ବୁକୁନ୍ ସବ୍ ନିଜେଁ ତୁକୁନ ସେ ରସ ହୁର ମୁଖୁଆ । ॥୯୭॥

ନାଇଁ ବୁଝନ୍ ରଜା ଥାଇ ଜନମାର୍ଜିତ୍ ଗିଆନ୍  
 ବ୍ରହ୍ମ ରକ୍ଷି ବଶିଷ୍ଠ ବି କାଏଁ ବୁଝି ନାଇଁ ଥାଆନ୍ । ॥୯୮॥

ଭଲ ମନ୍ତ୍ରଣାର ଲାଗି ମନ୍ତ୍ରୀ ସୁମନ୍ତକର ନାମ୍  
 ସେ ବି ଘାଏ ନାଇଁ ଜାନ୍‌ବାର୍ ବାନ୍ଧି ରଖିବେ ରାମ୍ । ॥୯୯॥

ରଜା ଯଦ୍‌ରି ଜିଦ୍ ଧରିଛନ୍ ପୁଓଟେ ବାଧୁଲେଁ ଯାଇ  
 ମୋର ପୁଓକେ ବାନ୍ଧନ୍ ନିନେ ବାଧା ମୋର ନାଇଁ । ॥୧୦୦॥

ଅବୁଝା ରଜା ମନ୍ତ୍ରୀ ଗୁରୁ ନାଇଁ ପାର୍‌ବାର୍ ବୁଝି  
 ଅବଲାର୍ ବଲ୍ ନେଇ ମୁଇଁ ହେଲେଁ ଦେଖୁଁ ଯୁଝି । ॥୧୦୧॥

ଛି’ ଛି’ ଥୁ’ ଥୁ’ କରବେ ପଛେଁ ମତେ ସବୁଲୋକ୍  
 ଡ’ବି ଜଗର୍ ପାଇପାର୍‌ବା ଆନନ୍ଦର୍ ଆଲୋକ୍ । ॥୧୦୨॥

ମନ୍ତ୍ରୀ ଆଡେଁ ଲେହେଁଟି କହେଲେ “ତୁଇଁ କହୁଥିଲୁ ବନ୍ଦ୍ୟ  
 ତୋର୍ ଛଡା ମୋର୍ ନିଜର୍ କିଏ ଅଛେ ଆର୍ ଜନ୍ଦ୍ୟ । ॥୧୦୩॥

କେନ୍ତା କଲେଁ ହେବା ତୁଇଁ ଚିନ୍ତା କରି କହ  
 ବିଗୁଡ଼ିଁ ଯିବା ଥିତି ଯଦ୍‌ରି ବିଲମ୍ କରମା ଜହ ।” । ॥୧୦୪॥

ମନ୍ତ୍ରୀ କହେ “ମୋର୍ ଥାଆର୍ କେଁ କାଏଁ ଚିନ୍ତା ତୋର୍  
 ମୋର୍ ବତାଲା ବାଟେଁ ଚାଲିଲେଁ ରଜା ନାଇଁ ପାଏ ସୋର୍ । ॥୧୦୫॥

ସୋର୍ କରିଛୁ କି ନି ଶୟର୍ ଅସୁର୍ ସାଙ୍ଗର୍ ଲଢେଇ  
 କାନ୍‌ଖୁଲା କରିଥିଲୁ ରଥର୍ ଚିନି ଆଙ୍ଗୁଟ୍ ବଢେଇ । ॥୧୦୬॥

ରଜା କହିଥିଲେ ଦେମି ଯାହା ମାଗୁବୁ ବର  
 ତୁଇଁ କହେଲୁ ପଛେଁ ମାଗମି ଏଛନ୍ କାଏଁ ହରବର । ॥୧୦୭॥

ଲଢେଇ ଜିତି ଆଏଲ ପତି ପଦନୀ ଦୁହିଜନ୍  
 ରଜାର୍ ଗୁଡେଁ ଲଢେଇର୍ ଘା ସେବାର୍ ଆୟୋଜନ୍ । ॥୧୦୮॥

ପୋକକେ ମୁହେଁ ଶୁଷ୍ଟି ଘା’ ବନ୍ଦ୍ୟ କଲା ବେଲେଁ  
 କହେଲେ “ରାନୀ ! ଶୁଝି ହେବା କହ କା’ଣା ଦେଲେଁ ।” ॥୧୦୯॥

ତୁଇଁ କହେଲୁ “ତୁମର ହଇଁ କେନ୍ଦ୍ରା ମୋର ନୁହେ? ନିଜର ଟାକେ ନିଜେ ମାର୍ଗବାର କେବେ ସୁନ୍ଦର ହୁଏ ?” ॥୧୧୦॥

ରଜା କହେଲେ “ରହେଲା, କେଉଁ ହେଲେ ନେବ ମାଗି ବନ୍ଦ୍ୟ ନୁହେ ଜନ୍ମକର ଲାଗୁ ରହିଥିବାର ଲାଗି । ॥୧୧୧॥

ସେ ଦୁହିଁବର ସେନ୍ତା ଅଛେ ଈଛନ୍ ପଡ଼ିଛେ ବେଲା ଆମର କବାର ହେବା ଖାଲି ମାଗି ଜାନ୍ଲେ ହେଲା । ॥୧୧୨॥

ସତ୍ କରାଇ ଆଗୁଁ ସବ୍ କଥା ଦେବୁ ସୁରତେଇ ତାକି ତର୍କି ଥବୁ ରିଜା ଦେବା ତତେ ଭୁରଥେଇ । ॥୧୧୩॥

ସହଜ୍ ସୁତର କଥା ଛାଡ଼ି ହେବୁ ଝାରି ପାରି ଏଇନି ନାଇଁ କଲେଁ ସାରାଜୀବନ୍ ହେବୁ ଘାରି । ॥୧୧୪॥

ପହେଲା ବର ମାରଗୁ ମୋର ଭରତ୍ ହଉ ରଜା ଦୁସରା ରାମ ଚଉଦ ବରଷ୍ ଚାଖୁ ବନ୍ଦବାସ୍ ମଜା । ॥୧୧୫॥

ଘାଏ ନାଇଁ ଯାଏ ରଜା ଆଏବା ରହ’ ତିଆର ମୁଇଁ ଯାଉଛେଁ କହେଲିଁ ଯାହା ଥବୁ ହୁସିଆର ।” । ॥୧୧୬॥

ମଛରା ଗଲା ଏତକି କହି କଲକେୟାର ମନ୍ ଦୁଖ ଦାସୀର କଥା ପୁହୁଁତାବା କାଏଁ ମୋର ମନେ ସୁଖ ? ॥୧୧୭॥

ସୁଖ ଦୁଖ ତ ଗୁଟେ ଆଏ ନ ଖାଲି ମନର ବିକାର ମୋର ସାଙ୍ଗେଁ ରାଏଜର ଦୁଖ ନେବା ବଡ଼େ ଆକାର । ॥୧୧୮॥

ହେଲେଁ ଜଗତ୍ ‘କୁରୁତ୍ କୁରୁତ୍ ହେବା ନିଶ୍ଚେ ଜାନେ ରାମ୍ ମୋର ତ ବୁଝିବା ଅନ୍ତର୍ଯ୍ୟାମୀ ଆଏ ମାନେ ।” ॥୧୧୯॥

ଏତକି ଭାବିଁ ମଝିଆଁ ରାନୀ ଦୁଖର ମଝିଁ ରହେଲେ ଏତକେଁ ସଭା ସାରମା ଚାଲ ବାଲମିକୀ ମୁନି କହେଲେ । ॥୧୨୦॥



## ପାଠକ-୨

### କୈକେୟୀର ବରମଗା

ପଛିମ୍ ଦିଗର ବେଲକେ ଛେକେ କଳା ବାଦଲ୍ ମୁଡ଼େ  
ଉକିଆ ସାଙ୍ଗେ ଅଁଧାର ଆନି ଘାଉଁ ଘାଏକେ ଯୁଡ଼େ ।

॥୧॥

ରଷି ଭାବନ୍ ଅଯୋଧ୍ୟାର ଉଷଡ଼ ଆନନ୍ଦ୍ ଦିନ୍  
ଆଶା ନିରାଶ୍ ମେଶା ଗୁଲାନେ ହଇଥିବା ଛିନ୍ ଭିନ୍ ।

॥୨॥

ଅଧାପନ୍ତରିଆ ପାର ଛିଡ଼ିଥିବା ଗା'ନା ବାଜନା ଠାନେ  
ହାଟ୍‌କି ହଇଁ ଅଟ୍‌କି ଥିବେ ନାଟ୍‌ଲା ପାଦ୍‌ମାନେ ।

॥୩॥

ଆନୁମନା ମୁନିକୁଁ କୁଶ କହେଲେ ପାହେଁ ପରି  
କଇକେୟୀ କଥା ଜଲ୍‌ଦି କହ ନାଇଁ ହଏ ଦମ୍ ଧରି ।

॥୪॥

କଇକେୟୀ କା'ଣା କହେଲେ କେନ୍ଦ୍ରା କଲେ ଅବଧ୍ ରଜା  
କାବା ଲାଗୁଛେ ବାବା ! ରାମ୍‌ରୁ କଥା ବଡ଼େ ମଜା ।

॥୫॥

ରାମ୍ ରାମ୍ ସୀତା ରାମ୍ କହି କହେଲେ ମୁନି  
ଏକ୍‌ମନ୍ ଏକ୍ ଚିତ୍ ହଇଁ ସତେ ବସ୍‌ଲେ ଶୁନି ।

॥୬॥

ଇଥିଁ ତାହିଁ କଇକେୟୀ ମନ୍ ନାଏଁନ ଭଲ୍  
“ଅବଧର ଈ ଆନନ୍ଦ -ସାଗର ଦେବା ହଲାହଲ୍ ।

॥୭॥

ସେ ହଲାହଲ୍ ତାର ଭାଗେଁ, ଆନନ୍ଦ୍ ନେବା ଜଗଡ଼  
ନିଜେଁ ହେବା ରାମ୍ ଅଧରି ଉନିଆଁ ସତେ ଭଗଡ଼ ।

॥୮॥

ଏଦେ ରଜା ଆସୁଥିବେ କେନ୍ଦ୍ରା କରସିଁ ? ମୁଇଁ  
ଅନ୍ ମୁନ୍‌ସିଆ କଥା ମନରୁ ହେବା କାଏଁ ଥୁଇଁ ?

॥୯॥

- ଦୁର୍ଗେ ସାନି ହଇ ରାନୀ ଶୁଭଲା ଘରେଁ ପରଲେ  
ହରୁହରଦମ୍ ହରଗୁନି ହଇଁ ଗୁଡୁମୁଡକେ ଥରଲେ । ॥୧୦॥
- ଆନନ୍ଦ-ରସେଁ ଭାସିଁ ରଜା ପୁହୁଁ ଚିଲେ ରାନୀବାସ  
ବାହାରୁଁ ଡାକଲେ ମଝିଆଁ ରାନୀ ପୁରଲା ତୁମର ଆଶ । ॥୧୧॥
- ଆମର ପରୁହାଁ ପୁଓ ରାମ୍ ରଜା ହେବା କାଏଲ  
ଶୁଭଲା ଘରେଁ ଗୁଲ୍ଲିଁ ଯାଇଛ ନୁହେ ଶୁନ୍ଦ ଅ ଡାଏଲ । ॥୧୨॥
- ତୁମର ନିକେ ଧାଇଁ ଆଏଲିଁ କହେମି ବଲିଁ ଆଗ  
ମୋର ମନ୍ଦ ଆଏଇ ଆନନ୍ଦ ଅଛେ ଯାହା ମାଗବ ମାଗ । ॥୧୩॥
- କହି କହି ଶମିଗଲେ ରାନୀ ଶୁଭଲା ଘରକେ  
ରାନୀର ରକମ୍ ଦେଖୁ ଡାକର ହରୁଦ୍ ଭିତର ଦରକେ । ॥୧୪॥
- “ପଲକ୍ ଛାଡି ତଲେଁ ଶୁଭଲ ? ପାରିଁ ପନଦ୍ କାନି  
ଛାଡି ପଲକ୍ ମୋର ମେଲା ପରିଛେ ଆସ ମହାରାନି । ॥୧୫॥
- ଦିହ୍ ରୁପର ନିହା ପରିଛେ ମନ୍ଦ ଅପରସନ୍ଦ  
ଭାବ୍ ରାଏଜର ରାନୀ ହେଲା କେନ୍ଦ୍ରଭାବ୍ ଦରଶନ୍ଦ । ॥୧୬॥
- କା’ଣା ଅଭାବ୍ ମାଗ ନିଶ୍ଚେ ଦେମି କରେଁ ସତ୍  
ଦହଲି ହୁଏ ଦେହ ସ । ଙେଁ ମନ୍ଦ ନାଇଁ କର ଦହସତ୍ । ॥୧୭॥
- ଝାରି ପାରି ହଇଁ କଲକେୟା କହନ୍ କଥା  
ଧୁରରାଲା ମେଘୁଁ ଚଡକ୍ ପଡେ ରଜା ହେଲେ ଅଥା । ॥୧୮॥
- “ସତ୍ କଲା ବର ବାସି ମାଗମି କା’ଣା ନୁଆଁ  
ଶୁଷେଁ ହେଲେଁ ବି ଯିବା କିଏ ପାଏନ୍ ନାଇଁ ଯେନ୍ଦ୍ ନୁଆଁ । ॥୧୯॥
- ସତ୍ କରବାର୍ କେତେ ସହଇଁ ଜାନିଛନ୍ଦ୍ ଦଶରଥ୍  
ସତ୍ କଲେଁ କାଏ ଶୟ୍ ଯାଏସି ନାଇଁ ଥାଇଁ ସାମ୍ବରଥ୍ ।” ॥୨୦॥

ରଜା କହେଲେ “ମାଗ ବଳି କହିଥିଲି ଥର ଥର ତୁମେ କହିଥିଲ ପରେ ପରେ ମାଗୁଣି ବର ।	॥୨୧॥
କା’ଣା ମାଗବ ମାଗୁ ନିଧେ ପ୍ରାଣ ବ୍ୟଲେ ବି ନିଅ ଶୋଷ ଅଛେ ତ ପିଇବ ହେଲେ ରକତ ଦେଉଛେ ପିଅ ।	॥୨୨॥
କେନ୍ଦୁ ଭୁକେ ଜୀବନ୍ତ ତମର ହଉଛେ କଲବଲ ମୋର ମାଉସେ ମେଟ୍‌ବାତ କାଟି ଦେମି ପଲ ପଲ ।	॥୨୩॥
ଶୁନା ନାଇଁନ ଉନା ଇନେ ଥିବାର କେହେନି ଦରବ ସରଗେ ଥିଲେ ବି କହେବ ହେଲେ ଆନୁମି ସେ ସରବ ।	॥୨୪॥
ଶୁନି ରାନା ଆଗୁର ପାନି ସାନି କହେଲେ କଥା ଦଶରଥ କା’ଣା ହଜୁଥିବେ ଶୁନ୍‌ଲା ଲୋକ ତ ଅଥା ।	॥୨୫॥
“କହ ନାଇଁ କହ, ଦିଅ ଆଗର ଦୁଇଟା ବର ସଦ୍‌ କର ମାଗଲେ ଭାଗବ ସତୁଁ ଲାଗେ ତର ।	॥୨୬॥
ପହେଲା କହେ ଭରତ ମୋର ରାଏଜେ ହେବା ରଜା” ରଜା କହନ୍ “ରାମ ଦୁଖମନା ନୁହେ, ହେବେ ପରଜା ।	॥୨୭॥
ଜାନିଛତ ଦୁଖ କା’ଣା ରାମ ନୁହେ ଜାନୁଏ ମନକେ ଆନନ୍ଦ ରାଏଜ୍ ବିନା ଆନୁ ନାହିଁ ମାନୁଏ ।	॥୨୮॥
ସେ ହେଲେ ରଜା, ରାଏଜ୍ ହେବା ଆନନ୍ଦ ଭୁଇଁ ରାଏଜ୍-ବାସୀ ସାଜେ ସେଟା କହୁଥିଲି ମୁଇଁ ।	॥୨୯॥
ଚଉବରଗ୍ ଭରା ରାଏଜେ ଭରତ କା’ଣା ଭରବା ଯଦି କିଛି ଭରିବସେ ଠାନ୍ କାହିଁ ଯେ ଧରବା ?	॥୩୦॥
“ଭୁରଥାବାର ସବୁ ବୁରଥା ଛାଡ଼ କହେ ଦୁସରା କଥା ଚଉଦ ବରଷ ବନ୍ଦବାସ୍ ଯାଉ ରାମ ମହାରଥା ।	॥୩୧॥



ଚଉଦ ବର୍ଷେ ଚଉଦ ଭୁବନ-ଦୁଃଖ ଯାଉଥିବା ପଲେଇ  
ଦାଁଡ଼େ ଜିଭୁ ଚାବି କହୁଥିଲେ କଇକେୟୀ ।

॥୩୨॥

ଜନ୍ମବାସେ ସୁଖ ରହିଥାଉ ଦୁଃଖ ପାଉ ବନ୍ଦବାସୀ  
ରଜା ଚାହିଁନ୍ ଝାରପଡ଼ରାଜେ ଦୁଃଖ ଥାଉ ଗ୍ରାସି ।

॥୩୩॥

ଝାର ପଡ଼ରାଜେ ରକ୍ଷିମୁନି ତପେ ହଉନ୍ ଦହି  
ରାମ୍ ପାଏବାରୁ ଭରସାଜେ ବରଷା କାକରୁ ସହି ।

॥୩୪॥

ଜାନ୍ ପଛେ ଯାଉ ଯାହା ହଉ ମାଗିଛେ ଠିକ୍  
ରଜା ନାହିଁ ବୁଝିଲେ ତାର ରଜା ପଶିଥା ଧିକ୍ ।

॥୩୫॥

ଲେହେଟି ଦେଖିଲେ ରଜା ଆଡ଼କେ କା'ଣା କହେବେ ବଳି  
ରଜା ଶୁନି କେତେବେଳୁଁ ତଲେ ପରିଚନ୍ ଦଳି ।

॥୩୬॥

କଥା ବାରତା ହେବାରୁ ବାଗିରୁ ଦିହେ ନାହିଁନ ଗିଆନ୍  
ରାଜୀ ଘାଟି ସାନି ହେଲେ ହଜେ ଧୀରୟ ଧିଆନ୍ ।

॥୩୭॥

ଶରତେ ଲଦଲେ ଏତେ ବୋଧ୍ ସିଦ୍ଧଲୀବା କେନ୍ ଧୁରୀ  
ଅଯୋଧ୍ୟାନ୍ ଗଲେ ରାମ୍ ଯାଏସି ଲାଖ୍ କୁରୀ ।

॥୩୮॥

ଜଗତ୍ ପାଏବା ଜଗତ୍ ପତି ଗଲେ ଯ ।ଉନ୍ ପତି  
ମତେ ଦୁର୍ମତି ବଲୁନ୍ ମୋରୁ ଗତିକେ ଦୁର୍ଗତି ।

॥୩୯॥

ବିବେକ୍ ବଲେ ଭଟା ସିନା, ମନ୍ ମାନ୍ଏ କାଏ ମନା  
କେନ୍ତା ଫିରତା ରଜାରୁ ଚେତା ରାଜୀ ଥିଲେ ବିମନା ।

॥୪୦॥

ରାଜୀ ବିଚାରୀରୁ ଭୟତାରୁନେ ଫିରି ପାଇଲେ ବିଚାରୁ  
କହନ୍ “କଇକେୟି ! ଏତେ ନିର୍ଦ୍ଦୟୀ ନୁହ ଥାରୁ ।

॥୪୧॥

ରଜା ହଉ ପୁଠ ଚୋରୁ, ରାମ୍ ନାହିଁ ଯାଉବନ୍  
ରାମ୍ ମୋରୁ ଧନ ରାମ୍ ତନ୍ ମନ୍ ଆଏ ରାମ୍ ମୋରୁ ଜୀବନ୍ ।

॥୪୨॥

ଗଛର ତଳେ ବାସ, ବସ୍ତୁର ହେବା ଗଛର ଛାଲି ।  
ଧବନ୍ ହେବା ଗଛ ସଂସାର ନାହିଁ ହେବାର ଭାଲି ।

॥୪୩॥

ତୋର ଛାତି ମେତାନ୍ ଗାନ୍ ଉଠାର ଚିତାନ୍ ପଥର  
ଶୁଭ ପାର୍ବୀ କାଏଁ ରାମ୍ ଚେତୁଥୁବା ଥରଥର ।

॥୪୪॥

କହୁଥୁବା ମା ମାଉଳୀ ମେତାଲ୍ ପୁରେ ପଛେ ଲାଗି  
ଅମଙ୍ଗଲ୍ କରି ପାର୍ବୀ ବାପକେ କରି ଭାଗୀ ।

॥୪୫॥

କେନ୍ଦ୍ରା ବାପ୍ ସେ ବେଲରୁତା ତକ୍ ପୁଓକେ କରି ରଜା  
ସକାଲ୍ ପୁଆକେ ଅକାଲ୍ ଚତକ୍ ଦେସି ବନ୍ଦବାସ୍ ସଜା ।

॥୪୬॥

କେନ୍ଦ୍ରାବାପ୍ ? ବୁଢ଼ାକାଲେ ମାଏଝି-ବୁଧୁଆ ହଇଁ  
ଆରଗୁଟେ କଥା କରି ପାର୍ବୀ ଗୁଟେ କଥା କହି ।

॥୪୭॥

ଛାତ ଛ ରଟ୍ ଭରତର ମା ! ମା ବୁଆକୁଁ ତୋର ଯୁହାର  
ଭିକ୍ଷା କରେ ରକ୍ଷା କର ତୋତେ ମାନୁଛେଁ ହାର୍ ।

॥୪୮॥

ମତେ କହେବୁ ତ ବନ୍ଦ ବାସ୍ କାଶା ନରକ୍ ବାସ୍ ବି କରମି ।  
ବନ୍ଦ ଗଲେଁ ରାମ୍ ଜୀବନ୍ଦ ନାହିଁ ରହେ ନିଶ୍ଚେ ହାରମି ।

॥୪୯॥

ରାନୀ କହନ୍ ରହି ରହି ଜନମ୍ ସୁରୁୟ କୁଲେଁ  
ବିହି ଦେଲା ଜାନି କରି ବି ଅସତିଆ ବଳିଁ ବୁଲେଁ ।

॥୫୦॥

ଧୁକ୍ ରଜା, ଠିକ୍ ସମିଆନେ ନାହିଁ ଉଦେ ଆରବେଲ୍  
ଲାଜେଁ ହେବା ତାର୍ ବଅଁଶେଁ ଦେଖ୍ ଅସତ୍-ଖେଲ୍ ।

॥୫୧॥

ରାନୀର କଥା-ଶରେଁ ଶୁଖୁଗଲା ରଜାର୍ ସର  
ଚେଷ୍ଟା କଲେଁ ବି ହେତା ଚେତା ବୁଡେ, ଥରକେ ଥର ।

॥୫୨॥

ରଜା ଚେତା ନାହିଁ ପାଏବାର୍ ସକାଲ୍ ପାଏବା ଏଡକେଁ  
ରାନୀ ହାନିଛନ୍ କଲ୍ଜା ଦେଖା ସିଝିରି ପାରନ୍ କେଡକେଁ ।

॥୫୩॥

ରାମ୍ ଅଭିଷେକ ହେବେ ବଳିଁ ମନ୍ତ୍ରୀ ବଡ଼େ ପୁରୁ  
ଆଏଲେ ରାଜ୍ ସଭା ଧରି ବଶିଷ୍ଠ କୁଳ ଗୁରୁ । ॥୫୪॥

ରଜାକୁ ସେ ନାହିଁ ଦେଖୁ ଆଏଲେ ରାମୀ ବାସ୍  
ନୁହେ ଉଠିବାର ରଜା, ନରଦେ ସବୁ ପାର ନଏରାଶ୍ । ॥୫୫॥

ରାମୀ କହନ୍ ମହାରାଜ୍ କର୍ ମନର୍ ସୁଖ ନାହିଁ  
ତୁରତି ଯାଇ ରାମକୁ ପୁରତି ତାକି ଆନୁଲେଁ ଯାଇ । ॥୫୬॥

ରାମ୍ ଆସି ପାହେଁ ପରଲେ ରଜା ରାମୀ ଦୁହିକର୍  
ରାମ୍ ଆଏବାର୍ ଜାନି ରଜା ପାଏଲେ ଚେତା ଘଡ଼ କର୍ । ॥୫୭॥

ଚେତାଟିକ ପାଏନ୍ ପାଟି ବୁହେ ଆଖୁର୍ ଲୁହେଁ  
ଭିତ୍ରେ ଭିତ୍ରେ କୁହୁରି କହି ନାହିଁ ପାରନ୍ ମୁହେଁ । ॥୫୮॥

ରାମ୍ କହନ୍ କାଁ ହେଲା ମା' ବାପାକର୍ ମନ୍ ଖାଠ୍ ।  
କତା କଥା ହେଲେ “ବି କହ ମନକେ କରି ଆଠ୍ । ॥୫୯॥

ଆଏଲ୍ କାଁ କରି କାନ୍ଦନ୍ ମତେ ଦେଖିଲେଁ ଉଷର୍ ହ'ନ୍  
ଉନିଆଁ ଦିନେ ଦୁଖ ଦରିଆନେ ଭାସୁଥିଲେଁ ବି ମନ୍ । ॥୬୦॥

ରାଣୀ କହନ୍ ମତେ କହୁ ଯେ କା'ଣା କହେମି କହ  
ସର୍ କଥା କହେମି ହେଲେଁ ଦୁର୍ମାମ୍ ହେବା ଜହ । ॥୬୧॥

ଅଜାନୁବାର୍ ନୁହୁ, ଅଜାନୁ ବାହୁ ଚୋର୍ ପିତା  
ଯାହା ଚାହୁଁଥିଲେ ମତେ ଲାଗେ ବିଷ୍ଠ ପିତା । ॥୬୨॥

ପୂର୍ବେ ଥରେ ଶମ୍ଭର୍ ଅସୁର୍ ସାଙ୍ଗେଁ ଥିଲା ଲତେଜ  
ସାଙ୍ଗେ ଥାଇଁ ଯେନ୍ କାମ୍ କଲିଁ ମତେ ଦେଲେ ବଡ଼େଜ । ॥୬୩॥

କହେଲେ ମହାରାଜି ! ମତେ ଯାହା ମାରବ ମାଗ  
କହିଥିଲିଁ ପଲେଁ ମାରମି ଘର୍ ପୁହୁଁକୁ ଆଗ । ॥୬୪॥

ଘର ପୁହୁଁଛି ଲତେଇର ଘା' ବଜ-ବଜାଏ ପୁୟେ  
ମୁହେଁ ଶୁଣିଁ ଘା' ଛତାଲି ଦେବତା ମେତାଲ ପୂଜେ ।

॥୨୫॥

ଆଉରୁ ଥରେ କହେଲେ ରାନି, ନାଇଁ ନ ମୋରୁ ମନା  
ମାଗିନିଅ ପୁରା କରମି କାମନା ମନମାନା ।

॥୨୬॥

ସେ ଦୁହିବର ବାକି ଥିଲା ମାଗୁଲି ଗଲା ରାତି  
ବର ଦେତେ କାଏ କାନ୍ଦନ୍ ଜବର ପାଟେ ମୋରୁ ଛାଡ଼ି ।

॥୨୭॥

ଗୁଟେ ପାଖେଁ ସେନ୍ଦେ ମମତା ଆରୁ ପାଖେଁ ସତ୍  
ଗୁଟେ ଧଏଲେଁ ଗୁଟେ ପଲ୍ଲୀବା ହଉଛନ୍ ଦହସତ୍ ।

॥୨୮॥

ତୁଇଁ ତ ଆଉ ବୁଝିବାରୁ ଛୁଆ ବୁଝି ଏତେକେଁ ତୁଇଁ  
ତୋରୁ କରତବ୍ ତୋରୁ ହାଟେଁ କବାରୁ ସାରୁଲିଁ ମୁଇଁ ।

॥୨୯॥

ରାମ୍ କହୁଛନ୍ କାଁ ବରୁ ଯେ ? ବାପା ହୁଅନ୍ ଅଥା  
ଫଟିକ୍ କରି କହ ନି ଯେ କା'ଣା ସଠିକ୍ କଥା ।

॥୩୦॥

ବାପାରୁ କଥା ପାଲି ପାରୁବାରୁ ପୁଓରୁ ଆଏ ବେପାରୁ  
ଝଟ୍ କହ ସତ୍ ନାଇଁ କରି ଚିଖେ ଛପାରୁ ସେବାରୁ ।

॥୩୧॥

ପିତାରୁ ମନ୍ ଭାବ୍ ଜାନି ପୁଓ ପାରଲେଁ କରି  
ସେ ପୁଓକେ ବେଦ୍ ପୁରାନ୍ ଉତ୍ତମ୍ ନିଅନ୍ ଧରି ।

॥୩୨॥

ବାପା ବରୁଗିଲେଁ କରୁବାରୁ ପୁଓ ମଧ୍ୟମେ ଗନାଯାଏ  
ବରୁଗିଲେଁ ବି ନାଇଁ କଲେଁ ପୁଓ ଅଧମ୍ ଆଏ ।

॥୩୩॥

ପିତାରୁ ସତ୍ ମାତାରୁ ମତ୍ ଧରି ରଖେ ଯେନ୍ କାମ୍  
କହ ମା' ମହତ୍ କାମ୍ କେ ନାଇଁ କଧରେ ରାମ୍ ।

॥୩୪॥

ଇ ପାରୁ ସେ ପାରୁ ନାଇଁ କର ମା ! ପାରୁଲା କଥା କରମା  
ରୁମରୁ ମାଫିକ୍ ମା ପାଇଁ ରାମ୍ ନୁହେଁ ହାନ କରମା ।

॥୩୫॥

ବଡ଼ କଥା ନୁହେଁ କହନ୍, ଭରତ୍ ହଉ ରଜା  
ଅଭିଷେକ୍ କାୟେଁ ହଇଛେତ ସବୁ ଖଳା । ॥୭୬॥

ଗଦ୍‌ଗଦେଇ କହେଲେ ରାମ୍ ଖଦ୍ ଖଦେଇ ହୁଁସି  
କେତେ ଭଲ୍ କହେଲ ମା ! ଅମୃତ୍ ଆସେ ଖସି । ॥୭୭॥

ଭରତ୍ ହେଲେଁ ରାଜକାମେ ରତ୍ ଯିବା ରାଧକର୍ ଦୁଖ୍  
ପରତେ କର ପରଶିଷ୍ଟାନେ ପଦରେନ୍ ପରବା ସୁଖ୍ । ॥୭୮॥

ଭରତ୍ ଉପରେଁ ବାପାକର୍ କାର୍ଯ୍ୟ ନାର୍ଯ୍ୟନ ସେ ବିଶ୍ୱାସ୍  
ଅସ୍ଥିର୍ କାଁ କରି ମାରତେ ସୁସ୍ଥିର୍ ନିଶ୍ୱାସ୍ । ॥୭୯॥

ରାମା କହନ୍ ବାରୁ ! ଆର୍ତ୍ତୁଁ ଯିବୁ ବନ୍ଦବାସ୍  
ମୁତେଁ ଜଟା ଦିହର୍ ପିଧିନା ସକଲ୍ ବକଲ୍ ବାସ୍ । ॥୮୦॥

ରାମ୍ କହନ୍ “ବନ୍ଦବାସେଁ ମନ୍ ଖାସ୍ ସୁଖ୍ ପାଏସି  
କହେବ ବଧଲେଁ ସାରା ଜୀବନ୍ ହେମି ବନ୍ ବାସୀ ।” ॥୮୧॥

ରଖି ଧରମୁଁ ଲକ୍ଷ୍ମଣ୍ ସାଙ୍ଗେଁ ବନସ୍ତର୍ ମାନ୍ ବୁଲି  
ପାଇଛୁଁ ଯେନ୍ ସୁଖ୍ କେବେଁ ନାଇଁ ହେବାର୍ ଭୁଲି । ॥୮୨॥

ସତ୍ କହୁଛେଁ ମତେ ତୁମେ ପାଏସ ପାଏତେ ଭଲ୍  
ମୁଇଁ ଜାନେ ଆଉର୍ ଜାନନ୍ ଦେ’ ଦେବତାର୍ ଦଲ୍ । ॥୮୩॥

ଗୁଟେଁ ପେଟର୍ ଜିମା ଦେଇଁ ମତେ ପଠାଅ ଝାର୍  
ଉଲ୍‌ଦି ନେଇ ଭରତ୍ ଉପରେଁ ଅବଧି ଧରତୀ ଭାର । ॥୮୪॥

ଯେହେଲେଁ ବି କହେବେ ତୁମକୁଁ ମୋର୍ ପଟିଆ କେତେ  
ନିଜର୍ ପୁଠ ଛାଡ଼ି ପରକେ ସେନ୍‌ହୋ ଦେସି ଏତେ ? ॥୮୫॥

ବେଲା ଘଡ଼ି ନାଇଁ ଯାଉ ଗତି ଝାରକେ ଯିମି ବାହାରି  
ବାପାକୁଁ ବୁଝାଇ ରଖ୍‌ବ ମା! ଇଟା ନ ମୋର୍ ଗୁହାରି । ॥୮୬॥

ଏନ୍ତାନ୍ତେ ରାମ୍ ଅକାମ୍ ହେଲେଁ କେନ୍ ପୁର୍ବ ଗମା ଇ ବଅଁଶର୍ ଇତିହାସ୍ ପଢ଼ବାର୍ ହେବା ମମା ।	॥୮୭॥
ବାପାର୍ ପାହା ଧୂବଲ୍ ମାଖ୍ କହନ୍ ଯାଉଛେଁ ଝାର୍ ରଜା କହନ୍ ବଝା ବାପର୍ କଥା ନୁହେ ମାନ୍ବାର୍ ।	॥୮୮॥
ନାଉଁଯା ଧନ ବନ୍ଦବାସ୍ ବଲିଁ ଅହିରୁଦନ୍ ହଇଁ କାନ୍ଦଲେ ଚେତା ହେତାକେ ଦୁଖ୍ ଦରଦ୍ ରଖି ବାନ୍ଧି ଛାନ୍ଦଲେ ।	॥୮୯॥
ରାମ୍ ଗଲେ ଚାଲି ମା କଉଶଲ୍ୟାର୍ ପୁର୍ ଆଜିର୍ ଥାଉ କାଏଲ୍ କହେମା ଆସବ ବଢ଼େପୁର୍ ।	॥୯୦॥
ବାଲ୍ମିକୀ ମୁନି ପୁଥ୍ ବାନ୍ଧି ରାମ୍ନାମ୍ କଲେ ଗାନ୍ ପାଲିଆ ଧବଳା ଲବକୁଶର୍ ମଧୁର୍ ବାଣା -ତାନ୍ ।	॥୯୧॥



## ପାଉଚ-୭

### ରାମ୍ ବନ୍ ଯିବାର ସଜ୍ଜା

- ପହଟିଆ ତରା ଲିଭିଆଏଲା ମହକି ଉଠେ କୁରେ  
ଚହକି ଆସେ ପୁଲୁହା ଚରେ ପୁଲୁ ପୁଲୁ ନୁରେ । ॥୧॥
- ଝାରକୁକରାର ତାକୁ ଲୁକେ କହଲେ ଚଂପା ବହଲେ  
ରାମେନ୍ ଶୁନ୍‌ବା ବଳି ଆଶ୍ରମ୍ ମରମଗାଏ କହରେ । ॥୨॥
- କୁଶ୍ କାଏଶ୍ ଆସନ୍ ପାରି ଲବକୁଶ୍ ବସଲେ  
ବାନା ତାର ଚଢା ଉତାର କରି ବଡ଼ରେ କଷ୍ଟଳେ । ॥୩॥
- ଚେଲା କିଏ ଖିଜ୍ନି ଧରେ କିଏ ଭାଏଲ୍ ରାମ୍ ତାଲି  
ଜନାଦୁ ଗାଆନ୍ ଭଜନ୍ ପଦ୍ ବାକା ଧରନ୍ ପାଲି । ॥୪॥
- ଘଡେ ହଉଛେ ହୁମ୍ ସରିଛେ କୁହୁଲା ନୁହେ ଯାଏ  
ଧିଆନେ ବସିଛନ୍ ମୁନି ହେଲା ବନ୍ଧ୍ୟ ଘା ୨ । ॥୫॥
- ମୁନି କୁମାରୀ ଭିଲି ସୀତା ଆଏଲା ବାଟ୍‌କେ ପିରି  
ହେତାନ୍, ଜୀବନ୍ ବହିର୍ ପତର ଉଲଟେ ନୁହେ ଚିରି । ॥୬॥
- ସେନ୍ଦ୍ରା ଦିଶେ ସେ ଅଯୋଧ୍ୟା ସେନ୍ଦ୍ରା ବଡ଼ଖା ଶାଶ୍  
ଇହାଦେ ବାଜେ ବାଗିର୍ ଲାଗେ ତାକର୍ ତପ୍‌ଲା ଶ୍ଵାସ୍ । ॥୭॥
- ସୁରୁ ଶାସକର୍ ଗେରୁରଙ୍ଗର୍ ଗାଲେ କୁହ୍ୟାର୍  
ଏଇନି ବି କାଏ କାଟେ ଛାଟି ଦୁଖର୍ ଗୁଡିଆ ଗାର୍ । ॥୮॥
- ଶୁନି ହେବା ? କାଏ ମୁନି କହେବେ କେ ନ ହେବା ଛିନି  
ଦରଦର୍ ରଦରଦା ହୁରଦେ କେ'ନ ହେବା ଛିନି । ॥୯॥

ତାକର କୁଟୀର ଆଡ଼କେ ମୁହାଁଇ ଧୀରେ ଯାଆନ୍ ଉଠି  
ସାଙ୍ଗ ମାନକର ମନ୍ ମାନକୁ ପଛେ ଛୁଟି ଛୁଟି । ॥୧୦॥

ଓଁ କରି ମୁନି ଆସିବୁ ଫିଟାଲେ ମୁହଁ ଫିଟାଳା ସାଙ୍ଗେ  
“ରାମ୍ ଯାଇତ ପୁହୁଟି ପରଲେ କଉଶଲ୍ୟା ମାଁ ଆଗେଁ” ॥୧୧॥

ମା ମହାପୁରୁ ପୂଜାମେ ଥିଲେ ରାଜା ହେବେ ରାମ୍  
“ରାମ୍ ପାଶେଁ ପୁହୁଟିଲେନତାହିଁକେ ନାଲି ଧାନ୍ । ॥୧୨॥

ହୁରୁଦ୍ ଭିତ୍ରେଁ ଯାହାକେ ରଖୁଁ ଧାନ୍ କରନ୍ ରାନୀ  
ତୁରୁଦ୍ ଆସି ଆଗମୁଡେଁ ଠାଦ୍ ନାଲି ପାରବାର୍ ଜାନି । ॥୧୩॥

ସାନ୍ରାନୀ ଜାନି “କହେଲେ ନାନୀ ଦେଖ କେ ପାଶେଁ ?  
ପଚାର ଏ’ ଦେ ରାମ୍ ଆଇଛନ୍ କେନ୍ ଜିନିଷର୍ ଆଶେଁ” ॥୧୪॥

ଦୁହି ମା’କୁ ଗୁଟେ ପାଇ ମୁଇଁ ଭାବଗବାନ୍  
ଜନନୀ ମାନେ ଗୋ ଜନାଏ ନିଅ ରାମ୍ତାର୍ ପ୍ରଣାମ୍ । ॥୧୫॥

ମଝିଆଁ ମା’କୁ ଗୋଡ଼୍ ତଲେଁ ପରିଁ ଆଇଛେଁ ଯାଉଛେଁ ବନ୍  
ବାପ କର ପାହେଁ ପରିଁ ଧଏନ୍ କରିଛେଁ ଇ ଜୀବନ୍ । ॥୧୬॥

ମଝିଆଁ ମାଆଁ ବର ମାଗିଛନ୍ ବାପା କରିଛନ୍ ସଦ୍  
ଚଉଦ ବରଷ୍ ବନ୍ଦବାସ୍ ମୋର ରାଇ ପଦେଁ ଭାଏ ଭରଦ୍ । ॥୧୭॥

ଇଥରୁଁ ଆର୍ ବନ୍ଦ୍ୟ କଥାଟେ କା’ଣା ହେବା ଗୋ କହ  
ଭେର୍ ହେବାକେ ଆସଲିଁ ସିନା ସମିଆ ନାଲିଁ ନ ଜହ । ॥୧୮॥

ସୁମିତ୍ରା ଶୁନି ରାମ୍ କହେବାର୍ ଅଶ୍ରିୟ ହେଲେ ମନେ  
ଅଭିଷେକ୍ ପରେ ହେବାର୍ ଥିଲା କହନ୍ ଯିବେ ବନେ । ॥୧୯॥

କଉଶଲ୍ୟାର ମନ୍ ରନ୍ଭନ୍ ଉଲଟିଆ କଥା ଶୁନି  
ମାସଦୁଏ ଲାଗି ପାଶୁଁ ନେଇଥିଲେ ଥରେ କଉଶିକ୍ ମୁନି । ॥୨୦॥



ରାମ୍-ବିଛେଦ୍ କେନ୍ଦ୍ରା କରମି ହୁରୁଦ୍ ଭିତ୍ରେ ଛେଦ୍  
ସେତ୍ସି ବେଲେଁ ସେ ଜାନିଛନ୍ କେ ପାଏବା ଭେଦ୍ ? ॥୨୧॥

ସୁମିତ୍ରା କହନ୍ ମଜାନେ ରାମ୍ କଉତୁକ୍ କରନ୍ କାଏଁ ?  
ନୁହେ ସମ୍ଭବ୍ ସତ୍ ହରମେଷ୍ ରାମର୍ ପହେଁ ଧାଏଁ । ॥୨୨॥

କୋଶଲ୍ ଜେମା ରାମର୍ ମା ଯୋର୍ ଯୋର୍ନେ ପାଟିଛନ୍  
ଭନିଆଁ ମା ତ ମୁର୍ଜା ଯାଏତା ସେ ଯେ ଧାରୟ୍ ସଫି ଛନ୍ । ॥୨୩॥

କଉତୁକେଁ ବି ପୁଓ ତାକର୍ ନାଲ୍ କହନ୍ ମିଛ୍ କଥା ।  
ମୁନୁଷ୍ ଆଏ କଥା ସର୍ବସ୍ ହାରି ହେବେ କାଏଁ ଅଥା ? ॥୨୪॥

କହେଲେ ବାପା, ବାପର୍ ସତ୍ ରଖ୍ବାର୍ ଆଏ ବନ୍ଦ୍  
ପୁଓର୍ ଲାଗିଁ ସେତା ମାଏନତା ମାଁ ବି ତ ଆଏ ଜନ୍ଦ୍ । ॥୨୫॥

ମା ଯଦ୍ରି ମନା କରବା କରବାକେ ବନ୍ଦ୍ବାସ୍  
ସତ୍ ସାଙ୍ଗେଁ ତୋର୍ ପିତାର୍ ଆଶ୍ ହେବା ସରବ୍ ନାଶ୍ । ॥୨୬॥

ପିତା ହେଲେଁ ତୋର୍ ଅସତିଆ ମୁଇଁ ହେମି ଅସତା  
ତାରିୟୁଗେଁ କହନ୍ ନାରୀର୍ ସତ୍ ହିଁ ସଂପତି । ॥୨୭॥

ମନା ନାଲ୍ କରେଁ ବାବୁ ଯିବୁ ତ ଯା' ବନ୍  
ସାଙ୍ଗେଁ ଯିମି ମନା ନାଲ୍ କରବୁ ଜୀବର୍ ଧନ୍ । ॥୨୮॥

ପିଆଛୁଆ ଗଲେଁ ନରଦି ଆବେଁ ଆଏ କାଏଁ ଗାଏ ?  
ତୁଇଁ ଗଲେଁ କେ'ନ କାହିଁ କେନ୍ଦ୍ରା ରହେମି ଘାଏ । ॥୨୯॥

କେନ୍ ବନ୍ ଯିବୁ ? ମା' ପୁଓ ତାଲ୍ ଜଇଦି ଯିମା  
ସାନ୍ ମାଆଁ ତୋର୍ ଅଛେ ପାଏଲା ମହାରାଜ୍ କର୍ ଜିମା । ॥୩୦॥

ସୁମିତ୍ରା ଆଶ୍ଟୁ ଝରେ ପାଏନ୍ ଗାଙ୍ଗେଁ ଲହର୍ ଘାରି  
ପରକର ନାନି ! ଅରଦା ଦରଦେଁ ଶରେଁ ଶରପର ଘାଇ । ॥୩୧॥

ତୁମେ ନାନି ! ପରିବାର୍ତ୍ତନେ ସମ୍ବନ୍ଧୁ ଅ' ବଡ଼  
ଇ' ଆଡ଼ ସେ ଆଡ଼ ହେଲେ ହେବା ସବୁ କଥା ଗଢ଼ବଡ଼ ।      ॥୩୨॥

ରାମ୍ଭ ମା, ସତୀର ଶାଶୁ, ସୁରୁୟ କୁଲର ରାନୀ  
କାଆଁଥିର ଲାଗି ଅଧୀର ଅଧିର ନାହିଁ ପାର କାଏଁ ଜାନି ?      ॥୩୩॥

କଲକୟା ହଇଁ ବର ମାଗେ ଯେ ଦଶରଥ ହଇଁ ଦିଏ  
ରାମ୍ ହଇଁ ଯେ ବନ୍ଦ ବାହାରିଲେ ଏଖେଇ ଜନ୍ମଏ ସିଏ ।      ॥୩୪॥

ତୁମେ ତାହାକେ ନାହିଁ ଜାନ୍ଥ କାଏଁ ଯୋଗ୍ ଯଦ୍ଭି ଜାନ୍ଥ  
ଯୋଗ୍ ଯୋଗ୍ନେ ପାଟି ରଟି ଦୁରଯୋଗେ ମନ୍ଦ ହାନ୍ଥ ।      ॥୩୫॥

ପତି ଦେବର ଗତି ଦେଖ ଭଲ୍ ଅନ୍ଭଲ୍ ତାକର  
ତାହାକୁ ଛାଡ଼ି ଯାହିଁକେ ଗଲେ ନାହିଁ ହଇଁ କଡ଼ାକର ।      ॥୩୬॥

ରାମ୍ କହେଲେ ସୁରୁମା ଗୋ ! ଗୁରୁ ଗଉରବ୍ ତୁମେ  
ସିଆନ୍ ସୁଜନ୍ ଜିତି ଗିଆନ୍ ଖେଲେ ରୁମେ ରୁମେ ।      ॥୩୭॥

ଦେଖବ ଯ'ତ ବାପା ପତିଛନ୍ ମୁହିଁର ନିର୍ଦ୍ଦାଡ଼  
ଅଭିଷେକ୍ ବନ୍ଦବାସ୍ ଭିତ୍ରେ ନାହିଁ ଦେଖେ ତପାଡ଼ ।      ॥୩୮॥

ତାହାକୁ ଛାଡ଼ି ନାହିଁ ଗଲେ ମତେ ଛାଡ଼ବେ ଧରମ୍  
ଜନନୀ ଗୋ ! ଜନମ୍ ଦେଇଛ ନାହିଁ ଦେଇତ କରମ୍ ।      ॥୩୯॥

ତୁମର ମେତାଲ୍ ମାଁ ପାଇଁ ମୁଇଁ ମୁନ୍ଧେଁ ଗନା  
ସରବ ସହା ଗୁନ୍ ମାଁ ପନର ସରବ୍ ସାଧନା ।      ॥୪୦॥

ଗନି ଗନି ତଉଦ୍ ବରଷ୍ ଏଦେ ଯିବା ତାଲି  
ତୁମର ପାହା ତଲ୍ଲକେ ଫିରମି କାଏଁ ହଉଛ ଭାଲି ।      ॥୪୧॥

ବିଦାୟ ଦିଅ ବଲି ରାମ୍ ମାଁକର ପାହେଁ ପରଲେ  
କଉଶଲ୍ୟାର ବିଶାଲ୍-ହୁରୁଦ୍-ପୁରଥୀ ହେଲା ପରଲେ ।      ॥୪୨॥

ମାଁର ମୁହଁ ନାହିଁ ଫିଟ୍‌ଲା ଶରୀର ହେଲା ଜଡ଼  
କୁଡ଼ର ଛୁଆ ରାମ ଦିଶିଲା ଘାଁଉ ଘାଏକେ ବଡ଼ । ॥୪୩॥

ନାହିଁ ଧରାଏ ପୂରା ପୂରୁଥା ନାହିଁ ସଞ୍ଜିଲାଏ ଆକାଶ  
କାନିନାହିଁ ପାରନ୍ ପୁଓ କୁଡ଼େ କେଡ଼େ ଉଶାସ । ॥୪୪॥

କେଡ଼େ ବଡ଼ ଦିଶିଥିତା ନାହିଁ ପାରଲେ ଦେଖୁ  
ଆଖିର ପାଏନ୍ ଅର୍କି ଦେଖିବାର ବାଟ ଦେଲା ଛେକି । ॥୪୫॥

ସେତେବେଳେ ସୀତା ପାହେଁ ପରି କଲେ ମାଏନ୍  
ମାଏନ୍ ଦେଲେ ବି ପାଶେଁ ଦେଖୁ ପତି ଗୁନରୁ ଖାଏନ୍ । ॥୪୬॥

ରାମ୍ କହେଲେ ବନ୍ଦ୍ୟ ହେଲା ଜନକ ଜେମା ଆଏଲ  
ଯାଉଛେ ମୁଇଁ ବନ୍ଦ୍ୟାସକେ ମାଁ ବାପାକୁଁ ପାଏଲ । ॥୪୭॥

ମଝିଆଁ ମାଁର ମନ୍ ରହେବା ବାପା ରଖିବେ ସଦ୍  
ଅବଧି ରାଏଲ ଭରତ-ପାଲବା ରାଇପଣେ ହଇଁ ରତ୍ । ॥୪୮॥

ଚଉଦ ବର୍ଷର କଥା ସବୁ ଦିନର ଲାଗି ନୁହେ  
ଘାଏକର ମାଏନ୍ ଛଡ଼ାଛଡ଼ି ଯେର ମିଶିମା ଦୁହେ । ॥୪୯॥

ଖୁସେଇ ଲାଗେ ଏକଲା କରୁବ ମାଁ ବାପାକର ସେବା  
ଧରମ୍ ପଦନୀ ଅ'ତ ସେଥିଁ ମୋର ଭାରତ ରହେବା । ॥୫୦॥

ପତି କଥା ଶୁନି ହେଲେ ଅକାବକା ସୀତା  
କେନ୍ତା କହନ୍ ତାହାକୁଁ ଛାଡ଼ି ଜୀବନ୍ କାଏ ଥିତା ? ॥୫୧॥

ମା ବାପାକର ସେବା କରତା କେନ୍ତା ସୀତାର ଶବ୍  
ଏନ୍ତା କଥା କେନ୍ତା କହେଲେ ଜାନୁଛନ୍ ତ ସବ୍ । ॥୫୨॥

ପତି ପଦକେ ଆବରି ଧରି ସତୀ -ରାଏଲ -ରାନୀ  
କହି ନାହିଁ ଦିଏ ଦୁହିଁକୁଁ ବୁହିଲା ଆଖିର ପାନି । ॥୫୩॥

ମୁହଁ ସଲଖେଇ ଏଖେଇ ପଦେ କହେଲେ ଜନକ୍ ଜେମା  
ଅନ୍ତର ନାହିଁ କର ଅନ୍ତର୍ଯ୍ୟାମୀ କର କ୍ଷେମା ।

॥୫୪॥

ତୁମେ ଯାହିଁ ମୁଇଁ ତାହିଁ ରାମ୍ ବିନା ସୀତାର୍  
ଥୁଡି ହେବା, ପବନ ନାହିଁ ନାହିଁ ଥାଇ ପୂର୍ଥୀ ମେତାଲ୍ ।

॥୫୫॥

ଇ ପାଦେଁ ମୋରୁ ସରଗ୍ ଇ ପାଦେଁ ମୋରୁ ମୁକ୍ତି  
ଅଗନା ଦିନୁ ଅଜନା ଦିନକେ ହଇସାରିଛେ ତୁକ୍ତି ।

॥୫୬॥

ମତେ ଛାଡ଼ି କେନ୍ଦ୍ କେ ଯିବ ଇ ପାଦ୍ ନାହିଁ ଛାଡ଼େଁ  
ରାମ୍ ନାହିଁ ଥିବାର୍ ଠାନ୍ ଭରମେ ବି ନାହିଁ ମାଡ଼େଁ ।

॥୫୭॥

ରାମ୍ କହେଲେ ଜନକ୍-ଜେମା ! ଜନ୍ ମେତାଲ୍ ମୁହେଁ  
ସାନ୍ ଅ ନାହିଁ ମାନ୍ ଅ କଥା ଆର୍ ତପୁଲା ଲୁହେଁ ।

॥୫୮॥

ଝାର୍ ନୁହେ ରଜାର୍ ମହଲ ନୁହେ ମଜାର୍ ଠାନ୍  
ପାଦ୍ ଯେତକି କଅଁଲ୍ ତମର ବାର୍ ସେତକି ଟାନ୍ ।

॥୫୯॥

ଅଁର୍ ନାଏଁନ ଜିର୍ ଜାନୁଆର୍ କେତେ ଅଛନ୍ ତାହିଁ  
ସିଂହତ ତମର ଅଁଟା ଦେଖ୍ ଦେଖ୍ବା ଅଁଟରାଇ ।

॥୬୦॥

ହାତୀ ଦେଖ୍ ପାଦର ଗତି ମନେ ମରବା ଭାଲି  
ଭରସା ନାହିଁ ଈର୍ଷାକେ ତାର୍ କେ ପାରେ ସଞ୍ଜାଲି ।

॥୬୧॥

ଚାହାଁନି ଦେଖ୍ ହରିନ୍ ହେବା ମରମେ ମରମେ ହାନି  
କେନ୍ ବାଟେଁ ସେ ସୁତର ଜୀବ୍ ବି ଘଟାବା ଅଶୁଭ୍ ଆନି ।

॥୬୨॥

ଖରା ବରଷା ଶୀତ୍ କାକର କଟ୍ବା ଗଛର ତଳେଁ  
ବଲ୍ଲକଲ୍ ଦିହେଁ କଲ୍ବବ୍ ନୁହି ରହେବ କଲେଁ କଲେଁ ।

॥୬୩॥

ବଇଦେହି ଗୋ ଇ ଦେହି ମୋର ବୁଲ୍ଲକେଁ ବୁଲ୍ଲ ନିୟେ  
ପାଶ୍ ତମର ପାଶ୍ରେ ନାହିଁ ଆତ୍ମା ପୁରୁଷ୍ ନିଜେ ।

॥୬୪॥

ମୁଇଁ ଦେଇଥିଲିଁ ଦିହକେ ସପି ତମେ ସପଲ ଜୀବନ୍  
ଦୁହେ ମିଶିକରି ଏକ ରହେମା ଘର ହଉ କି ବନ୍ ।

॥୨୫॥

ମାଁ ବାପ କର ସେବା ଆଗ ପଛେ ବୁଲାଇ କିନ୍ତୁ  
ତାହାକୁ ଛାଡ଼ି ଯାହିଁକେ ଗଲେ କାହିଁ ଲାଗିବା ଝୁମ୍ବରା ।

॥୨୬॥

ମା ସେବାନେ ରହ ସୀତା ପିତା ସତେଁ ମୁଇଁ ଯାଏଁ  
ମନ୍ ରାଏକେଁ ଥିବ ଗୋ ମୋର ବୁଝିବ ବରଷ ଯାଏଁ ।

॥୨୭॥

ଏତକି ଶୁନି ତମକି ଉଠି କଉଶଳ୍ୟା କହନ୍  
ମୋର ସେବାନେ ରହେବା ବହ ? ପୁଓ ବନ୍ ଗହନ୍ ?

॥୨୮॥

ଛତାର ଖିଡ଼ିଏ ପିତେଇର ଖିଡ଼ି ବି ହେଇ ପୁଓ ବହ  
ସହେବା କେନ୍ ମା ତାକନୀ ତୁଇଁ ହେଲେଁ ପୁଓ କହ ।

॥୨୯॥

ମତେ ନାଇଁ ନିଏଁ ବଏଲୁ ଆର କିଛି ନାଇଁ ମାଗେଁ  
ନାଇଁ ମାନୁଛୁ ଯିବୁ ଯଦ୍ବରି ସୀତା କେ ନେଏ ସାଙ୍ଗେ ।

॥୩୦॥

ଜନକ ଜେମା ସୀତା ମୋର ବହ ନୁହେ ଆଏଟି  
ସାରା ସୁକୁଡ଼ ଗୁରସ ହାଡ଼ିର ସଏଦ୍ ମାଏଲା ଘି ।

॥୩୧॥

ସୀତାନେ ମୁଇଁ ଥିମି ପୁତା ! ତାହାକେଁ ହେଲେଁ ଦୁଖ  
ମୋର ସାଙ୍ଗେଁ ମା ଜାତିର ମଉଲିଁ ଯିବା ମୁଖ ।

॥୩୨॥

କଂଟା ଝଟା ଦାଁଦରୀ ପଥର ଆବ୍ବି ଥିବା ପଥ  
ଝାର କରୁଥିବା ଝାଏଁ ତାହିଁ ଜିଦ୍ ଧରିଥିବେ ଘଡ଼ ।

॥୩୩॥

ତୁଇଁ ଚାଲୁଥିବୁ ଆଗେଁ ଆଗେଁ ପଛେଁ ସୀତା ମୋର  
ପର ପାରୁଁ ଭାଏର ପୁହୁଟି ଆଏବା ବିପଦ୍ ଘନ୍ ଘୋର ।

॥୩୪॥

ତାକର ପଛେଁ ମୁଇଁ ଥିମି ମା' ନାଇଁ ରଖିନ ବୁର  
କହି ତଦ୍ବଷଣ ପୁହୁଟି ପରଲେ ଲକ୍ଷ୍ମଣ ବୀରବର ।

॥୩୫॥

ହୁଏଁ ମା ସାଙ୍ଗେ ଜନକ୍ କେମାର୍ ଗୋଡ଼ଶାଳେ ପରିସାରି  
ରାମ୍ ପାହାନ୍ନେ ମୁଡ଼୍ ଥୁଇଲେ ଆଖୁଁ ଲହ ଝାରି । ॥୭୬॥

ଶୁନ୍ଲି ବଢ଼େ ପୁରୁଁ ଯିବେ ମହାପୁରୁ ବନ୍ଦବାସ୍  
ବାସ୍ କରବା ରାଜ୍ ଉଆସେଁ କେନ୍ତା ତାକର ଦାସ୍ ?” ॥୭୭॥

ଉର୍ମିଲା ନେ ଉଲଦି ଆଇଲେଁ ମାଁ ମାନକର ସେବା  
ମୋର୍ ସାଙ୍ଗେ ଆର୍ ନାଇଁ ଗୁଡ଼ାଏ ମୋର୍ କହେଁ ସେ ରହେବା । ॥୭୮॥

ମୋର୍ ଭିତରେଁ ଆଇ କହେଲ ଯିମା ଲକ୍ଷ୍ମଣ୍ ତାଲ୍  
ବାହାରଲି କା’ର୍ ‘ହୁ’ ‘ନାଇଁ’ କେ ନାଇଁ ଟାକେଁ ନ ଆର୍ । ॥୭୯॥

ମାକୁଁ ନୁରି ଆଏଲିଁ ଇନ୍ଦକେ ମାରବାକେ ଆଦେଶ୍  
ଆଦେଶ୍ ସାଙ୍ଗେ ଆଶିଷ୍ ଦେବେ ସିଶ୍ବ ନାଇଁ ନ ଲେଶ୍ । ॥୮୦॥

ସୁମିତ୍ରା କହନ୍ ସୁମ୍ରି ମନେ ଆଗର କଥା ମାନେ  
“ଲକ୍ଷ୍ମଣ୍ ! ତୋର୍ ଜନମ୍ ବଡ଼ଖାନାନୀର୍ ତରୁ ଦାନେ । ॥୮୧॥

ରାମକୁଁ ଛାଡ଼ି ରହି ପାରୁରୁ କେ’ନ ଇନ୍ଦ୍ବ କାହିଁ ?  
ରାମ୍ ଆନ୍ ତୋର ଅନ୍ତରାତ୍ମା ନୁହନ୍ ଖାଲି ଭାଇ । ॥୮୨॥

ମୁଇଁ ପାରଲେଁ ରାମ୍ ସେବାନେ ସାରତିଁ ଜୀବନ୍ ସାରା  
ଆତ୍ମାର୍ ଅଧେ ପଠେଇ ରଖିମି ଜାରି ସେବାର୍ ଧାରା । ॥୮୩॥

ରାମ୍ପ୍ରବାତକ୍ ଅବଧ୍ ସୁନ୍ଦର ନାଇଁ ଥୁଲେଁ ସେ ପିତା  
ଆହୁରି ହଡ଼ଶିରି ସାଙ୍ଗେଁ ନାଇଁ ଥୁଲେଁ ସୀତା । ॥୮୪॥

ସେ ଠାନ୍ ଆଏ ସରର ଯାହିଁ ଥୁବେ ସୀତାରାମ୍  
ସାଙ୍ଗେଁ ଯ ।’ ଲକ୍ଷ୍ମଣ୍ ତୋର ସାପୁଲ୍ କର ପ୍ରାଣ୍ । ॥୮୫॥

ରାମକୁଁ ଦେଖୁ ବାପ୍ ବାଗିର ସୀତା ମାଁ ସମାନ୍  
ବନ୍ଦବାସେଁ ନ ପାଏରୁ ଧନ ! ମରଡ଼-ମହରର ମାନ୍ । ॥୮୬॥

ଆପେଁ ବାହାରକୁ ଭଲକଲୁ ରାମର ସେବା ଲାଗି  
ନିଜକେ ନେହେଲେଁ ଭାବିଥିଲି ନିଷ୍ପତ୍ତୀ ହୃଦ୍ ଭାଗୀ ।

॥୮୭॥

ରାମ୍ ବନ୍ଦବାସ୍ କାୟେଁ ଥିଲେଁ ଥିବା କେନ୍ଦ୍ରସି ଉଖି  
ତାର ଭିତରେଁ ଦେଖେଁ ଥିବାର ଭାବର ତୋର ଲୁକି ।

॥୮୮॥

ଚଉଦ୍ ଚଉଦ୍ ବରଷ୍ ରହେବୁ ରାମ୍ ସାଙ୍ଗେଁ ଖାସ୍  
ସୀତା ରହି ପାରବେ କିନି ନାଇଁ ହୁଏ ବିଶ୍ୱାସ୍ ।

॥୮୯॥

ତୋର ଭାବର ଦେଖୁଁ ନିଜକେ ଭାବେଁ ଭାବରବାନୀ  
ଆସଇ ଜାନ୍ଲିଁ ଭାବର ଆସସି ତାର ସମିଆ ଜାନି ” ।

॥୯୦॥

ରାମ୍ କହେଲେ ‘ସଦ୍ କଥା ମା’ ସବୁ ସମିଆ ଜାନି  
ସମିଆକେ ଜଗ୍ଲେଁ ଲାଭ୍ ହେଲାଲେଁ ହେସି ହାନି ।

॥୯୧॥

ସମିଆ ଜାନି ମଝିଆଁ ମା’ର କଥା ରଖ୍ଲେଁ ଯାଉ  
ସମିଆ ଭାଗ୍ଲେଁ କୁଦାଲେଁ ବି ନାଇଁ ହୁଏ ପୁହୁଁତାଇ ।

॥୯୨॥

ଆସଇ ନୁ ମୋର ଚଉଦ୍ ବର୍ଷର ବନ୍ଦବାସ୍ ହେଲା ମୂଲ୍  
ଲମି ଯିବାର ବିଲମ୍ ହେଲେଁ ନାଇଁ ହେବା କାଏଁ ବୁଲ୍ ?

॥୯୩॥

ବାପା ସାଙ୍ଗେଁ ଗଲା ବେଳର ଦେଖା ସାକ୍ଷାତ୍ ସାରି  
ଝାଲକେ ଯିବେ ବଲିଁ ରାମ୍ ଝଟ୍ ଗଲେ ବାହାରି ।

॥୯୪॥

ତାକର ପଛେଁ ସୀତା ପଛା ପଛ ରାନୀମାନେ ।  
ଦଶରଥ୍ ଅଛନ୍ ଅଶକତ୍ କଇକେୟୀ ଠାନେ ।

॥୯୫॥

ରାମ୍ ପୁହୁଁତି ପ୍ରଣାମ୍ କରୁନ୍ ତାହାକୁଁ ଛାଡ଼ି ଧରି  
ନାଇଁ ପାରନ୍ କହି କିଛି ଦେଖନ୍ କହଇରି ।

॥୯୬॥

ସେ ଦେଖାନେ ବାହାରି ପରନ୍ ମନ୍ ଭିତରର ବଥା  
ହେତୁକି ଫଟିକ୍ କାହିଁ ଦିଶ୍ତେ କହି ପାରଲେଁ ବି କଥା ।

॥୯୭॥





ତାକର ସବୁ ସଂପତି ତ କେବଳ ସତୀ ପନ୍  
କାନି ପନ୍ଦରୋଁ କେଉଁ ବଂଧା ଥିବି କାଏଁ ସେ ଧନ୍ ?”      ॥୧୦୯॥

ଇ ସବୁ ନାହିଁ ଦେଖିପାରି ରଜା ଆର୍ଦ୍ର ମୁଜି  
କହନ୍ ମୁଇଁ କା’ଣା ଦେଖିଁ ନାହିଁ ପାରେ ବୁଝି ।      ॥୧୧୦॥

ସୁମତକୁଁ କହେଲେ ମନ୍ତ୍ରୀ ! କର ଗୁଟେ କାମ୍  
ପୁଓ ବହୁକୁଁ ରଥେଁ ନେଇ ଛାଡ଼ି ଅବଧି ଧାମ୍ ।      ॥୧୧୧॥

ବନ୍ ରାଧକେଁ ପୁହୁଁଚେଇ କରି ବୁଝେଇ ପାରଲେ ଫିରେଇ  
ଜାଇଁଥୁବାର୍ ତକ୍ ଗାଏମି ଗୁନ୍ ତୁମର କେତେ ଧାରେଇ ।      ॥୧୧୨॥

ସମକୁଁ ନାହିଁ ପାରଲେଁ ଫିରେଇ ଆନ୍ଦବ୍ ସୀତା ମୋର  
ତାହାର୍ ହାତେଁ ଜାଗୁବା ଜୀବନ୍ ଭାଗୁବା ବିପଦ୍ ଘୋର ।      ॥୧୧୩॥

ଭରତ୍ ଶତ୍ରୁଘନ୍ ଆସନ୍ ନୁହେ ପାଇଛନ୍ ଖବର୍ ?  
ନିଘା କର ଇ କଥାକେ-ଜରୁରୀ ଆଏ ଜବର ।      ॥୧୧୪॥

ରଜାର୍ କହେଁ ମନ୍ତ୍ରୀ ଗଲେ ରଜା ଛଟପଟ୍  
କହେଲେ ଜୀବନ୍ ଯାଏତା ହଏ କେତେ ଯତ୍ନେ ।      ॥୧୧୫॥

ଇସାରା ପାଇ ରାଜ୍ ପରିଚାର୍ ବଡ଼ରାଜୀକର୍ ପୁର  
ରାଜାକୁଁ ନେଲେ ସେ ଚାହୁଆଁନ୍ କଇକେୟୀ ନୁ ବୁର ।      ॥୧୧୬॥

ରଜା କହେଲେ ରାନି ମତେ ନାହିଁ ଲାଗୁବାର୍ ବନ୍ଧ୍ୟ  
ସୁନାରୀ ଠୁକୁର ଠାକୁର ସରେ ଏତେକେଁ କୁହରାର୍ ଘନ୍ଧ୍ୟ ।      ॥୧୧୭॥

ରାମ୍ ଗଲା କି ଲାଗୁଲା ମତେ ପ୍ରାଣ୍ ପଲାଇଲେ ଲେଖିଁ  
କହେଲେ କଉଶଳ୍ୟା ଶ୍ରୀବତ୍ କୁମାର୍ ଚେହେରା ଦେଖିଁ ।      ॥୧୧୮॥

ପୁଓ ନାହିଁ ଥାଇଁ ଭିନ୍ଧ୍ୟ ବୁଝ, ଥାଇଁ ଗଲେଁ ପଲେଇ  
ମତେ ଲାଗୁସି ଜକ୍ତା ଯୁଧକେ ତେଲା ଲେଖିଁ ଘେଲେହଇ ।      ॥୧୧୯॥

ଚଢ଼ଦ ବର୍ଷର ବିଛେଦ୍ ଯଦି ନାହିଁ ହୁଏ ସହି  
ସବୁ ଦିନିଆଁ ବିଛେଦ୍ କିଏ ପାରବା କହି ?

॥୧୨୦॥

ଅକ୍ଷ ରକ୍ଷିତ୍ ବରକନିଆଁରୁ ହୁରୁଦ୍ ଭିତରୁ କଥା  
ଏଇନି ରୁଝି ହୁଏ ସୁଜି ହୁଜି କରେ ଅଥା ।

॥୧୨୧॥

ଅନୁମାନେ ଦୁଖ ନୁହେଁ କୁଝି ଅନୁଭବ୍ ନାହିଁ କଲେଁ  
ଅକ୍ଷ ମୁନି ଜାନି ପକାଲେ ପଡ଼ି ଦୁଖ-ଅରୁ କଲେଁ ।

॥୧୨୨॥

ରାମ୍ ତ ଆଏ ପ୍ରାଣାରାମ୍ ମନରୁ ଆନନ୍ଦ୍ ସାରା  
ସେ ଆଶ୍ରାମାନେ ଜୀବନ୍ କାଁଏ ଗଲେଁ ଯାଏ ମାରା ।

॥୧୨୩॥

କଉଶଳ୍ୟାଗୋ ! ସଲା ସବୁ ଗଲା ବେଳୁଁ ରାମ୍  
ହେତା ହେଲେଁ ଚେତା ଥିଲେଁ ଶୁନାବ ତାରୁ ନାମ୍ ।

॥୧୨୪॥

ଆନନ୍ଦ୍-ସମୁଦରେଁ ପହଁରି ଶେଷେଁ ଯାଏଡ଼ି ରୁଡ଼ି  
ଭନିଆ ବାଟ୍ ନାହିଁ ଧରୁଡ଼ି ତାହାରି ବାଟ୍ ହୁଡ଼ି ।

॥୧୨୫॥

ରାନୀ କହନ୍ କାଁ କରି ଗୋ ! ହେସ ଅଜାନ୍ଦ୍‌ବାରୁ  
ଦୁଖ ଦେସି ଯେ ତାହାକେ ଦେଖାଲେଁ କରି ପାରସି ପାରୁ ।

॥୧୨୬॥

ଧନେଇ ନାହିଁ ହଇ ତାହାକେ ଜନେଇ ମନେଇ ରହୁଁ  
କଉଶଳ୍ୟାକରୁ କଥା ଶୁନି ତୁନ୍ ପଡ଼ିଲେ ତହୁଁ ।

॥୧୨୭॥

ଦଶରଥ ରହେଲେ ଅଚେତ୍ କଉଶଳ୍ୟା ଜୁରଲେ  
ପୁତ୍ର ବିଛେଦ୍‌ରୁ ଦୁଖ ଦୁର୍ଦ୍ଦଶା ଦୁହିଲୁକ ଜୁରଲେ ।

॥୧୨୮॥

ବାଳମିକା କହନ୍ ଯିମା ଏଡ଼କେଁ ସମିୟା ଆସି ହେଲା  
ରାମ୍ ବନ୍ଦ୍‌ବାସ୍ କଥା ହେମା ବସି ବେଲୁହଉ ବେଲା ।

॥୧୨୯॥



## ପାଠକ-୮

# ରାମ ଅଯୋଧ୍ୟା ଛାଡ଼ି ଗଙ୍ଗାଖଣ୍ଡି ପୁଛୁଥିବାର

ସୁରୁୟ ସତେଁ ସକରଁ ଯାଏ ଶୁନି ରାମ ଧୁନ  
ରାମ ବନ୍ଦବାସ୍ ଶୁନ୍ଦବା ସଭା ପଡେ ପଛା ତୁନ ।

॥୧॥

ଧିଆନେ ବୁଡ଼ି ଥିଲେ ରକ୍ଷି ବାହାର ଗିଆନ୍ ପାଏଲେ  
ମେଲା ଥିଲା ମନ୍ -କୁରିଆ ରାମ ସୁରେଇଁ ଛାଏଲେ ।

॥୨॥

ଉଷର୍ ରକ୍ଷି ସୀତା ଦେଖୁଁ ମୁନି କୁମାରୀ ଭିଲେଁ  
ରାମ କଥା ନାହିଁ ଯମକ୍ ଧରେ ଜାନ୍ଦକୀ ନାହିଁ ଥିଲେଁ ।

॥୩॥

ଜୟ ସୀତାରାମ୍ କହି କଥା କଲେ ମୂଲ୍  
ଠୋଲ୍ ହେଲେ ଶୁନ୍ଦଳା ଲୋକର ବୁଲା ଭାବନା କୁଲ୍ ।

॥୪॥

ରାମ୍ ସୀତା ରଥେଁ ବସନ୍ ଲକ୍ଷ୍ମଣ୍ ଥାଇ ସାଙ୍ଗେଁ  
ସୁମନ୍ତ ସାର୍ଥୀ ଲଗାମ୍ ଧରି ବସନ୍ ଆଗେଁ ।

॥୫॥

ଅଯୋଧ୍ୟାର୍ ସଭେ ପିଲାଛୁଆ ବୁଡ଼ା ବୁଡ଼ା  
ଦୁଖ୍-ଦରିଆ -କୁଆର୍ ଭିତ୍ରେ ଭରିଆ ଅଛନ୍ ବୁଡ଼ି ।

॥୬॥

କେ କହୁଛେ ମନ୍ତ୍ରୀ ହୋ ! ରଥ୍ ବାହେବ ଧୀରେ  
ତୁମ୍ଭ ପଛା ପଛା ଯିମୁ ଅଯୋଧ୍ୟା କେ ପିରେ ?

॥୭॥

ଆର୍ଷ୍ଟକେ ଅଧୀର୍ ଦିଶେ ବାଟ୍ ଘାଟ୍ ତିପ୍ ଦୁଡ଼ା  
ଆମର୍ ଚାଲିର୍ କିଟେ ଖେଦ ରଥେଁ ପାନ୍ଦକା ଘୁଡ଼ା ।

॥୮॥

ବାସି ବରେଁ ବୁଦ୍ଧି ଗଲେ ସତିଆ ଦଶରଥ୍  
ରାମ୍‌କେ ରଜା କରମି କଥା ନୁହେ କାଏଁ ସର୍ ?

॥୯॥



- ଜନ୍ମ କହେ ଜୀବନ୍ ଜୀବି ଆନନ୍ଦ ଚିକର ଲାଗି  
ଆନନ୍ଦ ଆଡ଼କେ ପ୍ରାଣୀ ମାତ୍ରକେ ପଲାନ ଭାଗି ଭାଗି । ॥୨୧॥
- ଆନନ୍ଦ ମୂର୍ତ୍ତି ରାମ୍ଭର ବିନେ ଅବଧି ସାପର ଜୋର  
ମିଳ ଗଲା କି ଗଛର ପଲକ କେବଳ ପୋକର ଭୋର । ॥୨୨॥
- ରଥେ ରାମ୍ ଠିଆ ଉଠି କେତେବେଳେ ଉତ୍ତରି  
ଶରଧା ସନା କଥା ଭିତରୁଁ ସେନହେ ପରେ ନିଥରି । ॥୨୩॥
- କହନ୍ “ବଛର ଚଉଦଟା ହୋ ଏ’ ଦେ ଯିବା ଗତି  
ଫିରୁ ଆସି ତୁମରହି ଦୁଖ ସୁଖେ ରହେମି ଜତି । ॥୨୪॥
- ଯାଇ ଦିଅ ମୋର କାମେ ଫିର ନିଜର ଘର  
ଆଏଲେ ରହେମି ତମର ହଇ ସାରା ଜୀବନ୍ ଭର । ॥୨୫॥
- “ନାଇ କହନ୍ ମନ୍-ମହନ୍ ଆନନ୍ଦ ବିନା ମନ୍  
କେନ୍ତା ହେବା ଉଜାଲା ଭରକ ଛାନି ଆନୁଲେଜନ୍ ? ॥୨୬॥
- ଗୁରୁସୁଁ ସର କାତି ଆନୁଲେ ଯେନ୍ତା ହେବା ଦଶା  
ଲୋକ କହୁଛନ୍ ଆମକୁ ନେଇ ଝାରେ ରାଏଲ ବସା । ॥୨୭॥
- ମମତା-ଅଧରି ରାମ୍ଭକେ ଆଜିର ମମତା ରଖେ ଛାଦି  
ସବୁ ବଂଧନ୍ ଫିଟାନେ ବାଲା ନିଜେ ହଉଛେ ବାଦି । ॥୨୮॥
- ସେ ବଂଧନ୍ ଘାଉଁ ଘାଏକେ ବର୍କସ୍ ହଏ ଚାନି  
ଭିଜି ଭିଜି ଗୁଡାଲା କୁକର ଗଡାଲା ଆଖିର ପାନି । ॥୨୯॥
- ରଥ ଚାଲିଛେ ଥାକି ଥାକି ଭିତ୍ ଚାଲିଛେ ଧୀରେ  
ଘାଏକେ ଘାଏ ରାମ୍ ବୁଝାଲେ ଜନ୍ମ ବି ନାଇଁ ଫିରେ । ॥୩୦॥
- ତମ୍ବା ନଦୀର ଖଏଣକେ ହଉଁ ହଇଁଗଲା ବେଳୁବୁଡା  
ରାମ୍ କହେଲେ ରହେମା ଇନେ ରଥୁଁ ତିଲ ଘୁଡା । ॥୩୧॥

- ସୀତାରାମ୍ ଗଛ ତଳଟାକେଁ ଆର୍ ଗୁଟେକେଁ ଲକ୍ଷ୍ମଣ  
ଆଶ୍ୱପାଶ୍ ସବୁ ଆବ୍ରି ନେଲେ ଅଯୋଧ୍ୟାର ଲୋକ୍ ଜନ୍ ।      ॥୩୨॥
- ଏତେ ଲୁକର ଖାଏବାର୍ କେ କେ'ନ୍ ମିଲତା ରାତି' ?  
କିହେ ନାହିଁ ଖାଇ ପାନି ଲିଭାନ୍ ପେଟର୍ ତାତି ।      ॥୩୩॥
- ସମ୍ପକୁଁ ବସେଇ କହେଲେ ରାମ୍ ସେନ୍ଦ୍ରେ ସାନି କଥା ।  
ତୁମ୍ଭର୍ ଭଲ ପାଏବାର୍ ମୋର୍ ମନେ ଦେଲେଁ ବଥା ।      ॥୩୪॥
- କାହାରି ଲାଭ୍ ନୁହେ ତୁମ୍ଭକୁଁ ନାହିଁ ଦିଏ କାମ୍  
ଭରତ୍ ରଜା ନୁହିଲେଁ ମିଲ୍ବା ମତେ ହିଁ ବଦ୍ନାମ୍ ।      ॥୩୫॥
- ଭରତ୍-ଠାନେ ମତେ ଦେଖ୍ଲେଁ ସମ୍ପକୁଁ ହେବା ଭଲ୍  
ମୋର୍ ଅନୁରୋଧ୍ ଘରକେ ଫିର ନାହିଁ ହର୍ତ୍ତ୍ ଉଜଲ୍ ।      ॥୩୬॥
- ପହଁଟିଆ ନାହିଁ ଉଦୁଁ ଆମେ ଯିମ୍ ତୁସରା ବନ୍  
ଯାହିଁ ଗଲେଁ ବି ତମ୍ଭର୍ ଠାନେ ବନ୍ଧା ରଖ୍ଲେଁ ମନ୍ ।      ॥୩୭॥
- ଅପାରୁ ମେତାଲ୍ ବାପା ଥିଲେ ନାହିଁ ଦୁଟୁଆଇଁ କଥା  
ତୁମ୍ଭକୁଁ ଦେଖ୍ ପାଶ୍ରି ନେତେ ପୁଓ ପଲ୍ବାବାର୍ ବଥା ।      ॥୩୮॥
- ନାହିଁ ନୁରବନ ମତେ ଆର୍ ଫିରିଯ ଅଯୋଧ୍ଆ  
ସେନ୍ଦ୍ ସୁସ୍ତାଲେ ସ ବ୍ ନଏଦ୍ ଖତି ଖତି ନିଦିଆ ।      ॥୩୯॥
- ନାହିଁ ଉଠୁ ନୋକ୍ଜନ୍ ସବ୍ ନାହିଁ ଉଦ୍‌ନୁବେଲ୍  
ସୁମନ୍ତର୍ ରଥେଁ ରାମ୍ ଲକ୍ଷ୍ମଣ୍ ସୀତା ମେଲ୍ ।      ॥୪୦॥
- ପାରୁହଇଁ କେତେ ଝାର୍ ପରବଦ୍ ହେଲେ ଗଙ୍ଗାର୍ ଖତି  
ସ୍ନାନ ଶଉର୍ ସାର୍ଲେ ଗଙ୍ଗାର୍ ମାଆଁର୍ ପାହେଁ ପତି ।      ॥୪୧॥
- ନଏଦ୍ ଖତିନେ ସମ୍ଲେ ଦେଖ୍ କୁଶମ୍ ଗଛର୍ ତଲ୍  
ଲକ୍ଷ୍ମଣ୍ ମାରି ତାଲ୍ କୁରିଆ ନୁରି ଆନ୍ଲେ ଫଲ୍ ।      ॥୪୨॥

ଖବର ପାଇ ଶବର ରଜା ଗୁହକ ଧୀର ବୀର  
ପୁହୁଁତି ରାମର ପାହେଁ ପରବେ କୁହଉ ଥିଲେ ଶିର । ॥୪୩॥

ଅଧା ଧୁରୁଁ ଦେଖୁ ରାମ ଆଉଜି ଆନୁଲେ ଛାଡ଼ି  
କହେଲେ ମିତ ! ତୁମେ ବିତ ଆସି ଆସଲୁ ରାତି । ॥୪୪॥

ସକାଳେ ତମର ସାଙ୍ଗେ ଭେଟ ଘାଟ ନାହିଁ ହେଉଁ  
କେନ୍ଦସି ମିତ୍ତରେ ମଧତର ହୋ ଯାଏତ କାସ ପଲେଇଁ । ॥୪୫॥

ମିତ୍ ମଧତର ହେଲେ ପରେ ହଇଁ ଯାଏସନ୍ ଗୁଟେ  
ନିଜର ନିଜର ଜାଏତ-ଗୁତର -ମାନ-ଅଭିମାନ ଗୁଟେ । ॥୪୬॥

ତୁମେ ଯିଏ ମୁଇଁ ସିଏ ଭାବନାର ହଏ ପ୍ରକଟ  
ଶିଖୁ ହେସି ପ୍ରଭୁ ସାଙ୍ଗେ ହଇଁ ଯିବାକେ ନିକଟ । ॥୪୭॥

ଶବର କୁଲେ ଜନମ୍ ଜାନି ନିଜେ ନୁହେ ସାନ୍  
ଝାରପଡ଼ରାନେ ବାସ କଲେ କିଏ ହଏ ଅଜ୍ଞାନ । ॥୪୮॥

ରଜା ଥିଲେ ଅଯୋଧ୍ୟାଆନେ କାହିଁ ପାଏତ ଦେଖା  
କାସ ମେଟା ତମର ସାଙ୍ଗେ ଭେଟ ଦଧବାର ଲେଖା । ॥୪୯॥

ଗୁହକ କହେ “ତୁମେ କିଏ ମୁଇଁ କିଏ ନାହିଁ ଜାନି  
ମୁଇଁ ଭକ୍ତିହୀନ୍ ତୁମକୁ ଶକ୍ତିମୟ ମାନି । ॥୫୦॥

ନଧଦ ଖଡ଼ିର କୁର୍ମା ଛାଡ଼ି ପାହା ପତୁ ମୋର କୁରିଆ  
ତାକ୍ ପକାଲେ ଶୁଭେ ଇନ୍ଦୁ ଆତୁଁ ନୁହେ ଦୁରିଆ । ॥୫୧॥

ଫଳ ମୂଲ ଦି'ଟା ଯୁଗାଇ ତମର ଭୋର ଲଗାଇ ପାଏମୁଁ  
ଏତା ସୁଯୋଗ ଜୁଗି ଜୁଗି କେତେ ଜନମ୍ ଧାସୁଁ ମୁଁ । ॥୫୨॥

ରାମ୍ କହେଲେ ସଦ୍ କରିଛେଁ ରହେମି ମୁନି ମିତାନ୍  
ନହେଲେ ଇନେ ରହେତୁଁ କାସ ପାଶେଁ ଆଉନ୍ ମିତାନ୍ । ॥୫୩॥





ସମକ୍ରୁ କହେଲେ ରାମ୍ ଏତକେ ଯା' ନିଜର ଘର  
ଅଠିପର ମୁଇଁ ତମର ଆର୍ଷ ନାଇଁ କରବ ପର ।      ॥୨୫॥

କୁଶମ୍ ତଳର କୁମାକେ ଆଶ୍ରିଲେ ସୀତାରାମ୍  
ଗୁହକ୍ କହେଲେ ଭାଇ ଲକ୍ଷ୍ମଣ ! ନିଅ ଟିକେ ବିଶ୍ରାମ୍ ।      ॥୨୬॥

ଲକ୍ଷ୍ମଣ୍ କହନ୍ ରାମ୍ ଆଇଛନ୍ ଝାଡ଼କେ ହଇଁ ଯୁଗୀ  
ଆଇଛେଁ ସାଙ୍ଗେଁ କରତବ୍ ମୋର ତାହାକୁଁ ରହେବାର କୁଗି ।      ॥୨୭॥

ଆଇଛେ ତାକର ସେବାନେ ମୁଇଁ ଦିନ୍ ନେବାର ଲାଗି  
ତାହାକୁଁ ଖୁଆଇ ଅଖୁଆ ରହି ଶୁଇଲେଁ ରହେମି ଜାଗି ।      ॥୨୮॥

ଚଉଦ ବରଷେଁ ଚଉଦ ପୁରୁଷର ସାପୁଲ୍ ହେବା ସପନ୍  
ନାଇଁ ହଦରେଁ ଜୀବନ୍ ଯାକ ଜାଗି ରଖିମି ଯତନ୍ ।      ॥୨୯॥

ସୁରୁୟ ଆସନ୍ ହରବର ହଇଁ ଝାଡ଼ କୁକରା ତାକଲା  
ଭୁରୁ ଉପରେଁ ପୁରୁବ୍ ଦିଗ୍ ସେହୁର ଆନି ମାଖଲା ।      ॥୩୦॥

ତରେ ହେଲେ ଚୁରୁଚୁରୁ ହରେକ୍ ରକମ୍ ଭାଷିନେ  
ଭଅଁର-ଗୀଡ଼ ମୂଲେଇ ଆନ୍ୟ ମଲାଡ଼ ମୁଲକି ହୁଁସିନେ ।      ॥୩୧॥

ସୀତା ଚେତ୍ଲେ ହେ ରାମବଳିଁ ଲକ୍ଷ୍ମଣ୍ ଶୁନ୍ତେ ସାର୍  
ତୁମଧାରି ଉତ୍ତରି ପରଲେ ତୁରତି ଗଙ୍ଗା ପାର୍ ।      ॥୩୨॥

ହାତେଁ ଉଲମାଇ ପାସନ୍ ତୁମାକେ କୁମା ଆଗେଁ ଥୁଇଲେ  
ହୁତା ହୁତି ସୀତାରାମ୍ ମୁହିଁ କାନ୍ ଧୁଇଲେ ।      ॥୩୩॥

କୁନ୍ଦା ବେତା ଲେଖେଁ ଦେଖନ୍ ଇ ସବୁ ମଡ଼ିରୀ  
ଆଖୁଁ ବହେ ଅନୁଖନ୍ ଲହଧାର୍ ଷଡ଼୍ୟନ୍ତିରି ।      ॥୩୪॥

ପାଟ୍ ସୁପାର୍ଥୁଁ ଶୁଇଲା ଗୁସିଆଁ ପତର ଦସେଇଁ ଶୁଏ  
ସୁଖ୍ ସଂଭୋଗ୍ ସତେ କେଭେଁ କାହାରି ବହୁଆ ନୁହେ ।      ॥୩୫॥

- ସତେ ସାଧଲେ ସକାଳ ବେଳର ସବୁଦିନିଆ କାମ  
କୁର୍ମା ଆଗେଁ ବସଲେ ଘାଏ ଲକ୍ଷ୍ମଣ ସୀତା ରାମ । ॥୭୬॥
- ଝାରିବାସୀ ସବୁ ଧା'ର ଧରି ହଇଁ ଗଲେ ନ ଠୋଲ  
ରାମକୁଁ ଛାଡ଼ି କେନ୍ଦ୍ର କାମନେ ହଇଁ ପାରତେ ଭୋଲ ? ॥୭୭॥
- କିଏ ଆନି ଚନ୍ଦ୍ର ଘାରିଁ ଦୁହିଁ ଭାଇକୁଁ ମଖାଲା  
ନାରୀ ପାରିଁ ସେନ୍ଦ୍ରୁ ଫରୁଆ ସୀତା ଆଗେଁ ଦେଖାଲା । ॥୭୮॥
- ବେକ୍ ମାନକୁଁ ଠାନ୍ କାଇଛେ ପିଆଲେ ଯେତେ ମାଲ  
ଫୁଲ ଛଡ଼ା ଥିଲା ଗୁଞ୍ଜ ମୋତି ହୀରାରୁ ହାର । ॥୭୯॥
- କିଏ ଜନ୍ମ ତୁରତି ଜୁଏ ଅଙ୍ଗରା ଦୁକର ଉପରେଁ  
ଗଛର ବାସନା ଲସା କୁହୁଲେଇ ଦେଲା ବତ୍ତରେଁ । ॥୮୦॥
- ଗଦା ହେଲା କେତେ ଫଲମୁଲ୍ ଏଖେଇ ଘାଏକର ଭିତ୍ତରେଁ  
ବନ୍ଧା ନିନ୍ଧା ହଇଁ ବଡ଼ା ହେଲା ବନ୍ଧ୍ୟ ପତ୍ତରେଁ । ॥୮୧॥
- ରାମ କହେଲେ ଆସ ମିତ ! ମହା ମନ୍ତ୍ରୀକୁଁ ତାକ  
ଶରଧା -ରସେଁ ଚମ୍ପ ଚମ୍ପଭକ୍ତ ଈ ଫଲମୁଲ୍ ଯାକ । ॥୮୨॥
- ପରସାଦ୍ ପାଏଲେଁ ପଲ୍ଲୀମୁ ଆମେ ଦୁଆଁ ଝାର  
ସଙ୍ଗାଡ଼ ! ଗଙ୍ଗାନଏଦ୍ ଇହାହିନି ହେମୁଁ ପାର । ॥୮୩॥
- ପରସାଦ୍ ସାଙ୍ଗେଁ ରହନି ସରଳା ଲହିକି ଯିବେ ଗଙ୍ଗା  
ସୁମନ୍ତକୁଁ କହନ୍ ରାମ ନାଇଁ ଚତୁରୁ ତଙ୍ଗା । ॥୮୪॥
- ପାଖକେଁ ଗଙ୍ଗାର ଧାର ବୁହେ ପାଖେ ବୁହର ଧାର  
ଦୁହି ଧାରର ମଝେଁ ରାମ କେନ୍ଦ୍ରା ହେବେ ପାର ? ॥୮୫॥
- ମନ୍ତ୍ରୀ ଆଖୁଁ ଧାର ବୁହେ ଘୁଡ଼ା ଆଖୁର ପାନି  
ଗଙ୍ଗା ଯମନା ସରସ୍ୱତୀ ନିଅନ୍ଦ ରାମର ମନ୍ଦ ଗାନି । ॥୮୬॥

- ମନ୍ତ୍ରୀ କହନ୍ ନାହିଁ ଫିରେ ଅବଧି ଆଉର ରାମ  
ଆଜୁ ଆଉର ନାହିଁ କରେନ ମହାମନ୍ତ୍ରୀ କାମ । ॥୮୭॥
- ମୁଇଁ ରହେମି ତୁମର ସାଙ୍ଗେ ବୁଲି ବୁଲି ଝାର  
ପଶୁ ହଇଁ ବି ଘୁଡ଼ାମାନେ ତୁମ୍ ନାହିଁ ପଡ଼ିବାର । ॥୮୮॥
- ମିତ ଜାନୁମ୍ ଲୋକଟେ ଦଉନ୍ ଖବର ନେଇଁ ଯିବା  
ଘୁଡ଼ା ଫିରବାକେ ନାହିଁ ମଙ୍ଗଳ ରଥଟା ଇନେ ଥିବା । ॥୮୯॥
- ହସି ହସି ରାମ୍ କହେଲେ ମହାମନ୍ତ୍ରୀ ତୁମେ  
ଯାହା କରିଛ ସୁରୁୟ ବଂଶର ଭେଦିଛେ ରୁମେ ରୁମେ । ॥୯୦॥
- କେତେ ଆପଦେଁ ଧୀରୟ ଦେଇଛ କେତେ ଦୁଖେଁ ସାହା  
ସୁରୁୟ କୁଲର ମନ୍ତ୍ରୀ ନୁହ ତ ଅ' କୁଜନି ବାହା । ॥୯୧॥
- ଶୁଭଳା ଛାଁଲେଁ ବାପା ଶୁଭଛନ୍ ଆମେ ଆଇଛୁଁ ଚାଲି  
କେନ୍ତା ନାହିଁ କେନ୍ତା ହଇଥିବେ ହସିଁ ଭାଲି । ॥୯୨॥
- ଫିରିଥିବେ କି ମାମୁଁ ଘରୁ ଭରତ୍ ଶତ୍ରୁଘ୍ନ ?  
ସୁତରେଁ ପାତରେଁ ଥିବା କି ନି ଯେ ମାଁ ମାନକର ମନ୍ । ॥୯୩॥
- ତୁମେ ଗଲେଁ ସେ ସବୁକେ ନେଇଯିବ ସିଂଭାଲି  
ମୋର ସାଙ୍ଗେ ଥିଲେଁ ଦୁହେଁ ଝାରେଁ ମରମା ଭାଲି । ॥୯୪॥
- ଘୁଡ଼ା ମାନକର ବେକ୍ ଅଥ୍ରେଇ କରନ୍ ଚ-ଚ  
ଝାରେଁ ଥିଲେଁ ବୋଝହେବ ଘରକେ ଯ' ଯ' । ॥୯୫॥
- ହିନ୍ ହିନାଇ ଘୁଡ଼ାମାନେ ଗୋଡ଼କେ ପିଟି ତଲେଁ  
ରାମ୍ ଦିହେଁ ଘିଁସ୍ତେଇ ହଇ ରହେଲେ କଲେଁ କଲେଁ । ॥୯୬॥
- ମନ୍ତ୍ରୀ କହନ୍ ରାମ୍-ଇଛା ନୁହେ ଆମ୍ ଅବଲ୍  
କାସିଁ ବଲ୍ ମୋର ଦସବାର କାର୍ବାର କରମି ବଦଲ୍ । ॥୯୭॥





କିଏ କହେ ମଝିଲୀ ମୁହେଁ ମାଗି ବୁଦ୍ଧକା ବୁଦ୍ଧିକୁ  
ବୋଝ କଲା ବଳି କହେଲେ ଶୁନ୍ଦବା କେ ଚାହିଁବୁ ?

॥୧୦॥

ଖବର ପାଇ ବଶିଷ୍ଠ ରଖି ତତାପନା ଆଏଲେ  
ଗିଆନ୍-ମାରର ଦେଖେଇ କଥା ବୋଧ କରି କହେଲେ ।

॥୧୧॥

ଅତୁଆ ହେଲା ନାଇଁ ଆଏବାର ଭରତ ଶତ୍ରୁଘ୍ନ  
କଇକେୟୀ କହନ୍ ଲୋକ ଯାଉନ୍ ସେନିକେ ଉକ୍ଷଣ ।

॥୧୨॥

ରଜାକର ଶବ୍ ତେଲେବୁତେଇ ଏଇନିକା ଆଉ  
ପିଲାମାନେ ଆଏବାର ତକ କା'ଣା କରମା ଆଉ ।

॥୧୩॥

ଖବର ପାଇଁ ପବନ ବେଗେ ଭରତ ଶତ୍ରୁଘ୍ନ  
ଆସି ଦେଖିଲେ ରାଏଜ୍ ସାରା ଜନ୍ ଥାଇ ନିର୍ଜନ ।

॥୧୪॥

ମାଁର ଠାକୁ ଶୁନ୍ଲେ ଝାର ଗଲେ ରାମ୍ ସୀତା  
ସାଇ ଧଏଲେ ଲକ୍ଷ୍ମଣ ରାଜ୍-ସୁଖ କରି ପିତା ।

॥୧୫॥

ଶୁନ୍ଲେ ଯେବେ ସବୁ ତାକର ମାଁର କରାମତି  
ଦମ୍ ଧରତେ କେନ୍ଦ୍ରା, କାଏଁ ଆବେଁ ରହେତା ମତି ।

॥୧୬॥

ମାଁ ଆ'ନ୍ ତ କା'ଣା କହେତେ ରାଗେଁ ଜର ଜର  
ଲହ ବହେଲା ଆଖି ଦରଦରାନ୍ ଅଠି ପର ।

॥୧୭॥

ବଶିଷ୍ଠ ସାଙ୍ଗେ ମନ୍ତ୍ରୀ ସତାସଦ୍ ସଭେ ବସି  
କା'ଣା କରବେ ଭବନ୍ ସବୁ ବେଲ୍‌ସୁଁ ଗଲା ନଖି ।

॥୧୮॥

ଭରତକୁ କହନ୍ ବାବୁ ! ରାଗର ସମିୟା ନୁହେ  
ବେଲର ବେଲୁଁ ଦେଖୁଁ ଯେନ୍ଦ୍ରା ଶବ୍ ସଜାର ହୁଏ ।

॥୧୯॥

ଭରତ ଭାବନ୍ ରାମ୍ ନାଇଁନ କାହିଁ ତାକର ଥିତି  
ଚିତା ଜଲେ, ମନେ ଜଲେ ଚିନ୍ତା ତାହାରୁଁ ଜିତି ।

॥୨୦॥

ଶତ୍ରୁଘ୍ନ ବୋ ! ଭଲ ଆମେ ମାମୁଁ ଘରକେ ଗଲାଁ  
ଜୀବନ୍ ଥାଇ ବି ଜାଇଁ ନୁହେଁ, ଜାଁ ଥାଉନ୍ ଥାଉନ୍ ମଲାଁ ।      ॥୨୧॥

ଲକ୍ଷ୍ମଣ ଥିଲା ଭାବଗବାନ୍ ସାଙ୍ଗେ ଗଲା ଜମି  
ମତେ ଲାଗେ ପିତାରୁ ଚିତା ଭିତ୍ରେ ଯାଏଟି ଶମି ।      ॥୨୨॥

ସତ୍ କହୁଛେଁ ଭରତ ଭାଇ ! ରାମ୍ ଆମକୁଁ ବିତୁଛନ୍  
ଆପ୍ତନେ ଖସି ରାଜପନ୍ ଧନ୍ ମମତା ରଖି ଭିତୁଛନ୍ ।      ॥୨୩॥

ତାକରୁ ସବୁଆଏ ଭାବି ନ ହେଲେଁ ଯତ୍ନପି  
ବିତ୍‌ବାରୁଟା ଛିଡ଼େ, ତାକୁଁ ପାରୁଲେଁ ଯାଏ ସମରପି ।      ॥୨୪॥

ସେ'ଟା ଆମେ କରମା ଭାଇ ! କାଏଁ ହଉଛ ବାଏ  
ତୁନ୍ ପର ବାପାରୁ କାମ୍ କାରୟ ସରବାରୁ ଯାଏ ।      ॥୨୫॥

ଦାହ ସାରି କାମ୍ କାରୟ ବାର ପତ୍ରି ସରୁଳା  
ତେର ଦିନେ ଯିବାର ମନା ମନ୍ ହଉଛେ ଅରୁଳା ।      ॥୨୬॥

ଚିତ୍ତଦ ଦିନରୁ ସକାଳୁ ପୁଏଁ ମନ୍ତ୍ରା ଗୁରୁ ପରୁକା  
କହେଲେ ଆସି ଭରତ ହଉନ୍ ଅବଧ ଦେଶରୁ ରଜା ।      ॥୨୭॥

ବାପା ଗଲେ ସରଗବାସ୍ ବନ୍ଦବାସ୍ ବଡ଼ଭାଇ  
ଚିତ୍ତଦବରଷ୍ ସିଂହାସନ୍‌କେ ରଖୁଥ ସିଂହାଭାଇ ।      ॥୨୮॥

ଭରତ-କାଏଁ କହେବେ କଥା ? ଆଖିଁ କହ-ଝରନା  
ରାମ୍‌ରୁ ଅଭାବ୍ ଭରତ କେବେଁ କରି ପାରୁବା ଭରତା ।      ॥୨୯॥

କେନ୍‌ସି ବି ବାହାନା କରି କାହାରିରୁ ସଂପତି  
ପରୁକେ ଦେଲେଁ ପଲାଏ ମାଲିକ୍ ପାଶୁରି ଆପତି ?      ॥୩୦॥

ସୁଧାରୁ ଭାବେଁ ଦେଖାଏ ମାଲିକ୍ କେତେ ଉଦାର ପନ୍  
କେତେ ବଡ଼ ଧନୀ ? କେତେ ମହାନ୍ ତାରୁ ଧନ୍ ।      ॥୩୧॥

ମାଲିକ୍ ପାଦେଁ ଯାଇ ସଁପିନେମି ତାର୍ ଧନ୍	
କୁରିଆଟାକର ଠାନ୍ ମାଗ୍ମି ରହେବା ଯେନ୍ବନ୍ ।	॥୩୨॥
ରାମ୍ବର ଦେଖା ନାଇଁ ପାଏଲେଁ (ଇ)ଦେଖା ମୋର ଶେଷ୍ ଆଏ	
ଭରତ୍ କେ ଆର୍ ଭର୍ମେ ବି କେ ନାଇଁ ଦେଖନ୍ ଘାଏ ।	॥୩୩॥
କହି ମନ୍ତ୍ରୀ! ରାମ୍ ଏଛନ୍ ଥୁବେ କେନ୍ ଠାନେ ?	
କେନ୍ନୁ କେନ୍କେ ଯାଉଥୁବେ ତୁମ୍ବର ଅନୁମାନେ ।	॥୩୪॥
ଯିମି ମୁଇଁ ସଁପି ସାରି ନେମି ତାକର ରାଏଜ୍	
ନାଇଁ ରହି ପାରେଁ କାହିଁ ବାହାରିଲିଁ ନ ଆଏଜ୍ ।	॥୩୫॥
ଭରତ୍ ପଛେଁ ଶତ୍ରୁଘନ୍ ତାର୍ ପଛେଁ ସବ୍ ରାନୀ	
ଦାସୀ ପରିବାରୀ ଆସି ହେଲେ ଘାଁଟି ସାନି	॥୩୬॥
ଗୁରୁ ମନ୍ତ୍ରୀ ସେନାପତି ସଏନ୍ ସାମ୍ବତ୍ ହାଜର	
ଅଯୋଧ୍ୟା ତାର୍ ସ୍ବରୁପ୍ ନେ ବାହାରିଛେ ଆଜର ।	॥୩୭॥
ସଭାସଦ୍ କର ଆଗେଁ ଉଭା ଆପେଁ ବଶିଷ୍ ଗୁରୁ	
ଯାଇ ନାଇଁ ପାର୍ଲେ ଯେ ସେ ରହେଲେ ସାନ୍ ସୁରୁ ।	॥୩୮॥
ରାମ୍ ପାଶ୍ବକେ ଅବଧ୍ ଧାଏଁ କାଲ୍ କେ ରହେଲା ନାଁ ।	
ପତିହାନ୍ ଅବଧ୍ ରହେଲା ଗତିହାନ୍ ଗାଆଁ ।	॥୩୯॥
ଥରେ ଯାଇ ସୋଜ୍ ସୋଜ୍ ଆସିଥିଲେ ଫିରି	
ରାମ୍ କୁଁ ଆନ୍ଲେଁ ଯାଇଁ ଫିର୍ବେ ବାହାରନ୍ ହଇଁ ଭିରି ।	॥୪୦॥
ଆଗେଁ ଆଗେଁ ମନ୍ତ୍ରୀର ରଥ୍ ହେଲା କ୍ବତୁଆଲ୍	
ସୁରୁୟ୍ ହେଲେ ଲାଜେଁ ଅଧାର୍ କଳା ଅତୁଆଲ୍ ।	॥୪୧॥
ଆଗେଁ ବହେ ତମ୍ବା ନଏଦ୍ ଖିଁଟି ଗୁହକ୍ ତାକୁଛେ	
ସଏନ୍ ଦେଖ୍ ସିଖ୍ ସ ହେଲା ନିଜର୍ ପଉଜ୍ ତାକୁଛେ ।	॥୪୨॥



ରଜା ଯାଇଛନ୍ତି ଆରପାର୍ ଦିନ ଚଉଦ ଚଳେଁ  
ସଏନ୍ ଧର୍ମ କେ କୁଦାଏ କି ? ଯାଏ ଭଲେଁ ଭଲେଁ ?

॥୪୩॥

ସୁମନ୍ତନେ ଦେଖା ହଉନ୍ ସବୁ କଥା କହେଲେ  
ଭରତ ଗୁହକ ଭେଟ୍ ପରି ସେନେ ରାଏତ୍ ରହେଲେ ।

॥୪୪॥

ଗଲେ ଭରଦ୍ଵାଜ୍ ଆଶ୍ରମ୍ ଗଙ୍ଗା ହଇଁ ପାର୍  
ଖୁସି ହେଲେ ପାଇ ରକ୍ଷି ଆଶ୍ରମ୍ ବେଭାର୍ ।

॥୪୫॥

ଭରଦ୍ଵାଜ୍ ଥିଲେ ଭୋକ୍ ରାମ୍ କଥା ସୁମରି  
ରାମ୍ ଆସି ଯାହା ଭିଆଲେ ହୁରୁଦ୍ ଯାଏ ଘୁମରି ।

॥୪୬॥

ତାକର୍ ରୁପ୍ ରଙ୍ଗ ଚାଳିଚଳନ୍ କଥା ଭାଷା  
ମନ୍ ଭିତ୍ ରେଁ ଉତ୍ସକଉଥାଏ ଅଶେଷ୍ ଆନନ୍ଦ୍ ଆଶା ।

॥୪୭॥

ଜୀବନ୍ ଆଏ ନ କେବଳ୍ ଗୁଟେ ଆନନ୍ଦ୍ ଚରେର ଘରା  
ଝାରେଁ ହଉ କି ଘରେଁ କିଏ ରହେ ଆନନ୍ଦ୍-ହରା ।

॥୪୮॥

ସହଜେଁ କେତେ ହଜେଇ ନେଲେ ମତେ ତାକର୍ ରସେଁ  
ଅମାନିଆ ମନ୍ ବସଲା ତାକର୍ ଭାବର୍ ବଶେଁ ।

॥୪୯॥

କହେଲେ ମୁଇଁ ଝାର୍ ଆଇଛେଁ ପିତା ସଦ୍ ପାଇଁ  
ମୋର୍ ରହେବାର୍ ଲାଏକ୍ ଠାନ୍ ବତାଲେଁ ଯିମି ଚାଲି ।

॥୫୦॥

ସରବ୍ ଜାନ୍ ହଇଁ ନାଇଁ ଜାନ୍ନା ମେତାଲ୍ କଥା  
ଦେଖେଇ ନାଇଁ ହ'ନ୍ ହଇଁ ସବୁଥୁଁ ସାମ୍ଭରଥା ।

॥୫୧॥

ରାମ୍ ପଛାପଇଁ ଆଇଛନ୍ ପଚାରି ମୋର୍ ଆଶ୍ରମ୍  
ଆନନ୍ଦ୍ ପଇଁ ଧରବାକେ କା'ର୍ ହେବା ଭ୍ରମ୍ ?

॥୫୨॥

ଦେଖୁଲା ବେଲୁଁ ଭରତ୍ ମତେ ରାମ୍ ମେତାଲ୍ ଦିଶନ୍  
ନିଲଜେଇ ଥିବା ନିରାନ୍ଦକେ ନୁନ୍ ଚୁନ୍ କରି ପିଷନ୍ ।

॥୫୩॥

ବେଦ୍ କହେ ବ୍ରହ୍ମଜାନିଲା ଲୋକ୍ ଆଦନ ବ୍ରହ୍ମ  
ଜୀବନ୍ ମାତ୍ରେ ବ୍ରହ୍ମ ଜାନିଲାରା ହିଁ ଆଦ ଧର୍ମ ।

॥୫୪॥

ଭରତ୍ ଦିଶନ୍ ରାମ୍ ସମାଜ ରାମ୍‌କେ ସେ ଜାନ୍‌ଏ  
ରାମ୍ ଅନୁରୂପ୍ ସ ରୁ ବୃଦ୍ଧେ ରାମ୍ ମାନ୍‌ଏ ।

॥୫୫॥

ଭରତ୍-ସାଙ୍ଗେଁ ଯାହା ଆଜଛନ୍ ସଭେ ରାମ୍‌ର ଲୋକ୍  
ମନା ଗୁନା ଉନା ନାହିଁ କରି ମେଟାଲେ ଭୋକ୍ ।

॥୫୬॥

ଯାଇ ନାହିଁ ଦେବାର୍ ମନ୍, ରଖ୍ କାହିଁ ହୁଏ ?  
ଛନ୍‌ଏ ପାଏଲେଁ ବନ୍‌ଏ ଜନମଦ୍ ପାଶ୍‌ରି ନୁହେ ।

॥୫୭॥

ଶମନ୍ ତେଗିଁ ଆତ୍‌ମା ଯେତା ଯାଏ ଅପ୍‌ନା ଧାମ୍  
ଯମ୍‌ନା ପାରି ହଇ ଚିତ୍ରକୃତ୍‌କେ ଗଲେ ରାମ୍ ।

॥୫୮॥

ସମ୍‌କୁଁ ବାଟ୍ ଦେଖାଏ ଯେ ବାଟ୍ ଦେଖାବାର୍ ଲାଗି  
ନେଲା ସାଙ୍ଗେଁ ଚେଲା ଦୁଇ ମୋହର୍ ଠାନ୍ ମାଗି ।

॥୫୯॥

ଚେଲାମାନେ ବାଲ୍‌ମିକନେ ଭେଟ୍ କରାଲେ ନେଇ  
ରଷି କଲେ ଜନମ୍ ସାପୁଲ୍ ଆଦର୍ ସକାର୍ ଦେଇ ।

॥୬୦॥

ଶିଷ୍ୟମାନ୍‌କର୍ ଆଗେଁ ଶିଷ୍, ଭାବେଁ କହେଲେ ପରେ  
କେନ୍ କେନ୍ ଠାନେ ରହେମି ମୁନି ! ବତେଇ ନିଅ ଥରେ ।

॥୬୧॥

ମାସେ ପଖେ ନୁହେ ଚଢ଼ଦ ବରଷ୍ ବନବାସ୍  
ପିତା ସତେଁ ଆସେଁ ନାହିଁ ଯାଏଁ ଅସତ୍ ପାଶ୍ ।

॥୬୨॥

ରାମ୍ କଥାର୍ ଯେନ୍ ଭଉର୍ ଦେଲେ ମହାମୁନି  
ଆଶ୍ରିୟ୍ ଲାଗେ ଶିଷ୍ୟମାନ୍‌କର୍ ଠାନ୍ ସବୁ ଶୁନି ।

॥୬୩॥

ମୁନି କହେଲେ ତୁମେ ନାହିଁ ଥିବାର୍ ଠାନ୍ କାହିଁ ?  
ଅଛେ ବଲି, ବୁଢ଼ାହେଲି ପଛେ ଜାନେ ନାହିଁ ।

॥୬୪॥



ରଜାପୁଠ ଝାଡ଼କେ ଆଇଛ ଦୁଖକେ ନାଇଁ ତରି ଯାହିଁ ରହେଲେ ବି ଦୁଖୀର ହୁରୁଦ୍ ଥିବ ଅନ୍‌ସରି ।	॥୭୬॥
ହସି କହେଲେ ରାମ୍ ! ରକ୍ଷି ତୁମେ ବ୍ରହ୍ମଦରଶୀ କଥା ଧାରେ ସୁଧାର୍ ଧାର ଦେଲେ ସିନେ ବରଷି ।	॥୭୭॥
ଏଡ଼କି କହି ତୁରତି ଗଲେ ଦେଇ କେତେ ମାନ୍ ମର୍ଥୁ ହଉଛେ ମନ୍ ସୁରେଇଁ ତାକର୍ କଥା ମାନ୍ ।	॥୭୮॥
ଲକ୍ଷ୍ମଣ କଲେ ମନ୍ଦାକିନୀ ଖିତି ଖିତ୍‌ଏ କୁରିଆ କୁର୍ମା ଗୁଟେ ମାଏଲେ ନିଜର ଲାଗିଁ ଚିକେ ଦୁରିଆ ।	॥୭୯॥
ଦରପନ୍ ଦେଖେ ସୁନ୍ଦର ପନ୍ ଚିତ୍ରକୁଟର ଝାରେଁ ଫୁଲ୍ ଫୁଲ୍‌ଲା କହର ଛୁଟ୍‌ଲା ଆନନ୍ଦ ଧାରେଁ ଧାରେଁ ।	॥୮୦॥
ଲୟ ଧରିଁ ଗୀତ୍ ଗାଏଲା ମଲୟ ପବନ୍ ମଲ୍‌କିଁ କୁଲ୍ କୁଲ୍ କରି କୁରଲି ଉଠଲା ମନ୍ଦାକିନୀ ଛଲ୍‌କିଁ ।	॥୮୧॥
ମୁତି ଅଷ୍ଟିଆ ମେଘର ମେତାନ୍ ରାମ୍ ଦେହକେ ଦେଖିଁ ମୟୂର ନାଚେ ତାହୁକ୍ ତାକେ ନୁହେଁ ଛନ୍ଦ୍‌ଏ ଛେକିଁ ।	॥୮୨॥
ଆନନ୍ଦ-ଯୋରେଁ ବଏଡ୍ ଆଏଲା ମନ୍ ଭିତ୍‌ରେଁ ମୋର୍ ଖୁଲି ଗଲା ରାମ୍ ଭାବ୍‌ନା ଭୁଲିଁ ବାହାର୍ ସୋର୍ ।	॥୮୩॥
କହନ୍ କହନ୍ ମୁନି ଗଲେ ଗୁମି ଧିଆନ୍ ଭିତ୍‌ରେଁ ଭୁଖାର୍ ଆଗେଁ ତାଲା ପକାଏ କିଏ ଅରନ୍ ଛଡ଼ରେଁ ।	॥୮୪॥
ଲବକୁଶ ମୁନିର୍ ପାହାଞ୍ଚିଇଁ କରି ବିନ୍‌ତି ଧିଆନ୍ ସମୁଦରୁଁ ମୁନିକୁଁ ବହରାଇ ନେଲେ ତୁରତି ।	॥୮୫॥
କହେଲେ ଶୁନିଥୁଲୁଁ ଭରଦ୍‌ବାଜ୍ ଆଶ୍ରମ୍ ଠାନେ ଥିଲେ ଭରତ୍ ଶତ୍ରୁଘନ୍ ଅଯୋଧ୍ୟାର୍ ଲୋକ୍‌ମାନେ ।	॥୮୬॥

କା'ଣା କଲେ ସେ'ନୁ ଫେର ବାହାରିଁ ଗଲେ କେନ୍ଦୁକେ ତାହା କହି ବାବା! ବୋଧ କର ଆମର ମନୁକେ ।	॥୮୭॥
ଉଦ୍‌ବି ଧୁଆନ୍ ଭିତରୁଁ ମୁନି ସୁମରି ରାମ୍ ନାମ୍ କହେଲେ ଭରଦ୍‌ଞ୍ଜ ତାକୁଁ ଆଗେଁ ଦେଇ ଆରାମ୍ ।	॥୮୮॥
ଦେଖେଇ ନେଲେ ରାମ୍ ଲକ୍ଷ୍ମଣ ସୀତା ଯିବାର ବାଟ୍ ଆଶ୍ରିୟ ହ'ନ୍ ଭରତରୁ ଭକ୍ତିନେ ନାଇଁ ପାଟ୍ ।	॥୮୯॥
ପ୍ରୟାଗ୍ ତୀର୍ଥେଁ ସଭେ ସ୍ନାନ ସାରିଁ ପୂଜାପାଠ୍ ହାତ୍ ଯୁରି ବିନ୍ଦତି କଲେ ହେ ତାରଥ୍ ସମ୍ରାଟ୍ ।	॥୯୦॥
ପରମ୍ ସାଙ୍ଗେଁ ଜୀବରୁ ସଂଗମ୍ ହେଲା ଲେଖେଁ ଯମୁନା ସରସ୍ୱତୀ ଗୁରେଇ ହୁଅନ୍ ଗଙ୍ଗାର ବେକେଁ ।	॥୯୧॥
ଗଙ୍ଗା ତ ନାଇଁ ଅତାବାରୁ ଯ ମୁନା ସରସତୀକେ ପ୍ରଭୁ ନାଇଁ ଅତାତେ ହେଲେଁ ଭରତ୍ ହାନ୍ ମତିକେ ।	॥୯୨॥
ମନ୍ତ୍ରୀ ସବନ୍ ସାମନ୍ତ - ଗୁରୁହର୍ଷ ଧକ୍ ଯୁକ୍ ଭରତ୍-ଗୁହକ୍ ଧରା ଧରି ତାଳନ୍ ଚିତ୍ରକୂଟ୍ ।	॥୯୩॥
ତାକରୁ ପଛା ପଛୁ ତାଲେ ରାନୀ ମାନକରୁ ଦୁଳା ନିଜକେ ପାଶ୍ରି ସୋରୁ କରନ୍ ଭରତରୁ ଗୁଲ୍‌ଗୁଳା ।	॥୯୪॥
ଭରତରୁ ପଛୁ ଛାଡନ୍ ନାଇଁ ଘାଏ ଶତୃଘନ୍ ରାମକୁଁ ଦେଖିବାରୁ କାୟେଁ ମନ୍ ହୁଏଇନ୍ ଛନ୍ ।	॥୯୫॥
ଗୁହକ୍ ତି ତି ହଇଁ କହେଲେ ଦିଶେ ଗୁଟେ କୁରିଆ ନାକରୁ ସକ୍‌ଶେଁ ଦେଖ ଆଗେଁ ଜହ ନାଇଁନ ଦୂରିଆ ।	॥୯୬॥
ଦିହେଁ ବକକ୍ ମୁତେଁ ଜଟା ରାମ୍ ଲକ୍ଷ୍ମଣ ଦୁହେ କୁରିଆ ଆଗେଁ ଠିଆ ମୋରୁ ଅନମାନ ଭୁକ୍ ନୁହେ ।	॥୯୭॥

ଭରତ୍ ଦଉଡ଼ନ୍ ଝୁଟେଇ ହେଲେଁ ଯିବା ଜାନ୍ ଶତ୍ରୁଘନ୍ ବି ତାକର୍ ଠାନ୍ ଜିତିକରି ଧାଆନ୍ ।	॥୯୮॥
ରାମ୍ ପାଦେଁ ଯୁଗରେଇ ହେଲେ ଭରତ୍ ଶତ୍ରୁଘନ୍ ରଠ୍ ଖରାନେ ପୁରୁରା ଛାପରେଁ ଯେତା ପରନ୍ ।	॥୯୯॥
ଗୁହକ୍ ଚାଳନ୍ ଦେଖିଲା ବେଲୁଁ ଯୁତା ହାତ୍ ଟେକି ଗୁରୁ ମନ୍ତ୍ରୀ ସଏନ୍ ମାନ୍କର୍ ଆନନ୍ ନୁହେ ଲେଖୁ ।	॥୧୦୦॥
ସୀତା ଆଏଲେ କୁରିଆନ୍ ସେ ପାଶକେ ଲକ୍ଷ୍ମଣ୍ କାନ୍ଦି ମାନେ ଶୁନି ଝାରର ଛାତି ହଏ ଖଣ୍ ଖଣ୍ ।	॥୧୦୧॥
ଭରତ୍ ମୁହେଁ କଥା ନାଏନ ଆଏଖ୍ ପୁଣ୍ ଲହ କରୁଣା ମୁର୍ତ୍ତି ରାମ୍ ନୁହନ୍ ଉନା; କାନ୍ଦନ୍ ଜହ ।	॥୧୦୨॥
ବାପାକର୍ ବିଷେ ଜାନ୍ବାରକେ ଆକୁଲ୍ ବିକୁଲ୍ ରାମ୍ ଭରତ୍କେ ପଦରାବେ ବଲିଁ କରନ୍ ରାଗତାନ୍ ।	॥୧୦୩॥
ରାମାମାନେ ପୁହୁଟି ଆଏଲେ ଦୁଖର୍ ବୋଝ ବୁହି ପାହେଁ ପରଲେ ରାମଲକ୍ଷ୍ମଣ୍ ସୀତା ଲୁହିଁ ଲୁହିଁ ।	॥୧୦୪॥
ମାଁ ମାନ୍କର୍ କପାଲେଁ ନାଇଁ ସେହୁର୍, ହାତେଁ ତୁରି ମନେ ଥିବାର୍ ଆଶାଟିକ ଠାନେ ହେଲା ତୁରି ।	॥୧୦୫॥
କୁତ୍ କୁତା ରୁବ୍ ରୁବା ହଇ କାନ୍ଦିଁ କହେଲେ ରାମ୍ ଅଭାଗା ପୁଠି ଭିତ୍ରେଁ ରହେଲେ ପହେଲା ମୋର୍ ନାମ୍ ।	॥୧୦୬॥
ଘାଏକର୍ ମାଏନ୍ ଗଲେଁ କେତେ ହଉଥାଆନ୍ ଝୁରି ସବୁଦିନକେ ଗଲାବେଲେଁ କେତେ ଥିବେ ନୁରି ।	॥୧୦୭॥
ଦୂରଭାଗା-ପୁଠି ମୁଇଁ ଆଏଲିଁ ଦୂରକେ ତାକୁଁ ଛାଡି ମତେ ଛାଡ୍ ବାର୍ ଚିନ୍ତା ତାକୁଁ କେନ୍ତା ଥିବା ମାଡି ।	॥୧୦୮॥

- କାଁ କରିଥିବେ ମାଁ ମାନେ ! ଜୀବନ୍ତ ଗଲା ବେଳେ  
 ବନ୍ଧ୍ୟ ଗେଲେ ପାଇଲେ ଯାହାକୁ ନାଏନ ଜନ୍ମ୍ୟ ହେଲେ ।      ॥୧୦୯॥
- ମହାକେ ଦିଏ ଆନନ୍ଦ ଯିଏ ଅଛି ରୁଦ୍ଧ ହଇଁ କାନ୍ଦେ  
 କାୟାର ଛାୟା ସମୟ ନେଇ ମାୟା ବନ୍ଧନେ ବାନ୍ଧେ ।      ॥୧୧୦॥
- ଅତୁଆ ଥିତି ଜାନି ବଶିଷ୍ଠ ପୁତ୍ରୁଟି ଗଲେ ଯାଇ  
 ପାହେଁ ପରଲେ ରାମ୍ ଲକ୍ଷ୍ମଣ ସୀତା ଆସି ଧାଇଁ ।      ॥୧୧୧॥
- ଋଷି କହେଲେ ଦିହଟା ବାବୁ ! ବାପୁ ନୁହେ ତୁମର  
 ବାପୁ ଯେ ଆଏ ସହଜେଁ ସେତ ଆଏ ଅଜର ଅମର ।      ॥୧୧୨॥
- ଯେନ୍ ଦିହ ଲାଗି କାନ୍ଦ ତୁମେ ସେ'ତ ଗଲାନ ପୁତି  
 ସତର ପିତୃଦେବ ତମର ବୁଲନ୍ ଉଡ଼ି ଉଡ଼ି ।      ॥୧୧୩॥
- ଇନିକେ ବି ଆସିଥିବେ ତୁମକୁ ଦେଖିବାର କାୟେଁ  
 ମାଟିର ଦିହକେ ହେଜ ଜାନି ହଉଥିବେ ଲାଜେଁ ।      ॥୧୧୪॥
- ତୁମେ ତିନୁହେ ଦିଅ ନୁହେ ମଲା ପାଏନ୍ ବୁଡେ  
 ନୁହେ କର ପିତୃପରଦାନ କେହେନି ଅରନ୍ ମୁଡେ ।      ॥୧୧୫॥
- ଗାଧ ବୁଡ ରାଏଶ୍ ସାଜେଁ ବାଏଲ୍ ଉଠିଲା ଦିଅ  
 ଆଦେଖା ଥିଲେ ବି ତାର ଆଶିଷ୍ ମାଗିନିଅ ।      ॥୧୧୬॥
- ଏଡ଼କି ଶୁନି ମନ୍ଦାକିନୀ ନଦୀ ସିନାନ୍ ସାର୍  
 ତିଲ୍ ତରପନ୍ ପିତୃ ପରଦାନ କଲେ ମନ୍ ମାରି ।      ॥୧୧୭॥
- ଚିତ୍ରକୂଟ୍ ଉପରେଁ ତାକର ତାକର କଥା ହେଲେ  
 ମଝିଆଁ ମାଁକର ବଦନାମ୍ କରି ଭରତ୍ କିଛି କହେଲେ ।      ॥୧୧୮॥
- ବିରକତ୍ ହଇଁ କହେଲେ ରାମ୍ ବୀର ଉପରେଁ ବୀର !  
 ଭନିଆଁ କିଏ ହଇଥିଲେଁ ହରେଇ ଥିତା ଶିର ।      ॥୧୧୯॥





## ପାଞ୍ଚତ-୧୦

### ଚିତ୍ରକୃତେଁ ସଭା ଆର ଭରତର ବିନ୍ଦୁତି

ପଞ୍ଚମ ଦିଗର ବେଳ ବିଛୁଛେ ଖରା ଯାହିଁ ତାହିଁ  
ରକ୍ତ ପୁରୁକୁଲେଁ ଛିଙ୍କୁଲି ଆସେ ବେଦୀ ନିକେ ଧାଇଁ ।      ॥୧॥

ମୁନି ବାବାର ରାମେନ୍ କଥା ଶୁନ୍ଦବାରକେ ମନ୍  
ଚରେ ମାନେ ଚରା ସାର୍ ଲେହେଟି ଆସୁଛନ୍ ।      ॥୨॥

ମୁନି କହନ୍ ଚିତ୍ରକୃତ ପର୍ବତ ଯାଏ ଚହଲି  
କେଲେଁ ନାଇଁ ଆସଇ କାଁ କରି ଏତେ ଗହଲି ।      ॥୩॥

ଅର୍ଦ୍ଧ ନାଇଁ ପାଇଁ ଝାରର ଜିନ୍ଦ ଟେରେଇ ଚାହୁଁଛନ୍  
ଚରେ ଦଲ ବି ଭିରକି ଭିରକି ଉପରେଁ ଉଡ଼ିଁ ଯାଉଛନ୍ ।      ॥୪॥

ମହାକିନୀ ନଦୀର ଖିଡ଼ି ଚଟାନ୍ ଦେଖୁଁ ପଛାଁ  
ସେନେ ବସି ଅବଧ ବାସାର ଚାଲେ କେତେ ଚର୍ଚ୍ଚାଁ ।      ॥୫॥

ମନ୍ତ୍ରୀମାନଙ୍କର ପାଶେଁ ବସିଷ୍ ଋଷି ଆସି ବସି ଛନ୍  
ଭନିଆଁ ସଭାସଦ୍ ସାଙ୍ଗେଁ ରଷିମାନେ ବି ଆସିଛନ୍ ।      ॥୬॥

ରାଜାମାନେ ଆସି ବସିଛନ୍ ଦାସୀମାନଙ୍କର ଭିତରେଁ  
ରାମ୍ ଲକ୍ଷ୍ମଣ ଚାରୁହି ଭାଇ ଠିକ୍ ତାଙ୍କର ସୁତରେଁ ।      ॥୭॥

ଭରତ ଉଠି ଯୁହାର କଲେ ସାରା ସଭା ଦେଖୁଁ  
କହନ୍ ଆଖୁର ଲହ ନାଇଁ ହଇଥାଏ ଛେକି ।      ॥୮॥

“ଭନ୍ଦକେ କାହିଁ ଆସିବୁଁ ଯେ ଜାନୁଥିବେ ରାମ୍  
ତ’ବି ପଟିକ୍ ଭାବେଁ ଜନାବାର ଆଏ ଆମର କାମ୍ ।      ॥୯॥



- ପିତାସତ୍ ନାହିଁ ରହେ ମୁହିଁ ମାନୁଲେଁ ଖାଲି  
ତେଭେଁ ଯାଇ ରହେବା ଯଦ୍‌ବି ତୁହିଁ ବି ପାରୁ ପାଲି । ॥୨୧॥
- ବତ୍ ଭାବ ଆଏ ବାପ୍ ସମାନ୍ ମୋର କଥା ବି ମାନ୍  
ତୋର ଅଭିଷେକ୍ ହଉ ଆନିଛୁତ ସବ୍ ସାମାନ୍ । ॥୨୨॥
- ତୋର ମୋର ଭେଦ୍ ନାହିଁ ଯେ ହେଲେଁ ବି ଏକା  
ଭିତ୍‌ରେଁ ମତେ ମାନ୍ ଯେଦ୍‌କି ବାହାରେ ସେତେଦେଖା । ॥୨୩॥
- ଭରତ୍ ଆଖୁଁ ପୁଲ୍‌ଲେ ଲହ ଝାର୍‌ଲେ ଦିହୁଁ ବାଏଲ୍  
ବାଏଲ୍ ସାଙ୍ଗେଁ ଅଝର୍ ପନ୍ ଝରି ଗଲା ଭାଏଲ୍ । ॥୨୪॥
- ଭରତର ସେ ଭକ୍ତି ବତ୍ କି ରାମର ସେନ୍‌ହେ ବତ୍  
କିଏ ଜାନ୍ତା ଯାହା ଥିଲେ ସବ୍ ପାଲ୍‌ଦେଁ ଜତ୍ । ॥୨୫॥
- ଭରତ୍ ତଲେଁ ପରି ଧଏଲେ ରାମର ଦୁହି ପାଦ୍  
ତଉଦ୍ ବରଷ୍ ଛାଡ଼ି ନୁହେ ରାମ୍ ସେନ୍‌ହେର ସ୍ଵାଦ୍ । ॥୨୬॥
- ଇ ପାଦ୍ ତ ଛାଡ଼ି ନୁହେ ଯାହା ହେବାର ହଉ  
ଆଏଲ୍ ଅଯୋଧ୍ୟା ରାଏଲ୍ ପଲେ ଅରାଜକ୍ ରହୁ । ॥୨୭॥
- ଯାଉ ଲକ୍ଷ୍ମଣ୍ ରଜା ହଉ ଯାଉ ଶତ୍ରୁଘନ୍  
କୁର୍ମା ମାରି ଥିମି ରାମ୍ ଥିବେ ଯେନ୍ ବନ୍ । ॥୨୮॥
- ବଶିଷ୍ଠ ରଷି ବସିଥିଲେ ସୁମନ୍ତ ପାଖେଁ ପାଖେଁ  
ନାହିଁ ଜନାହିଁ କାହାକୁ କଥା ହେଲେ ଆପେଁ ଆପେଁ । ॥୨୯॥
- ରାଏଲ୍ ଶାସନ୍ ଏକା ଆଏ ଅବଧ୍ ହଉ କି ଝାର୍  
ଅଯୋଧ୍ୟାନେ ମୁନୁଷ୍; ଝାରେଁ ଅନ୍‌ମୁନ୍‌ଷିଆ ହଜାର୍ । ॥୩୦॥
- ଝାରେଁ ଥିଲା ଲୋକ୍ ଯେନ୍ତା ଦିଶନ୍ ସେନ୍ତା ନୁହନ୍  
ବାହାରେଁ ଲଗେଇ ଭେକ୍‌କି କୁକି କୁକି ଭିତରେଁ କୁହନ୍ । ॥୩୧॥
- ସେ ସମ୍‌କୁଁ ବଶ୍ କର୍‌ବାର୍ କବାର୍ ସହଜ୍ ନୁହେ  
ସୋଜ୍ କୁକର୍ ହାତେଁ ତାକର୍ ମରନ୍ ନାହିଁ ହୁଏ । ॥୩୨॥

ବଲ୍ଲ ଅଛେ, ଅସତୋଷ୍ ଅଛେ ପରବଲ୍ଲ ମରନ୍ ସୁଲଭ ନୁହେ ଦୁଲଭ ଆଏ ମୁକ୍ତିର ପଲ୍ଲ ।	॥୩୩॥
ଆଉର ଅଛନ୍ ଡିଙ୍ଗର ନୁହନ୍ ଝାର ଡଙ୍ଗର ଭିତର ସାଦା ସିଧା ସରଲ୍ ସୁଧାର୍ ସାଙ୍ଗେଁ ସହଜ୍ ସୁତର ।	॥୩୪॥
ବରକଷ୍ ଦେହେ କରକଷ୍ ନୁହେ ସେ ମନ୍ ମାନେ ଦିହ୍ ଆନନ୍ଦେଁ ନୁହେ, ବୁଝନ୍ ଠିକ୍ ଆନନ୍ଦର ମାନେ ।	॥୩୫॥
ଅତି ମାନବ୍ ମାନେ ଅଛନ୍ ଯତି ମୁନି ନାଏଁ ଯୁଗ୍ ଯୁଗ୍ ଯୋଗ୍ ସାଧ୍ ନିରାନ୍ଦ୍ର ଥିବେ କାଏଁ ?	॥୩୬॥
ଜୟ ରତି ରତି ଆଉର ଖଟି ଖଟି ସେ ତୟ୍ କେତେ କାଲ୍ ଶୁନ୍ ଥିବେ ଆନନ୍ଦ ମୟର ଗୟ୍ ।	॥୩୭॥
ଈ ସଭେ ଟାକି ଅଛନ୍ ଆନନ୍ଦ ମୂର୍ତ୍ତି ରାମକୁଁ ନାହିଁ ଜାନି ବଳିଁ ଜନାହିଁ ନେଲିଁ ଆସଇ ସମକୁଁ ।	॥୩୮॥
ଭରତ୍ କଲେ ଭଲ୍ କବାର୍ ଯାହାର୍ ରାସଇ ତାହାକେ ସିପି ସାରି ସଲଖ୍ ରଖିଲେ ଆସବା ଦିନର ରାହାକେ ।	॥୩୯॥
ଫିରାବାର୍ ସୀତକାର କରି ଭଲ୍ କହେଲେ ରାମ୍ ସେ ରାସଇକେ ଟାକର ହଇଁ ଭରତ୍ ପାଲୁ ଥାଆନ୍ ।	॥୪୦॥
ଚଉଦ ବରଷ୍ ପରେଁ ଯେତେଁ ଫିରିଆସବେ ରାମ୍ ରାସଇ ଭାର୍ ନିଜେଁ ବୁହି ବୁଝିବେ ଶାସନ୍ କାମ୍ ।	॥୪୧॥
ଉଚିତ୍ ହେତା ସୁସ୍ ଚିତ୍ ଭରତ୍ କରି ବିଚାର୍ ହାତେଁ ନେତେ ହେଲେଁ ଅଯୋଧ୍ୟା ରାସଇ ଭାର୍ ।	॥୪୨॥
ଅଲପ୍ ହୁଏଁ କହେଲେ, ରାମ୍ ମାନ୍ ଭାଉଁ ମାନ୍ ରଜା ସାଙ୍ଗେଁ ବଢିଁ ଯାସତା ରାସଇର ସମ୍ମାନ୍ ।	॥୪୩॥
ଭରତ୍ କହେଲେ, କହେଲେ ବଶିଷ୍ ଇଷ୍ ପରମଗୁରୁ ଜଥା ନାହିଁ ମାନି କାହିଁ ଯିମି ଆଏଁ ସୁର ।	॥୪୪॥

- ବଡ଼ ବଡ଼ କର କଥା କରି ନୁହେଁ ଅମାନୁଷି  
ଦାନ ଭାବେ କହେଁ ରଖୁନ୍ ହାନ୍ ଭରତର ବିନ୍ଦୁତି । ॥୪୫॥
- ଯାର ପାହା ତଳେ ଜଗତ ରହେ ହଇ ଗୁଡ଼େଇ  
ଯେନ୍ ଶକ୍ତି ସେ ପାହାକେ ବୁହେ ନୁହେ ଅଡ଼େଇ । ॥୪୬॥
- କାଠ ହେଲେ ବି କଠାଉ ସାରକ ରାମ୍ ଅନୁରୂପ  
ତାହାକେ ନେଇ ପୂଜା କରମି ଦେଇ ଦାମ୍ ଧୂପ । ॥୪୭॥
- କଠାଉ ସାରକ ସିଂହାସନେ ଥାଇ ହେବା ରଜା  
ମୁଇଁ ରହେମି କଠଉ ରଜାର ହଇଁ ଗୁଟେ ପରଜା । ॥୪୮॥
- ରାଜ ମନ୍ତ୍ରୀ ରାଜ ପୁରୋହିତ୍ ସାଙ୍ଗେ ନିକେଁ ରାମ୍  
ରାଜି ହଇଁ କହେଲେ ବାବୁ ! ଯା' ଅଯୋଧ୍ୟା ଧାମ୍ । ॥୪୯॥
- ଛିନ୍ କ୍ଷାନ୍ ଯା' ଭାବରେ ! ମୋର ରାଏଜ୍ ଥିବା ଜିନା  
ଯାହିଁ ଥିଲେ ବି ଆର୍ଷ୍ଣ ମୁଇଁ ଅଯୋଧ୍ୟାର ଘିନା । ॥୫୦॥
- ଗୁଡ଼ିଁ କାଢ଼ି, କଠଉ ସାରକ ଭରତ୍ ହାତେଁ ଦେଲେ  
ଯୁହାର କରି ଭରତ୍ ତାହାକେ ରଥେଁ ବସେଇ ନେଲେ । ॥୫୧॥
- ସୀତାରାମ୍ ପାଦେଁ କଲେ ଭକ୍ତି ଭରତି ଯୁହାର୍  
ଦିହେଁ ବକଲ୍ ମୁତେଁ ଜଟା ଧରି ହେଲେ ବାହାର୍ । ॥୫୨॥
- କହେଲେ ଯେନ୍ ଦିନ୍ ଚଉଦବରଷ୍ ସମିୟା ପୂରବା  
ଛନ୍ଦ୍ ସ ବିଲମ୍ ହେଲେଁ ଅଯୋଧ୍ୟାନେ ଭରତ୍ ମରବା । ॥୫୩॥
- ଅବଧି-ସିଂହାସନେ ବସିଲେ ରାମର କଠଉ ସାର୍  
ଭରତ୍ ଉପରେଁ ତାହାରି ସୁଖେଁ ରହେଲା ରାଏଜ୍ ଭାର୍ । ॥୫୪॥
- ସହରୀ ଜହରୀ ଗହଳି ନାଇଁ ନାଇଁ ନିରାନନ୍ଦ୍ ନାମ୍  
ଆନନ୍ଦ୍-ମୂରତି ରାମ୍ ସୁମରି ରହେଲେ ନନ୍ଦିଗ୍ରାମ୍ । ॥୫୫॥
- ବାଲମିକୀ ଜହନ୍ ଯିମା ଏଡ଼କେଁ ଆବଲାନ ବେକ୍‌ବୁଡ଼ି  
ଆର୍ଷ୍ଣ ମୁତି ରାମ୍ ଭଜନ୍ କରଲେଁ ହାତ୍ ଯୁତି । ॥୫୬॥



# ଅରେନ୍-କାଢ଼

ବାମ୍-ରାହା:ପହେବା ଭାବ/ ୨୪୮

## ପାଞ୍ଚତ-୧

### ରାବଣର କହେଁ ଶୁକ ସାରଣ ଚିତ୍ରକୃତ୍ତନେ

ଲାଲିଆ ଖରା ପଖାଲି ଆନେ ସକାଲିଆ ସେ ଆକାର  
ଅଁଧାର୍ ଧାର୍ ଧରିଁ ଧୀରେ ଧରାନୁ ହସ ନିକାସ୍ ।

॥୧॥

ସେ ପହରର ଘାଁସ୍ ପତରର କାକର ବୁନ୍ଦା ମାନକେଁ  
ଲାଲିଆ ଖରା ଲାଗିଁ କରେ ମଣି ମୁକ୍ତା ଛନ୍ଦକେଁ ।

॥୨॥

ଆଶ୍ରମର ବେଦୀ ଉପରେଁ ଲେଖା ରାମେନ୍ ଖୁଲିଁ  
ରାମେନ୍ ପଢନ୍ ମୁନି, ବୁଲିଁ ଆନନ୍ଦ-ଗାଆଁ-ଖୁଲିଁ ।

॥୩॥

ରାମ-ମୂର୍ତ୍ତି ଧୁଆନେ ଆରାମ୍, କହେଲେଁ ଯେତେ ସୁଖ  
କହ କହ ଲାଗେ ହଇ ଶହ ଶହ ମୁଖ ।

॥୪॥

ପୁଥ୍ ବୁଥ୍ ଶରଧା-ପାନି ମୁହାରିଁ କଲେ ମାଧନ୍  
ରାମ-ରସେଁ ସର୍ ସର୍ ମନ୍ ଆଖିଁ ଛକ୍କକେ ପାଧନ୍ ।

॥୫॥

ରାମ୍-କଥାର୍ ଭରନ୍ ଭିରିଁ ମୁନି ମନର ଗାଡ଼ି  
ବାଟ୍ ପାଇଲେ ଅଟ୍ଟକାଟା କେ ଆରକେ ଯାଏ ମାଡ଼ି ।

॥୬॥

ପନ୍ଦା ଚାହିଁ ବନ୍ଦ୍ୟ ବର୍ଜସ୍ ଗିଆନ୍ ଧୁଆନ୍ ହଲ୍  
ଭକ୍ତି ହରିଆ ହଳିଆ ତାର୍ ଶକ୍ତି ପରବଲ୍ ।

॥୭॥

ବେଦ୍ ବେଦାଙ୍ଗର୍ ଝାର୍ ଚିରି ହୁରି ପରିଲେ ଛାଟ୍  
ପଟାର୍ ଉଟାର୍ କାଁ ଦର୍ଜାର୍ ପାଶରି ନୁହେ ବାଟ୍ ।

॥୮॥

ପୂଜା ସରି ଭଜନ୍ ସଲା ସଲା ତୁନ୍ ତାନ୍  
ତାଲି ଆପ୍ତି ବନ୍ଦ୍ ହେଲା ବନ୍ଦ୍ ବାଣାର୍ ତାନ୍ ।

॥୯॥





ଭରତ୍ ସାଙ୍ଗେ ରାଧକ ସାରା ଯାଇଥିଲେ ଝାର ରାମକୁ ପିରେଇ ଆନୁବେ ଥିଲା ଆଶା ଅସୁମାର ।	॥୨୧॥
ଅବଧବାସୀ ନୁହନ୍ ଦିଶୁଥିଲେ ଦୁଇଜନ୍ ଦଖନ୍ ଦିଗ୍‌କେ ଗଲେ ପରେ ହଇଁ ଦୁଖମନ୍ ।	॥୨୨॥
ନାହିଁ ବୁଝୁଥାଇଁ ଅବଧବାସୀ ତାକର ଭାଷା କିଏ ? କାହିଁ ଆସିଥିଲେ? କା'ଣା ଥିଲା ଆଶା ।	॥୨୩॥
ଆମେ ଯଦ୍‌ରି ଜାନବାରୁ ଲାଧକ୍ କହେ ତ ଦୟାକରି ରାମଚରିତେଁ ଆଶ୍‌ରିୟ କଥା କେତେ ଅଛେ ଭରି ।	॥୨୪॥
କଥା ଶୁନି କହେଲେ ମୁନି ହୁଁସି ଅଲପର “ସାନ୍ ହେଲେଁ ବି କଥା ଆଏ ସମ୍ମାନ ସରସର ।	॥୨୫॥
ସୋର କରି କହେଲେ ଗୁରୁ ନାରଦ୍ ଦିନକର ଗଲେ ଯାହିଁ ସଭା ଥିଲା ଲକାବାସାକର ।	॥୨୬॥
ରଜା ରାବଣ୍ ତାହାକୁଁ ପାଶେଁ ବସାଇା ସାଙ୍ଗେ ନେଇ ମାନ୍ ସମ୍ମାନ୍ ଆଦର ବେଭାର ସବୁ କିଛି ଦେଇ ।	॥୨୭॥
ରାବଣ୍ ବସିଥାଏ ଆବ୍‌ରିଁ ସୁନାର ସିଂହାସନ୍ ଶୁସାମତ୍‌ର ବାଦି ଚାଲେ ସଭାର ସମାଷଣ୍ ।	॥୨୮॥
କେ କହୁଥାଏ ସୁନା ଦେଖ୍ ଇନ୍ଦ୍ର ସୁନାସୀର ଦଶ୍ ଶିର ଆପେଁ ଦଶ୍ ହେଲା ବିକି ନିଜର ଶିର ।	॥୨୯॥
ଆଉର ଜନ୍‌ଏ କହେ ଅମର-ସଭା ସରଗର ଆମର ସଭା ଦେଖ୍ ଲାଙ୍ଗେଁ ହଏ ଜରଜର ।	॥୩୦॥
ଇଟା ଶୁନି ମୁହେଁ ମୋର ଉପ୍‌କିଁ ଆଏଲା ହୁଁସି ରାବଣ୍ ନଜରନ୍ ସେଟା ନାହିଁ ପାରୁଲା ଖସି ।	॥୩୧॥

ସତ୍ୟା କଥା କେ ଶୁଣୁଛନ୍ତି? ଜିନ୍ଦ୍ ଧ୍ୟାନା ରାବଣ  
ତିଖରେଇ କରି ଉଖରେଇ ବସେ ସେ ହିଁସିର କାରଣ ।      ॥୩୨॥

ଭୁରୁଥେଇଁ ଭୁରୁଥେଇଁ କହେଲା “କହ ବ୍ରହ୍ମରଣି !  
ଯାହା ହେଲେ ବି ତୁମର କଥେଁ କେତେ ହେସି ଖୁସି ? ।      ॥୩୩॥

ତୁମର ମନେ ଦୁଖ ନାହିଁ ପହଁର ଆନନ୍ଦ-ରସେଁ  
ହିଁସି ଖୁସି ରାଗ ରୋଷ ରଖ ନିଜର ବଶେଁ ।      ॥୩୪॥

କେନ୍ଦ୍ କଥା କେ ହିଁସି ଆଧ୍ୟାନା ହେବା କାଏଁ ସୁରୁ ?  
ତିନ୍ଦ୍ରି କାଲ୍ କଥା ଜାନ୍ଦ୍ ଅସାରା ବିଶ୍ୱର ଗୁରୁ ।      ॥୩୫॥

ଅପର କଥା ହଇଥିଲେ ବି କପର ଛାଡ଼ି କହ  
ଜାନ୍ଦ୍ବାକେ ହଦ୍ ମଦଉଲେ ଜାନ୍ଦ୍ ଜାବନ୍ଦ୍ ଜହ ।”      ॥୩୬॥

“କାଣା କରୁଟି ? କହେଲି ମୁଇଁ ସହଜ୍ ସରଲ୍ ଭାବେଁ ;  
ସୁନା ରୂପା ହୀରା ନୀଳା ମଣି ମୁଭାର ଲାଭେଁ ।      ॥୩୭॥

କିଏ କେତେଁ ପାସସି ସରଗ୍ ? ପାସସି ମୁଭିର ବାଗ୍ ?  
ଦେହର ଆନନ୍ଦ ମନ୍ଦ୍ -ମଞ୍ଚେ ସରଜିସି କାଏଁ ନାଗ୍ ?      ॥୩୮॥

ଜନମ୍ ଜନମ୍ ଯେତେ ଧନ୍ଦ୍ ପାରିଥିସି ଅରଜି  
ଧନର ବଲ୍ ତନ୍ଦ୍ ସଂବଲ୍ ମିଶେଇ ରହେ ଗରଜି ।      ॥୩୯॥

ସେ ଅରଜନର ଗରଜନ୍ଦ୍ ମାନ୍ଦ୍ ଭାଏଁରା କରେ ଚିର  
ବିର ରାଧକର ରଜାକେ ଚୋଷ୍ କରବା କେନ୍ଦ୍ ବିର ?      ॥୪୦॥

ସଂପରି ତ ସେହିଁ ଆସ ବିପରି ତାର୍ ଅଭାବ୍  
ଭାବ୍-ରାଧକେଁ ନାହିଁ ଥିଲେ ସେ ହାନି ହେସି ଲାଭ୍ ।      ॥୪୧॥

ନାହିଁ ପଡ଼ିଲେଁ ପାଦ୍ ତାହାରି କେହେନି ବି ଠାନ୍ଦ୍  
ଗନ୍ଦି ନେ ତ ନାହିଁ ଆସେ ଧନର ଅନୁଷ୍ଠାନ୍ଦ୍ ।      ॥୪୨॥

ଶଙ୍କା ନାହିଁ ଲଙ୍କା ପୁର ଧନ ବିଜ୍ଞାନେ ମହତ୍  
ପରଶିଷା ପାଏ ସଂସାରୀ ଦଳେ ପୁରୀ ଅନାହତ୍ ।

॥୪୩॥

ତ'ବି ଇନେ ପରମେଶରର ନୁହେ ପଡ଼େ ପାଦ୍  
ବୁରଥା ସବ୍ ନାହିଁ ଥିଲେ ତାରୁ ଆଶୀର୍ବାଦ୍ ।

॥୪୪॥

ଯଦ୍‌ରି କିଏ କହେବା ଲଙ୍କା ଜିତି ଯିବା ସରଗ୍  
ହୁଏ ଆସସି ମହାପୁରୁ ଯାହିଁ ମହାନୁ ମହରର ।

॥୪୫॥

ଏତକି ଶୁନୁନ୍ ଖୁଦ୍ ଖୁଦାନୁ ଦବତ୍ ପଡ଼ିଲା ହୁଏ  
ମତେ ଲାଗିଲା ଗରୁଡ଼ ନଖତର ଆକାଶୁଁ ପଡ଼ିଲେ ଖସି ।

॥୪୬॥

କହେଲା “ମୁନି ! ବ୍ରହ୍ମଜ୍ଞାନୀ ଭିତରେ ତୁମେ ମହାନୁ  
ଥିବାର ନୁହେ ଜାନେ ବ୍ରହ୍ମ ନାହିଁ ଥିବାର ଠାନୁ ।

॥୪୭॥

ଇନ୍ଦ୍‌କେ ନାହିଁ ଆସି ସେ କାଏଁ କାୟେଁ କହ  
ତାରୁ ଆସବାରୁ ଯିବାରୁ କିଏଦେଖେ ? ଦହ ଦହ ।

॥୪୮॥

ଭାବୁଲି ରାବଣ ବେଦ୍ ପଡ଼େ ଗଣିଅ\*ଶ୍ଳେ ଜନମ୍  
ଗିଆନ୍ ଠିକେ ଗୁଏଇ ନେଇଛେ କରି ଦୁସ୍ କରମ୍ ।

॥୪୯॥

କହେଲି “ସେ ସବୁ ଜାନ୍‌ଏ ନାହିଁ ଜାନ୍‌ଏ କେ ତାହାକେ  
ସବୁନେ ଥାଇ ନଜରୁ ଲୁକା କରେ ନିଜରୁ ପାହାକେ ।

॥୫୦॥

ଯେନ୍ ଠାନ୍‌କେ ମନ୍‌କେ ଆସେ କରୁସି ଆଶୀର୍ବାଦ୍  
ଲୋକ୍ ଜାନ୍‌ଲା ମୂରତି ନେଇ ତାହିଁ ପକାଏ ପାଦ୍ ।

॥୫୧॥

ଯୁଗ୍ ଜାନି ମୂର୍ତ୍ତି ଧରେ ଅଧମ୍ ହେଲେ ବେଶୀ  
ଧରମ୍ ରକ୍ଷା ଲାଗି ଧରାତଳକେ ଉତ୍‌ରି ନେସି ।

॥୫୨॥

ଆସକ୍ ଆନନ୍ଦ ମୂର୍ତ୍ତି ଦେଖୁଁ ଜଗତ୍ ଯାଏ ରମି  
ସେନ୍‌ହେ ସରାରୁ ଶରଧା ସବ୍ ପଛେଁ ଯାନ୍‌କମି ।

॥୫୩॥

ଜନମ୍ ଭୁଲି ଛାଡ଼ି ଜନମନ୍ ରିଝାବାର ଲାଗି  
ରାଜପନ୍ କେ ଛାଡ଼ି ବନ୍ଦାସ ନିଏ ମାଗି ।

॥୪୪॥

ଚିତ୍ରକୂଟ ପରବଦନେ ଏଇନି ଅଛେ ରହି  
କେନ୍‌କେ ଯିବା ? କା'ଣା କରବା ? କେ ପାରବା କହି ?

॥୪୫॥

ବୁଝ ନାହିଁ ବୁଝ ରଜା ! ଯାହା କହେଲି ସତ୍  
ମୋର ମନର କଥା ନୁହେ ବେଦ୍ ପୁରାନର ମତ୍ ।

॥୪୬॥

ମୋର କଥାକେ ସତ୍ କରି ସେ ତୁରତି ରାବଣ  
ଡାକ୍‌ଲୀ ମନ୍ତ୍ରୀ ମାନକୁ ହାକି “ହେ ଶୁକ ସାରଣ୍ ।

॥୪୭॥

ଇ ଘଡ଼ି ଯ' ଚିତ୍ରକୂଟ୍ ରାମ୍ ଆନ୍‌ବ ବୁଲେଇ  
ଶଙ୍କା ଯିବା ଲଙ୍କା ପୁରୁଁ ନେବ ଚିକେ ବୁଲେଇ । ”

॥୪୮॥

ଶୁକ ସାରଣ୍ ଚିତ୍ରକୂଟେ ଦେଖିଲେ ଯାଇ ଯାହା  
କୁଲେ ନାହିଁ ପରେ କାହିଁ ବୁବନ୍-କୁଲାର ପାହା ।

॥୪୯॥

ଭରତ୍ ଶତ୍ରୁଘନ୍ ସାଙ୍ଗେ ଥିଲେ ଚିନ୍ତୁ ମାଆଁ  
ଯେତେ ମନାଲେ ନାହିଁ ଧବଳା ଘର ପିରିବାର ନାଆଁ ।

॥୫୦॥

କାହିଁ ବୁବାଇଁ ଅବଧିବାସୀ ଯେ ଯେତେ କହେଲେ  
କାହାରି କଥା ନାହିଁ ମାନି ଝାର ଆଦର୍ ରହେଲେ ।

॥୫୧॥

ଇଚ୍ଛାମୟ କା'ର ଇଚ୍ଛାନେ ବୁରୁଥୁଁ ଯିବା କାହିଁ ?  
ଲଙ୍କାପୁର ଯିବା ? ଯେ ଅଯୋଧ୍ୟା ଯ ଧ ନିହିଁ ।

॥୫୨॥

ରାମକୁଁ ଭିଡ଼ି ନାହିଁ କହି ପିରଲେ ନିଜର ଦେଶ୍  
ରାଏରବାନ୍ ଭାବି ନିଜକେ ଲୋର କଳା ଅକୁଳା ବେଶ୍ ।

॥୫୩॥

ତୁମେ କହିଛୁ ଯେନ୍ ମାନକୁ ହେଇଥୁବେ ସେ ଦୁହେ  
ଶୁକ ସାରଣ୍ ମନ୍ତ୍ରୀ ବିନୁ ଆଉର କିହେ ନୁହେ ।

॥୫୪॥

ରାମ୍ଭେ ସେ ପରବ୍ରହ୍ମ, ପରମେଶ୍ଵରଙ୍କେ ପାଇ  
ଗୁରୁ ମୋର ସେ'ନୁ ନାମ ଗାଇ ଗାଇ ବାଇ ।

॥୨୫॥

ମତେ କହୁଥିଲେ ବାବା! ସବୁ ଦିହେଁ ସେ ଥାଏ  
ସବୁ ନାମ ସବୁ ରୂପ ତାର ହିଁ ନଥାଏ ।

॥୨୬॥

ତାହାଙ୍କେ ଡାପି ନେସି ପ୍ରାଣୀ ନିଜର କଳା କାମେ  
ତାର ନାମକେ ପାଶ୍ଵରି ନେସି ମାତି ନିଜର ନାମେ ।

॥୨୭॥

ମହାନ ମୁର୍ଦ୍ଧା ପାଶ୍ଵରି ଆଦରି ନେସି ଛୁଟିଆ ମୁର୍ଦ୍ଧା  
ମହାସମୁଦର ଆଡ଼େଇଁ ତୁଡ଼ାଟାକେଁ ଯାଏ ଗୁର୍ଦ୍ଧା ।

॥୨୮॥

ନିଜର ବ୍ରହ୍ମ ଶକ୍ତିକେ ବୁର୍ଦ୍ଧା ଯାଏସି ଭରମେ  
ଛୁଟିଆ ଦିହେଁ ରୁଠିଆ ଶକ୍ତି ସରକିଁ ଯାଏ ସରମେ ।

॥୨୯॥

ବିହ ଥାଏ ସବୁ ଶକ୍ତିର ଦିହର ବଳ କାର୍ଯ୍ୟ ବଳ ?  
ତାହାକୁଁ ଛାଡ଼ି ଶୁଖିଲା ଖାଡ଼ି ଲଢ଼ବଦ୍ କଳବଳ ।

॥୩୦॥

ସଭାବ୍ ତଳନ୍ ସାଙ୍ଗେଁ ତାହାଙ୍କେ କଲେଁ ଉଭାଗର  
କଡ଼ା କାମ୍ ବଡ଼ା ସହଇଁ ସେ ହେଲେଁ ଆଉଭର ।

॥୩୧॥

କଉଶିକର ଯଥା ଭାଙ୍ଗୁଥିଲେ ଅସୁରମାନେ  
ତାପାର୍ଠା ଠାନେ ତପାର୍ଠା ତପ୍ ସୋଇଁ ହାରମାନେ ।

॥୩୨॥

କ୍ଷେତ୍ରୀର ତେଇଁ ସାଙ୍ଗେଁ ତପାର୍ଠା ଥିଲା ସବୁ ସିଧୁ  
ଅସୁର ବିରୋଧି କାର୍ଯ୍ୟ କଳା ଥିଲା ସବୁ ବିଧୁ ।

॥୩୩॥

ତ'ବି ଆନୁଲେ ରାମକୁଁ ଭାବି କାନୁବେ ବଳିଁ ଖାରି  
ବ୍ରହ୍ମ ଶକ୍ତି ମୁନୁଷ୍ଠ କେତା ଦିହେଁ ପାରସି ପାରି ।

॥୩୪॥

ତାର ପାଦକେ ଛିରିଁ ପୁଟ୍ଟିଲା ନାରୀ ଶକ୍ତି ପଥରେଁ  
ଶିବ୍ ଧୁନ୍ଧୁଁ ଗୁନ୍ ତଡ଼ାଲା ଶକ୍ତି ବାଆରି ବଦରେଁ ।

॥୩୫॥

ଭରତି ରାଜ୍ ସତ୍ୟାର୍ଥେ ଧରତାରୁ ଝି' ବରଲା ଅତିହ୍ନା ଅରୁପ୍ ଅକଥନକେ ସେ'ହିଁ ଚିହିଁ ପାରଲା ।	॥୭୬॥
ସେ ଶକ୍ତିନୁ ଚିକେ ଜଗେଇ ପଶୁରାମ୍ ଭାର୍ଗବ୍ ଅସାଧାରଣ୍ ସାଧୁଁ କିଛି ମନେ ଅନେକ୍ ଗର୍ବ୍ ।	॥୭୭॥
ବ୍ରହ୍ମ ଜାଗଲା ଠାନେ ଯଦ୍ବି ପାଗଲା ଅଭିମାନ୍ ସେନ୍ଦ୍ରା ଲୁକର୍ ଲାଗି କାହିଁ ? କେନ୍ ବ୍ରହ୍ମାଣ୍ଡେ ଠାନ୍ ।	॥୭୮॥
ସରଗ୍ ଜିତା ରାଏଜ୍ ଅଯୋଧାନେ ମହାରାଜା ହେବା ବଳିଁ ତ ସରି ଥିଲା ଅଯୋଧାନେ ଖିଜା ।	॥୭୯॥
ସର୍ ଆଏଲା ବାଦା ଲାଗେଇ ନେଇ ତିଆରୁ ସାଙ୍ଗେଁ ମମତା-ମତା ମନ୍ ପଇ ପରଲା ନୁହି ଆଗେଁ ।	॥୮୦॥
ତିଆରୁ ଆର୍ ଶାନ୍ତି କେତେଁ ନୁହନ୍ ଛତା ଛଡ଼ି ମହାପୁରୁଷ୍ ହେସି ମୁନୁଷ୍ ତିଆରୁ ଗଲେଁ ବଡ଼ି ।	॥୮୧॥
ତିଆରୁ ବଲେଁ ମହାପୁରୁଷ୍ ହେସି ମହାପୁରୁ ସେ ତିଆରୁ ଆଗଭର୍ ହଇଁ ହାଡ଼ ଠାରୁଛେ ଧୁରୁଁ ।	॥୮୨॥
ଜଗଡ଼ ସାଙ୍ଗେଁ ନିଜ୍ଜକେ ଯେ କରସି ଏକାକାର୍ ମରମ୍ -ଛିତା ମମତା କା'ଣା କରି ପାରସି ? ତାର୍ ।	॥୮୩॥
ମହାପୁ-ପନକେ ଯେଡ଼କି ଦେଖୁଥିସି ତାପି ତିଆରୁ -ଧାରେଁ କାଟି ହଇଁ ଉକ୍ତି ହେସି ଥାପି ।	॥୮୪॥
ସର୍-ହାଡ଼କେ ଧରି ରାମ୍ ତିଆରେଁ ଯା'ନ୍ ସର୍ଭରି କର ଲେହେଁଟେଇ ଦରବେଁ ରାଜପଦ୍ ରହେ କଧରି ।	॥୮୫॥
ମାଁର ମନା ବାପର୍ ମରନ୍ ଭାଇର୍ ଆଖୁର ପାନି ବ୍ରହ୍ମମନା ମନକେ ନାହିଁ ଆନି ପାରଲା ଟାନି ।	॥୮୬॥

ପୁରୁ ପୁରୁ ନେ ନିବାସ ଯା'ର ସେ ପରମ ପୁରୁଷ ମାଧନ ମନସା ବାର ବନାଏ ହଇଁ ସାତା ମୁନୁଷ ।	॥୮୭॥
ମୁନୁଷ କା'ଣା କରବାର ଆଏ କା'ଣା କରବାର ନୁହେ ମନୁଷ ଲାଗି କେନ୍ଦସି କବାର ଅସମ୍ଭବ ହୁଏ ?	॥୮୮॥
ସେ ରାମ ଆଏଇ ଝାରେ ବୁଲନ୍ ରାଏଇ ହଏ ଝୁରି ସତ୍ ଶାନ୍ତି ଦୟା ଖେମା ବୁଲନ୍ ତାହାକେ ନୁରି ।	॥୮୯॥
ବ୍ରହ୍ମ-ଦରଶୀ ଅତି ରଖି ବ୍ରହ୍ମ-ଧରଣୀ ମନେ ପାଏଲେ ବ୍ରହ୍ମ ରାମ ରୂପେ ବୁଲେ ବନେ ବନେ ।	॥୯୦॥
ସାଙ୍ଗେ ଅଛନ୍ ବିଶ୍ଵ-ଶକ୍ତି ସାତା ଜଗତ ମାତା ପାଲି ପୁଷି ରଖନ୍ ପରକୃତି-ପୁରୁଷ ନାତା ।	॥୯୧॥
ପତି ପତନୀ ରୂପେ ଯେତକି ଅଛନ୍ ବାଧୁ ଯୁକ୍ତି ଏକ ଛାଡ଼ି ଅନେକ୍ ଠାନେ କୁଲେଁ ଯାଆନ୍ କୁଳି ।	॥୯୨॥
ପୁରୁଷ ଯଦରି ପରକୃତିନେ ନାହିଁ ରଖେ ସତ୍ ପରକୃତି ବି ପୁରୁଷ ଛାଡ଼ିଁ ହଏ ଇତସ୍ପତ୍ ।	॥୯୩॥
ସେ ସଂସାର ଅସାର ହଏ ପାଏକେଁ ଯାଏ ଉତ୍ତରି ଦିହ୍ ଦୁଇ ଗୁଚେ ଜୀବ ବାଜ୍ ନାହିଁ ପାରେ ଗଜ୍ଵରି ।	॥୯୪॥
ଏକ୍ ମନ୍ ଏକ୍ ଜୀବନ୍, ଏକ୍ ବିଚାର ଆଚାର ଦେଖାବାକେ ସାତା ରାମ୍ ନିଅନ୍ ଏକ୍ ଆକାର ।	॥୯୫॥
ସେନ୍ଦ୍ରା ଆ'ନ୍ ଆତ୍ମଦର୍ଶୀ ଅନୁସୂୟା ଅତି ଅତି ଯେନ୍ଦ୍ରା ପତି ସେନ୍ଦ୍ରା ଅନୁସୂୟା ସତୀ ।	॥୯୬॥
ଅତି ଅତି ଆତ୍ମୀୟ ଜାନି ରାମ୍ ଛିରୁଲେ ପାହା ଅନୁସୂୟାକୁ କଲେ ସାତା ଘାଏକେଁ ନିଜର ମାଆ ।	॥୯୭॥

ଅନୁସୂୟା କହେଲେ ମା! ସତୀ ବରତୀ ସୀତା  
ଇ ବରତୁଁ ନାହିଁ ବରତିଲେଁ ହେସନ୍ ଜଗନ୍ନିତା । ॥୯୮॥

ନାରୀ ଜୀବନ୍ ଲାଗିଁ ମା! ଇଟା ଅଳଙ୍କାର  
ଛାଡ଼ଲେଁ, ନାରୀର ବାଟ୍ ହୁଏ ଭାରୀ ଭୟାଳୀର । ॥୯୯॥

ପିଁଧନ୍ ଉଡ଼ନ୍ ସାଙ୍ଗେ ଦେଇ ମଖା ଘିଁସା ଦରବ୍  
କହେଲେ ସତୀପନ୍ ସାଙ୍ଗେଁ ଝଟକୁଥିବା ସରବ୍ । ॥୧୦୦॥

ରାମ୍ କହେଲେ ରକ୍ଷି ପାଦୁଁ ଆଶୀର୍ବାଦ୍ ନେଇ  
ଯିମ୍ ଆମେ କାହାକେ କହେଲେଁ ବାଟ୍ ଦେତା ବଡେଇ । ॥୧୦୧॥

ରକ୍ଷି ଭାବ୍ଲେ ମନେ ଯେ ସମ୍ପୁର୍ଣ୍ଣ ଦେଖାଏ ବାଟ୍  
ନିଜେ ଥାଏ ସବୁ ବାଟର ମଧ୍ୟେଁ ସିଧା ଛାଟ୍ । ॥୧୦୨॥

ମୋର ମାନ୍ବତାତାକେ ଚାଟ୍ ବତାଚାରୁ କଥା  
କହନ୍ ବିଚାରୁ ବିଶାରଦ୍ ଆଚାରୁ ସାମ୍ବରଥା । ॥୧୦୩॥

ଶିଷ୍ଟ ପଠେଇ ନଏଦ୍ ପାରୁ କରେଇ ଦଣ୍ଡକ ବନ୍ଦକେ  
ଦେଖାତେ ସାଏରୁ ବାଟ୍, ରାମ୍ ଗଲେ ନିଜରୁ ମନ୍ଦକେ । ॥୧୦୪॥

ମୁନି କହନ୍ ଚାଲି ଏତ୍ତକେଁ ଯିମା ସମିୟା ହେଲା  
ତେଗି ନାହିଁ ଯାଉ ଆମରୁ ଶଉଚ ସଂଧୁଆ ବେଲା । ॥୧୦୫॥

ରାମ୍ ନାମେ ଭଜନ୍ ଚାଲେ ଲହରେ ବୀନାର ତାନ୍  
ସେ ନାମେ ପୁରୁକି ଆସେ ସାରା ଆଶ୍ରମ୍-ପ୍ରାନ୍ । ॥୧୦୬॥





## ପାଉଡ଼-୨

### ସୀତାକର ବାଏଲ୍ ପିଢ଼ ଦେବାର

ମୁଡ଼ ଉପରୁଁ ବେକ ତଳକେ ଛଏରା ହେଲା ଆଡ଼  
ଖରା-ଚନ୍ଦ୍ର ଚିତ୍ତରି ହଇଁ ଗଛ ହଇଛନ୍ଦ ଠାଡ଼ ।

॥୧॥

ପଦରେ ପଦରେ ଉଠିଆ ଖେଲେ ଭିତରେ ତାର ଅଧାର  
ଭିତରର ଦୁଖ କେନ ଦେଖାଏ ସଭାବ୍ ଯାର ସୁଧାର ।

॥୨॥

ରଷି ଆଶ୍ରମ୍ ବେଦୀ ଉପରେ ରାମେନ୍ଦ୍ର ସଭା ଜମିଛେ  
ଶୁସୁର ମୁସୁର କାହିଁ ପାଏବ ? ଜନ୍ମେ ଯଦରି ରମିଛେ ।

॥୩॥

ସୀତାର ଆଖି ତିକେ ତିକେ ଛୁଇଁ ଆସେ ପାଏନ୍ଦ୍ର  
ସୂତା କରି ଅନୁଯୟାର କଥେଁ ପତିର ମାଏନ୍ଦ୍ର ।

॥୪॥

ଯତି ଆଶ୍ରମେ ଅଛନ୍ଦ ସତୀ ପଦେଁ ଧୂରେଁ ପତି  
ଶରୀର ସିନେ ଧୂରେଁ ଭାବର ଭିତରେ ନିଜର ଅତି ।

॥୫॥

ସୀତା ଭାବନ୍ଦ ସେ ଭାବନ୍ଦ ହେଲେ ନିମ୍ନେ ଦୂର  
ଥୁଲେଁ ଥୁବେ କାହିଁ ଯଦରି ଥାଏ ଯମପୁର ।

॥୬॥

ସୀତା ଆଖିର ଭାଷା ଯାଇ ରଷିର ଆଖି ବାଜୁଛେ  
ଧୋବ ପର ପର ପତାର ବାଜୁଁ ବାହାରବାର ବାଟ ଶୁକୁଛେ ।

॥୭॥

ଭଜନ୍ଦ କାରେ ମୁନିର ଭାଷା କିଠୁ ଶୁକୁଛେ ଉଦା  
ସେ ରସନେ ପାଗି ହଇଛନ୍ଦ ଶୁନ୍ଦବାର ଶିଷ୍ୟ ହୁଦା ।

॥୮॥

ଆର୍ଷ୍ଣ ପୁଛି ମୁନି କହନ୍ଦ “ଝାଏଁ କରେ ଝାର  
ଜନ୍ଦ ମୁନିଷର ସୋର ଶବଦ ନାଉଁନ କେନ୍ଦସି ପାର ।

॥୯॥

- ଅଗା ପଛା ରାମ୍ ଲକ୍ଷ୍ମଣ୍ ମଝେଁ ଚାଲନ୍ ସୀତା  
ଆମ୍ ପରମାମ୍ ମଝେଁ ମାୟା ଜଗଜ୍ଜିତା । ॥୧୦॥
- ରାମ୍ ଚାଲିଛନ୍ ଶାଗୁଆ ଘାସେଁ ପଦମ୍ ପୁଲ୍ ପୁଟେ  
ସୀତାର୍ ଚାଲିଁ ଜଗଲ୍ ଉପରେଁ ଲାଲ୍ କଇଁ ଉଠେ । ॥୧୧॥
- ଲକ୍ଷ୍ମଣ୍ ଆଖିର୍ ଦର୍ପନେ ସେ ସୁନ୍ଦର୍ ପନର୍ ଛାଏ  
ବାଟଚଳା ଦୁଖ୍ ଭୁଲେଇ କରେ ରାମ୍ -ଭାଏ କେ ବାଏ । ॥୧୨॥
- ରାମ୍ ଅଙ୍ଗର୍ ଶାଗୁଆ ରଙ୍ଗ୍ ପଦରେଁ ଯାଏ ପହଁରି  
ସୀତା ଶରୀରର୍ ପହଁ ବାସନା ଆସ୍ ପାଶ୍ ଯାଏ କହଁରି । ॥୧୩॥
- ହେରନା ଚିଅଲ୍ କୁରରିର୍ ଦଲ୍ ପାଶ୍ କେ ହୁଅନ୍ ଗାନି  
ତର୍ ନାଏନ ରଠେ ମନେ ନର ବଲିଁ ବି ଜାନି । ॥୧୪॥
- ସୀତାର୍ ଆଖିଁ ତାକର୍ ଆଏଖିଁ ମିଶିଗଲେ ଛନ୍ଦ୍ୟ  
ଆଶ୍ରିୟ ହୁଅନ୍ ତାକର୍ ଆଖିଁ ଆଏଖିଁ ଜାନି ବନ୍ଦ୍ୟ । ॥୧୫॥
- ନିଜର୍ କୁଲର୍ ପିଲା ଭୁଆଖେନ୍ ଝାରେଁ ବୁଲନ୍ ଜାନି  
ସୁରୁୟ ମୁହଁ ଦେଖଉନ୍ ସୀତା ଉରନ୍ଦା ଆନନ୍ ଗାନି । ॥୧୬॥
- ଗହଦ୍-ଝରା ଖରା ଦେଖୁ ଛଏରା ତଲେଁ ଯାଇ  
ବସ୍ତଲେ ରାମ୍ ସୀତା ସାଙ୍ଗେଁ ପାଶେଁ ଲକ୍ଷ୍ମଣ୍ ଭାଇ । ॥୧୭॥
- ଗର୍ଜି ଘୁମ୍ରି ଗର୍ଜି ଆସେ ନାଇଁନ ମେଘ୍ ବାଦଲ୍  
ଜଠ୍ ଜାନୁଆର୍ ଦଉଡି ଭାଗନ୍ ଜାନ୍ ଧରିଁ ଦଲଦଲ୍ । ॥୧୮॥
- ଧସ୍ କି ପରେ ତାହି ପଖରା ମସ୍ କି ହଏ ଝାର୍  
ନିଘା କର ବାବୁ ! କା'ଣା ହେଲା କେନ୍ ପାର୍ । ॥୧୯॥
- ନାଇଁ ସରନ୍ ରାମ୍ ମୁହଁର କଥା ଶୁଭଳା ହୁଁସି  
ଘିଡ଼, ଘିଡ଼ାଲା ମେଘ୍ କେନ ଚଡ଼କ୍ ପରଲା ଖସି ! ॥୨୦॥

- ଅଜାନ୍ ବାହୁ ଜିତ୍ତେ ଆଏଲା ସମ୍ବନ୍ଧ ଅଜାନ୍ ତଳେ  
 ହାତ କମିଲେ କୁଣେ ଦାଁତ୍ ଗିରୁରି ପରେ ହାତକେ । ॥୨୧॥
- କଟୁଁ କମ୍ ଗୋଡ଼୍ ଚେହେରା ତାଲ୍ ଗଛୁଁ ବି ଦେଖ୍  
 ଆର୍ଷ୍ଣମାନେ କର୍ପନେ ଆ'ନ୍ ବୁଢ଼ା ବୁଢ଼ା ବେଙ୍ଗ । ॥୨୨॥
- ହାତେ ଧରେ ଡିଶୁଲ୍ ବେଧା ପଶୁମୁଡ଼୍ ମାନ  
 ଲହୁଝରିଁ ଲାଲ୍ ଦିଶୁଲେ ଚାଲିଲା ବୁଲିଲା ଠାନ୍ । ॥୨୩॥
- ରାମ୍ ଲକ୍ଷ୍ମଣ୍ ସୀତା ଦେଖୁଁ ମୁହଁ ବୁଢ଼ିଲା ଲାଲ୍  
 କହେଲା ହୁଏ ଅକାଳେ ଆଏଲ୍ ପୂରଲା ତୁମର କାଲ୍ । ॥୨୪॥
- ଝାରୁ ଜିତ୍ ଖାଇ ଖାଇ କାଗିଥିଲା ନ ଚିଟା  
 ମନଡ଼ିତ୍ ଜାନି ଯୁଗାଳା ବିହି ମୁନୁଷ୍ ମାଉଁସ୍ ଭଟା । ॥୨୫॥
- କିଏ ? କାହିଁ ଆଇଲ୍ ? ଝାରେ ବୁଲି କାଏଁ ସୋଲ୍ ?  
 ନୂଆଁ ଦେଖେଁ ନାଉଁ ଦେଖୁଁ ଝାରେ ବୁଲିଁ ରୋଲ୍ । ॥୨୬॥
- ଯେ'ବି ହ' ବାବାଜୀ ବେଶେଁ ସାଙ୍ଗେଁ ରଖ ନାରୀ  
 ସଂସାରକେ ଭଲୁଆ ବନେଇ ରଖ ଠକି ନାରୀ । ॥୨୭॥
- ନାଉଁପରେଁ ଠକେଁ ଠିକ୍ କହେଁ ନାରୀଟାକ  
 ମତେ ଦେଇ ଜାନ୍ ବର୍ଷଟାଇ ଭାଗ, ନାଉଁ ଟାକ । ॥୨୮॥
- ନାଉଁ ହେଲେଁ ଆହାର୍ ହେବ ଜଳେ ଭୋକରୁ ଲୁଏ  
 ଭୋକ୍ ହେଲେଁ ଭୋକରୁ ଭଲ୍ ମନ୍ଦ୍ ବାଆରି ନୁହେ । ॥୨୯॥
- ଏଡ଼ି କହି ଛାପ୍ତି ଧଏଲା ସୀତା ଜନକ୍ ଜେମା  
 ସୀତା କିରୁଲାନ୍ କେନ୍ଦ୍ରା ହେଲା ଉ'ଟା ଯେ ମା! ଯେ ମା! । ॥୩୦॥
- ରାମ୍ କହେଲେ ପର ନାରୀନେ ଆର୍ଷ୍ଣ ପକାଳା ବେହୁଁ  
 ଧନମ୍ ଛଡ଼ା !ମରନ୍-ବାଟେଁ ସହଜେଁ ଯାତରୀ ହେବୁ । ॥୩୧॥

ସୀତାଛାଡ଼ି ଛାଡ଼ରେ ଅଧମ୍ ! ଅଧର୍ମର ବାଗ୍  
ନୁହେ ଦେଖୁ ଦେଖୁ ଅଧମ୍ ଆଗେଁ ଯମର ନାଗ୍ ।

॥୩୨॥

ଏତକି ଶୁନି ଝାପଟି କରି ଦୁଇ ଭାଇକୁଁ ଖକେଇ  
ଯମର ନାଗ୍ ଦେଖିବ କହି ଖର୍ଦ୍ଦେଁ ନେଲା ପକେଇ ।

॥୩୩॥

ସୀତା ହେଲେ ଆକୁଳ ବିକୁଲ ରାମ୍ ପାରଲେ ଜାନି  
କହେଲେ ବାବୁ ଲକ୍ଷ୍ମଣ ! ଆର ନାଇଁ ହସନ ମାନି ।

॥୩୪॥

ଯେ ଯେନ୍ ଖର୍ଦ୍ଦେଁ ବସିଥିଲେ ଉପତାଳେ ସେ ବାହା  
ତଲେଁ ଗଦେଇ ହଉନ୍ ରାମ୍ ଟିଁ ଟିଁ ଦେଲେ ପାହା ।

॥୩୫॥

ଅସୁର ଜାନିଲା ରାମ୍ ଆନ୍, ତାକର ହାତେଁ ମରନ୍  
ଶାପ୍ ପାଏଲା ଦିନର କଥା ସାପ୍ ହେଲ ପୁରନ୍ ।

॥୩୬॥

କହେଲା ତୁମେ ରାମ୍ ଯଦ୍ରି ଶୁନ୍ଅ ମେ॥ର କଥା  
ବ୍ରହ୍ମାର ବରେଁ ବାହୁ ବଲେଁ ମୁଇଁ ସମରଥା ।

॥୩୭॥

ଶକ୍ତି ପାଇଁ ଶକ୍ତି ମୟର ପାଶ୍ରି ଆରାଧନା  
ବିରାଧ୍ ହେଲା ନାଁ, ଅସୁର ମଧ୍ୟ ହେଲିଁ ଗନା ।

॥୩୮॥

ଦିହର ବଲେଁ ବଲ୍‌ବାନ୍ ହଇଁ ବୁଝିଲିଁ ଦିହର ଭାଷା  
ଦିହ-ସରବସ ହଇଁ କଲି ଦିହର ଆନନ୍ଦ ଆଶା ।

॥୩୯॥

ରମଣ-ସମ୍ଭାରେଁ ଭରା ରମ୍ଭା ଅପ୍‌ସରୀ  
ରମି ଆନନ୍ଦ ପାଏମି ବଲିଁ ଯୋର ଜବରନ୍ କରି ।

॥୪୦॥

କୁବେର ଠାନ୍ ପାଏଲିଁ ଶାପ୍ ଅସୁର ଭାବେଁ ଭୋଲ୍  
ହଇଁ ରହେମି ମିଲ୍‌ଲା ମତେ ଅସୁର ଶରୀର-ଖୋଲ୍ ।

॥୪୧॥

କୁବେର କହେଲେ ମୋର କରମା କରମ୍ କରି ବିଚାର୍  
ଦିହ-ଆନନ୍ଦ କେ ଆନନ୍ଦ ବଲିଁ କଲୁ ଅନାଚାର୍ ।

॥୪୨॥

ଘଡ଼କେଁ ଆସି ଘଡ଼କେଁ ଯିବାରୁ କାଏ ଆନନ୍ଦ ଆଏ  
ଆନନ୍ଦ ପାଏଲେ ଦୁଖ ଯାଏ କେତେ ଜନମ୍ ଯାଏ ।

॥୪୩॥

ଆନନ୍ଦ ଆଏ ପରମାନନ୍ଦର ବ୍ରହ୍ମର ଗୁଣେ ଅଂଶ  
ପାଏଲେ କରେ ସବୁଦିନକେ ଦୁଖର ମୂଳ ଧ୍ୱଂସ ।

॥୪୪॥

ତପ୍ ଖଟକୁ ବନିହାଁ ସିନା ବାଟ୍ ପାଏକୁ ନାହିଁ  
ଆନନ୍ଦ ବଳି ନିରାମନ୍ଦର କୋଡ଼କେ ଗଳୁ ଧାଲି ।

॥୪୫॥

ମୁନୁଷ୍ଟ ମୂର୍ତ୍ତି ଧରି ଆନନ୍ଦ ଆସବା ଦିନ୍ଦ୍ୱ ମରତକେ  
କୁଳି କିନ୍ଦ୍ୱରି ଆନନ୍ଦ ପରଶି ନଉଥୁବା ଜଗତକେ ।

॥୪୬॥

ମୁହାଁ ମୁହିଁ ହେଲେ ତାରୁ ପାଏରୁ ଆନନ୍ଦ ରସ  
ନିଜର ଥିତି ପିରିପାଏରୁ ମନ ହେବା ବରକଷ୍ଟ ।

॥୪୭॥

ତୁଲି ଆଉ ସେ ପରମାନନ୍ଦ ମୂରତି ମହାପୁରୁ  
କୁବେର ଶାୟ ମୋର କାମନା କୁରପା କର ଯେ ପୁରୁ ।

॥୪୮॥

ଦିହଟାକ ମୋର ତୁପି ନେରୁ ଦିହ-କାଲ୍‌ସା ଯାଉ  
ଜୀବନ୍ ଗଲେ ଆତ୍ମା ପରମାନନ୍ଦେ ପହଞ୍ଚୁ ଆଉ ।

॥୪୯॥

ରାମ୍ ହାତେଁ ମଲା ବିରାଧ୍ ଦିହ-ବାସନା ସରଳା  
ତୁରୈ ଅରୁଥିଲେ ସୀତା ତେଡ଼କେଁ ଦମ୍ ପୁରୁକା ।

॥୫୦॥

ସୀତା କହେଲେ ପିତା କାରୁବା ଏତେକେଁ ଇ ଠାନ୍  
ଦୁସରା ଠାନ୍‌କେ ଯିମା ବଳି ତୁରତି କହେଲେ ରାମ୍ ।

॥୫୧॥

ରାମ୍ ଚାଲିଲେ ଆଗେ ଆଗେ ପଛେଁ ସୀତା କଶ୍ମୁର୍  
ଦେଖିଲା କୁକର ଦୁଃଖ୍, ତୁପିକା କେଖେଁ ଖର୍ ଖର୍ ।

॥୫୨॥

ରାଏଜ୍ ଛାଡ଼ିବାରୁ ଦିନ୍ଦ୍ୱ ଆଏଜ୍ କାଳିରୁ କେଖେଁ କାଗେ  
ଦିନ୍ଦ୍ୱ ମାୟ୍ ସବ୍ ଧାଲି ଧୁପି ବଜ୍ର ବେଶେଁ ଭାଗେ ।

॥୫୩॥

ରାମ ଲକ୍ଷ୍ମଣ ସୀତା ଧୀରେ ଧୀରେ ଚାଲନ୍ ଝାରେଁ  
ଉଲଟି ହେବା ଫଳଗୁ ନଏଦ୍ ଧାଏଁ ପୁରା ଧାରେଁ ।

॥୫୪॥

ରାମ ପୁହୁଁଚି ନଏଦ୍ ନିକେ ମାରବାକେ କୁରିଆ  
କହେଲେ ଭାଇ ! ପାଏନ୍ ଠାନୁ ନାଇଁ ଥିବା ଦୂରିଆ ।

॥୫୫॥

ଫଳଗୁ ଖୁଡ଼ି ରାଏଦ୍ ପୁହାଲେ ଫଳ ମୂଲ ନାଇଁ  
ଫଳ ମୂଲ ନୁରବାକେ ବି ସମିୟା ନାଇଁ ଥାଇଁ ।

୫୬॥

ବେଲ୍ ଉଦ୍‌ଲା ଫଗୁଆ ଖରା ଫଳଗୁ ଉଠେ ହୁଁସି  
ପୂରୁବ୍-ଦିଗ୍-ଫରୁଆ ଫାରିଁ ସେହୁର୍ ଆସେ ଖର୍ସି ।

॥୫୭॥

କୁଲ୍ ଦେବ୍‌ତାକେ ହୁରୁଦ୍ ଭିତ୍‌ରୁଁ ତିନୁହେ କଲେ ଯୁହାର୍  
ରାମ୍ କହେଲେ ଲକ୍ଷ୍ମଣ୍ ଗା ହରବର ହେଇ ବାହାର୍ ।

॥୫୮॥

ବାପାକର୍ ଆଏଜ୍ ମଲା ଦିନ୍ ଶରାଧ୍ କଲେଁ ଯାଇ  
ଯାହା ମିଲ୍‌ବା ପିନ୍ ପରଦାନ୍ କରମା ଈନେ ଥାଇ ।

॥୫୯॥

ଶଏସ୍ ସାଙ୍ଗେଁ ଫଳମୂଲ୍ କିଛି ବି ହଇଥୁତା  
ସମିୟା ଗଲେ ମାହାଲିଆ ହେବା କହେଲେ ସୀତା ।

॥୬୦॥

ଲକ୍ଷ୍ମଣ୍ କହନ୍ ପାଶେଁ ଅଁଡ୍‌ରେ ଅରେନ୍ ନାଇଁଥିବା  
ପାଶେଁ ଗୟା ସହର୍ ଅଛେ ଝାର୍ ଦୂରକେ ଯିବା ।

॥୬୧॥

ଝାରକେ କା'ଣା ଡରଡେ ଲୋକ୍ ଲୋକ୍‌କୁଁ ଡରେ ଝାର୍  
ସରବନା ଶୁଖେ ନିଷ୍ପବାର୍ ଦେଖୁଁ ଟଙ୍ଗେର୍ କୁଡ଼େର ଧାର୍ ।

॥୬୨॥

ଶଏସ୍ ମିଲ୍‌ବା ଲୋକ୍ ବସ୍ତ୍ରିନେ ଭିଖ୍ ମାଗ୍‌ଲେଁ ଯାଇ  
କ୍ଷେଡରା କୁଲେଁ କାଡ୍ ହେଡ୍‌କିରି କରି ହେବା କାହିଁ ?

॥୬୩॥

ଯାହା ମିଲ୍‌ବା ଫଳମୂଲ୍ ସଖ୍‌ଲି ଆନ୍‌ମି ଯାଉଛେଁ  
ସେଡକି ତୁରତି ଆଏମି ଯେଡକି ଜକ୍‌ଦି ମୁଇଁ ଯାଉଛେଁ ।

॥୬୪॥

- ରାମ୍ ସୀତା କଥା ହ'ନ୍ କଳ୍ପରୁ କେତେ ବନ୍ଦ୍ୟ  
ଜଗତ୍ ଛାନି ଆନୁଲେଁ କାହିଁ ପାଏବ ଏତା ଜନ୍ୟ । ॥୨୫॥
- ସାନ୍ ଭାବରୁ କାମ୍ ଯାହା କାମେ ଦିଅନ୍ ଦେଖେଇ  
କିହେ ନାଏନ ତାକରୁ ଲେଖେଁ ଆପ୍ନେ ଆ'ନ୍ ନ ଏଖେଇ । ॥୨୬॥
- କର୍ଥୁଁ କଥା ହଉନ୍ ହଉନ୍ ସମିୟା ଯାଏ ତୁଲି  
ସୀତା କହେଲେ ଶରାଧୁ ସିମୟା ନାଲିଁ ଯାଉନ ଚରି । ॥୨୭॥
- ଯାଉଛେଁ ତୁରୁତି ଆଏମି କହି ରାମ୍ କଲେ ବାହାରି  
ଶରାଧୁ ସମିୟା ହେଲା ପଛେଁ ଦେଖାନାଲିଁ କାହାରି । ॥୨୮॥
- ହେଲା କଲେଁ ଗଲା ; ଏ' ଦେ ଶରାଧୁ ବେଲା ହେଲା  
ଉତ୍ତୁସ୍ ପୁତୁସ୍ ସୀତା କରପନା ନାଲିଁ ରହେଲା । ॥୨୯॥
- ସୀତା କହେଲେ ଜାନୁଛ ତ ପିତା ! ମୋରୁ ଥୁତି  
ଜୀବନେ ଥୁଲେଁ କେତେ କେତେ ସେବା କରିଥିର୍ତି । ॥୩୦॥
- ଝାରି ଝୁରି ହଇ ବସେଁ ଆଜିର ମଝା ଝାରେଁ  
ଦାନ୍ କେତେ ଆଏଁ ପି'ତ୍ତେ ବାଡ଼ି ନାଲିଁ ପାରେଁ । ॥୩୧॥
- ଚାକିଥିବ ମୋରୁ ହାତକେ ସମିଆ ହଏ ଆନ୍  
ଦାନା ନାଏଁ ନ କା'ଣା କରମି ପି'ତ୍ ପରଦାନ୍ । ॥୩୨॥
- ଦିଅରୁ ଗଲେ ନାଲିଁ ପିରୁଲେ ପତି ଗଲେ ଯାଉଛନ୍  
କେତେବେଲେଁ ପି'ତ୍ ବାଜମି କିଛି ଯଦ୍ରି ପାଉଛନ୍ । ॥୩୩॥
- ଶରଧା ଅଛେ ସାମ୍ବିରୀ ନାଲିଁ କାହିଁ କହନ୍ ସୀତା  
ଯାହା ପାଏଁ ବାଡ଼ି ନିଏଁ ନିଅ ନାଲିଁ ନିଅ ପିତା । ॥୩୪॥
- ଉଦା ବାଲିଁ ମୁଠା ବାଧୁ ଗୁଳା ଗୁଳା କରି  
ପି'ତ୍ ବାଉଲେ ଆଏଁଖୁ ଦୁହିନ୍ କହ ଯାଏ ଝରି । ॥୩୫॥

ନାଇଁ ଥିବୁ ପିଂଡ଼ କାର୍ ହାତ୍‌ଟେ ନେଲା ଛିନି କା'ର ହାତ୍ ଆଏ ? ଆଶ୍ଚିନ୍ଦ୍ର ସୀତା ନାଇଁ ପାରି ଚିହ୍ନି ।	॥୭୬॥
ସୀତା କହେଲେ କିଏ ନିଏ ଦିଏ ମୋର ଶଶୁର କୁଁ ପରାପତ୍ ନୁହେ ଭୁତ୍ ପ୍ରେତ୍ ଆର ଅସୁର କୁଁ ।	॥୭୭॥
ହାତ୍‌ର ଆତୁଁ ଶବ୍ଦ୍ ଆଏଲା ମୁଇଁ ଆଏ ଦଶରଥ୍ ପିତୃକୁଳ୍‌କେଁ ଆଇ ତୁମ୍‌ର ନେ ଅଛେଁ ଅବିରତ୍ ।	॥୭୮॥
ଶାରଧା ଲାଗିଁ ସାମ୍‌ଗିରୀ ନୁହେ, ଶରଧା ଦକାର୍ ଶରଧା ନାଇଁ, ଆଇ ଦରବ୍ ଯେତେ ପରକାର୍ ।	॥୭୯॥
ପିତୃଲୋକ୍ ବୋଧ୍ ନୁହନ୍ ନାଇଁ କରନ୍ ମନ୍ ତୋର ଲେଖେଁ ବହ ପାଇଁ ମା! ପାଇଛେଁ ମହାନ୍ ଧନ୍ ।	॥ ୮୦॥
ସୀତାର୍ ଆଖିର ଧାର୍ ବୁହିଲା ଫଲ୍‌ଗୁ ଧାର୍‌କେ ଜିତି ରାମ୍ ଅବାକ୍ ହେଲେ ଜାନି ପାରି ସବୁ ଥିତି ।	॥୮୧॥
କହେଲେ ସୀତା ପିଂଡ଼ ବାଡ଼ ସବୁ ଦରବ୍ ଆଏଲା ସୀତା କହେଲେ ଦେଇ ସାରିଛେଁ ଶରଧା ଅରେ ସଏଲା ।	॥୮୨॥
ପିଂଡ଼ ପରଦାନ୍ ନାଇଁ ହଏ ଦିନ୍‌କେଁ ଦୁଇଥର୍ ହାତ୍ ବଡ଼େଇ ନେଲେ ବାପା ହଇଁ ହରବର୍ ।	॥୮୩॥
କହେଲେ ମା' ଶରଧା ନେଇ ଶରାଧ୍ , ଦରବ୍ ନୁହେ ସେ ଶରାଧ୍ ବି ଅକାମ୍ ଯଦ୍‌ରି ଲୋକ୍ ଦେଖାନି ହୁଏ ।	॥୮୪॥
ଅଲ୍‌ଗୁଁ ନୁହେ ଫଲ୍‌ଗୁ ଭିତ୍‌ରେଁ ପିଂଡ଼ ବାଡ଼ୁଇଁ ବାଲି ମାହାଲିଆ ହେବା ଚାଲିଗଲେଁ ଶରାଧ୍ ସମିୟା ଭାଲି ।	॥୮୫॥
କିଏ ଥିଲେଁ କହେତା, ମୁଇଁ ସଏଦ୍ ଦେଖୁଛେଁ ଆଖି କହେବା ର ଫଲ୍‌ଗୁ ରହେଲା ସବୁ ଜାଲ୍‌କେ ସାକ୍ଷୀ ।	॥୮୬॥



ରାମ୍ କହେଲେ ଆଉ ଗୁଡ଼େ କଥା କହେବା ଈ ନଏନ୍ ଉପର ଦେଖା କଥା ନୁହେ ଶରଧା ଥାଇ ସଏନ୍ ।	॥୮୭॥
ବରଷା ଦିନ୍ ଛତା ପାଏନ୍ ନାହିଁ ବୁହୁ ଉପରେ ଯାହିଁ ଚାହେଁଲେ ଦେବା ପାଏନ୍ ଇନ୍ଦ୍ରାବା ଯେ ରିଡ଼ରେ ।	॥୮୮॥
ସଉମିତ୍ରୀ କେତେବେଳୁଁ ଠାରେ ଠାଡ଼ ଶୁନୁଛନ୍ ସାତା ଭିଡ଼ରେ ସରାଉ କେତେ ମନେ ମନେ ଗୁନୁଛନ୍ ।	॥୮୯॥
ଧଏନ୍ ମୋର ଜନମ୍ କରମ୍ ଧଏନ୍ ମାଆ ମାତି ମାତିରୁ ଝି ବହୁର ସରାଉ ସରସର ଆଏ ଛାତି ।	॥୯୦॥
ରାମ୍ କହେଲେ ଗୟା ସୁରର ଶରାଉ ପଥର ହଲଛେ ଅସୁର ଭାବ୍ ଥାଇ ଇନେ ସବୁ ଦିନ୍ଦେ ଶୁଭଛେ ।	॥୯୧॥
ତାର ନାମେ ତାରଥୁ ହେଲା ବଜୁଲା ଲୋକ୍ ବସତି ଜନ୍ଦବାସ୍ ପାଣେଁ ଚହି ନୁହେ ଆମେ ବନ୍ଦବାସୀ ବରତା ।	॥୯୨॥
ନୂଆଁ ଠାନକେ ଯିମା ଚାଲ ନାହିଁ ହଏନ ବୁଲି ମାନି ମାନକ୍ ପଚାରି ରହେମା ବନଏ ଠାନେନୁର ।	॥୯୩॥
ଏଡ଼କି ଶୁନୁନ୍ ଚାଲି ବସଲେ ରାମର ପଛା ପଛ ପଛ ନାହିଁ ଛାଡ଼ନ୍ ଦୁହେ ଛଏରା ଯେନ୍ତା ଗଛ ।	॥୯୪॥
ବେଲ୍ ବୁଡ଼ି ଆସେ ଜାନି ବାଲୁମିକା ମୁନି ରହେଲେ ଚାଲ ଯିମା ସଂଧା ଡର୍ପଣ୍ ସାର୍ମା ଜଲୁଦି କହେଲେ ।	॥୯୫॥
ରାମ୍-ଦୟା ଥୁଲେଁ ରାମେନ୍ କଥା ହେମା କାଏଲ୍ ସମକ୍ତୁଁ ବନ୍ଦଏ କିହେ ଜନ୍ଦଏ ଅସକରୁଛନ୍ ଚାଏଲ୍ ।	॥୯୬॥
ସରା ସରୁକା ସରେ ଗଲେ ଆସନ୍ ମାନୁକୁଁ ଉଠି ଅଁଧାର୍ ଆଏକା ଆକାର୍ ସାରା ଚାରା ଆଏଲେ ପୁଟି ।	॥୯୭॥



## ପାଉଡ଼-୩

### ଶରଭଙ୍ଗ ଆର୍ ସୁତୀଷ୍ଣ ରକ୍ଷିକର ଭେଦ

ଲାଲ୍ ଚହ ଚହ ବେଲ୍ ଉଦ୍‌ଲା ଅଁଧାର ଭାଗେ ଧୂରକେ  
ରାଏଡ଼ଚରୀ ଯେ ଭଠେଁ ଅଛେ ନାହାକ୍ ମନ୍ ଧୂରକେ ।      ॥୧॥

କେଡ଼େଇଁ ଯିବା ନିଜରୁ ଠାନ୍ ଚାଲି ହୁଏ ହରବରୁ  
ଚରେ ସେନ୍ତା ଗୁଡ଼ା ଛାଡ଼ି ବାହାରନ୍ ହଇଁ କରବର ।      ॥୨॥

ତରା ଯେଡ଼କି ମେଟନ୍ ଖରା ଆସେ ସେତେ ବହଲେଁ  
ଘଡ଼େ ଆଗରୁ ନାରବ୍ ପୂର୍ଥୀ ପୂର୍ବିଗଲା ଚହଲେଁ ।      ॥୩॥

ହୁମର ମତ୍ତର ଗୁମୁରୁ ଥିଲା ଏଦେ ଏ' ଦେ ସରିଛେ  
ରାମ୍ ଭଜନର ସୋର ଶବ୍ଦେଁ ଆଶ୍ରମଟା ଭରିଛେ ।      ॥୪॥

ଲେଖା ପୁଅ ପେସରେଇ ରକ୍ଷି ଛାଡ଼ିଲାନୁ କହୁଛନ୍  
ତୁନ୍ ତାନ୍ ସବୁ ଶୁନ୍‌ଲା ଲୁକେ ତବଧ୍ ହଇଁ ରହୁଛନ୍ ।      ॥୫॥

ରାମ୍ ଚାଲିଛନ୍ ଆଗକେ ଆଗକେ ଫଲ୍‌ଗୁ ରହେଲା ଦୂରିଆ  
ଅରେନ୍ ପାଏ ଜୀବନ୍, ପବନ୍, ବୁହେ ହୁରୁହୁରିଆ ।      ॥୬॥

ଆମ୍ ପରମାମ୍ ସଙ୍ଗେଁ ବିବେକ୍ ଗଲା ବାଗିରୁ  
ରାମ୍ ଲକ୍ଷ୍ମଣ୍ ସୀତା ଚାଲନ୍ ପାଶେ ଲାଗିରୁ ଲାଗିରୁ ।      ॥୭॥

ରାମ୍ କହୁଛନ୍ ଲକ୍ଷ୍ମଣ୍ ବୋ, ସଂସାର ଆଏ ଝାର  
ସହଜେଁ ମୁନୁଷ୍ଟ ଲହକିଁ ନାଇଁ ପାରି ମାନୁଏ ହାର ।      ॥୮॥

ମୁନୁଷ୍ଟ ଭିତରେଁ ଦଏଡ଼ ଦାନବ୍ ଆଉରୁ ପିତା ଜିଡ଼  
କେତେ ଅଛନ୍ ସହଜେଁ ଗନିଁ ନାଇଁ ମିଲେ ଅିଡ଼ ।      ॥୯॥

ଯେ ଜାନ୍‌ସି ବୁଲି ଚାଲି ମନ ଯାଏ ତାର ବହଳି  
ନାହିଁ ପାରୁଳା କୁଜର ମନ ତରୋଁ ଯାଏ ଚହଳି ।

॥୧୦॥

ଆନନ୍ଦ ଥିଲେ ମନେ ସୁଆଦ ପଲ୍ ପରଶେ ବନ୍ଦ  
ହାଏ ହାଏ ଥିଲେ କିଟା ରଡ଼ି କରେ ଚନ୍ଦ ଚନ୍ଦ ।

॥୧୧॥

ମନହସ ଯାର ଧୁକୁର ପୁତୁର ମାତେ ବନାଇହ  
ବାଏ ଖୁଜେନ୍‌ଥୁଁ ସରପଟେଇଁ ଖୁଜେଇ ହେସି ଜହ ।

॥୧୨॥

ଫିରବାର ଠାନ୍ ପାଶ୍‌ରି, ନାହିଁ କାରି ପାରେ କୁଲେଁ  
ଝାରିକେ ଝାର ବୁଲି ବୁଲି ଗୁମି ଯାଏସି କୁଲେଁ ।

॥୧୩॥

ଯେ'ନୁ ଆଇଛୁ ସେନକେ ଯିବୁ ଈ କଥା ଆଏ ମୂର୍  
ସଂସାର ଝାରେ ଜିନ୍‌ରାଁ କେଲେଁ ନାହିଁ କରବୁ କୁର୍ ।

॥୧୪॥

ସରେ ଆସୁଁ ଉଜାଳା ଭରା ପରମ୍ ଧାମୁ ବାହାରି  
ସେନକେ ନାହିଁ ଫିରବାର ତକ୍ ଥାବ୍ ନାହିଁ କାହାରି ।

॥୧୫॥

ଭୁଲ୍ କରି ଯେ ଭଟ୍‌କି ଯାଏ ପାଶ୍‌ରି ଫିରୁଳା ବାଟ୍  
ଜାନ୍‌ଲା କୋକ୍ ବଡେଇ ନେଲେଁ ଫିରେ ଛାଟେଁ ଛାଟ୍ ।

॥୧୬॥

ଦେଖୁଛୁ ତ ବିରାଧକେ ସେ କେନ୍ଦା ଥିଲା ଭଟ୍‌କି  
ବାଟ୍ ନାହିଁ ପାଇଁ ଈଆଡ୍ ସେଆଡ୍ ହେଲା ଛଟ୍‌କି ।

॥୧୭॥

ସାତା କହେଲେ ସେତାକେ ଯେନ୍ ବାଟ୍ ବଡାଲ ତୁମେ  
କେ କାଏଁ ରୂପ ଦେବେ ଭେଦିଥିବା ତୁମେ ତୁମେ ।

॥୧୮॥

କଥା ବାର୍ତ୍ତା ହଇଁ ହଇଁ ପୁହୁଁଟିଲେ ଗୁଟେ ଠାନ୍  
ଖୁସି ଅଛନ୍ ରଖି ଜନ୍‌ଏ ଶରଭଙ୍କ୍ ଆଏ ନାମ୍ ।

॥୧୯॥

ଦେଖିଲେ କି ନି ସେ ମୁନି ଦଉଡ଼ି ଆଏଲେ ପାଶ୍‌କେ  
ଜାବ୍‌ଡ଼ି ଧରିଁ କେତେ ଜନମର୍ ଜଉମୁଦ୍ ଦିଆ ଆଶ୍‌କେ ।

॥୨୦॥

ସ୍ୱପାରିଲେ ରାମତନ୍ତ୍ର କୁଁ କୁଆରିଲା ସୁଖ ସାଗର  
ରାମ ସାଙ୍ଗେ ସବୁ ଶୋଭା ଛିଡ଼ି ପଡ଼ିଲା ସରଗର । ॥୨୧॥

ରାମ ପାହା ଧରି ମୁନି ପରଲେ ଲାଙ୍ଗୁଳାର,  
କହେଲେ କେହୁଁ ଅନ୍ନ ସରିଛେ ତୁମର ଆଏବାର ବାଟ । ॥୨୨॥

ଜନମ୍ ଜନମ୍ ତପ କରି ଅର୍ଜିଛେ ଯେନ୍ ଫଳ  
ସଂପି ନଉଛେ ନିଅ ଆଉର କିଛି ନାହିଁ ସଂବଳ । ॥୨୩॥

କେତେ ତପ ଖଟି ଦିହକେ ଦେଇ କେତେ ଦୁଖ  
ଭାବି କରି ଯେଉଁ ହେଲେ ଦିହକେ ହେବା ସୁଖ । ॥୨୪॥

ଦିହ ପାଗଲି ଦୁଖେଁ ଦୁଖେଁ ଦିହର ସୁଖେ ଆଶେଁ  
ମନ୍ ଚିତ୍ ଦିଶନ୍ ନାହିଁ ଦିହ ଥିଲେଁ ପାଶେଁ । ॥୨୫॥

ଉଷଦ ଆନନ୍ଦ ନୁହେମନ୍ ଚିତ୍ତର ତ ଛିନା  
ତପ-ଧନ୍ ଗନି ଜୀବନ୍ ସାରା ସୁଖର ଆଶା ଘିନା । ॥୨୬॥

ଦିହଟା ଅଛେ ବଳି ସିନା ଅଛେ ମନ୍ ପ୍ରାନ୍  
ତାକର ଘିତାଟନା ଦେଖୁ ଅନାଏଦ ଆତମ୍ ଜ୍ଞାନ୍ । ॥୨୭॥

ତପ ସାଧିଁ ଯେନ୍ ଫଳ ପାଇଛେଁ କାହିଁକେ ଦେବା କାମ୍  
ଆତମା-ପୁରୁଷ ଲାଗି କେଉଁ ନାହିଁନ ତ ଆରାମ୍ । ॥୨୮॥

ସବୁ ସାଧନାର ଫଳ ଥାଏ ତୁମର ନାମେ ରାମ୍  
ଆନନ୍ଦ ଆବୁରି ଆତମା ଥାଏ ଭଲ ପାଏବାର ଧାମ୍ । ॥୨୯॥

ଦିହ-ଭୁଇଁନେ କାମନା -ଗଛ ଥରକେ ଥର କଅଁକୁଛେ  
ଫଳି ସାରୁଲେଁ ଭଲି କେ ଭଲି ସେ ତୁରତି ପାଆଁକୁଛେ । ॥୩୦॥

ରାମ-ଆଶେଁ ଦିହର ତିଆର ଦର୍କାର ଥାଏ ଭାରି  
ରାମକୁଁ ଦେଖୁ ଦିହକେ ଦେଲେ ଯୋଗରୁଏ ନେ ଜାଲି । ॥୩୧॥

ରାମ୍ ସାଙ୍ଗେଁ ସାତା ଲକ୍ଷ୍ମଣ ଭକା ଛାଡ଼ି ଦେଖୁଛନ୍  
ତ୍ୟାଗ୍ ଧରମର ନୂଆଁ ରୂପ୍ ମନେ ମନେ ଲେଖୁଛନ୍ ।

॥୩୨॥

କିଛି କା'ଣା ଭାବି ହଇଥିତେ କଥା ଭାଷା  
ଆସ୍ ପାଶରୁ ରଖି ଆସନ୍ ନେଇ ଅନେକ୍ ଆଶା

॥୩୩॥

ପୁହୁଁଚି ଆଏଲେ ରାମ୍ ଦେଖ୍ ପୂରାବେ ନିଜର ସଧ୍  
ଶୁନି ସାରିଥିଲେ, ରାମର ବିରାଧ୍ ଅସୁର ବଧ୍ ।

॥୩୪॥

ଆକୁଳ୍ ଭାବେଁ ସତେ ଡାକନ୍ ନିଜର ନିଜର ଆଶ୍ରମ୍  
ମନ୍ ମାନ୍ କେଁ ଆନନ୍ ଆସି ଖେଦି ନିଏ ବି ଭ୍ରମ୍ ।

॥୩୫॥

ଇ ଝାରୁଁ ସେ ଝାରକେ ବୁଲନ୍ ରାମ୍ ଲକ୍ଷ୍ମଣ୍ ସାତା  
ସମ୍ କୁଁ ସମାନ୍ ସମ୍ମାନ ପଖ୍ ପାତର କାହିଁ ଥିତା ? ।

॥୩୬॥

ମୁନି ରଖିକର ଠାନ୍ ନିଅନ୍ ସୁଗୁଣ୍ ସୁକୁଦ୍ ମାନ୍  
କୁରୁଦ୍ କୁରୁଦ୍ ହ'ନ୍ ଦେଇ ହୁରୁଦ୍ ଭରି ମାନ୍ ।

॥୩୭॥

କାପ୍ କାପୁ କି ମହୁମାଛି ପୁଲ୍ ମାନ୍ କେଁ ବସି  
ନିଅନ୍ ଯେତା ମହୁ ଯାଆନ୍ ତାର ରସେଁ ରସି ।

॥୩୮॥

ସେତା ରଖି ମୁନି ମାନ୍ କରୁ ଗୁନ୍ କରମ୍ ଛିନ୍  
ନିଜର ମାଏନ୍ ବେଭାର ମୂଲେଁ ତାହାକୁଁ ନିଅନ୍ ଘିନି ।

॥୩୯॥

କାପ୍ କାପୁ କାଏଁ ରହି ଯାଏସି ପୁଲେଁ ଅଠିପର  
ଇମାନେ ବି ଛାଡ଼ନ୍ ରହି ପହରେ ଦୁଇ ପହର ।

॥୪୦॥

ବୁଲି କିହରି ଆସୁନ୍ ଆସୁନ୍ ବରଷ୍ କେତେ ହେଲା  
ଭେଟ୍ ଲେ ସୁତାକ୍ଷଣ୍ ରଖି ଅଗ୍ରସିକର ତେଲା ।

॥୪୧॥

ତାକର ଠାନ୍ ଶୁନି ମୁନି ଆଶ୍ରମ୍ ନାଏନ ଦୂର  
ଅଗ୍ରସି ମୁନି ଦର୍ଶନ୍ କେ ତାକନ୍ ଚୁର ଚୁର ।

॥୪୨॥



ଶକ୍ତି ନାହିଁ ତୁମର କଥା କରବାକେ ଅମାନ୍ତ  
ଦିନିଏ ବେଳେ ଋଷ୍ଟ ଛାଡ଼ିନେବେ କରୁଁ ବିନତି ।

॥୫୪॥

କହୁନୁ କହୁନୁ ଘରୁ ଆଏବାରୁ ବରଷ ଦଶେ ହେଲା  
ନିମିଷଟାକେଁ ପଲେଇଁ ଯିବା ବନ୍ଧର ଚରେ ରହେଲା ।

॥୫୫॥

ବାଆରି କରି ବତେଇ ନିଅ ଏନ୍ତା ଗୁଟେ ଠାନ୍  
ବନ୍ଧର ଚାଏରଟା କଟି ଯିବା ସୁଦ୍ଧାବେଁ ତୁନତାନ୍ ।

॥୫୬॥

ଖୁସିହଇଁ ଋଷି ଭାରୁଥିଲେ ମନେ ମନେ  
ଆନନ୍ଦ-ମୂର୍ତ୍ତି ଈ ରାମକେ ଥାଏଁ ହୁରୁଦ୍ -କନେ ।

॥୫୭॥

ଜୀବନ୍-ମୁକ୍ତିର ସୁଆଦ ଚାଖୁଥିସି ହରୁମିଶା  
ମୋର କହେ କାଏଁ ରହେବା ? ଯାଉ ଥାଇ ମୁକ୍ତି ନିଶା ।

॥୫୮॥

ଆଶ୍ରମ କେ ଛାଡ଼ିବା କାଏଁନ ହୁରୁଦ୍ ଛାଡ଼ିବା କାହିଁ ?  
ସାତା ସାଙ୍ଗେଁ ଥିବା ଅନୁଷ୍ଠୁ ଥିମି ଧାଇ ।

॥୫୯॥

ପୁଟି କରି କହେଲେ ଆଖିଁ କୁଟି ରାମର ରୂପ  
ଆସିଖି ଛାଡ଼ି ବାଜି ଇନ୍ଦ୍ରିୟ ପଛାଁ ଥିଲେ କୁପ ।

॥୬୦॥

ହେ ଜାନ୍‌କା ପତି ! ତୁମର ଗତି ଦୁର୍ଜିବାରୁ  
ବନ୍ଦ୍ୟ ତୁମର ମନେ ମନ୍ଦ କରଲେଁ ଏକାକାର ।

॥୬୧॥

ଆଗମ୍ ନିଗମ୍ ଭାରି ଅଗମ୍ ଆଏ ଆନନ୍ଦ-ଧାମ୍  
ଭାବନ୍ ଅଧମ୍ କରମେ କରମଙ୍ଗା ପଲେ ରାମ୍ ।

॥୬୨॥

ରାମ୍-ଲକ୍ଷ୍ମଣ-ସାତା ଭିତ୍ତରେଁ ନୁରି ବସନ୍ ନିଜକେ  
କେନ୍ଦୁ ଆନି କେନେ ଥୁଅନ୍ ପୁଲେଇ ଆଦିକା ଚିରକେ ।

॥୬୩॥

‘ଭକ୍ତି’ ଯଦ୍‌ରି ‘ସେବା’ ହେବା ନାଏଁନ ସେବାର ସୋର  
ସେବା ଦେଇ ହେବା ନାହିଁ ଥିଲେଁ ସୋର ‘ମୋର’ ।

॥୬୪॥

କେତେ ବେଳେ ଦିନ ଭାଗଲା ରାଏଦ ବି ଗଲା ବିତି କହୁନ୍ କହୁନ୍ ସମିୟା ଘାଉଁ ଘାଏ ଯାଏ ଜିତି ।	॥୨୫॥
ତିନୁହି ବନୁବାସୀ ମୁନି ପାଦେଁ କଲେ ପ୍ରଣାମ ସୋର କରି କହେଲେ ରଷି, କହେଁ ରହେବାର୍ ଠାନ୍ ।	॥୨୬॥
ଭନୁ ଗଲେଁ ଯୋଜନେ ମେତାଲ୍ ବୁହେ ଗୋଦାବରୀ ସମୁଦର କେ, ମହାଆଦୁରେଁ ନିର୍ମାଲ୍ ପାଏନ୍ ଧରି ।	॥୨୭॥
ତାର୍ ଖିଟି ବଡେ ସୁନ୍ଦର ପାଁଚରା ବଚର ବନ୍ ପିରବଟୀ ବଳି କହୁନ୍ ଅଏନ୍ ପାଏନ୍ ପବନ ।	॥୨୮॥
ସମାନ୍ ନିମାନ୍ ଭୁଇଁ ଗଛେଁ ଲଦି ହଇଛେ ପଲ୍ ଭୁରୁ ଭୁଗାନ୍ ପୁଟନ୍ ପୁଲ୍ କହର ପରବଲ୍ ।	॥୨୯॥
ଗୁଡ଼ା ବାଁଧନ୍ ଗଛର ତାଳେଁ ହରେକ୍ ରକମ୍ ଚରେ ସଂଲ୍ ସକାଲ୍ ତାକର ଗୀଡେଁ ଝାର ପଡ଼ରା ଭରେ ।	॥୩୦॥
ଡେବ୍ରି ଭୁଇଁନି ସବୁ ଛାଡ଼ବ ସିଧା ନାକର ସଲ୍ଖେଁ ପରରା ଉରରା ନାଲି ଲାଗେ ଭାଗବ ସଡ଼ଖେଁ ସଡ଼ଖେଁ	॥୩୧॥
ରାମ୍ ଲକ୍ଷ୍ମଣ ସୀତା ତିନୁହେଁ ବୁହେଇଁ ଟିକେ ମାଥ ପାହା ବଜାଲେ ମହା ଉଷଡ଼ ଫେର ଯୁଡ଼ି ହାଡ଼ ।	॥୩୨॥
ସୀତା ଚାଳନ୍ ପଛେ ପଛେ ରାମ୍ ହଇଛନ୍ ଆଗ୍ ଶାନ୍ତି ପଲ୍ ଛାଡ଼ବା କାହି ଆଗେଁ ପାଏଲେଁ ତ୍ୟାର୍ ।	॥୩୩॥
ପଛା ପଲ୍ ତୁରାଳା ମେତାଲ୍ ଆନନ୍ଦ ଯେନ୍ତା ଭାଗେ ସର୍ବାର୍ ପଛେଁ ଲକ୍ଷ୍ମଣ ଦେଖିଁ ଠିକ୍ ସେନ୍ତା ଲାଗେ । ।	॥୩୪॥
ବାଟ୍ ଛାକୁଛନ୍ ଧୀରେ ଧୀରେ କଥାର୍ ସୁରେ ସୁରେଁ ଦଦା ବହୁର ଗେଲ୍ ଲାଡ଼ ରଖେ ଲକ୍ଷ୍ମଣ ଦୂରେଁ ।	॥୩୫॥



ବାବ୍ ତରୈ ତରୈ ପୁଟିଥିଲେ ଅଧନ୍ ପୁର ରାମ୍ ମଖେଇନେଲେ ସୀତା ହିସନ୍ ମୂର୍ଖମୂର୍ଖ ।	॥୭୬॥
ସୀତା ଅଥା ହଇଥିବେନ ଭାବି କେ'ନ ରାମ୍ ଥାବ୍ ମାରବେ ବସନ୍ ଦେଖୁ ଶୀତଳ ଚାତରୁ ଠାନ୍ ।	॥୭୭॥
ସୀତା ଭଲଟିଆ ସୁଆଁଲି ଆନନ୍ ରାମ୍-ପଦମ୍ -ପାହା କହି ଅଦୃତିଆଁ ପଥିରିଆ ବାଟେଁ ବିଆଇ ଥିବା ଆହା' ।	॥୭୮॥
ରାମ୍ କହେସନ୍ ସୁର ସୁଲାସି ତୁମର ହାତର ସୁଆଁଲା ତୁହିଲା ବେଲକେ ଶୁଭଲା ମନ୍ଦକେ ତୁମର ନିକେ ଧୁଆଁଲା ।	॥୭୯॥
ରକ୍ଷା ହେଲା ଆଉର କା'ଣା କହିଥିତେ ସେ କ୍ଷୟ ପାରୁଲା ପରୁର ବୁଡ଼କା ଧରି ପୁହୁଟିଲେ ଲକ୍ଷ୍ମଣ ।	॥୮୦॥
ଗୋଦାବରୀ ଧୁର ନାଏନ ଶୁଭେ ଶବଦ୍ ତାର ଅଥବ୍ ଗୀତ ଗାଏ ପଥର ସାଙ୍ଗେଁ ପାନିରୁ ଧାର ।	॥୮୧॥
ସଂସାର୍ ଜଂଜାଲୁଁ ମନ୍ ଭତି ଘାଏ ଘାଏ କିହିରି ବୁଲି ପିରି ସେଥିଁ ତୁବ୍ କିସି ଝାଏ ଝାଏ ।	॥୮୨॥
ସେନ୍ଦ୍ରା; ପାଏନ୍ କେ ଛାଡ଼ିକରି ପାନିରୁ ଚରେ ମାନେ ଘଡ଼େ ଛନ୍ଦ୍ୟ ଭତି ଝିପେଇ ହେସନ୍ ପାନିରୁ ଠାନେ ।	॥୮୩॥
ସେ ଭଉଁଲା ଚରେ ମାନେ ମୁଡ଼ୁ ଭୟରେଁ ଦିଶୁଛନ୍ ନଏଦ୍ ଅଛେ ପାଶେଁ ବଳି ତାକର ଭାଷି ଭାଷୁଛନ୍ ।	॥୮୪॥
ଦେବତା ପୂଜାରୁ ବେଲା ଟଳି ଗଲେଁ ଯେନ୍ଦ୍ରା ଭକତ୍ ହେସିହେନ୍ଦ୍ରା ସଉମିତ୍ରୀ ହେଲେ ଇଚସ୍ତ୍ର ।	॥୮୫॥
ପାଶେଁ ପାଏନ୍ ଦିଶେ ରାମ୍-ସୀତାର ପରସାଦ୍ ସରଲେଁ ସରିଁ ଯିବୀ ତାର ମନରୁ ଅବସାଦ୍ ।	॥୮୬॥

ହାତ୍ ସ୍ମୃତି କହେଲେ ଦାଦା ତାକେ ଗୋଦାବରୀ ଆନନ୍ଦ ପାଏବା ମନେ କୁଡ଼େଁ ରାମ୍-ସୀତା ଧରି ।	॥୮୭॥
ପାହା ବଜାଲେଁ ପୁହୁଁଚି ଯିମା ନାହିଁ ନ ଆଉର୍ ଧୂର୍ ପରସାଦ୍ ବେଲା ହେଲା ନ ବି ଘାଉଁ ଘାଏ ଉଛୁର୍ ।	॥୮୮॥
ରାମ୍ ସୀତା ଉଠି ଚାଲିଲେ ହାତ୍ ଧରା ଧରି ହେଇ ଲକ୍ଷ୍ମଣ୍ ଏଇନି ଆଗୋ ଚାଲିଲେ ପାହା ଚିକେ ବହୁଁକେଇ ।	॥୮୯॥
ଗୋଦାବରୀ ନଦୀର୍ ଖୁଁତି ବରଗଇ ବଡେ ବୃଷାଲ୍ ବସି ଘଡେ ଥାକ୍ ମାଏଲେ, ମାଏଲେ ଦିହୁଁ ଝାଲ୍ ।	॥୯୦॥
ଚାତର୍ ଠାନ୍ତେ ଦେଖୁଁ କହେଲେ ବାବୁ ସଉମିତ୍ତରୀ ଇନେ କଲେଁ କୁରିଆ ହେବା ସୁବିଧା ସବୁ ମିତ୍ତରି ।	॥୯୧॥
ନୁକୋ ମଟା ମାଏର୍ ହେବା ସହଜେଁ ପୁଲଗଇ ପାଏନ୍ ବି ଆଏ ପାଶ୍ ନାଏନ ଅନୁରା କର୍ କର୍ ।	॥୯୨॥
ଆପ୍ତନେ ଦୁହେ ଗାଧୁଆ ସାରିଁ କଲେ ପଲ୍ଲୀହାର୍ କୁରିଆ ତିଆରି ଲାଗିଁ ଲକ୍ଷ୍ମଣ୍ ତୁରିତ୍ ହେଲେ ବାହାର୍ ।	॥୯୩॥
ବାଲ୍ଲିକୀ କହନ୍ ସଂଧା ଶଉର୍ ଲାଗି ସମିୟା ହେଲା ବେଲ୍ହଉ ବଡେ ପୁରୁଁ ଆଏବ ନାହିଁ କରବ ହେଲା ।	॥୯୪॥



## ପାଉଡ଼-୪

### ସୂସନଖୀର ନାକ-କାନ-କଟା

ପଞ୍ଚିମ୍ ଦିଗକେ କଞ୍ଚିମ୍ ଲେଖିଁ ବେଳ୍ ଯାଏ ରଞ୍ଚି  
ହରାସ୍ ନୁହେ ଖରାଭ ରାସ୍ ଚାଲେ ଅନୁଭଞ୍ଚି ।

॥୧॥

ଆଶ୍ରମ୍ ହିଁସେ ମୁକ୍ ମୁକ୍ ଛଏରା ଭରନ୍ଦହା ତଲେଁ  
ଖରା ମାଖ୍ ଡାକ୍ ପତରା ଦେଖନ୍ କଲେଁ କଲେଁ ।

॥୨॥

ଲବକୁଶର ବାନା ବାଜେ ଧରି ରାମେନ୍-କହରୁ  
ପୁଲଗଛ ସବ୍ କହଡ଼ ଭିତରେଁ ପୂରେଇ ବସନ୍ କହରୁ ।

॥୩॥

ବାଲ୍ମିକି ମୁନି ଆର୍ଯ୍ୟକ୍ଷେକେ ମୁକ୍ତି କରନ୍ ରାମ୍ -ଧାନ  
ଆନ୍ ନୁହେ ଶୁନି କରି ବି ' ବାଉଲ୍ଲା -ବାନାର୍ ତାନ୍ ।

॥୪॥

ଆର୍ଯ୍ୟକ୍ଷ ପିରଲ୍ଲା ମୁହିଁ ପୁରଲ୍ଲା ବାଲ୍ମିକୀ ମୁନିକର  
ରାମେନ୍ -କଥାନେ ନୁହନ୍ ଅଥା କହନ୍ ଅଠିପର ।

॥୫॥

ହେ ରାମ୍ ! ହେ ଆନନ୍ଦ ଧାମ୍ ! ସୁଖ ସରାଗର ଖାଏନ୍  
କହି ଦୁହି ହାଡ଼ ଯୁରି ପୁଥକେ ଦେଲେ ମାଏନ୍ ।

॥୬॥

କହେଲେ ଗୋଦାବରୀ ନଦୀର ଖିଡ଼ି ପୁହୁଡ଼ି ରାମ୍  
ସୀତା ସାଙ୍ଗେଁ ଶୀତଲ୍ ଠାନେ କରଲେ ବିଶ୍ୱରାମ୍ ।

॥୭॥

ନିରଦେଶ୍ ପାଇ ବୀର ଲକ୍ଷ୍ମଣ ବନେଇ ବସଲେ କୁରିଆ  
ଇ ଆଡ଼ ସେଆଡ଼ ନୁହିଁ କରନ୍ ହରଦମ୍ ଏକସୁରିଆ ।

॥୮॥

ଲକ୍ଷ୍ମଣ୍ ହାତେଁ ଡ଼ଉଲ୍ ଦିଶେ ଡାକ୍ ପତରର କୁରିଆ  
ବିନା ଡ଼ରେଁ ସୁନା ତିଆରି ଘରକେ କରବା ହୁରିଆ ।

॥୯॥

ଏକ ବଖରିଆ ପରକେ ଆବୁରି ନେକ ଦିଶେ ପରହି କାଏଶ୍ କୁଶ୍ କୁଆନି ଛିନ୍ଦବା ପାଏନ୍ ଗଲେଁ ବରଷି ।	॥୧୦॥
ଛୋଟ ଗୁଟେ କୁରମା ଚିକେ ଦୂରିଆ ଆଗେଁ ଆଗେଁ ଶୁଭ ନୁହେ ଉନିଦ୍ରା ଜନ୍ଏ ଥାଇଁ ବି ଲାଗେଁ ଲାଗେଁ ।	॥୧୧॥
ଲକ୍ଷ୍ମଣ ନିଜେ ବସବେ ବଲିଁ ଖୁଟୁ ମୁଟୁଲୁ ମେତାଲୁ ଧନୁ ଶର ଧରି ପହରା ଦେଲା ବେଲେଁ ହେଲେଁ ଉଷାର ।	॥୧୨॥
ତାଲୁ ତୁପିଁ କାହିଁ ଗଲୁ ହଇଛେ କହତ ଆଉଛେ ଧରି ମଞ୍ଜିର ଗଲୁ ତ ସାଜି ହଇ ପୁଲେଁ ଯାଇଛେ ଭରି ।	॥୧୩॥
ବୃଷାକ୍ ହଇଁ ତୁଲସୀ ବୁଟା ଧରି ଆଏଲା ନ ଜରୁ ପାଏନ୍ ଦେଲା ବେଲେଁ ସାତା ଦେଖୁଁ ହୁଁନ୍ ଉଷର ।	॥୧୪॥
କାପକାପୁ ଖେଲେ ମହୁମାଛି ସାଙ୍ଗେଁ ଖେଲେଁ ଭଅଁରୁ ଜୀବନ୍ ପାଏଲା ବାଗିର ପବନ୍ ପିଏ ପୁଲାରୁ କହରୁ ।	॥୧୫॥
ଗୁନ୍ତା ଖେଲେ ତାହି ମାକରୀ ବାଦୁଲି ଦୁଲେ ଦୁଲି କେତେ ବହଲେଁ କହଲେ ଚପା ଗଲୁକେ ଗଲୁ ବୁଲି ।	॥୧୬॥
ବରପିପଲୁ ଗଲେଁ ରାମି ମଏନା ପାରୁଲା ଫଲ ଖାଇ ହଉଛନ୍ କିଚିର ମିଚିର ଦିନ୍ ଦୁଇ ପହର ।	॥୧୭॥
ଫୁଲ ତୁହୀ ଆସି ପୁଲେଁ ବସେ ଠିଣିନା ଟାଏଁଟାଏଁ ଚିହା ପଚାରେ କୁଁଭାଟିଆ ଯେ ନାଇଁ ଆସେନ କାଏଁ ।	॥୧୮॥
ଗୁଁରୁଁ ତିତେର ଗୁଛାନୁ ଗୁଛା ଖେଲନ୍ ଲୁକକୁକାନି କାନୁକେ ତେରି ତେରେ ଖରା କାହାକେ ନାଇଁ ମାନି ।	॥୧୯॥
ଗଇ ତଲ୍ ତଲ୍ ମହାକେ ମହା ପାଏନ୍ ଥୁଲେଁ କାହିଁ ନେଉଲା ପିଇଁ ପିଇଁ ଯାଏ ଇ ଆଡ୍ ସେ ଆଡ୍ ଧାଇଁ	॥୨୦॥

- ରାମ୍ ସାତା ବସନ୍ କେତେବେଳେ କୁରିଆ ଭିତରେ  
କେନ୍ ସମିସାକେ ବସି ଥାଆନ୍ ଉଠାରୁ ଚଟାନ୍ ପଥରେ ।      ॥୨୧॥
- ସୁରତା କରି ସାତା କହନ୍ ରାଜମହଲର କଥା  
ସରିଥିବା କାଏଁ ଆମର ଉପରୁ ମାଆକର ମମତା ।      ॥୨୨॥
- ମଥାନେ ନାହିଁ ସେହୁ ହାତେ ନାହିଁଥିବା ବୁରି  
ପତି-ହାନ୍ ସେ ପତିତ୍ କାବନ୍ ମନ୍ ହୁଅଥିବା ବୁରି ।      ॥୨୩॥
- ମଝିଆଁ ମାଆକୁ ଗରଜି ଗାଏବ ଦଉଥିବେ କାଏଁ ଭରତ୍  
ଶୁନାତେ ଯାହାକେ ସେ ଗାଏବ ଦେଲେ କେତେ ଆରତ୍ ।      ॥୨୪॥
- ଲକ୍ଷ୍ମଣକେ ଭରମୁ ଥିବା ଉରମିଲା ଦିନ୍ ରାଏତ୍  
ଲକ୍ଷ୍ମଣକେ ସାଙ୍ଗେ ଆନି ବୁବ କଲା କାଏଁ ସାଏତ୍ ।      ॥୨୫॥
- ସାନ ମାଁନେ ଟାନ୍ କରୁଥିବା ମାନ୍ କରି ଉରମିଲା  
ମନ-କା'ରୁ ହଏ ବନ୍ ପଠାବାକେ ଜନମ୍ କଲା ପିଲା ।      ॥୨୬॥
- ରାମ୍ କହେଲେ ଜନକ୍ ଜେମା ! ଅନେକ୍ ଶକ୍ତି ଥାଇ  
ମାଁ ଧରତାର ଝିଁ ହଲ୍ ମୋରୁ ମାଆକୁ ଚିହ୍ନ ନାହିଁ ।      ॥୨୭॥
- ସମୁଦର ନୁ ଶ' ଶ' ମେସେଁ ଯେତେ ବି ପାଏନ୍ ଗଲେଁ  
ଶୁଷ୍ଟି ଯାଏ କାଏଁ ସମୁଦର ଯେ ଯେତେ ଯାହା କଲେଁ ।      ॥୨୮॥
- ମାଁ ମାନେ ମୋରୁ ଆ'ନ୍ ମମତାର ମହାନ୍ ସମୁଦର  
ସନ୍ତାନ୍ ଗଲେଁ ଦୂରୁଁ ସରେ ନାହିଁ ତାକରୁ ଆଦରୁ ।      ॥୨୯॥
- ମୋରୁ ମାଆମାନେ ଆ'ନ୍ ମମତାର ମୂରତି  
ଯେତକି ମମତା ଝରେ ସେତକି ଉପକି ହଏ ପୂରତି ।      ॥୩୦॥
- ନାହିଁ ଚିହ୍ନି ମଝିଆ ମାକୁଁ ଭରତ୍ ମେତାକ୍ ପିଲା  
ଗରୁଲେଁ ଧରବାରୁ ବାଗିରୁ କାଏରୁ ତାକରୁ ଏକ୍ଲା ଥିଲା ।      ॥୩୧॥

ମୋର ଆଡ଼କେ ଭରତର ଯେନ୍ ଏକ ଧରସିଆ ଭକ୍ତି  
ବାଏ ହଇଁ ଯାଏ ନାଇଁ ବୁଝିଲା ମଝିଆଁ ମାଆର ଶକ୍ତି ।      ॥୩୨॥

ରାଏଜ୍ ପରିବାର ସାମା ତେରି ଜଗତ୍ ଉପରେ ନିଘା  
ମୋର ନକରେ ମାଁ ରାଏଜର ସମ୍ବଳୁଁ ସେ ଶିଘା ।      ॥୩୩॥

ଭରତର ଭକ୍ତି ଜିତିଁ ମତେ ତାକର ସ୍ନେହେ  
କେନ୍ ଗାଏଲ୍ ଛିଇବା ହେନ୍ତା ଆମ୍ବା ଧଏଲା ଦେହେ ।      ॥୩୪॥

ସାନ୍ ମାଁ ସୁମିତ୍ରା ଆ'ନ୍ ତାକର ମିତ୍ର ସଭେ  
ଉରମିଲା ତ ଜନମ୍ କଲା ମାଁର ମମତା ଲଭେ ।      ॥୩୫॥

ଉରମିଲାର ମାନ୍ ଅଭିମାନ୍ ଯଦରି ଥିଲା ଯାହା  
ଉର୍ଭି ଗଲା ନ ଯେନ୍ ଦିନ ଛିଇଲା ଲକ୍ଷ୍ମଣ ପାହା ।      ॥୩୬॥

ଦେହେ ନୁହେ ଉରମିଲା ଯାହା ଅବଧେଁ ଅଛେ ପରି  
ମନ୍ ପ୍ରାଣ ଆମ୍ବା ଆସନ୍ ସଉମିତ୍ରା ପଇଁ ଧରି ।      ॥୩୭॥

ସାନ୍ ମାଁ ନେ କେ କରୁଥିବା ମାନ୍ କରି ଭାଏଲ୍ ଟାନ୍  
ମୋର ନୁ ତୁମେ ଜହ ଜାନ୍ବ ଉରମିଲା କା'ଣା ଆନ୍ ।      ॥୩୮॥

କଥାବାରତା କାହିଁ ସରତା ? ଲକ୍ଷ୍ମଣ ଆସିଁ କହେଲେ  
ଆନଲାପଲ୍ ଶୁଖି ବସଲାନ ପର୍ଯ୍ୟାଦ୍ ହଉ ପହେଲେ ।      ॥୩୯॥

କ୍ଷଣ କ୍ଷଣ ହଏ ଲକ୍ଷ୍ମଣକେ ମହା ମୂଲ୍ୟବାନ୍  
ରାମ୍ ସାତାକରି ସେବା ବିନା ଦୁସରା ନାଇଁ ଧାନ୍ ।      ॥୪୦॥

ରାମର ଠାନ୍ ହରୁ ହରଦମ୍ ଆନନ୍ଦ-ରସ୍ ଝରୁଛେ  
ପରାଣ-ପୁର ପୁର ପୁରା ପରାସ୍ -ପସରା ସାରୁଛେ ।      ॥୪୧॥

ଚିନ୍ତା ବୁତା ଅନୁଖନ୍ ସାତାରାମକର ସତୋଷ୍  
କୁଲି ଯାଏଁ ନିଜେ କଲିଁ ବଳି କହେବାର ଦୋଷ୍ ।      ॥୪୨॥

ଥୁଡ଼ା କାହିଁ ସୀତା ମେଡ଼ାକୁ ନାରୀ ଈ ସଂସାରେ ?	
କେନ୍ଦ୍ର ମା ଏତେ ସେନୁହେ ଦେବା ତାଙ୍କର ଅନୁସାରେ ?	॥୪୩॥
ସେ ସେନେହିଁ ଅଧିକା କାଶୀ ନୁରବା ଆତ୍ମା-ପୁରୁଷ ଜଗତ୍ ସାରାରୁ ଶକ୍ତି ଭରା ମୂର୍ତ୍ତି ହୁଏ ଦୁରୁଷ ।	॥୪୪॥
ଭଲେ ନିଜେ ରହେଲା ନାହିଁ ଦି ହର ସୁଖର ବୁଲେ ଅଯୋଧ୍ୟାନେ, ଜନମ୍ ଯାଇଥିତାନ ପୁରୁକୁଲେ ।	॥୪୫॥
ସୀତାରାମର ସାଙ୍ଗେ ରହି ମନ ଯାଇଛେ ରମି ତାହାକୁ ଛାଡ଼ି ମନେ ଆର କେ ନାହିଁ ପାରେ ଶମି ।	॥୪୬॥
ସୀତା ମିତାକୁ ଦିଶନ୍ ସ୍ତ୍ରୀ-ଲିଙ୍ଗର ସବ ପରାନୀ ପୁରୁଷ ସବୁ ଦୁସରା ନୁହନ୍ ରାମର ଲେଖେ ଜାନି ।	॥୪୭॥
ସରଲାଗ୍ ପାଇ ସରଗ୍-ମହରଗ୍ ସୀତା-ସରାଗ୍ ଜୀବନ୍ ଗୀତେ ଆଲାପ୍ ଧରେ ତୁଆଁ ତୁଆ ରାଗ୍ ।	॥୪୮॥
ସୀତା-ରାମ୍ ଚିନ୍ତା ଭିତରେ ଥିବାର ତକ୍-ରତ୍ ବନ୍ଦ୍ୟ ଲାଗେ, ବାହାରି ଆସଲେ ବନିହାଁ ବିରକତ୍ ।	॥୪୯॥
ଗୋଦାବରୀ ଖଡ଼ି ଲକ୍ଷ୍ମଣ ଭାବନା-ପୁରୁଷ-ଆବି ସୋଇ ଭାବକେ ଆସବାକେ ନାହିଁ ପାରବାର ଉବ୍ରି ।	॥୫୦॥
ଥାବ୍ ନାହିଁ ନ ହଠାତ୍ ତାଙ୍କର ଭାବନା ହେଲା ବନା ଶୁଭଳା ଲେଖେ ଲାଗୁଲା ବାକେ କା'ର ପାହାର ପଞ୍ଜନା ।	॥୫୧॥
ସେ ଆଡ଼କେ ଅଜାନ୍ ତକେ ନଜର ହେଲା ଚାନ୍ତି ନଜର ସାଙ୍ଗେ ନରଦିଲା ମନ୍ ମନା ନାହିଁ ମାନି ।	॥୫୨॥
ନଏଦ୍ ଆତ୍ମ କୁରିଆ ଦିଗ୍ରେ ଆସେ ନାରୀ ଜନ୍ୟ ବଏସ୍ ନୁହେ ଜହ ଆର ଚେହେରା ବନିହାଁ ବନ୍ଦ୍ୟ ।	॥୫୩॥

ମଣି ମୁକ୍ତା ସୁନାର ଅଳଙ୍କାର ହଲହେ ଛାଇ  
ସାଜୋ ନାଇ ଥିବାର ଜାଗା ଦିହେଁ କାହିଁ ନାଇ ।

॥୫୪॥

ଦିହ - ପଥରେ ସୁନ୍ଦର ପନ୍ କିଏ ଆନି କାତୁଛେ  
ବା'ରି ନୁହେ ନାରୀଟାକ ଚାଲୁଛେ କି ନାତୁଛେ ।

॥୫୫॥

ଆଏଖୁ ମିଟ୍‌କା ନାଇ ମାରୁନ୍ ଲାଗିଗଲା କୁରିଆନେ  
ଲକ୍ଷ୍ମଣ କାହିଁ ରହିପାରୁତେ ? କୁରିଆଠାନ୍ ଦୁରିଆନେ ।

॥୫୬॥

ଗଛ ଉତାଲେ ଅଛନ୍ ବଲି ନାଇ ଜାନ୍‌ବାର ନାରୀ  
ସାତା ରାମକୁଁ ଦେଖୁ ନିଜର କବାର ରଖିଲା ଜାରି

॥୫୭॥

ରାମ୍-ରୂପକେ ପାଏଲା ମାତୁରେଁ ପିଇ ବସିଲା ଆଖୁ  
ଦେହର ରଙ୍ଗ ତେଜକେ ଭିତର ବାହାର ହେଲା ମାଖୁ ।

॥୫୮॥

ସାତାର ତେହେରା ଦେଖୁନ୍ ଦେଖୁନ୍ ପଡ଼ିଲା ଅଭିଚନେ  
ଦେଖିନାଇଁ ପାରେ ନାଇଁ ଧରି ପାରେ ବି ମନେ ।

॥୫୯॥

ନାରୀ ନୁହେ ସେ ମାୟାର ରୂପ ଜଗତ ଦେବା ନାରି  
ହାରି ନାଇଁ ନେବା ହୁରୁଦ୍ କେନ୍ ଦେଖନ୍‌ହାରୀ ?

॥୬୦॥

ସୁନ୍ଦର ରୂପ ଧଏଲା କରି କେତେ କଲ୍‌ପନା  
ରୂପେଁ କିଏ ଠୋଇ ହେବା ପରେ ଯାହାଜନା ।

॥୬୧॥

ଦୁଇଟା ସୁନ୍ଦର ରୂପ ତାକର ତାକର ମିଶା ମିଶି  
ହଇଁ ହଇଁ ଦିନ୍ ଦିନ୍‌କେ ସୁନ୍ଦର ସୁନ୍ଦର ଦିଶି ।

॥୬୨॥

ରାମ୍-ରୂପନେ ପୁର ପୁର କରି ଗୁରେଇଁ ପୁରେଇଁ ହେଟି  
ଦିହ ଥିବା ତକ୍ ଇ ଦିହନେ ହଉଥିଟି ରେଟି ।

॥୬୩॥

ଦେହେ ଧରି ଏନ୍ତା ଦେହର ନାଇଁ ପାଏଲେଁ ରସ  
ଦେହେ ରହେବା ସୁଖର କୁଖା ପ୍ରାଣ ହେବା ନିରସ ।

॥୬୪॥



ପଟାରେ ତୁମେ ଜିଏ ଅରୋ ! ଆଇଛ କେ'ନୁ ଦୁହେ  
ନାଁ ମାନେ କାଁ କା'ଣା ? କାଏଁ ମାଏନ୍ ଦେର ହୁଏ ?

॥୨୫॥

ରାମ୍ କହେଲେ ଆଉଁ ଆମେ ଅବଧି ରାଜା ରାଜା  
ଝାରୁ ଆଇଛୁଁ ନିଝାରବାକେ ଅଛେ ଯାହା ପାନି ।

॥୨୬॥

ମତେ କହେସନ୍ ରାମ୍ ମୋରୁ ସିଆନୀ ଯେ ସାତା  
ଦେଖିଲେଁ ଦିଶନ୍ କୁଲ୍ କୁଭାନି ଚାଖିଲେଁ କୁବ୍ ପିତା ।

॥୨୭॥

ଜାନ୍‌ଲା କୁକ୍‌କୁ ଅମରତ୍ ମୂର୍ତ୍ତି ଅଜାନ୍‌ବାର କେ କୁଏ  
ମୋରୁ ଛଡ଼ା ଆରୁ କାହାରେଁ ନାଇଁ ସିଭାଲି ହୁଏ ।

॥୨୮॥

ଠେଠେ ହେଲେ ବାଏ ଖୁଜେନ୍ ଆଏ ମାନ୍‌ରେଁ ପୁରା ତୁଲ୍‌ସା  
ବୁଝିଥିଲେଁ ପୁରୁସା ପୁରୁଥା ବିରୁଝିଲେଁ ସେ ହଲ୍‌ସି ।

॥୨୯॥

ସାତାକୁଁ ଦେଖୁ କହେଲେ ହେମା ଆମେ କାଁ ମାଏନ୍  
କହେଲେ ଜନବ୍ ଜେମା ଜନ୍‌ଏଥିଁ କାଏଁ ମାଏନ୍ ଦାଏନ୍

॥୩୦॥

ରାମ୍ କହେଲେ ତୁମେ ଜିଏ ? କେନ୍‌ନେ ତୁମର ଘର  
କାହାରୁ ଝି' ବହ ବହେନ୍ ଜିଏ ତୁମର ବର ?

॥୩୧॥

କେନ୍ତା କାମେ ବାହାରି ପତ୍‌ଲ ଏକ୍‌ଲା ନିପ୍‌ବ୍ ଝାରେଁ  
ମହା ମଣ୍ଡଲେଁ ମହାନ୍ ଅ' ମହିଲା-ସଂସାରେ ।

॥୩୨॥

ନାରୀ କହେ “ଜାନିଥିବ ତ୍ରିପୁରୁ ଜିତା ରାବଣ୍‌କେ  
ଜାନିଥିବ ବି ତାକର ଇଏ ଚିର୍ଶିରା ଖର ଦୃଷ୍ଟଣ କେ ।

॥୩୩॥

ସେମାନ୍‌କର ବହେନ୍ ମୁଇଁ ମାକ୍‌କେନ୍ ଇ ଝାରରୁ  
ପୁଲ୍‌ଟେ ଆଏଁ ସୁନ୍‌ର ଗୁଲ୍ ଗୁଲ୍ ନାରୀ ଗୁଁଥା ହାରର ।

॥୩୪॥

କଥା ହେଲି କି ଅଥା ହେଲି ନ ସୁନ୍‌ରପନ୍ କେ ଦେଖୁଁ  
ଦେବତା କରି ତୁମ୍‌କୁଁ ପୁଲ୍ ସରାଗେଁ ଦେମି ଟେକି ।

॥୩୫॥



ଇନ୍ଦ୍ରିୟ-ସେବା କାମ୍ ଯାଉ ମନ ରହେବା କାର୍ଯ୍ୟ ଥାବେଁ  
ଜୀବନ, ମନ, ବିବେକ୍, ପଢ଼ିବେ ଇନ୍ଦ୍ରିୟର ଜାବେଁ ।

॥୮୭॥

ଭୋଗ ରାଗ ପାଇ ଇନ୍ଦ୍ରିୟ ହୁଅନ୍ ରୋଗ୍ ମୋଟ  
ଦିନୁ ଦିନ ମାଗନ୍ ଖାମା ଦୁହୁରି ଆହୁରି ପୋଟ୍ ।

॥୮୮॥

ସାନ୍ ନୁହନ୍ ନାକ୍ କାନ୍ ଜିଭ୍ ବଢ଼େ ଜହ  
ଖାଏମି ଖାଏମି ହଇଁ ହଉଥାଏ ଲହ ଲହ ।

॥୮୯॥

ମିଶା ମିଶି ହଇଁ ପାଏବାକେ ଛିଆ ଛୁଇ ସୁଖ  
ଦିହର ରୁଆଁ ବୁହ୍ ବଢ଼ି, ହୁଅନ୍ ବଢ଼େ, ମୁଖ୍ ।

॥୯୦॥

ଯେନ୍ତା ଦିଶେ ସେନ୍ତା ନୁହେ ଆସିଛେ ଯେନ୍ ନାରୀ  
ଇ ରୂପେଁ ସେ ଉପେ କରୁଛେ ସମ୍ପୂର୍ଣ୍ଣ ଦେବା ନାରି ।

॥୯୧॥

ବଡ଼ ନାକ୍ କାନ୍ ଜିଭ୍ ଲହ ଲହ ମୁହଁ ଦିହି ଯାକ  
ସେ ଅନ୍‌ସାରେଁ ନଖ୍ ଦାଁଡ଼ ଥୁଇ ମୁରୁତି ଆଁକ ।

॥୯୨॥

କିହିରି ବୁଲେ ମେଟାବାକେ ଇନ୍ଦ୍ରିୟକର ମିଶା  
କୁରକୁଡ଼ି ହେବାର ପେଶା ତାର ହର ଘଡ଼ି ହର ମିଶା ।

॥୯୩॥

ହେଁ ଥୁର କାୟେଁ ହାତେଁ ଗୁଡ଼େଁ, କୁଳା ଲେଖେଁ ନଖ୍  
ସୂର୍ଯ୍ୟଲେଖେଁ ନଖ୍ ନାଆଁ ସୂର୍ଯ୍ୟନଖୀ ପରତଖ୍ ।

॥୯୪॥

ସୀତା ସାଙ୍ଗେଁ କଥା ହଉଁ ଆଏଲା ସୂର୍ଯ୍ୟନଖୀ  
ଭୟାକାର ଦିଶେ ଦେବା କାହାକେ ଭାଏଲ୍ ଭଖ୍ ।

॥୯୫॥

କହେ ଅପୁରୁଷ୍ ଆଏ ତ ତୋର ଭାଏ ଲକ୍ଷ୍ମଣ୍  
ଅବସ୍ଥା କାହୁଁ କା'ଣା ହେଲିଁ ହାନସ୍ତା ଇ କ୍ଷଣ୍ ।

॥୯୬॥

ସୁନ୍ଦରୀ ସ୍ତ୍ରୀ ପାଇ ପାହା ନାହିଁ ପଡ଼େ ତୋର ତଳେଁ  
ସେ ନାହିଁଥିଲେଁ ପଢ଼ିବା ମନେ ଗିରୁସିଁ କଲେଁ କଲେଁ ।

॥୯୭॥

ଉପତେଗ୍ରି ସୂପନଖୀ ବଡ଼ ବଡ଼ ପାହା ପକେଇ ସୀତା ନିକେ ଗଲା ଅଚାନକ୍ ଆନୁବା ଖକେଇ ।	॥୯୮॥
ସୂପନଖୀ ଆର ସୀତା ମଝୁଁ ରାମ୍ ପକାଲେ ତାକ୍ ଲକ୍ଷ୍ମଣ ସେ କ୍ଷଣ ପୁହୁଁତି ପରଲେ କୁରିଆ ପାଖ ।	॥୯୯॥
ରାମ୍ କହେଲେ ଟୁକେଲାଟାକ ଯାଏ ଉବାଟିଆ କିନ୍ଦରେଇ ନିଅନ୍ ଇନ୍ଦ୍ରିୟ ଭିକ୍ ଉଡ଼ପାଡ଼ ଉଁରାଟିଆ ।	॥୧୦୦॥
ଦୟା ଲାଗେ ଦୀନ ମନ ହୀନ ବିଚାର ଦେଖୁଁ କାମ୍ ନେଇ କରମ୍ କପାକ୍ ହଇଥିବି ନ ଲେଖୁ ।	॥୧୦୧॥
ହେତେଇ ନେ ତାର୍ ଧରମ୍ କରମ୍ ବତେଇ ନେ ତାର୍‌ବାଟ୍ ବଳିଁ ତାର୍ ଇନ୍ଦ୍ରିୟକୁ ଚଳିଁ ଯିବା ଭଲି କାଟ୍ ।	॥୧୦୨॥
ଅଖରେଁ ଅଖରେଁ ପାଲନ୍ କଲେ ଲକ୍ଷ୍ମଣ ସେ କଥା ଉପତେଗ୍ରି ସୂପନଖୀର ନାକ୍ କାନ୍ ହେଲା କଟା ।	॥୧୦୩॥
କାନ୍ଦି କାନ୍ଦିଗଲା ତାର୍ ଭାବର ରାଏଲ୍ ପାର୍ ଦୁହିପାଖେଁ ବୁହିଁ ଯାଏ ତିନଟା ରକ୍ତ ଧାର୍ ।	॥୧୦୪॥
ତାର୍ ଧାର୍ ଆର କପିଲ୍ ଧାରେଁ ଗେରୁଦେଲା କେ ଗୁଲିଁ ଇନ୍ଦ୍ରିୟକର ସାଙ୍ଗେଁ ଲକ୍ଷ୍ମଣ ଖେଲଲେ ରକ୍ତ ହୁଲି ।	॥୧୦୫॥
ଇନ୍ଦ୍ରିୟମାନେ ଲକ୍ଷ୍ମଣକୁଁ କରୁଥିଲେ ଅଟା ରାମ୍ ଇସାରାନେ ଇହାଦେ ସାର୍ ହଇଁ ଗଲେ ହଟ୍‌ହଟା ।	॥୧୦୬॥
ସୂପନଖୀ ଯାଇ ଭେଟଲା ଖର ଦୃଷ୍ଟ ଚିରଶିରା ମୂର୍ ହେଲା ଅସୁର-କୁଲ୍ ହେବାକେ ନିର୍ଦ୍ଦାରା ।	॥୧୦୭॥
ବାଲମାଜି କହନ୍ ସଂଧ୍ୟା ହେଲା ଇ ଅଧାନେ ରହୁ ଅସୁର ମହୁଘରା ଝାରେଁ କାଏଲ୍ ନୁରମା ମହୁ ।	॥୧୦୮॥



## ପାଠକ-୪

### ସୂର୍ଯ୍ୟ-ରାବଣ ଆଉ ରାବଣ-ମାରିଚ୍ କଥା

ଆଶ୍ରମର ସକାଳ ସଭା ଚାଲେ ବଡ଼େ ପୁରୁ  
ରୁଣ ପୁଣ୍ୟେ ମୁନି ଚୁଣ ଶୁଭେ ଆଇଁବି ଦୁରୁ ।

॥୧॥

ଜନସ୍ଥାନ ଠାନର ନାଁ ଦୁର୍ଜନକର ରହନି  
ଅସୁର ମାନକର ବାସ ମୁନୁଷ୍ଠ ତାକର ଅସହନି । ।

॥୨॥

ଖର ଦୁଷଣ ଚିଣିରା ତିନି ଭାଇ ସେନେ ରଜା  
ସଁପି ସାରିଛେ ଲକରାଇ ତାକର ଭାଗି ଖଞ୍ଜା ।

॥୩॥

ସାଙ୍ଗେ ରହେ ରାବଣ-ବହେନ୍ ନାଆ ସୂର୍ଯ୍ୟ  
ଚକ୍ରଥାଏ ଝାର ପଦରାର ଜିତ୍ ଜାନୁଆର ଭକ୍ଷି ।

॥୪॥

ଇନ୍ଦ୍ରିୟକର ସେବକାରୀ ସବୁ ନାରୀ ହୁଏ କି ପୁରୁଷ  
ମୁନୁଷ୍ଠ ଆଚର ବିଚାର ନାହିଁ କେ କହେବା ମୁନୁଷ୍ଠ ।

॥୫॥

କିଏ କହେ ଅସୁର କିଏ ଦଧିତ କିଏ ଦାନବ  
ଜିତ୍ ଜାନୁଆର ଖାଇ, ଖାଇ ପାରସନ୍ ବି ମାନବ ।

॥୬॥

ଜୋର ଦେଇ ମୁନି କହନ୍ ସୋର କରବ ପିଲେ  
ତପ୍ କଲେଁ ଫଲ ମିଲେ ଯେ ମନ୍ ଜାନି ଭଲ ମିଲେ ।

॥୭॥

ଦୁନିଆଁନେ ବନିହାଁ ଅଛନ୍ ଏନ୍ତା କେତେ ଜନ୍  
ଦିହକେ ନିହ କରା ଗାଡ଼ି ନେସନ୍ ନିଜର ମନ୍ ।

॥୮॥

ଆଦମାକେ ଢାପି ନେସନ୍ ତମ୍ -ପରଦାର ତଲେଁ  
ନିଜର ଭଲ ଭାବୁଥିସନ୍ ଖାଲି ଦିହର ଭଲେଁ ।

॥୯॥

ଦିହକେ ନେଇ ଅହରହ ଦିଅନ୍ ନିଜର ପରଚେ ଦିହକେ ଛାଡ଼ି ଦୁସରା ବିଷେ ଭାବନ୍ ନାଇଁ ରିଚେ ।	॥୧୦॥
ତପ୍ କରଲେଁ ଯେତେବେଳେଁ ପାଆନ୍ ତପ୍ ର ଫଲ୍ ସେଟା ହେସି କେବଲ୍ ଦିହର ସୁଖ୍ ଦିହର ବଲ୍ ।	॥୧୧॥
ଦିହ୍ ଦିହ୍ ହଇ ଦିହକେ ନାଇଁ ତେଗି ପାରେ ଘାଏ ଦେହବାନ୍ ରହେ ହତମାନ୍ ହଇଁ ଆତ୍ମା କରେ ହାଏ ।	॥୧୨॥
ଦିହକେ ନେଇ ଗରବ୍ କରି ଗୁଣ୍ଡ ନେସନ୍ ଗିଆନ୍ ଦିହର ଲାଗି ଜପ୍ତପ୍ ଦିହର ଲାଗି ଧିଆନ୍ ।	॥୧୩॥
ସେମାନକର୍ ଭିଲ୍ ଆନ୍ ଖର୍ ତିଖିରା ଦୃଷ୍ଟ ଅତ୍ୟାଚାର ଧରମ୍ କରମ୍ ଅନାଚାର୍ ଭୂଷଣ୍ ।	॥୧୪॥
ସୂଫ୍ନଖୀକେ ଦେଖ୍ ପତିଗଲା ହଲାହୋଲ୍ ଏରୁଆ ! ଇଟା କାଶା ହେଲା ଦିହଟା ରକଡ୍ ଝୋଲ୍ ।	॥୧୫॥
ନାକୁ ନାଏନ ଅଧେ କାନୁ ନାଇଁନ ଫାଲେ ଫାଲେ ଦିଏଁ ସେହୁର ଗୁଲ୍ ପଥର୍ ମୂରତିନେ କେ ଢାଲେ ।	॥୧୬॥
ସୂଫ୍ନଖୀ ରୂପ୍ ନୁହେ ଶୁନି ଲୁକ୍‌କର ହାଏ ହାଏ! ଭାଏର୍ ନିହି ଭାଏ ମାନୁକୁଁ ନିଦେ ଘାଏ ଘାଏ ।	॥୧୭॥
ଦିହର ରକଡ୍ ଆ'ନ୍ ସହଜେଁ ଦେଖ୍ ଦିହର ଦଶା ବହେନ୍ ହେଲା ଖିଡ଼ିଆ ନିଜେ ହେବେ ଲୋକ୍‌ହସା ।	॥୧୮॥
ଗରୁଜ୍ ଆସେ ଗରବ୍ ଗରୁତି ବିବେକ୍-ଶୁଖାପଡ଼ର ଉଡ଼ି ପଲାଇ କାହିଁଟା କାହିଁ ହଇ ଛିନ୍ ଛଡ଼ର୍ ।	॥୧୯॥
ହରି ପତ୍ନୀ ବାହାରି ଆସରେ ଯିଏ ଅଛ ମାହିଁ ପିଟବଟା କେ ଚାଟ୍ ଲେଖେଁ ସଭେ ପତିଛନ୍ ଧାଇଁ ।	॥୨୦॥

ବେଙ୍ଗ ଧରିଛେ ସାଁପକେ ଜାବେ ଗାଙ୍ଗୋ ଧରିଛେ ଚରେ  
ଧପେଇ ନେବାର୍ ଆଗେଁ ଆସି ମୁନୁଷ୍ଟ ଝଂପେଇ ପରେ । ” ॥୨୧॥

କହି ଧାଇଁଛନ୍ କେତେ ଯେ ଲୋକ୍ କେ କରୁଛେ ସୁମାର୍  
ହଲ୍ଲା ଶୁଭେ କିର୍ଲା ବୁବା ଧର୍ ଧର୍ ମାର୍ ମାର୍ । ॥୨୨॥

ଲକ୍ଷ୍ମଣ୍ କହନ୍ ଲଖ୍ ଲଖ୍ ଲୋକ୍ ଆସନ୍ ଦଦା ! ମାଡ଼ି  
ଭାବେଁ, ଦୁହେଁ ପାର୍ମା କାଏଁ ସଂଭାଲି ଲୋକର୍ ଧାଡ଼ି । ॥୨୩॥

ରାମ୍ କହେଲେ ରୁଆ ଗଦାକେ ଗଦେ ଜୁଏ କାଏଁ ନୁରା ?  
ମୋର୍ ହାଡ଼େଁ ଥାଉ ଧୁନ୍‌ଶର୍ ସାଙ୍ଗେଁ ଶର୍ ଦୁରା । ॥୨୪॥

ସୀତା ନେଇ ଯା'ତ ତୁଇଁ ନିତର୍ ଜାନି ଠାନ୍‌କେ  
ଏକ୍‌ଲା ଦେଖ୍‌ମି ମୁକ୍‌ଲା ପାପର୍ ହାପ୍‌ର ଅମ୍‌ରା ଟାନ୍‌କେ । ॥୨୫॥

ସୀତା ଲକ୍ଷ୍ମଣ୍ ବାହାରି ଯାଉଁନ୍ ନିଜେଁ ଆଏଲେ ବାହାରି  
ନିଜର୍ ବଳେଁ ବିଶ୍ୱାସ୍ ଯାର୍ ସାହେୟ୍ ନୁରବା ? କାହାରି । ॥୨୬॥

କୁରିଆ ଆଗେଁ ଢିପ୍ ଉପରେଁ ଠିଆ ବଡ଼ ପଥରେଁ  
ସାମ୍‌ନେ ଅଛେ ବଡ଼ ପଏଦର୍ ତାକର୍ ନାକର୍ ସୁଦରେଁ । ॥୨୭॥

ଗଛ-ଅରେଶ୍‌କେ ଚିରି ଚିରି ଲୋକ୍-ଅରେଶ୍‌ଟେ ଆଏଲା  
ନାଉଁଦିଶ୍‌ବାର୍ ମାଟିରମୁହଁ ଲୋକ୍ -ମୁଡ଼େଁ କେ ଛାଏଲା । ॥୨୮॥

ଯେ ଆଉଛେ, ରାମକୁଁ ଦେଖ୍ ହଇଁ ଯାଉଛେ ଦିଆଡ଼  
ସୁନ୍‌ର ଦେହେକେ ଦେଖ୍ ଅବାକ୍ ଦିହ୍-ଭାଷାର୍ ପଣ୍ଡିତ୍ । ॥୨୯॥

ଏଡ଼େ ସୁନ୍‌ର ଚେହେରା କେତେଁ କିହେ ନାଉଁ ଦେଖ୍  
କପ୍‌ଟିଆ ଅସ୍‌କଟିଆ ମନେ ନାଉଁ ହଇଁ ତ ଲେଖ୍ । ॥୩୦॥

ଦେହ୍ -ସରବସ୍ ସରେ ଅ'ନ୍ ଦେହ୍ ଦେବ୍‌ତାର ପୁଝାରା  
ସୁନ୍‌ର ଚେହେରା ଦେଖ୍ ମନର୍ ମଏଲାକେ ନିଝାରି । ॥୩୧॥

ରାମକୁଁ ଦେଖିଲେ ଆରାମ୍ ଆସେ ମନେ ଭରେ ଆନନ୍ଦ  
ଅନୁମୁଷ୍ଟିଆ ଭାବନା ମାନକର ଲାଗିଁ କବାଟ ବନ୍ଦ ।

॥୩୨॥

ବଡ଼େଇ ଗଲା ହଡ଼ ବଡ଼େଇ ଲଡ଼େଇର ବିଚାର ଭାଗେ  
ଆନନ୍ଦ-ରୂପ ପୁରା ପିଏ କେ କାର ଭାଏଗେଁ ଭାଗେ ।

॥୩୩॥

କେ କହୁଛେ ଏତେ ସୁନ୍ଦର ଚେହେରା ଥିଲା କାହିଁ ?  
ସୂପନଖୀର ରୂପ ଖିତିଆ କଲା ତ କଲା ମାର ନାହିଁ ।

॥୩୪॥

ଈ ରୂପ ଗଲେ ସୁନ୍ଦର ପନର ବିହନ ଯିବା ବୁଡ଼ି  
ଦେଖୁଥିଲା ବୋ ! ରଖିଥାଉଁ ଯେ ମନେ ବନେଇ ଗୁଡ଼ି ।

॥୩୫॥

ଆଗୁଁ ସାଙ୍ଗୁଁ ଅଲଗେଇ ଥିଲେ ରାମ୍ ଲକ୍ଷ୍ମଣ-ସୀତା  
ଏକଲା କରି ଦେଖୁନ୍, ପାଶେଁ ଦୁହ-କାଏଁ ଯେ ଥିତା ?

॥୩୬॥

ଏକ ସୁରିଆ ଏକ ଧରିଆ ଦେଖନ୍ଦୁହାରୀର ନଜର  
ହେଲେଁ ହେବା ଦର୍ଶନଟା ମନେ ବନ୍ଦ୍ୟ ବଜର ।

॥୩୭॥

ତାହାହିଁ ହେଲା ରାମ୍ ଚେହେରା ସମକିର ମନେ ନାଚେ  
ହଂସା ଈର୍ଷାର ହୁର୍ଗଲା ଭାବ ବର୍ଦ୍ଧସ କରି ଆଁଛେ ।

॥୩୮॥

ରାମକୁଁ ଛାଡ଼ି ଦୁସରା ରୂପ ନାଲି ଦିଶେ କା'ର ଆଖି  
ସତେଁ ସମକର ଠାଣେ ଅନ୍ତର କରନ୍ ରାମର ଚାଖୀ ।

॥୩୯॥

ହେଲେଁ ଶତରୁ ଭାବଟା କାହାର ଭିତରୁଁ ନୁହେ ବାହାର  
ସତେଁ ସମକୁଁ ରାମ୍ ଭାବି ପକାନ୍ ମରନ୍-ପ୍ରହାର ।

॥୪୦॥

ସତେଁ ଭାବନ୍ ରାମ୍ ମାରେଁ ନିଜେଁ ଯାଉଛନ୍ ମରି  
କେନ୍କେ ଯାଆନ୍ ସେ ଜାନ୍ବେ ରାମ୍-ଭାବନା ଧରି ।

॥୪୧॥

ରାମର ଧୁନୁ ଶର ଯାଉଛେ ହରମେଷ୍ଟ ସର ସର  
ଶତର ଯିବାର ବାଟକେ ଭାଏଲ୍ ସାପ୍ କରେ ତରସର ।

॥୪୨॥



ସୂଦନଖୀ ଟିକେ ଅକ୍ଷେ ଥାଇ ଦେଖୁଥିଲା ଓ ସବୁ  
ମୁରୁତୁ-ସମୁଦରେ ସତେ ବୁଡୁ ଥିଲେ ଟବ୍ ଟବ୍ ।

॥ ୪୩॥

ନାକରୁ କାନରୁ ରକତ ଧାର ନାହିଁ ଶୁଖିଥାଇଁ ତାଏଲ୍  
ଆଖି ବୁଝିଲା ପାନିରୁ ଧାର ଧୁଇବାର ଲାଗି ଭାଏଲ୍ ।

॥ ୪୪॥

ଲହ-ଲହକେ ସରବସ କରି ଧଏଲା ଲକାରୁବାଟ୍  
ମନ ମଞ୍ଚେ ନାହିଁ ଲିଭିଥାଇ ମହା, ମୃତ୍ୟୁର ନାଟ୍ ।

॥ ୪୫॥

ଗିଧା ରାବଣ କୁଆ ଆସି ମୁର୍ଦ୍ଦାର ମାନକେଁ ବସି  
ଜାନ୍ ଗଲେଁ ଦିହର କଥା କହୁନ୍ ହସି ହସି ।

॥ ୪୬॥

ଲକାନେ ଶଙ୍ଖା ନାହିଁ ରାଜ୍ ସଭା ଧରେ ଯମକ୍  
ସୂଦନଖୀର ସେ ରୂପଦେଖୁ ଖେଳିଗଲା ଚମକ୍ ।

॥ ୪୭॥

କଟା ନାକ୍ କାନ୍ ଦେଖୁ ସତେ ହେଲେ ଆଶ୍ଚରିୟ୍  
କେ କଲା ଓ ଗୁରୁଗୁଣା, ରାଜ୍ ବାଳାକେ କଦରିୟ୍ ।

॥ ୪୮॥

ସଭା ଭାଙ୍ଗି ରାବଣ୍ କହେଲା “କିଏ କଲା ଏ କାମ୍  
ନାଆଁ ଧରତ ଧରତାନୁ ତାର ମେଟେଇ ନେମି ନାମ୍ ।”

॥ ୪୯॥

କହେ ସୂଦନଖୀ କାହିଁ କେନ୍ ରଜାରୁ ତୁଇଁ ରଜା  
କେନ କାଶା ହେଲା କହେବାରୁ ଲାଗି ନାହିଁ ଖିଜା ।

॥ ୫୦॥

ମରବୁ ବୁଲାଇ କେନ୍ ଶର୍ପେ ମଦ୍-ହଦେଁ ବୁଡି  
ଉଷାରୁ ହେଲେଁ ପୁଷ୍ପକ୍ ଧରିଁ ମନ୍କେ ଯାଇ ଉଡି ।

॥ ୫୧॥

ଏଖେଇ ଅରକେଁ ଭାବୁ ପରେ ଦଶଟା ଜଟିଲ୍ କଥା  
ସେଥିରୁ ଲାଗି କହନ୍ ସତେ ତୋର ଦଶଟା ମଥା ।

॥ ୫୨॥

ଦୁଇଗୁଡିଆରୁ ଗତି ଜିତି ଦଶ୍ ଗୁଣ୍ ତୋର ଗତି  
ଦଶି ଦିଗରୁ କଥା ଶୁନ୍ କୁଡେ କାନ୍ ପାତି ।

॥ ୫୩॥

ମୋର କଥା ଶୁନି ପାରୁ କାଇଛେ ତୋର କାନ୍  
ତୋର ଲାଗି ମୋର ଜାନ୍ଯାଏ, ନାହିଁ ଜାନିତ ଜାନ୍ ।

॥୪୪॥

ଏ'ଦେ ଏଭେଁ ଯାଇଥିଲି ଦଣ୍ଡକ୍ ବନ୍ କୁଲି  
ପୈର୍ବତୀନେ ଦେଖିଲି ସୁନ୍ଦର ପତି ପତ୍ନୀ ଯୁଲି ।

॥୪୫॥

ସାଙ୍ଗେଁ ଅଛେ ଛାଏ ମେତାଲ୍ ସେ ମୁନ୍ସର ଭାଏ  
କାଟ୍ଲା ନାକ୍ କାନ୍ ବନ୍ଦ୍ୟ କରି ଦେଖ ଯାଏ ।

॥୪୬॥

ମୋର ନୁହେ ତୋର ନାକ୍ କାଟି ବଟେଇ ନେଲା ମତେ  
କୁଝ୍, କୁଝ୍ବାର୍ ଶକ୍ତି ଯଦ୍ରି ବିହି ଦେଇଛେ ତତେ ।

॥୪୭॥

ପୁରୁଷଟାତ ସୁନ୍ଦର ଆଏ ନ ନାରୀକେ ନାହିଁ କହ  
ତିନୁହି ପୁରେଁ ନାହିଁନ, ଆର୍ ନାହିଁ କହେଁନ ଜହ ।

॥୪୮॥

ସବୁ ରାଜୀର ସାଙ୍ଗେଁ ଯଦ୍ରି ମୟୋଦରୀ ବହୁ  
ମିଶ୍ଲେଁ ବି ଗୁଡ୍ଡର ତିନି ଆକ୍ଟ୍ ସରି ହଉ ?

॥୪୯॥

ସେ ନାରୀକେ ଆନି ଭେଟ୍ ଦେମି ତୋର ପାଦେଁ  
ଚେରେଷ୍ଟା କଲିଁ ବେଲକେ ପରିଗଲି ପର୍ମାଦେଁ ।

॥୫୦॥

ସାନ୍ ଭାଏ ତାର୍ ନାକ୍ କାନ୍ କାଟି ଦେଲେ ବଟେଇ  
ସେ ଦଶାନେ ଖର୍ ଦୁଷଣ ତିର୍ଣିରା ଦେଲି ପଠେଇ ।

॥୫୧॥

ପୈର୍ବତୀକେ ପୁହୁଁଚିବାକେ ସମିୟା ଲାଗୁଲା ଖାଲି  
ନାହିଁ ପିରକେ ଜନ୍ଦ୍ୟ କିହେ ମରୁଲିଁ ଭାଲି ଭାଲି ।

॥୫୨॥

ଦହସଦ୍ ଯାହା ହେଲିଁ ସଦ୍ ସଦ୍ କହେଲିଁ ମୁଇଁ  
ନାକ୍ କାନ୍ ଗଲା ନାହିଁ ଯାଉ ନାରୀ ଗୁଇଁ ।

॥୫୩॥

“ରାଜ୍ବ୍ୟଦ୍ ଆସି କରୁ ତୋର ଉପଚାର୍  
ବାଜି ବିଷେ କା'ଣା କରମା କରମି ନ ବିଚାର୍ ।

॥୫୪॥

ସାନ୍ ସୁରୁ ନୁହେ ବଫୁ ନାଇ ଥିବା ଜମ୍	
ଖର ଦୃଷ୍ଟି ଚିଶିରା ଯଦି ନାଇଁ ଧଏଲେ ଦମ୍ । ”	॥୨୫॥
ଏଉକି କହି ରାବଣ ବାହାରି ବସୁଲୀ ତୁନୁ ମୁନୁ	
ସୂପନଖୀ ପେର କହେଲା ସୁତର ଭାବେଁ ଦଦା ଶୁନୁ ।	॥୨୬॥
ଅବଧ ଦେଖରୁ ରଜା ପିଲା ଆ'ନୁ ଦୁହିରାଇ	
ଦୁଇକେନିଆଁ ଗଛର ମେତାଲୁ ଛଡ଼ା ଛଡ଼ି ନାଇଁ ।	॥୨୭॥
ସାନ୍ ଭାଇରୁ ନାଁ କାନ୍ଧୁଣ ବଡ଼ରୁ ନାଁ ରାମ୍	
ଦେଖିବାରୁକେ କେତେ ଅଏନ୍ ଆଏଁଖୁ ରହେସି ଜାମ୍ ।	॥୨୮॥
ନାରୀ ଆଏ ଡେରୀ ବଡ଼ରୁ ସିଆନୀ ନାଁ ସୀତା	
ଦମ୍ ଧରି ନୁହେ ଦେଖୁ ସୁନ୍ଦରୀ ଜଗତ୍ ଜିତା ।	॥୨୯॥
ଦୁଇ ଭାଏକୁଁ ମାରୁବାକେ ଜହ ନାଇଁ ହ'ଭାବି	
ପାଇ ପାରିଲେଁ ମୁଇଁ ତାକରୁ ମରନ୍ ଘରରୁ ଚାବି ।	॥୩୦॥
ସୀତା ବିନା ରାମ୍ ମରୁବାରୁ କାରବା ଘଡ଼େ ଜନ୍ୟ	
ସୀତା ବି ନାଇଁ ଜାନ୍ୟ ରାମ୍‌କେ କାଗେ କେତେ ବନ୍ୟ ।	॥୩୧॥
ରାମ୍ ପଛା ପଛୁ ଭାଏଟା ଯିବା ସୁରୁୟ ପଛେଁ ଖରା	
ଖରା ପଛେଁ ଅଁଧାରୁ ଅଁଧାରୁ ପଛେ ଯେନ୍ତା ତରା ।	॥୩୨॥
ପାରୁରୁ ହେଲେଁ ଜୀବନ୍-କୁଆନେ ପକା ଏଖେଇ ପାରେ	
ଜିତ୍‌ଲେଁ ସେ ଜିତ୍‌କେ ସରରୁ ଜିତ୍ ନାଇଁ ପାରେ ।	॥୩୩॥
ରାବଣ କହେ ସୂପନଖୀ ଗା ! ତୁପ୍ କରି ତୁଇଁ ରତ୍	
ଯିମି ଯାଉଲେଁ ଯାହା ବି ହଉ, ଯାଜି ନାଇଁ କରୁ ଜହ !	॥୩୪॥
କାହାରିକେ ଆରୁ ନାଇଁ କହିଁନ ବାହାରି ପରୁକା ଘରୁଁ	
ସାମ୍ ନୁହେ ମନ୍ ଚତ୍‌ରେଇ ଆନ୍‌ଲେଁ ଚାରି ତହୁଁ ।	॥୩୫॥

କେନ୍ଦ୍ରା ରକ୍ତମେ ଜହ୍ନୁ ଜନକ୍ରାଏତ୍ ଆନୁବା ଛଡ଼େଇ  
ଆକାଶ ଦିହୁଁ ନାଲିଆ ରଙ୍ଗ ଆନି ହେବା କାଏ ଅଡ଼େଇ ।      ॥୭୬॥

ପୁରଥାନୁ ପୁରଥକ୍ କରି ପାରବା କାଏ ସାଗର  
ଛିନ୍ଦି ଆନୁବା ମଣି କେନ୍ଦ୍ରା ଜାଇଁତା ଜାଗତା ନାଗର      ॥୭୭॥

ନୁହିଲା କଥା କରବାକେ ମନେ ବାଧୁଛେ ଆଶ  
ଫିକର ପାଁତେ ସୀତାର ଲାଗି ଫାନ୍ଦବା କେନ୍ଦ୍ର ଫାଶ ।      ॥୭୮॥

ଗରିକ୍‌ଟା ପକାବା ତ ଫାନ୍ଦବା କେନ୍ଦ୍ର ତରା  
ମାନୁ ନୟନା ସୀତା ସହଜେ ପଡ଼ିଯିବା ଧରା ।      ॥୭୯॥

ଭାବି ଭାବି ଇ ଆଡୁଁ ସେ ଆଡୁଁ ମନେ କଲା ଠିକ୍  
ହେର୍ଣ୍ଣାଟେ ହେତା କରୁଥିତା ଚିକ୍ ଚିକ୍ ।      ॥୮୦॥

ସୁନା ରଙ୍ଗର ଛାଲେଁ ମଣିମୁକ୍ତା ପରତା ଚିତ୍‌ରି  
ଲୁହନି ଆସ୍‌ଖକେ ଲୁହୁ ଲୁହାନା ଥିତା ଧରୁ ମିତ୍‌ରି ।      ॥୮୧॥

ସୀତା ଆଏ ରଜାରୁ ଝି' ରଜା ଘରର ବହ  
ହେର୍ଣ୍ଣା ଦେଖୁ ଏକେଁ ହେତା କେତେ ଗହ ଗହ ।      ॥୮୨॥

ସୁନାର ଛାଲେଁ ମଣି ମୁକ୍ତା ବିହୁ ଲଲ୍‌ତାତା ନାଇଁ ?  
ରାମକେ ନାଇଁ କହେତା କାଏ ଧରିଆନୁଥ ସାଇଁ ।      ॥୮୩॥

ସୀତା ଛାଡ଼ି ରାମ୍ ହତାବା ବଳିଁ ସୁନାରୁ ଜିତ୍  
ଦଉଡ଼ିବା ବେଲେଁ କେନ୍ଦ୍ରକେ ଯିବା କାହିଁ ପାଏବା ଅଡ଼ ।      ॥୮୪॥

ସୋଜ୍ ତ ଧରି ନାଇଁ ପାରବା ପେଶବା ଯେତେ ଶର  
ହେର୍ଣ୍ଣା ଉଡ଼େଇ ପାରତା ଯଦ୍‌ରି ରାମର ନିଜର ସ୍ୱର ।      ॥୮୫॥

ତାକ୍‌ତା ଚାଏ ଲକ୍ଷ୍ମଣରେ କାହିଁ ଅଛୁ? ଆ ଦଉଡ଼ି  
ଆ' ଆ' ଘାଏ ସାହେୟ କରୁବୁ ବିପଦ୍ ଆନେ ଘଉଡ଼ି ।      ॥୮୬॥

ତୁରୁତି ଆସତା ଭାଏ ଲକ୍ଷ୍ମଣ ସୀତା ରହେତା ଏକଜା  
ଝାଏଁ କରତା ପିଢ଼ବଟୀ ବନ୍ କୁରିଆ ରହେତା ମୁକୁଳା ।      ॥୮୭॥

ଠକିଁ ନାରି ନାରୀଟାକ ବୁହି ଆନ୍ତୁଟି କୁଲେଇଁ  
କୁକୁନିଆ ଥିତା ପୁଷ୍ପକ ତାହି ବସେଇ ଆନ୍ତୁଟି ଉଡେଇଁ ।      ॥୮୮॥

ସୀତାର ବିନେ ମରତା ରାମ ପଛା ପଛ ତାର ଭାଏ  
ସୀତା ଥିତା ଲକ୍ଷା ପୁରେଁ କିଏ ଆସତା ଘାଏ ।      ॥୮୯॥

ମୋର କାମ ମୁଇଁ ଶେଷେଁ କରୁଟି ଯାଏଟି ଯୁଗୀ ବେଶେଁ  
ବେଶ ବଦଳା ପାରଇ ଲୋକ କିଏ ଅଛେ ମୋର ଦେଶେଁ ।      ॥୯୦॥

ହରିନ୍ ବେଶେଁ ସୀତାର ମନ୍ କିଏ ପାରବା ହରି  
କୁଥୁ କୁଥୁ ନୁହି ରାମର କଂଠ କେ ପାରବା ଅନ୍‌ସରି ।      ॥୯୧॥

ଇ କବାର କେ ପାରବାର ଲୋକ ଅଛନ୍ କମ୍ ବେଶି  
ହେଲେ ମାରାର ମାମୁଁ ଅଜାନ୍ ବାହୁ ବହୁବେଶୀ ।      ॥୯୨॥

ମାରାର ଦୁଆରେଁ ଅମ୍‌ରି ପରୁଳା ଏଖେଇ ଘାଏକେଁ ଯାଇ  
ମାରାର ମନେ ଅଜନା ଡରଇ ବାଦଲ ଖଜା ଛାଇ ।      ॥୯୩॥

ଆପେଁ ଆପେଁ ଆପଦ୍ ଆସଜା ମାରବା ଘାଟି ସାନି  
ରାବ୍ ହେଲା ଧାରୟ-ଧନ୍ ରାବଣ ଆସବାର ଜାନି ।      ॥୯୪॥

ମାରାର୍ କହେଲେ କାଏଁ କବାରେଁ ନିଜେଁ ଆସକୁ ଧାଇଁ  
ପାଇଥିଲେଁ ଖବର ଡିକେ ଯାଇଥିଟି ନାରି ।      ॥୯୫॥

ରାବଣ୍ କହେ ଜାନ୍‌ଉ ମାମୁଁ ! କଳା ପୂଜାରୀ ଆଏଁ  
ହେଲା ନାଉଁ କରେଁ କଲାର ମାନ ରଖିବାକେ ଚାହେଁ ।      ॥୯୬॥

ସୋର ହେଲା ଚୋର ବେଶବଦଳା କଲାର ବାହାଦୁରି  
ପରୁଖୁଁ ପରୁଶି ନେମି ପରୁଶଂସା ନୁରି ନୁରି ।      ॥୯୭॥

ବଡ଼ ତଳିଚେ ନାହିଁ କରନ ବାନ୍ଧମା ସୁରୁ ପୂରା ମାମୁଲି କଥାଟାକରୁ ଲାଗିଁ ତତେ ପରିଛେ ନୁରା ।	॥୯୮॥
ଜାନ୍ତୁ କି ନି ରାମ୍ ଲକ୍ଷ୍ମଣ ଆସିଛନ୍ତି ଇ ଝାର ତାକରୁ ସାଙ୍ଗେ ଅଛନ୍ତି ସୀତା ସୁନ୍ଦରୀ-ସଂସାରୀ-ସାର୍ ।	॥୯୯॥
ସୀତା ପାଶୁଁ ରାମକେ ଚିକେ ଆନି ପାରଲେଁ ଖସ୍ତେଇ ବାଜା ବୁତାମୋରୁ ଆଏ ପାରମି ନ ଉସ୍ତେଇ ।	॥୧୦୦॥
ଗୋଦାବରୀ ନଦୀ ଖଣ୍ଡି ବରଭଦ୍ରି ଭିତ୍ତରେଁ ଅଛନ୍ତି ରାମ୍ ଲକ୍ଷ୍ମଣ କରି କୁରିଆ ତାଲ ପଡ଼ରେଁ ।	॥୧୦୧॥
ସାଙ୍ଗେଁ ଅଛନ୍ତି ସୀତା ଜଗତ୍ ଜିତା ରୁପ୍ ଧରି ତାହାକୁଁ ନାହିଁ ଆନ୍ତଲେଁ କାଏଁ ଲାଭ୍ ଜାଣିଁ କରି ।	॥୧୦୨॥
ଗୁଚେ କଥା କରୁ ମାମୁଁ ! ହଇଁ ଯା ପଚେ ତିଥଲ୍ ମଣି ମୁଭାରି ତିହିରି ତିହି କରୁଥାଉ ଥଲ୍ ଥଲ୍ ।	॥୧୦୩॥
କୁରିଆ ପାଶେଁ ସୀତା ଦେଖିବାର ମିତାଲ୍ ନେରୁ ଚହଲିଁ ପାଏବାକେ ହଇଁ ତହକ୍ ବିକଲ୍ ମନ୍ ଯାଉଥୁବା ଦୁହୁଲିଁ ।	॥୧୦୪॥
ପାଶକେ ପାଶକେ ଆଏଲା ବାଗିରୁ କରୁରୁ ଘାଏ ଘାଏ ଜୀବନ୍ତ ଛତା ଉଡ଼ିନେରୁ ନ ଧରୁବାକେ ଯଦି ଯାଏ ।	॥୧୦୫॥
ସୀତାରୁ ମନରୁ ବୋଧ୍ ଲାଗି ଦେବାକେ ବି ପ୍ରାନ୍ ନାହିଁ ହଦରେ ତୋରୁ ପଛେଁ ଦଉଡ଼ିବା ନ ରାମ୍ ।	॥୧୦୬॥
ଦଉଡ଼ି ଧୁପି ବନିହା ଧୁରକେ ନେଇଁ ଯିବୁ ଘାଏ ମୋରୁ କବାରୁ କରମି ନ ମୁଇଁ ଆରୁ କା'ଣା ଥାଏ ।	॥୧୦୭॥
ରାବଣ୍ କହେଲା କଥା ମାରୀରୁ ମନ୍ ଦେଇ ଶୁନ୍ଦଲା ରାମରୁ ତରୁ ଛାଡ଼ି ଜିତୁଁ ଦୁହିରି ତିହିରି ଝୁନ୍ଦଲା ।	॥୧୦୮॥

କହେଲା ରାମର ବିନ୍ଦୁ ଫରର ବାନ୍ ଭନ୍ନକେ ଆନୁଜା ଉଡେଇ  
 ଚୋର କହେଁ ଆଏଇ ପର ଲଗା ଶରୈ ମାରୁ ନ ଫେର ଗୁଡେଇ । ॥୧୦୯॥

ରାମକେ ନାଉଁ ଚିହ୍ନି ଭଞ୍ଜା ତାର ସାଙ୍ଗେଁ ନାଉଁ ଲାର  
 ଅଜ୍ଞାନ - ନିଦେଁ କେତେ ଶୁଭରୁ ? ଏଇନି ହେଲେଁ ଜାର । ॥୧୧୦॥

ଉପଦେଶ ଶୁନି ନାଉଁ ଆସି ବୋ ଆଇଲେଁ କବାର ଟାକେଁ  
 କରମ୍ କପାଳ ସରୁଖା ଚୋର ଯାଉଲେଁ ନାଉଁ ଟାକେଁ । ॥୧୧୧॥

ଲଳାପୁରକେ ଯାଉଲେଁ ତୁଇଁ ଯିବୁ ଶମନପୁର  
 ପଠାବାକେ ବେଲ ନାଉଁ ଲାଗେ ପାହେନୁହେ ଭି ଧୂର । ॥୧୧୨॥

ମାରାବୁ ଭାବେ ରାମଦେଖୁଁ, ଦେଖୁମି ଦୁହରି ତିହରି  
 ମନ୍ଦ ଥିଲା ସେ କଲପନା, କାଲେଁ ନାଉଁ ଯାଉଁ ଉହରି । ॥୧୧୩॥

ଫେର ଦେଖୁମି ରାମ ଚିନ୍ତା କେତେ ମହାନୁ ଆଏ  
 ଅରକେ ଅର ଫଲ ଦଉଥାଏ ଦେଖୁପାରଲେଁ ଘାଏ । ॥୧୧୪॥

ରାମ ଲକ୍ଷ୍ମଣ ଦେଖୁଥିଲି ନାଉଁ ଦେଖୁଁ ସୀତା  
 ଆଏଇ ଦେଖୁମି ଏତା ସୁଯୋଗ ଆଉର କେଲେ ଥିତା ? ॥୧୧୫॥

ମରବାର ତ ସର୍ ରାବଣ ହାତେଁ କାର୍ଯ୍ୟ ମରମି  
 ରାମର ହାତେଁ ମରି ଆନନ୍ଦ ରୂପକେ ଅନସର ମି । ॥୧୧୬॥

କହେଲା ରଜା, କାୟେଁ ତୁଇ ଦୁଖମନା ହେବୁ ସୋଇ  
 ବରଗୁଛୁ ତ ଅରେ କରମି ନାଉଁ ବରଗୁଡ ରୋଇ । ॥୧୧୭॥

କେତେବେଲେଁ ଯିମା ? ରାବଣ କହେଲା ଭ ଘଡି  
 ଜଳଦି ଯା ମୁଇଁ ବି ଯାଏଁ ସମିୟା ଯିବା ଗଡି । ॥୧୧୮॥

ଦୁହେ ଗଲେ ବେଲ ଆଏଲା ସିଧା ମୁଡ଼ ଉପରକେ  
 ଆଉନ ଭନ ବାଲ୍ଲିକା କହନ୍ଦ ସିଖିଲି ପୁଥୁ ପତରକେ । ॥୧୧୯॥



## ପାହୁଡ଼-୨

### ସୀତାଚୋରୀ

- କାଲର କୁଲେଁ ବେଲ ଖେଲୁଛେ ସକାଲ ସଂଭ୍ କରି  
ଅଲଗେଇ ନୁହନ୍ କିହେ କାହାକେ କେତେ ଯୁରୁ ଧରି । ॥୧॥
- କାଲ-ସମୁଦର କିରବାକେ ବେଲକେ କଲେଁ କିର  
ନିଜର ଜିମା ନେବାର କାୟେ ଅର୍ବାଟୀ ଫାରେ ଅଂଭ୍ । ॥୨॥
- ତାକେ ଆ'ନ ଶମନ୍-ଛୁଆ, ଅଁରକେ ଶମିଆ  
ତୁଇଁତ ଆଉ ସତ୍ ସଏଖାତ୍ ନାଇଁ ଚାଲୁ ସମିଆ । ॥୩॥
- ବାଲମିକୀ ମୁନି ମନେ ଭାବନ୍ ସୁରୁୟ ନୁହନ୍ ସୁରୁ  
ସମିଆ ଜୁଗୁଆ ସତ୍-ମୁରତି ଯୁହାର ତାହାକେ ଦୁରୁ । ॥୪॥
- ସତର ଲୁଖେଁ ତାହାର ଅଂଶୁ ବାହାରି ବଂଶ୍ ଧାରା ।  
ଉଡ଼ରି ଆସେ ରାମର ତତ୍ ସତ୍ ନାଇଁ ଯାଇ ମାରା । ॥୫॥
- ରାମର ବାଟ୍ ଦୁଇ ଭରିଆ ପରିଛେ ଘାଟି ଠାନେ  
କହେଲେଁ ମନ୍ ଦୁଖ୍ ନାଇଁ କହେଲେଁ ନାଇଁ ମାନେ । ॥୬॥
- ରାମ୍ ସୀତା ଅଭିନ୍ ଜନ୍ଏ, ଜୀବନ୍ ଶରୀର ଜନ୍ଏ  
ଭିନ୍ ଭିନ୍ କଲା ଲୁକର ନାଇଁ ହଏ କେତେଁ ବନ୍ଏ । ॥୭॥
- ମନ୍ ନାଇଁ କହେବାକେ ସେ କଥା ମାନେ  
ନାଇଁ କହେଲେଁ ରହେ ନାଇଁ ରାମ୍ ଚରିତ୍ତର ମାନେ । ॥୮॥
- କେତେ ସ ଚ୍ କରି ସେ କଥା ପାରମି ବରନି  
ସାକୁର ପାକୁର ଲାଗେ ଅଛନ୍ ସୀତା ସୁନା ବରନୀ । ॥୯॥



- ସତ୍-ସରୂପ ରାମ ସୁମରି କହୁଛେ ସେ କଥା  
ରାମ ସୀତା ବୁଝିନେବେ ମୋର ମନର ବଥା ।                                 || ୧୦ ||
- ଆନନ୍ଦ ଧାମ୍ ଯେ ରାମ ବଳି ରାମେନ୍ କଲେ ମୂଲ୍  
ଶୂନ୍ୟବା ରୁକେ ଯେ ରାମ ! କନ୍ଦି ହୁଁସଲେ ମୂଲ୍ ମୂଲ୍ ।                                 || ୧୧ ||
- କୁରିଆ ଭାଉଁରେ ଫଗୁନ ଠାନ୍ ଦୁଗୁନ୍ ଦୁଲ୍ ପୁଟେ  
ଉଅଁର୍ ଆସି ଲଦ୍ ରୁ ଲଗେଇ କହର୍ ଯାକ କୁଟେ ।                                 || ୧୨ ||
- ହୁରୁ ହୁରିଆ ଧୁକା ମାରେ ବର ଭଦରିରୁ ତଲେଁ  
ଉଲଗି ହୁଁ ଦୁଲ୍ ଗଲ୍ ସର୍ ମାଁକେ କଲେଁ କଲେଁ ।                                 || ୧୩ ||
- ଝାରେଁ ଧରେ ତରେ ମାନକରୁ ଗାଦ ଗତର ଯମ୍ବକ  
ଗଲ୍-ସଂସାରେଁ ଖେଲି ଯାଏ ସାଗୁଆ ରଙ୍ଗର ଚମକ ।                                 || ୧୪ ||
- ପର୍ଲମାନେ ପର୍ଲକନେ ରାମ୍ ସୀତା ବସି  
ତାକରୁ ତାକରୁ ଲାତ ଖୁଆଇ ହୁଅନ୍ ହୁସା ହସି ।                                 || ୧୫ ||
- ରାମ୍ କହନ୍ ? ଲୋକ କହେସନ୍ ସୁନ୍ଦର ହିରନ୍ ଆଁଖ୍  
ଦେଖ, ତୁମରୁ ଆର୍ଷ୍ଣ ଦେଖବା ଦିରନ୍ ରହେ ଟାକି ।                                 || ୧୬ ||
- ଲେହେଁଟି ଦେଖଲେ ସୀତା ସତେଁ କୁରିଆ ପାଶେଁ ଚିଥଲ୍  
ଚିକ୍ ଚିକେଇ ଯାଏ ବରନ ଶରୀର ଥଲ୍ ଥଲ୍ ।                                 || ୧୭ ||
- ସୁନାରୁ ଦେହେଁ ମଣି ମୁତ୍ତାର ବିନ୍ଦୁ ପଡ଼ିଲେ ଚିତ୍‌ଚି  
ସିନ୍ଦୁ ବୁଧୁଁ ମାଟି ଝାରିଲେଁ ମାଏଟ୍ ପରେ ଛିଛରି ।                                 || ୧୮ ||
- ଚରୁଲା ଚରୁଲା ମେତାଳ କରିଁ ଓ ଆଦ୍ ସେ ଆଦ୍ ମଲ୍‌କେ  
ଅଚ୍‌କିଲା ଲେଖେଁ କରି ପେଟ ପତେ ଛନ୍ଦ୍ କେଁ ଛକ୍‌କେ ।                                 || ୧୯ ||
- କୁରିଆ ପାଶ୍‌କେ ଆସି ଯାଏ ଗଲେଁ ଫଉଲେ ରେଁଟି  
ସୀତା ଭାବୁଲେ ଧରି ପାନ୍‌କେଁ ଫିଉଲା ବେକ୍‌କେ ନେଟି ।                                 || ୨୦ ||

- ରାଜ୍ ମହଲେଁ ଏନ୍ତା ଜିତୁର ଦେଖା ପାଏବେ କାହିଁ ?  
ମାଆଁକର ସାଙ୍ଗେଁ ବହେନ୍ ମାନେ ଆଶ୍ରିୟ ହେବେ ନାହିଁ ?      ॥୨୧॥
- ମନ୍ ଭାବନା କହେବେ ବଳିଁ ନିଜକେ ଚିକେ ଖସ୍ତେଇଁ  
ରାମ୍ ଦିହେଁ ବନ୍ଧ୍ୟ କରି ଛନ୍ଧ୍ୟ ହେଲେ ଘେଁସ୍ତେଇଁ ।      ॥୨୨॥
- ଇ ପାଖ୍ ସେପାଖ୍ ଦେଖିଁ ଖର୍ଦ୍ଦେଁ ପକେଇ ଡେକ୍ରିହାଡ୍  
କହେଲେ ଦେଖ ଜିତୁଟାକ ସୁନ୍ଦରପନ୍ ସଧଖାଡ୍ ।      ॥୨୩॥
- ସୁନାର ଦିହେଁ ଛାଇ ହଇଛେ ମଣି ମୁକ୍ତାର ବୁଦି  
ସୁନେଲି ପରନା ଉପରେଁ କିଏ ରତନ୍ ରଖେ ଖୁଦି ।      ॥୨୪॥
- ଏନ୍ତା ଜିତ୍ ତ ଦେଖ୍‌ବାର ଛାତ ନାହିଁ ବି କେତେଁ ଶୁନି  
କେତେ ସୁନ୍ଦର ? ଅହଁକାରେଁ ବି କେ ପାର୍‌ବା ଖୁନି ।      ॥୨୫॥
- ରାମ୍ ହାଡ୍‌କେ ନିଜର ହାତେଁ ଧରିଁ ଥୁଇଲେ କୁଲେଁ  
କହେଲେ ପାର୍‌ଲେଁ ଧରି ରଖିଁ ନିଜର ଛୁଆ ତୁଲେଁ ।      ॥୨୬॥
- କଅଁଲି ଘାଁସ୍ ପତର ଛିଡେଇ ଖୁଆତିଁ କେରି କେରି  
ଏକ୍‌ଲା ନାହିଁ ଲାଗତା କୁରିଆ ତୁମେ କଲେଁ ଦେରି ।      ॥୨୭॥
- ବନ୍‌ବାସ୍ ସାରି ଫିରଲା ବେଲେଁ ନେଟିଁ ଜନ୍‌ବାସ୍‌କେ  
ବରନନା କରି ହେତା ସୁଖେଁ କାର୍‌ବାର୍ ବନ୍‌ବାସ୍‌କେ ।      ॥୨୮॥
- ରାମ୍ ଅଲପ୍‌ର ହିସିଁ କହେଲେ ସୀତା ହଉଛ ବେତୀ  
ଲୋଭର ପଛେଁ କ୍ଷୋଭ୍ ଥାଇ ଗୁଡେଁ ଲଗାଏ ବେତି ।      ॥୨୯॥
- ନୁହିଲା ଦରବ୍ ଦେଖ୍‌ଲେଁ, ଶୁନ୍‌ଲେଁ ନାହିଁହେଲା କଥା  
ପଦେଁ ପଦେଁ ବିପଦ୍ ଥାଇ କରେ ଅକଥନ୍ ଅଥା ।      ॥୩୦॥
- ତୁମର କହେଁ ନାହିଁ କଲା କଥା କରମି ସେ ଘତି  
ତୁମର ସଭକ୍ ଧାରେଁ ପଛେ ସୁଖ୍ ଯାଉ ଗରଗତି ।      ॥୩୧॥

କଥା ଶୁନି ସାରି ସାତା ମୁତକେ ଜଳେ ତଳ  
ରାମ ଦେଖିଲେ ଆର୍ଦ୍ର ଦୁହିଁ ପାଏନ ହଏ ଛଳ ଛଳ ।      ॥୩୨॥

ଧୁନ ଶର ଧରି ଉଠି କହେଲେ ଶୁନ ଭାଏ ଲକ୍ଷ୍ମଣ  
ଯାଉଛେ ମୁଇଁ କୁରିଆ କୁରି ରହିଥିବୁ ହରକ୍ଷଣ ।      ॥୩୩॥

ସାତାର ପାଶେ ପାଶେ ଥିବୁ ନାହିଁ ଛାଡ଼ ବୁ ଛନ୍ଦ୍ୟ  
ସମିୟା କାଏ ହବୁ ମିଶା ଯାଏସି ବନ୍ଦ୍ୟ ବନ୍ଦ୍ୟ ?      ॥୩୪॥

ଚିଥଲ ଆସି ରାମକେ ଥରେ ହେଲା ଚିକେ ଦେଖେଇ  
ବି କରି ଫେର ବଦଳି ନେଲା ରାମଗଲେ କି ପାଖେଇ ।      ॥୩୫॥

ଡିଙ୍ଗର ବାଗିର ଡେରି ଭାଗେ ଡଙ୍ଗର କରଖି କରଖି  
ଧରବାର ଧରବାରକେ ହେଲେଁ ଘାଏକେଁ ଯାଏ ମଲକି ।      ॥୩୬॥

କଅଁଳି ପତର କେରେ ଧରି ରାମ ତାଜନୁ ଆ-ଆ  
ସଉକ ପାଖକେ ସଉ ଭାଏର ଆସେ ଚିଥଲ କହେ ଥାଆ ।      ॥୩୭॥

ପାହା ଲାଗୁଛେ କେତେ କେତେ ବେଳେଁ ଭାଏଲ କୁଇଁ  
କେନୁଦି ଭାଏଲ ଉଡ଼ିଯାଉଛେ ମଝିଆକାଶି ସୁଇଁ ।      ॥୩୮॥

ରାମ ଭାବିଲେ ଧରା ଦେବା ମାରା ଗଲେଁ ଯାଇଁ  
ମରବାରୁଟା ଜାନଏ ଯଦି ଜାଇବାରୁ ଜାନଏ ନାହିଁ ।      ॥୩୯॥

ମରନୁ ଯାହାକେ ମନୁ କରସି କରି ପାରବା କେ ମନା ?  
ଜାନୁଥିବ ତ ଜୀବନ-ଦେବତା ନାହିଁ ହେବ ଦୁଖି ମନା ।      ॥୪୦॥

ହୁରତେଇ ହେବା ମଚନକେ କାଏ ହୁରଥେଇ ହେବା କାଲୁ ?  
ବାହା ବରକସି କେ ଡେରବା ? ମୁରତୁର ମହାଖାଲୁ ?      ॥୪୧॥

ଥଲଗେଇ ମନୁଧରବାରୁ ଆଶି ପେଲଘେଇ ନେଲେ ଶର  
ଚିତ୍ରପାଲ ହଇଁ ଚିଥଲ ପରଦା ଶୁଭିଲା ନିକର ସୁର ।      ॥୪୨॥

- ଭାଏ ଲକ୍ଷ୍ମଣ ଆ'ରେ ଘାଏ ଯେତେ ପାରୁଛୁ ତୁରୁତି  
ଦେଖିଲେ ତିଅଲୁ ନୁହେ ମୁର୍ଦ୍ଦାର ମାରୀଚର ମହା ମୂରୁତି ।      ॥୪୩॥
- ଇ ମାରୀଚକେ ନାଉଁ ମାରି ଘାଏ ଥୁଲିଁ ବଅଁରେଇ  
ବିଫିରୁ କାଟ୍‌ବାଛୁ, ବାଟ୍‌କେ ଆଏଇ ନେଏ ପୁହଁରେଇ ।      ॥୪୪॥
- ଦୂରିଆଠାନ୍ତୁ ଆଏଲା କୁରିଆନିକେ ସେ ଶବଦ୍  
ଶୁନି ସୀତା ଅଥା, କାଥେଁ ମାଏଲା ମେତାଲୁ ଡବଦ୍ ।      ॥୪୫॥
- ସୀତା କହେଲେ ଲକ୍ଷ୍ମଣ ହୋ ! ତୁମର ଦଦାର ଡାକ୍  
ଶୁନୁଲ କି ନି ! ଦଉଡ଼ ତୁରୁତି ଶବଦ୍ ଆଏଲା ପାଖ୍ ।      ॥୪୬॥
- ଲକ୍ଷ୍ମଣ କହନ୍ “ବହୁ ! ତୁମେ ନାଉଁ ଚିହିଁ କାଏଁ ଦଦାକୁଁ  
ଆନନ୍ଦକାରୀ ବିପଦହାରୀ ସାରା ଶକ୍ତିର ଗଦାକୁଁ ।      ॥୪୭॥
- ଆପଦ୍ ଆପେଁ ଅପସରଁ ଯାଏ ଆସେ ଯଦି ପାଶୁକେ  
କୁରିଆ ନାଉଁ ଛାଡ଼ବାର୍ କାଥେଁ କହି ଯାଇଛନ୍ ଦାସକେ ।      ॥୪୮॥
- କେନ୍ କଥାର୍ କଥା ହେଲା ଯେ ତୁମେ ଏଡ଼କି ଅଥା  
ସେ କାଁ ହେବା ? ଯେ ଘୁଟାସି ସାରା ଜଗତର ବଥା ।      ॥୪୯॥
- ନାଉଁ ମାନୁଲା ସୀତାର ମନ୍ ହଇଥିଲା ରନ୍‌ଭନ୍  
ମନା ବୁଝାଥିଁ ନାଉଁ ଟଲୁଲେ ଚିକେ ବି ଲକ୍ଷ୍ମଣ ।      ॥୫୦॥
- ତାହାର୍ ପରେଁ ଯାହା କହେଲେ ନାଉଁ ପାରୁଲେଁ ସହି  
ପାହା ବଢାଲେ କୁରିଆ ବାହାରେଁ ସୀତାକୁଁ ଗଲେ କହି ।      ॥୫୧॥
- ଧୁନ୍ ଚିପିଥିଁ ତିନୁଟା ଗାର୍ କାଟ୍‌ଲେ କୁରିଆର ବାଟେ  
“ଇ ଗାର୍ ନାଉଁ ଡେଗ୍‌ବ ଯେତେ ପଡ଼ଲେ ବି ଅକାଟେଁ ।      ॥୫୨॥
- ତୁମକୁଁ ବିଡ଼ଲେ ରାମ୍, ଏଇନି ତୁମେ ବିଡ଼ୁଛ ମତେ  
ରାମକୁଁ ନାଉଁ ମାନି ଯାଉଛେ ତୁମର ଆଦେଶ୍ ମତେ ।      ॥୫୩॥

ମୋର କାନ୍ଦୁଣୀ ଗାରୁକେ ପାର କରି ପାରୁଣୀ ବାଗିର  
ଲୋକ ନାହିଁ ନ ମୋର ଚିନ୍ତା ଖାଲି ତୁମର ଲାଗିର ।

॥୫୪॥

ଜି ଗାର ଯେ ପାର କରି ବାହାରୁଁ କୁରିଆ ଭିତର  
ଆଏବା ନାହିଁ ଜାନି ପାରେ ତଳ ଗଳା କି ଉପର ।

॥୫୫॥

କୁକନିଆଁ ଥାଇ ରାବଣ୍ଣ ଶୁନିସାରି ସବୁ କଥା  
ଭାବୁଣୀ ବିନାହାକେଁ ହଇଥିଲା ନ ସେ ଅଥା ।

॥୫୬॥

ଲକ୍ଷ୍ମଣ ଯିବାର ଘାଏ ନୁହେଁ ହଏ ଯୁଗା ଟେ ଆସି  
କହେ “ମିଛୁ ଭିଖୁ ମୁ ୧୦ ହୋ କୁରିଆ ବାସୀ ।

॥୫୭॥

କୁରିଆ ଭିତରୁଁ ଦେଖିଲେ ସୀତା କିଏ ଆଏ ଭିକାରୀ  
ବାବାଜୀ ବାଗିର ବେଶ୍ ମନ୍ ଦିଶେ ଅହଂକାରୀ ।

॥୫୮॥

ଗତି ରାତି ଚାଲି ଚଳନ୍ ସାଧୁ ସମାନ୍ ନୁହେଁ  
ପିଁଧନ୍ ଉଡନ୍ ବେଶ୍ ଭୂଷଣ୍ ନେ ସାଧୁ କିଏ ହୁଏ ?

॥୫୯॥

ଅଭ୍ୟାଗତଟେ ଭିକ ମାଗେ ନାହିଁ ଦେଲେ ସମ୍ମାନ  
ଘରନାରୀ ପରେ ପଲେଇଁ ଯାଏସି ଅର୍ଜିତ୍ ଧରମ୍ ମାନ୍ ।

॥୬୦॥

ଡରି କହେଲେ ସୀତା “ତପି ! କୁରିଆ ଗୁସିଆଁ ନାହିଁ  
ଚାକ ଟିକେ ଅତିଥି ପୂଜା କରବେ ଆଏଲେଁ ଯାହିଁ ।

॥୬୧॥

ଦରୁଛପିଆ ସୁନ୍ଦର ପନର ଭିତାର ସୀତା-ରୂପ  
ଦେଖିଁ ଯୁଗା ଜଡ୍ ପାଇଟେ ଇନ୍ଦ୍ରିୟ ମାନେ ତୁପ୍ ।

॥୬୨॥

ଚେତା ହେତା କାହିଁ ଥିତା ? ନାହିଁ ପାଏଲା ସୋର  
ଚୋରର ସବୁ ବୁରି ହେଲାନ କାଏଁ ଚୋରର ସେ ଚୋର ?

॥୬୩॥

ଜଡ୍ ପାଇଟି ଲଡ୍ ଖତାଳା ହାଡ୍‌ଗୋଡ୍ ସବୁ ତାର  
ଗଛର ଉ ଧେଁ ଠାଡେଁ ଠାଡେଁ ପିରି ପାଏ ଫେର ବିଚାର ।

॥୬୪॥

ସୁପନଖା କାହିଁ ବରୁନି ପାରୁତା ଇ ସୁନ୍ଦରୀର କଥା  
ଆର୍ଦ୍ର ଚ ଦେଖୁ ଅଥା ବିଆ, ଜିଭୁ, ପାଏତା କାଏଁ ପତା ।      ॥୨୫॥

କେନ୍ ଭାଷାର କେନ୍ ଅଖରେ ଅଛେ ଏତେ ଶକ୍ତି  
ଇତାକେ ବୁହିଁ କହି ପାରଲେଁ ରହି ପାରବା ବର୍ତ୍ତ ?      ॥୨୬॥

ଇ ମୂର୍ତ୍ତି ମରତ ସାରାର ସୁନ୍ଦରୀ ମଧ୍ୟେ ସାର  
ଦେଉଲେଁ ଆପି ପୂଜବାର ଛାଡ଼ି କେ ପଠାଲା ଝାର ?      ॥୨୭॥

ମନ୍ ଦଉଲେଁ ରଖିତ ଯେ ମୋର ସେଟା ସର୍ବାର ସାନ୍  
ଗଛ ଖୁଲେଁ କେ ଜନ୍ମକେ ରଖିଲେଁ ରହେବା କାଏଁ ମାନ୍ ?      ॥୨୮॥

ଜାଣିଥିବା ତକ୍ ଦେଖୁଥିତ ନାହିଁ ଛିଇତ ପଛ  
ବରହା କାଏଁ ମୋର କରମେ ହେତା ଲେଖୁଅଛେ ?      ॥୨୯॥

ସୁନ୍ଦର ପନର ବିନା ଜୀବନ୍, କାଁ ଜୀବନର ଜୀବନ୍  
ପିତ୍ ପରାନର ଯୋଗ୍ ଖାଲି ଖେଲେ ଗୁଟେ ପବନ୍ ।      ॥୩୦॥

ଇତାକେ ଛାଡ଼ି ପଲ୍ଲୀଲେଁ ମୋର ଜୀବନ୍ ଯିବା ଛାଡ଼ି  
ସୁନ୍ଦର ପନ୍ ବିନା ଜୀବନ୍ ପତ୍ସି ମାଡ଼ି ମାଡ଼ି ।      ॥୩୧॥

ତହିଁକି ତହିଁକି ଆସସି ଆମ୍ବା ଯାହାକେ ପାରଲେଁ ଲହିଁକି  
ତାର ପୁହୁଟିବାର ଠାନ୍ ଯେନ୍ନୁ ନାହିଁ ପାରେ ଆର୍ ବହିଁକି ।      ॥୩୨॥

ସେନିକେ ମୁଇଁ ପୁହୁଟି ଆଇଛେଁ କାହାକେ ଆର୍ ତର ?  
ଜୀବନ୍ ନସଦ୍ ମିଲିତ୍ ହେଲା ମହାନ୍ ସମୁଦର ।      ॥୩୩॥

ଦର୍ଶନୀ କରି ରଖିମି ନେଇ ସାରା ରାଏଜର ଲାଗି  
ସୁନ୍ଦର ଦେଖୁ ଅସୁନ୍ଦରିଆ ଚଳନ୍ ଯିବେ ଭାଗି ।      ॥୩୪॥

ଖରା ଆସଲେଁ ଧରାର ଅଧାର ପାରସି କାଏଁ ରହି ?  
ସଦ୍ ର ସୁଆଦ୍ ପାଏଲେଁ ଜିଭୁ ମିଛୁ ପାରସି କାଏଁ କହି ?      ॥୩୫॥

ଇ ମୂର୍ତ୍ତି ଦେଖୁଥିଲି ଜନକ ରଜାର ସଭାରେ ନାହିଁ ବାହାରି ଥାଇ ପୁଲ ଥିଲା ତାଲର ଗୁଭାରେ ।	॥୭୬॥
ସହ ଥିଲା ସୁନ୍ଦର ଥିଲା ଥିଲା ଏକଲା ପନ୍ ଚିତ୍ ଆନନ୍ଦ ପାଏବାକେ ଦେଖୁଥିଲା ସପନ୍ ।	॥୭୭॥
ସହ ହେଲା କାଏ ସପନ୍ ତାର ଆଏକ ଦିଶେ ଭିନ୍ନ ଶ'ଶ' ଜନମ୍ ଭିତ୍ରେ ମିଳେ ଏକା କେତେ ଦିନ୍ନ ।	॥୭୮॥
ଲକାଣେ ଥୁଇନେମି ସୁନ୍ଦର ବୁନ୍ଦକ ପଥର ଲୁହା ରହି ପାରବା କାଏ ବାହାରେ ନିଦକ ନିଥର ।	॥୭୯॥
ଦେଖି କେନ୍ଦ୍ର ଆସେ ନାହିଁ ରାମ୍ ଲକା ପୁର ଅହଂକାରୀ ଅପବାଦ ହେବା ମୋର ଦୂର ।	॥୮୦॥
ଭାରୁଥିଲା ମନେ ନଖେ ଖେବୁଥିଲା ପୁରଥୀ ଜନ୍ମକର ଠିଆ ହେ'ବା ଯୁକ୍ତିରି ମାଏଟ୍ ହିଟ୍‌ଲା ତୁରତି ।	॥୮୧॥
କହେଲା ଭିକ୍ ଦେବାର ଥିଲେ ଜଳଦି ଏକା ଦିଅ ନହେଲେ ହେବା ଯେନ୍ ଅଧରମ୍ ବୁଟ୍‌କା ବାଧୁନିଅ ।	॥୮୨॥
ତତାପନା ହଇଁ ସୀତା ମିଠାପକ୍ କେତେ ଧରି କହେଲେ ନିଅ ଦଉଛେ ଏଇନି ଅଛେ ଯେତେ ।	॥୮୩॥
ଯଜ୍‌ବଜ୍ ପାଇଥୁତ ଇନ୍ଦ୍ର ଥିଲେ ଦୁଇଭାଇ ଚିହ୍ନିକାନି ମାନିଥୁତେ ଠିକ୍ ପରତେ ପାଇ ।	॥୮୪॥
ଯୁଗୀ କହେ ସନ୍ଧ୍ୟାସୀ ଆଏଁ କା'ର ଘରର ସାମ୍‌ନା ନାହିଁ ମାତେ, ଦାକ୍ଷା ମୋର, ମତେ ଅଛେ ମନା ।	॥୮୫॥
ଯାହା କିଛି ଦେବାର ଅଛେ ଦିଅ ଆସି ବାହାରେ ଇନେ ଆର କିଏ ଅଛେ ଲାଜ କର ବାହାରେ ।	॥୮୬॥

ଦେଲାବେଳେ ନଖ କୁଡ଼ିଲା ଠାନେ ଠିଆ ସୀତା ମାଏର ସହେତେ ଉଠେଇ ନେଲା ଚକ୍ରି ଧରି ପିଠା ।	॥୮୭॥
କୁକୁର ନେଇ ପଲାଏ ଯେନ୍ତା ସେନ୍ତା ବାବାଜୀ ନଉଁନ ମଉନ ସୀତାର କଲ୍‌ଜେ ବଜର ଗଲା ବାଜି ।	॥୮୮॥
ଅରପଟ୍ ଇ ଅବସ୍ଥାନେ ସୀତା ହେଲେ ଛଟପଟ୍ ରାବଣ୍ ତାର ରଥ ବାହେ ଯେତକି ପାରେ ଝଟପଟ୍ ।	॥୮୯॥
ସୀତା କାନ୍ଦନ୍ ଅହିରୁଦନ୍ ଶୁଭେ ରାମ୍ ରାମ୍ ସୀତା ଦେଖୁ ଆସୁଁଖୁ ସାପୁଲ୍ ଶୁନି ସନ୍ତୋଷ୍ କାନ୍ ।	॥୯୦॥
ଆଁଖୁର ବାଟେ ସୀତା ଯାଇ ଆବ୍‌ରିଥିଲେ ଠାନ୍ ରାବଣ୍ ମନ୍ ଭିତରେ, କାନର ବାଟେ ଗଲେ ରାମ୍ ।	॥୯୧॥
ଯାର ମନେ ସୀତାରାମ୍ ବସନ୍ ଆସନ୍ ପାରୁଁ ଦୁସରା କେନ୍ କଥାକେ ସେ କେ'ନ ପାରବା ବାରି ।	॥୯୨॥
ଏଦେ ଆସବା ସେଦେ ଆସବା ରାମ୍‌ର ଆଡେ ଡର ମନ୍‌ର ଲେଖେ ମଥେ ତାର ମନର ସମୁଦର ।	॥୯୩॥
ବଇଦେହୀ କାନ୍ଦନ୍ ରହି ଦହି ଗଦେଇ ଲହ ପତର ପକେଇ ଗଲ୍ କାନ୍ଦୁଛନ୍ ଗୁରମୁଟେଇ ଲହ ।	॥୯୪॥
ଗୋଦାବରୀର କାନ୍ଦୁଲା କୁହେଁ ଉଦା ହୁଏ ବାଏଲ୍ ସୁଁ ସୁଁ ହଇ ଶବଦ୍ ଶୁଭେ ପବନ୍ କାନ୍ଦେ ଭାଏଲ୍ ।	॥୯୫॥
ରଥ ଘୁଁ ଘୁଁ ଶୁନି ଜିଦ୍ ଉପର ମୁହିଁ କରି ଆଖୁଁ ଥପେ ଲହ ଚପ୍ ଚପ୍ ନାଇଁ ପାରବାର ଚରି ।	॥୯୬॥
ସୁତର ଚରେ ମାନେ କାନ୍ଦନ୍ ଡରେ ଧରି ଗୁଡ଼ା ଗୁଲିହା ଗିଧା ଲେଖେଁ ଲଜୁଆ ଚରେ ମାରନ୍ ଉଡ଼ା ।	॥୯୭॥



- ବଢ଼େ ଜୀବର ଗିଧା ପଟେ ରଥର ବାଟ ଛେକି  
 ଅଟକାବାକେ ଚେରେଷା କଳା ଢେନା ଦୁହିଟା ଟେକି ।                    ॥୯୮॥
- କହେଲା ତୁଇଁ କିଏ ? କହ ଉଡ଼ିପାତ୍ ହଉ କହ  
 ପରବାସ ନାହିଁ ତୁରାବାକେ ପରରୁ ଝିଁ ବହ ।                    ॥୯୯॥
- କେ'ନ ଶୁନ୍‌ଏ ? ରାବଣ ତାର ବାଟେ ଯାଏ ଚାଲି  
 ଚରେ ଜୀବନେ ମରେ ଅସ୍ ଦିଏ ରାବଣର ତାଲି ।                    ॥୧୦୦॥
- ନଖଠିରୁ ଖଣ୍ଡା ତରୁଥାଉ ହେଲେ କଟା କଟି  
 ଢେନା କରୁଲା ଗିଧା ହରୁଲା ଲଢ଼େଇ ଗଲା ପଟି ।                    ॥୧୦୧॥
- ଗିଧା କହେ ବ୍ୟସ୍ ଗଲା ବଢ଼ିଗଲା ତୋର ଆୟୁ  
 ନେହେଲେ ଜାନିଥିବୁ କା'ଣା କରିଥିବୁ ଭ ଜଟାୟୁ ।                    ॥୧୦୨॥
- ସେ ଦିନୁ ସେ ଜାତିର ଚରେ ପାଏ ରାବଣ ଡାକ୍  
 କହନ୍ ରାମ୍-ମାମୁଘର କୋଶଳର ଲୋକବାକ୍ ।                    ॥୧୦୩॥
- ଚରେ ଆଏଲେନ ଗୁଡ଼ାକେ ଉଡ଼ି ବୁଡ଼ି ଆଏଲାନ ବେଲ୍  
 ଜନ୍ ଆଏବା ତରା ଆଏବେ ଖେଲ୍‌ବେ ତାକର ଖେଲ୍ ।                    ॥୧୦୪॥
- ସମିୟା ହେଲା ବେଲ୍‌ହଉ ବେଲା କହେମି ପରରୁ କଥା  
 ପୁଅ ପତର ସିଖିଲି ଉଠିଲେ ମୁନି-ସମରଥା ।                    ॥୧୦୫॥



## ପାଠକ-୭

### ସୀତା ନୁରବାର ଆର ଜଟାୟୁ ଭେଟ

- ସୂର୍ୟ ଆସେ ଆଶ୍ରମକେ ଖରା-ଚାଦର ଗାନି  
ତଳେ ସଜା ରଞ୍ଜାନ୍ ଫୁଲର ସୁନ୍ଦର ମଙ୍ଗଳ ଖାନି । ॥୧॥
- ଗଛର ଛଏରାତଳେ ଖରାବ୍ ଝୁଟି ହଇଛେ ଲେଖା  
ତାଳେ ଝୁଲିଲା ଫଲ୍ ଫାନସ୍ ଲେଖେ ଯାଏ ଦେଖା । ॥୨॥
- ଫୁଲ୍ କହରେ ଆଶ୍ରମ୍ ତାକେ ବାସେ ମହମହ  
ରାମ୍ କଥାକେ ମୁନି ହେବେ ବଲି ଗହ ଗହ । ॥୩॥
- ଧୁଆନେ ମୁନି ଦେଖୁଥିଲେ ସୀତା ପଞ୍ଚବଟୀର  
ରାବଣ୍ -ରଥେ ବସିଥିବାର ଛାଡ଼ି ପତର-କୁଟୀର । ॥୪॥
- ଇ ସୀତା ଆର୍ ସେ ସୀତା ଯେ ଥିଲେ ରାବଣ୍ ରଥେ  
ଯୁଲେଇ ଦେଖିଲେ ବିଶ୍ୱାସ୍ ନାହିଁ କରିହଏ ସଥେ । ॥୫॥
- ସେ ସୀତାର ଆଖି ତେଭେଁ ଜଳୁଥିଲା କୁଏ  
ଛିଇଲେ ଜଳିଯିବା ବଳି ରାବଣର ଭଏ ହୁଏ । ॥୬॥
- ସେ ସୀତା ଆଶ୍ରମେ ଏତେ ଶିଷ୍, ଶାନ୍ ଆନ୍  
କୁହା ଜାନି ପାଏନ୍ ପିଆନ୍ ସହଜେଁ ସରବ୍ ଜାନ୍ । ॥୭॥
- ମୁନି କୁମାରୀ ଭିଲିଁ ସୀତା ଅଛନ୍ ସିନେ ବସି  
ମନ୍-ବିମାନେ ବସି ପଂବବଟୀନେ ପତ୍ନ ଖସି । ॥୮॥
- କେତେ କଟୁକଥା କହେଲେ କଷ୍ଟଶେ ସେ ଦିନ୍  
କେନ୍ଦ୍ରା ହଇଁ ଗଲେ ରାଗ୍ ରିଶ୍ମିର ଅଧୀନ୍ । ॥୯॥

ସେ ଦୁସ୍‌କୃତ-ଫଲ୍ ଫଳାଳା ହେଲା ଲଂକା ବାସ୍  
ନିଜେ ଜାନନ୍ ମୁନି ନାଇଁ କଲେ ବି ପ୍ରକାଶ୍ । ॥୧୦॥

ମୁନି କହେଲେ ରାମ୍ ଜୟ ରାମ୍ ସୀତାରାମ୍  
ଲଂକା ମୁହଁ ଧାଉଁଥିଲା ରାବଣର ବିମାନ୍ । ॥୧୧॥

ରାମ୍ ଲକ୍ଷ୍ମଣ୍ ପଂଚବଟୀ ନାଇଁ ପୁହୁଁଟି ଥାଇ  
ସେ କଥାର୍ ଚର୍ଚ୍ଚା କରମା ମନେ ରାମ୍ ଧାଇ । ॥୧୨॥

କୁଶ୍ କହେଲା ବାବା ! ଗୁ ଟେ କଥା ବୁଝି ନୁହେ  
ରାବଣ୍ କେନ୍ଦ୍ରା ସୀତା ମାଁକୁଁ ମାଏର୍ ସହେତେଁ ବୁହେ । ॥୧୩॥

ଆମର୍ ଶୁନ୍‌ବାର୍ ଉଡ଼ିତ୍ ଯଦ୍‌ରି କହେତ ସେ କଥା  
କଥା ବୁଝି ନାଇଁ ପାରଲେଁ ମନେ ଆସସି ବଥା । ॥୧୪॥

ମୁନି କହେଲେ ସେ କଥାକେ ଯେତେ ବନ୍ଦବା ଚରଚା  
କରମା ତୁମର୍ ମନ୍‌ମାନେ ହେବାର୍ ଯାଏ ପରୁଛା । ॥୧୫॥

ଦେହର୍ ଦେହେରି ଭିତ୍‌ରେଁ ରାବଣ୍ ବଡ଼, ସଂଦେହ୍ ନାଇଁ  
ଦେହ୍ ଛିଇଲେଁ ଦେହେର୍ ଭୋକ୍ ବଡେ, କାହିଁଟା କାହିଁ । ॥୧୬॥

ଦେହର୍ ଭୁଗେଁ ଦେହର୍ ଭୋକ୍ ଥରକେଁ ନାଇଁ ସରେ  
ବହୁଥସି ଆହୁରି ଆହୁରି କେଭେଁ ନାଇଁ ମରେ । ॥୧୭॥

ନିଜର୍ ଦେହ୍ ଉପରେଁ ଥାଏ ନିଜର୍ ଅଧିକାର୍  
ନାଇଁ ଛିଇ ହଏ ବିନା ଗୁସିଆଁର୍ ସାଉକାର୍ । ॥୧୮॥

ନାରୀ ମାନକର୍ ଶରୀର୍ କଥା ଆହୁରି ଟିକେ ଭିନ୍ନ  
ଦିହଟା ତାକର୍ ସର୍ବସ୍ ଜାଇଁଥିବେ ଯେତେଦିନ୍ । ॥୧୯॥

ଦିହ୍ ନେଇ କରି ଚଳନ୍ ତାକର୍ ହେସି ଜନାଶୁନା  
ଥରେ କାହାକେ ଦେଲେଁ ବୁହରି ହେବାର୍ ହେସି ଗୁନ୍‌ହାଁ । ॥୨୦॥

ଦିହ୍ ଲାଲ୍‌ତୀ ଦିହ୍-ବେପାରେଁ ଦେଇଥିସି ତ ମନ୍  
ସେ' ଥୁଁ ତାର୍ କାମ୍ କବାର୍ ସାଧନ୍ ରନ୍‌ଉନ୍ ।

॥୨୧॥

ସେନ୍ତା ଅରେ ରମ୍ପା ଅସ୍ପରୀର ଅସୀଉକାରେଁ  
ଦିହ୍‌କେ ନେଇ ଖେଲ୍‌ଲା ବଲି ପଡ଼୍‌ଲା ବିପଦ୍-ଧାରେଁ ।

॥୨୨॥

ଦିହ୍-କରତା ଧାତା କହେଲେ ହେନ୍ତା କଲେଁ ଆର୍  
ମୁଡ଼େଁ ରୁହିବାର୍ କଡ଼ା ହେବା ସେ ଅକରମ୍ ଭାର୍ ।

॥୨୩॥

କରିଥିଲା ଯାହା ତପିସା ଥିଲା ତାର୍ ଫଲ୍  
ସାଜେଁ ସାଜେଁ ଗଲା ସରି ଭାଁଗଲା ମନର୍ ବଲ୍ ।

॥୨୪॥

ଦିହ୍‌ର ଭୋକ୍ ସିଂଭାଲି ନୁହେ ହେଲେଁ ବି ଅଜୀରନ୍  
ପୁଂଜିକା ସ୍ଥଳୀ ପରୀକେ ଦେଖ୍ ସେନ୍ତା ଅଥୟ ମନ୍ ।

॥୨୫॥

କୁବେରର୍ ପୁଓ ନଲ୍‌କୁବର୍ ତାର୍ ପୁଡ଼ରା ଆଏ  
କହେଲା କେନ୍ତା ଲାଜେଁ ନାଲ୍ ଜଲ୍ ଯାଉ ଘାଏ ।

॥୨୬॥

ଇନ୍ତୁ ଇଆଡ଼୍ ଯଦ୍‌ରି ଆଉର୍ କରୁ ଏନ୍ତା କରମ୍  
ଯେନ୍ ଦିହ୍ ନେଇ ଅଦିର୍ଯ୍ୟା ସେ ହେବା ନିଶ୍ଚେ ଭସମ୍ ।

॥୨୭॥

ସେଥିର୍ ଲାଗିଁ ସେ ଦିନ୍ତୁ ଆର୍ କାହାରି ଦିହ୍ ଉପ୍‌ରେଁ  
ହାଡ଼୍ ନାଲ୍ ଦିଏ ଅରାଜିନେ ମନ୍ ରଖ୍‌ଛେ ସୁଡ଼ରେଁ ।

॥୨୮॥

ହେଁଥିର୍ କାୟେଁ ମାଏର୍ ସହିତେଁ ଉଠେଇ ନେଲା ସୀତା  
ଯଦିଓ ତାର୍ ଗରବ୍ ଥିଲା ଆଏ ସରବ୍ ପିତା ।

॥୨୯॥

ପାଏ ସମ୍‌କର୍ ମନ୍‌କେ ଶୁଭେ ଶ୍ରୀରାମ୍ ଜଏ ଜଏ  
ନିରାନନ୍‌ନାଶୀ ଜଏ ରାମ୍ ଆନନ୍ ମଏ ।

॥୩୦॥

କହି ମୁନି ମାରାଟ୍ ମରନ୍ ନିକେ ନେଲେ କଥା  
'କଥାର୍ ମହାରଥା ମୁନି, ଶ୍ରୋତା ବି ବାଘନଥା ।

॥୩୧॥

ମାରୀରୁ ମରନ୍-ବାଟେଁ ଦେଖେ ରାମକୁ ଏକସକ୍ତି  
ରାମ-ରୂପନେ ବୁଡ଼ି କେତେ ଗହେର ଦେଖେ କିଟି ।

॥୩୨॥

ଆର୍ଷ୍ଣ ଦୁହିଟା ପଖିଲା ହଇଲେ ଆନନ୍ଦ ରସେଁ ରସେଁ  
ରାମ ରୂପେଁ ପ୍ରାଣ ହଏ ପଶେଁ ପାଇଁ ପଶେଁ ।

॥୩୩॥

ରାମ ବି ଦେଖନ୍ ତାର ଦେଖାନେ ଅନୁଦେଖାନାଇଁ କରି  
ସ୍ନେହେ-ଜରଜର-ନଜର ତାକର ଦିହେଁ ଯାଏ ଚରି ।

॥୩୪॥

କାହିଁଗଲା ସୁନାର ଶରୀର ମଣି ମୁକ୍ତାର ଚିତ୍ତରି  
ନିପଟ-କପଟ-ଅସତ୍ ଭିତରୁଁ ସତ୍ ଉତ୍ତରେ ନିଥୁରି ।

॥୩୫॥

ଭାବନ୍, ତାକଲା ଲକ୍ଷ୍ମଣ କେ ସଏକାତ୍ ତାକର କିଠେ  
ସେ ଶବଦ୍ ତ ଠିକ୍ ସେତା ଶୁଭିଥବା ଉଠେଁ ।

॥୩୬॥

କୁରିଆ ନିକେ ଶୁଭିଥବା ଲକ୍ଷ୍ମଣ ଆଏବା ଧାଇଁ  
ସୀତା ଏକଲା ଥିବେ କେତା କରବେ ଦେଖେଁ ଯାଇ ।

॥୩୭॥

ରାମ ପାହାଦୁ ନାଇଁ ପକାନ୍ ଦେଖିଲେ ଆସେ ଲକ୍ଷ୍ମଣ  
ଧିଁ ପିଁ ହଇଁ ଦେଖୁ ଦେଖୁ ଇ ପାଖୁ ସେ ପାଖୁ କ୍ଷଣ କ୍ଷଣ ।

॥୩୮॥

ପର୍ରାବାରୁ ଆଗୁଁ କହେଲେ ମହା ଗୁରୁଗୁଲା ହଇଁ  
କାଁ କରୁଟି ? ସୀତା ମତେ ନାଇଁ ଦେଲେ ରହି ।

॥୩୯॥

ବନୋଟି ତୁମର ସ୍ଵରକେ ସେ ସଥେଁ କରଲେ ସତ୍  
ପଠାଲେ ମତେ କହି ବନିହାଁ କଥା ଯତ୍ତତ୍ ।

॥୪୦॥

ତୁମର କଥା ନାଇଁ ମାନ୍ଦୁଇଁ ସେଥିକେ ଅଛେ ଖେମା  
ତାକର କଥା ନାଇଁ ମାନ୍ଦୁଲେଁ କୁଏ ଜନକ୍ ଜେମା ।

॥୪୧॥

ରାମ କହେଲେ ଯାହା ହେଲା ହେଲା ଯିମା ତାର  
ମଝା ଝାରେଁ ଏକଲା ନାରୀ ବାଟ୍ ଦେଖୁଥବା କାଲ୍ ।

॥୪୨॥

ଭାଙ୍ଗୁର କୁଟୁର ହଇଁ ହଇଁ ଆଏଲେ କୁରିଆ ନିକେ  
ସୀତା କେନ୍ଦ୍ରାଧିବେ ବଲିଁ ମନ୍ ସୁଖ ନାହିଁ ଚିକେ । ॥୪୩॥

ଦୂରିଆନୁ ଦିଶିବେ କୁରିଆ ଦୁଆରେଁ ଥିବା ସୀତା  
କାହିର ଥିତେ ସୀତା ବିନା ଆଶ୍ୱପାଶ୍ୱ ବି ଶିଠା । ॥୪୪॥

କୁରିଆ ନୁରି ଆନି ପାଶ୍ ପାଁଜର ଆନଲେ ଛାନି  
ପାଁର୍ ଅଙ୍କଳିଆ କରି ଆନଲେ ଝାରର କାନି କାନି । ॥୪୫॥

ତୁଡ଼ା ନଳିଆ ଗଛ ପଥର ଉଡ଼ାଇ ନୁରି ନୁରି  
ଜନ୍ମୁହାଁ କାହିଁ ନାହିଁ ଜନକ୍ ଜେମା କନକ୍ ଗୁରୀ । ॥୪୬॥

ସୀତା ନାହିଁ ତ ନାହିଁ, ନାହିଁ କାହିଁ ଚିହ୍ନା ବନା  
ଅନାଏତ୍ ଦୁଇ ଭାଇ ଆ'ନ୍ ନିହାଏତ୍ ତନାବନା । ॥୪୭॥

ଗୋଦାବରୀ ନଏତ୍ ଭିତ୍ତୁଁ ଡଙ୍ଗର ଖୋଲ ଯାଏ  
କେନ୍ଦସି ବି ଠାନ୍ ନାହିଁ ଛାଡ଼ିଲେ ଦୁହି ଭାଏ । ॥୪୮॥

ରାମ୍ ଭାବଲେ ସୀତା ଭାଏଲ୍ କରୁଥିବେ ଅଟା  
ଅଟା ଥିଁ ଭି କାହିଁ ଦେଖିତେ ଏତ୍ କି ହଟ୍ ହଟା । ॥୪୯॥

ଗଛକେ ଗଛ ନାଆଁ ଧରି କାନ୍ଦି କାନ୍ଦି ରାମ୍  
“କେ ଦେଖୁଛ କହନି ଯେ” ପଚାରନ୍ ଅବିରାମ୍ । ॥୫୦॥

ଜାନ୍ କୀ ମୋର ଜାନ୍ ଜୀବନ୍ ସଉଭାଏର ଆର ସୁଖ  
ସେ ନାହିଁ ତ, ମୁହିଁ ବି ଦେଖେଇ ନାହିଁ ପାରେଁ ମୁଖ । ॥୫୧॥

ଆଖୁଁ ଝରେ ଲହ ଝରନା, ଭାଷାର ଝରନା ମୁହିଁ  
ଆମେ ଦୁହେ ମିଶିଁ ଜନ୍ଏ, ଅଲଗ୍ ଅଲଗ୍ ନୁହିଁ । ॥୫୨॥

“କେ ଦେଖୁଛ ସୀତାକେ ମୋର ବତାଇ ନିଅ ଘାଏ  
ହେତାଇ ନିଅ ଚେତାଟିକ ହଜିଁ ହଜିଁ ଯାଏ ” । ॥୫୩॥

ଲକ୍ଷ୍ମଣ କହନ୍ ଏତେ ଅବୁଝ ହେବାର ସୁନ୍ଦର ନୁହେ  
ତୁମର ବେଭାର ଭନିଆଁ ମାନକର କରବାର ମନ୍ ହୁଏ । ॥୪୪॥

ଆସ ଟିକେ ଦେଖିମା କୁରିଆ ଆଗେଁ ହଲଲେ ଖାଲ  
ପୂର୍ଥାର ଝିଁ କାଏଁ ଲୁକିଗଲେ ? ପୂର୍ଥୀ ଅନ୍ତରାଲ । ॥୪୫॥

ଚାଲ ଦେଖିମା କହି ରାମ୍ ଆସନ୍ କୁରିଆ ଦୁଆର୍  
ତୁତା ଅଲେ ରାବଣ ଯେନୁ ମାଏଗ୍ କେ କରି ବାହାର । ॥୪୬॥

ସୀତା ନେଲା, ସେ ଠାନ୍ କେ ଦେଖୁ କହନ୍ ରାମ୍  
ପୂର୍ଥୀ ସାଙ୍ଗେଁ ତାର ଝିଁ କେ ନେଲା କେ ହାରାମ୍ । ॥୪୭॥

ଲକ୍ଷ୍ମଣ କହନ୍ ଝିଁରୁ ଲାଗିଁ ମାଁରୁ ଛାଡ଼ିଁ ଗାଡ଼  
ସହଜେଁ ନୁହେ ଜାନି ଝିଁରୁ କାୟେଁ ମା'ରୁ ଲାଡ଼ । ॥୪୮॥

କୁରିଆ ଠାନେ କୁରିଆ ରହେଲା ଗଲେ ଦୁହିଁଭାଇ  
ଅଗା ପଛା ଅତା ଯୁଆତି ନୁରନ୍ ସୀତା କାହିଁ ? ॥୪୯॥

ରାମ୍ କହନ୍ ସୀତାର ମୋରୁ ଆଏଁଖ କେ ନାଇଁ ସହି  
ହିରନ୍ ଦଲ୍‌ଗା ଧୀରୟ ଧରି ନାଇଁ ପାରଲେ ରହି । ॥୫୦॥

ସେ ନେଇଥିବେ ଆଏଁଖ ଦୁଇଟା ସିଂହ ନେଇଥିବା ଅଟା  
ଚାଲି ଦେଖୁ ହାତୀଭାଇଁ ଗୋଡ଼ ନେଇଥିବା ବଟା । ॥୫୧॥

କଂଠ ନେଇଥିବା ମଠ ନାଇଁ କରି କୁଇଲି କଲକଠୀ  
ଟପା ପୁଲକେ ଦେହର ବରନ୍ କେ ନ ଥିବା ଅଁ ଟି । ॥୫୨॥

ପୁଲମାନେ ତାର ମୁଲକି ହୁଁସାରୁ ଚଣିନୁ ଟିକେ ଟିକେ  
ବାଟି ନେଇଥିବେ, ଲହ ଲହଁପି ଥିବେ ଦେହର ନିକେ । ॥୫୩॥

ନୁରମା ଯେ କାହିଁ ପାଏମା କରିଥିବେ ଖୁନ୍‌ଜିନ୍  
କେ ବୁଝିବା ସୀତା ବିନେ ରାମ୍ କେତେ ଦୀନ୍ ହୀନ୍ । ॥୫୪॥

ଦେଖି ଲକ୍ଷ୍ମଣ ରାମକର ଦୁଖ କନ୍ଦା କଟା ଭାବ  
ମୁକୁଷ୍ଠ ଆନୁ ଥିବା କାଁ କରି ସେ ସଭାବର ଅଭାବ ।      ॥୨୫॥

କହନ୍ ରାମ ତୁମର କବାର ଯେତେ ସୁନ୍ଦର ଆଏ  
ତୁମର ଲାଗି ସମାନ ହେବି ହୁଁବି ହାଏ ହାଏ ।      ॥୨୬॥

ଚାଲି ଚାଲି ଯାଆନ୍ ଭାଲି ଭାଲି ସୀତାର କଥା  
ବସା ଉଠା ନାହିଁ, ନାହିଁ ଲାଗେ କାଏଁ ଅଥା ।      ॥୨୭॥

ଧୁରୁଁ ଦେଖିଲେ ଗିଧୁ ଚରେଚେ ଡଙ୍ଗର ବାଗିର ପରିଛେ  
ଜନା ନାହିଁ ଯିବାର ସେ ଜାଣିଛେ କି ମରିଛେ ।      ॥୨୮॥

କଟା ହଇଛେ ଡେନା ଦୁହିଟା ଝରେ ରକତ ଧାର  
ଜାଣିଛେ ବି ଯଦୁରି ତାହାକେ ଜୀବନ୍ ଲାଗେ ଭାର ।      ॥୨୯॥

ପୁହୁଁଚିଲେ କି ରାମ ଲକ୍ଷ୍ମଣ ମୁହଁକେ ଚିକେ ଚେଁକିଲା  
ଦୁହି ଭାଇକୁ ଦୁହି ଆଖି ମନ୍ ଭର ଭର ଦେଖିଲା ।      ॥୩୦॥

ଦଶରଥ କର ପୁଠ ରାମ ଲକ୍ଷ୍ମଣ ଦୁହିଭାଇ  
ତୁମର ଲାଗି ଅଛେ ବାରୁ ଜୀବନ୍ ତେଜି ନାହିଁ ।      ॥୩୧॥

ତୁମେ ଅ' ମୋର ମିତ୍ର ପୁଠମାନେ ଦଶରଥ ମୋର ମିତ୍ର  
ସୀତା ନୁରବାର ନାହିଁଥିଲେ କାଏଁ ଇନ୍ଦକେ ଆସିଥିତ ।      ॥୩୨॥

ରାବଣ ରଥେଁ ବସେଇ ନଉଥିଲା ମିତ୍ର ବହକେ  
ପବନ ସମାନ ଗତି ବିମାନ ଉପରେଁ ମୋର ବହକେ ।      ॥୩୩॥

ବାଟ୍ ଛେଁକି, କାଟିଲା ମୋର ଡେନା ଛନେ ପଡ଼ି  
ତୁମକୁ କହି ମରମି ପାଶେଁ ଥିବ କାଏଁ ରଡ଼ି ।      ॥୩୪॥

ବ୍ୟସ୍ ଥିଲା ବେଳେଁ ହେଲେଁ ପଲେଇ ପାରତା ଭାଏର ?  
ଲଜେଇଁ କହେ ଯେତକି ପାରୁଲି ସେତକି କଲିଁ ଘାଏର ।      ॥୩୫॥



ତମେ ଆଏଲ ମରମି, ତାର ଆଗୁଁ ଦେଖମି ଘାଏ  
ସେ ମୁହଁକେ ଆନନ୍ଦ ଅନୁଖନୁ ଯାହିଁ ଥାଏ । ॥୭୬॥

ଆନନ୍ଦ ଆଏନ ସୁଖ ଶାନ୍ତି ଆନନ୍ଦ ଗତି ମୁକ୍ତି  
ତୁମକୁ ନାହିଁ ଦେଖୁଥିଲେ କେନ୍ଦ୍ରା କରି ଭୁରୁଟି । ॥୭୭॥

ସୀତା ମାତା ବିନା ଆନନ୍ଦ-ସାରଣୁଁ କାହିଁ ରିତେ  
ଭନା ନୁହେ ସେ ମତେ ଦିଏ ଆନନ୍ଦ ମୂର୍ତ୍ତିର ପରତେ । ॥୭୮॥

ଯାଉଛେଁ ବାପା ! ଦକ୍ଷିଣ ଦିଗ୍ ଯାଇଛେ ସେ ହାରାମ୍  
ଏଡ଼କି କହୁନ୍ ଜୀବନ୍ ଗଲା କହି ରାମ୍ ରାମ୍ । ॥୭୯॥

ରାମ୍ ବସିଛନ୍ ଜଗାୟୁ ଚରେର ମୁଡ଼ୁକେ କୁଡ଼େଁ ଧରି  
ପଦମ୍ ପୁକୁଁ କାକର ଲେଖେଁ ଲହ ଆସେ ଝରି । ॥୮୦॥

କହନ୍ ଦେଖତ ଲକ୍ଷ୍ମଣ ! ଚରେ ଜୀବନେ କେଡ଼େ ଆଦର  
ଅଜାଡ଼ି ଆମକୁଁ ଘଡ଼ୁକେଁ କଲେ ବ୍ୟୁ ବିରାଦର । ॥୮୧॥

ପିତାରୁ ମିତ ପିତା ମେତାଲ ଦେମା ତାହାକୁଁ ମାନ୍  
ଶ' ଜଳାମା ଶୁଦ୍ଧ ଶୁଖା କାଠ ଖଣ୍ ଦୁ ଆ'ନ୍ । ॥୮୨॥

ପାଶେଁ କେ ନ ଅଛେ ଦେଖ ଗୋଦାବରୀର ଧାର  
ସ୍ନାନ୍ ଶଉର, ଚିଲ, ତରପଣ ଆଏ କରବାର । ॥୮୩॥

ଶବ୍ ସଦକାର ପରେଁ ଜଗାୟୁର ଅସି ଧରି  
ନଦୀ ପକେଇଁ କଲେ ତରପଣ ପିଡ଼ୁ ପରଦାନ୍ କରି । ॥୮୪॥

ଲବ ଆସି ମୁଡ଼ିଆ ମାରି ମୁନି ପାହା ତଲେଁ  
କହେଲେ କହେଟିଁ ପଦେ କହେବାର ଆଦେଶ୍ ମୁନି କଲେଁ । ॥୮୫॥

ଶୁନି ମୁନି କହେଲେ ବାବା ! ନିରୁଭଏ ନେ ଜହ  
କେନ୍ କଥା କାଏଁ ଅବୁଝା ରହେଲା ସିଶ୍ଏ ରହେଲା ଜହ । ॥୮୬॥



# ପାଢ଼କ-୮

## ଶବରୀର କଥା

ପଶିମ୍ ମୁହାଁ ସୁରୁୟ ଦେଖୁ ଘର ମୁହାଁ ହଏ ଚରେ  
ତାର ଭାଷାନେ ଗୀତ ଗାଇ ନିଜର ଗୁଡ଼ା ଧରେ ।

॥୧॥

ବେଲହଉର ବେଲକେ ବାଲମିକୀ ହାତ ଯୁରି କଲେ ଯୁହାର  
ରାମେନ୍ କହେବେ ବଳି ପୁଅ ପତର କଲେ ବାହାର ।

॥୨॥

ସୀତା ନୁହେ ଆସନ୍ ମୁନି କୁମାରୀ ଭିତରେ ନାହିଁ  
ରାମ୍ ଖୁଜନ୍ ରାମେଣ୍ ନେ ତ ଇନେ ଗଲେ କାହିଁ ?

॥୩॥

ମୁନି ଜାନ୍ଲେ ଶୁନି ରାମର କରୁଣା କନ୍ଦା କଟା  
ସୀତାକୁ ବନ୍ଦ୍ୟ ନାହିଁ ଲାଗିବାର ହେବାର ହଟ ହଟା ।

॥୪॥

ଯେତକି କରୁଣ ଭାବେ ରାମ୍ କରନ୍ ଖୁଜା ନୁରା  
ଭାଷାର ହେତେ ଶକ୍ତି କାହିଁ ଉଡ଼େଇ ପାରବା ପୂରା

॥୫॥

ମୁନୁଷ୍ଟ ଜନମ୍ ନେଇ ମୁନୁଷ୍ଟ ମହାନ କବାରେ ଦେବାମନ୍  
ନରନେ ଦେଖିବା ନାରେନ୍ ବସେ, ନିଜେ ନାରାୟଣ ।

॥୬॥

ଗାଧୁଆ ପାଧୁଆ ଖୁଆ ପିଆନେ କାହାରି ଥିତା ସୋର  
ସୀତା ନୁରି ନୁରି ସୀତାର ସୁରେ ଅଛନ୍ ଢୋଲ ।

॥୭॥

ଗୋଦାବରୀନୁ ଗାଧୁଆ ସାରି ଗଲେ ଉନିଆଁ ଝାର  
ସୀତା ନାହିଁ ପାଏବାର ତକ କାହିଁ ମାନୁତେ ହାର ?

॥୮॥

ଇନୁ ସେନୁ ହଇଁ ପୁହୁଁଚିଲେ ଗୁଟେ ଝାର  
ଫଲମୂଲର ନାଆଁ ନାହିଁ ନାହିଁ ବି ଜଳାଧାର ।

॥୯॥

ଭୋକ୍ କିନ୍ତୁରେ ଅସୁର ଲେଖେଁ ଲୋକ୍ ନୁରି ନୁରି ଜନ୍ ପରାମୀ ତରେ ଚିଗୁର୍ଣ୍ଣ ସଭେ ହୁରି ଜୁରି ।	॥୧୦॥
ସଭେ ପଡ଼ିଛନ୍ ତାର ହାବ୍‌ତେଁ ନାଲ୍ ଉବ୍‌ରେ କିହେ ମୁଡ଼୍ ନାଲ୍ ତ ମୁଲ୍ଲୁଁ, ଭାବ୍‌ନାର୍ ଉସ୍ତାର ପାଏ ନିହେ ।	॥୧୧॥
ମୁଡ଼୍ ନାଲ୍ ନ ତ ପେର୍ ମୁହଁ ଅଛନ୍ ଗୁଟେ ଠାନେ ଗୋଡ଼ ନାଲ୍ ତ ଲମ୍ବା ହାତେଁ ସବ୍ ସାଆଁଟି ଆନେ ।	॥୧୨॥
ମୁଡ଼୍ ନାଏଁନ ଗଏଣ୍ ଅଛେ ପଡ଼େ କବନ୍ ଡାକ୍ ତାର ହାବ୍‌ତେଁ ପଡ଼ି ଦୁହି ଭାଇ ହେଲେ ଅବାକ୍ ।	॥୧୩॥
ଭାବ୍‌ଲେ ଲକ୍ଷ୍ମଣ୍ ରାମ୍ ତ ଆ'ନ୍ ଆନନ୍ ସରୁପ୍ ପୁରା ଠାନ୍‌ଏ ଅଧକର୍ ନୁହନ୍ ଆଏ ସାରା ଜଗତର୍ ନୁରା ।	॥୧୪॥
ଭୋକ୍ ଆଏ ଅଏରି ବଲି ଭୋକ୍ ଜାନିଛନ୍ ସବ୍ ଇତାକେ ନିହତିଆ କରବାର୍ ପରଥମ୍ କରତବ୍ ।	॥୧୫॥
ହାତ୍ କାଟି ନେଲେ ତାର ବତାଲା ସରୁପ୍ ନିଜର୍ ପଚାର୍‌ଲେସେ ଜାନିଛେ କାଏଁ ସୀତାର୍ ଖୋଜ୍ ଖବର୍ ।	॥୧୬॥
ସେ କହେଲା କାଁ ଜାନ୍‌ଏ ସେ ଛାଡ଼ି ପେଟର୍ କଥା ପମ୍ପା ସରୋବରେଁ ଅଛନ୍ ମୁନି ସାମ୍‌ରଥା ।	॥୧୭॥
ସେମାନେ କହି ପାରବେ ତୁମେ ଚାହିଁଛ ତ ଯାହା ସେନ୍‌କେ ଯିବାର୍ କାୟେଁ ନିଜେ ବଢ଼େଇନେଲା ରାହା ।	॥୧୮॥
ଝାର୍ ପରବତ୍ ଡେଖି ଯାଆନ୍ ପଂପା ସରୋବର୍ ଗଲା ବାଟେଁ ସୀତାର୍ ନିପା ରଖୁଁ ବରାବର୍ ।	॥୧୯॥
ଯାଉନ୍ ଯାଉନ୍ ଦେଖ୍‌ଲେ ଗୁଟେ ଡାକ୍ ପତରର୍ କୁରିଆ ସେନ୍ ନୁହେ ପଂପା ସରୋବର୍ ଜହ ଦୁରିଆ ।	॥୨୦॥

ବାଚ୍ ତୁଆରେ ବାଚ୍ ଦେଖୁଛେ କେତେ ଯୁଗର ବୁଢ଼ୀଟେ  
କୁନ୍‌ହାଁ ପୁରନା ବୁନ୍ ଛତା କେନ୍ କାଉଁର୍ ବସା ଗୁଡ଼ିଟେ । ॥୨୧॥

ଦିହେଁ ମୁଡେଁ କାହିଁ ନାଏନ ଗୁଠେ କଲା ବାଲ୍  
କେବ୍ କେଟା ହଇ କୁତାକୁତା ଦିହର ସବୁ ଛାଲ୍ । ॥୨୨॥

ଗୁରୁଦେଲା ରାମ୍ ନାମ୍‌କେ ମୁହେଁ ହଉଛେ ଘୁଷି  
ସେ ବତାଲା ରାମ୍ ରୁପ୍‌କେ ଆଁଖିଁ ରଖେ ପୁଷି । ॥୨୩॥

କାନେ ଶୁଭେ ଅନୁଖନ୍ ରାମ୍ ରାମ୍ ଶବ୍ଦ୍  
ଗୁନ୍ ଗୁନାଏ ରାମ୍ ଗୁନ୍‌କେ ମନ୍‌କେ ରଖ୍ ଜବ୍ଦ୍ । ॥୨୪॥

ଗୁରୁ କାଏଁ ତାର୍ ସୁରୁ ଆନ୍ ? ସେ କହିଛନ୍ ରାମ୍  
ବୁଲି କିହି ଆଏବେ ସେନ୍‌କେ ମନ୍ ନାଉଁ କଲେଁ ଆନ୍ । ॥୨୫॥

କେତେ ବର୍ଷା ତାଲି ଗଲାନ ବଏର୍ ଝଙ୍କେର୍ ପରୁଷି  
କେତେ ଶୀର୍ ବିଟିଁ ଗଲାନ ହେମାଲ୍ କାକର୍ ବରୁଷି । ॥୨୬॥

କେତେ ଜେଠର୍ ରଠ୍ ଖରା ଝାରିଁ ଝାଞ୍ଜି ଝାଉ  
ଆଇଛେ ଯାଇଛେ ପାରୁଲା ବାଲେଁ ସହେ କାକର୍ ଦାଉ । ॥୨୭॥

ଏ'ଦେ ଆଏବେ ସେ' ଦେ ଆଏବେ ବର୍ଲି ବର୍ଲି ରାମ୍  
ଜୀବନ୍-ସାରା ଟାକି ବସିଛେ ଦିନ୍ ରାଏର୍ ଅବିରାମ୍ । ॥୨୮॥

ରାମ୍ ଆଏଲେ କାଁ ବଲ୍‌ବେ ? କୁରିଆ ରଖେ ସାପ୍  
ମନ୍-କୁରିଆ ଭିଡ଼େଁ ବାହାରେଁ ନାଉଁ ମଏଲାର୍ ଛାପ୍ । ॥୨୯॥

ରାମ୍ ଆଏଲେଁ ଖାଏବେ ବର୍ଲି କେଡ଼େ ସୁନ୍‌ର୍ ଚିଟେଁ  
ଶରଧା ସହିର୍ ସଂଖଲି ରଖେ ନାଉଁ ଖାଇ ନିଟେଁ ॥୩୦॥

ନାଉଁ ଖାଉନ୍ ରାମ୍ କେନ୍ତା ଜରି ନିଟେଁ ଖାଏତା ?  
ପୋକ୍ କିରୁଣା ଖାଉନ୍ ପଛେ ସିଇ ହଇକରି ସାଏତା । ॥୩୧॥



- ଶବ୍ଦରୀ ସରକେ ସାପ୍ ସୁଦରା ରଖୁଥିଲା ନିଜେଁ  
ପଡ଼ିଲେଁ ପାନି ବେଟି ଆନ୍ଧ୍ ଅଦରକାରୀ ଚିଜେଁ । ॥୪୩॥
- ମନା ହେଲା କି ଶବ୍ଦରୀ କେ ଭନ୍ ଭନାଲା ସର୍  
ଖୁଆ ପିଆକେ ଅଚଳ୍ ପାଏନ୍ ହେଲା ମଏଲାର୍ ଘର୍ । ॥୪୪॥
- ସୁଲହ୍ ହଜାର୍ ରଖି ଇଆଡ଼୍ ସେଆଡ଼୍ ପାନିର୍ ବିନେ  
ବିନ୍ ପାନି କାଏଁ ଦିନ୍ କାର୍ବେ ଚଳି ନୁହେ ଦିନେ । ॥୪୫॥
- ମତଙ୍ଗ୍ ଗଲେ ଦିନ୍ ଅଲଗ୍ ରହୁଥିଲା ଶବ୍ଦରୀ  
ରାମ୍ ଆଏବେ ଭରସା ଚିକେ ମନ୍କେ ରଖେ ଆବ୍ରି । ॥୪୬॥
- ତନ୍ ବୁଲୁଥାଏ ଝାର୍ ଝରନା ରାମ୍ନେ ଥାଏ ମନ୍  
ରାମ୍ନେ ମନ୍ ଏକ ଧରସିଆ ତନ୍ ତ ତନ୍ର ତନ୍ । ॥୪୭॥
- ରାମ୍ ଆଏଲେଁ ବସବେ ବଲିଁ ପିଢ଼ା, ଥାଏ ପାରିଁ  
ରୋଜ୍ ରୋଜ୍ ଲିପା ପୁଛା ସୁନ୍ଦର୍ ଦିଶେ ଭାର । ॥୪୮॥
- କୁରିଆ ଚିକ୍କେଁ କିଛି ନାଏଁନ ଖାଲି ପଲେ ଫଲ୍  
କିଟା ଗେଧରା ଯାଉଲା କରି ସୁଆଦ୍ ସୁନ୍ଦର୍ ଭଲ୍ । ॥୪୯॥
- ଫଲ୍ ମାନ୍କର୍ ସୁଆଦ୍ କହ୍ କୁରିଆ ଯାଏ ଦେହ୍ନିକି ।  
ବାସନାନ୍ ପାଶ୍ ପାଜର୍ ମହ୍ ମହ୍ ଯାଏ ମହକି । ॥୫୦॥
- ପେଟେଁ କେନ ଭୋକ୍ ଅଛେ ଯେ ଫଲ୍ଟେ ହେଲେଁ ଚାଖୁତା  
ମନର୍ ଭୋକ୍ ଅନୁଖନୁ ରାମ୍ ଆଏଲେଁ ଦେଖୁତା । ॥୫୧॥
- ଯେ ଆଏଲେଁ ରାମ୍ ଆଏଲା ଲେଖେଁ ଲାଗେ ଚାହାକେ  
ଗୁରୁଦୟାନେ ରାମ୍ ବିନ୍ ନାଜିଁ ଜାନ୍ଧ୍ କାହାକେ । ॥୫୨॥
- ରାମ୍ ଦେଖ୍ଲେ ଲକ୍ଷ୍ମଣକେ ଚେହେରା ଯାଉଛେ ଶୁଖ୍  
ଭୋକ୍ ଦେଖୁଛେ ଭକ୍ ଭକ୍ ଭିତ୍ରିଁ ଲୁକି ଲୁକି । ॥୫୩॥

ରାମ୍ ଲକ୍ଷ୍ମଣ ଠିଆ ହେଲେ କୁରିଆର ବାଟ ଆବୁରି  
 ରାମ୍ ଆଏଲେ ବଳିଁ ଶବ୍ଦରୀ ବାହାରି ପରଲୀ ଶବ୍ଦରୀ ।      ॥୪୪॥

ହାତେଁ ଧୁନ୍ ମୁଡେଁ ଜଟା ଦିହେଁ ବଲ୍‌କଲ୍  
 ଶବ୍ଦରୀ ବୁଝରୀ ରୁପର ବୁଝେଁ ପରି କଲ୍‌ବଦ୍ ।      ॥୪୫॥

ଏ ମା ଗୋ ! ଆସିଁ ଗଲେନ ନିଶ୍ଚେ ଖୋର ରାମ୍  
 ନିରାନନ୍ଦ-ନିନ୍ଦନା ନିଜେଁ ଅରୁନ୍ ଆନନ୍ଦ ଧାମ୍ ।      ॥୪୬॥

କହି ନାଲିଁ ପାରେ କିଛି ଭକା ଛାଡ଼ି ଦେଖୁଛେ  
 ଆନନ୍ଦ ମୂର୍ତ୍ତିର ରୂପ ଅମୃତ ଥାକିଁ ଥାକିଁ ତୁକୁଛେ ।      ॥୪୭॥

ଆଖୁର ଲୁହେଁ ଝରି ଆସେ ଆତ୍ମା ତାର ନିଥୁରି  
 ନାଲିଁ ସରବାର ଉଷତ୍ ରସ୍ ଆସେ ଅସରା ଉଡ଼ରି ।      ॥୪୮॥

ତାକର ତାକର ରାମ୍ ଲକ୍ଷ୍ମଣ ପିଢ଼ାନ ଯାଇ ବସଲେ  
 ବୁଢ଼ୀ ବାଢ଼ୁଲୀ ଭକ୍ତି-ରସ୍ ନିମିଷଟାକେଁ ରସଲେ ।      ॥୪୯॥

କା'ଣା କହେବା କା'ଣା କରବା ନାଲିଁ ବୁଢ଼ୀର ସୋର  
 ହୁଁଜି ଗଲାନ ଭାବନା ହେଜା ନାଲିଁ 'ତୋର' 'ମୋର' ।      ॥୫୦॥

ଏକସକ୍ତି ଦେଖୁଣେଷେଁ ଲକ୍ଷ୍ମଣ ତକସ୍ ହଇଁ  
 ଫଲ୍ ସବୁକେ ବାହାର କଲା କେ'ନେ ପାରୁଛେ କହି ।      ॥୫୧॥

ଲକ୍ଷ୍ମଣ ନିଜେ ଆଡେଇ ନେଲେ ଫଲ୍ କିଛି ଚାମ୍  
 ନିଜେ କିଛି ଖାଏବାକେ କଲେ ରାଗ୍ ତାନ୍ ।      ॥୫୨॥

ମିଠା ଶିଠା କଷା ମଧୁର କେ'ନ ପାର୍‌ନେ ଜାନି  
 ଶବ୍ଦରୀ ନିଜେଁ ବାଛି ନିଛି ଫଲ୍ ଧରାଲା ଆନି ।      ॥୫୩॥

କେନ୍ଦ୍ରୀ ନଖେଁ ନିଛି କେନ୍ଦ୍ରୀ ହାତେଁ ରସ୍ ଥିପେଇ  
 ଚାଖିଁ ସୁଆଦ୍ ବା'ରି ରାମକୁଁ ଦିଏତ ଲହଁପେଇ      ॥୫୪॥



- ନାଇଁ ଖୁପ୍‌ଲେଁ ନଖେଁ ଦାଁର୍ ଲଗେଇ ଚାଖୁ ଦେଖେ  
ମନ୍-ପଚାନେ ଆଁଖୁର୍ ବାଟେଁ ରାମ୍-ପୁର୍ଲା ଲେଖେ । ॥୨୫॥
- ଚାଖୁଁ ଚାଖୁଁ ଦିଏ ସବୁ ଯାହା ଲାଗେ ମିଠା  
ଅଲଗାଇ ନିଏ ଯେନ୍‌ଟା ଲାଗେ ଚିକେ କଷା ପିତା । ॥୨୬॥
- ଖୁଆବାର୍ ତାର୍ ନିଶା ହଇଛେ ଖାଏବାରେଁ ବି ରାମ୍  
ଘୁରୁର୍ ପୁରୁର୍ ନୁହନ୍ ଅବିକାର୍ ଅବିରାମ୍ । ॥୨୭॥
- କେତେବେଳେଁ ଶସ୍‌ରସ୍‌କେ ପକେଇଁ ଦିଏ ଛାଲି  
ଖାଇନଉଛନ୍ ରାମ୍ ଆର୍ ପଇଁ ନାଇଁ ଭାଲି । ॥୨୮॥
- ନାଇଁ ଜାନ୍‌ବାର୍ ଶବ୍‌ରୀ ନିଜେଁ ଖୁଆଉଛେ କାଏଁ ବଲି  
କେ ଖୁଆଏ କିଏ ଖାଏ ନାଇଁ ପାରନ୍ କାଏଁ କଲି । ॥୨୯॥
- ନୁହେ ବାଆରି ରାମ୍ ଶବ୍‌ରୀ ନୁହେ ହଇଛନ୍ ଗୁଟେ  
ଦୁଇଟା ଆମ୍ବା ଏକ୍ ହେବାର୍ ସୁଯୋର୍ ଇନେ ଯୁଟେ । ॥୩୦॥
- ରାମ୍ ଖାଏଲେଁ ଯାଇ ମେଟ୍‌ବା ସଉମିତ୍ରୀର୍ ଭୋକ୍  
ଏନ୍ତା ଦଦା ଭାଏ ଭାଏଲ୍ କାହିଁ ଦେଖୁଛନ୍ ଲୋକ୍ । ॥୩୧॥
- ରାମ୍ କହେଲେଁ ‘ହେଲା’ ହେଲା’ ଆର୍‌ଗୁଟେ କହେ ଶବ୍‌ରୀ  
ଆର୍ ଗୁଟେକେ ଚାଖୁ ରଖେ ଗୁଟେ ସାଏଲେଁ ଯଦ୍‌ରି । ॥୩୨॥
- ନାଇଁ ମାନ୍‌ଏ ଈ ବିର୍‌ରୀ ବଲି ରାମ୍ ଉଠିଁ ଠିଆ  
ତାମ୍‌ତି ହାଡୁଲିଁ ସିଖିଲି ବୁଟ୍‌ଲି ଆନ୍‌ଲେ ଶବ୍‌ରୀ ହିଆ ॥୩୩॥
- କେତେ ଗହେର୍ ଶବ୍‌ରୀ ଭାଇ ଶୁକ୍ ସେନ୍‌ହେ ସରସ୍‌ର୍  
ଆନନ୍ଦ-ଆସନ୍ ପାରି ତାହିଁ ବସେ ଆର୍‌ମା ତରସ୍‌ର୍ । ॥୩୪॥
- ନାଇଁ ପଚାରୁଁ ରାମ୍ କହେଲେ ଆମେ ଦୁଇ ଭାଇ  
ରାମ୍ ଲକ୍ଷ୍ମଣ୍ ଅବଧି ରଜାର୍ ପୁଠି ଆଇଛୁଁ ଧାଇଁ । ॥୩୫॥



ରାଏଜକେ ସୁନ୍ଦର ନାହିଁ ହଇଆଁ କିଶୋରୀ ବେଦ୍‌ମତୀ  
ଶୁଭ ପରିଥିଲେ ଦିନ୍ଦ୍ୟ ସେ କୁଶଧ୍ୱଜ ଯତି । ॥୮୭॥

ଅନୁମୁଦ୍‌ସିଆ ଶୁଭ ଅସୁର ଦେଲା ତାହାକୁ ମାରି  
ପାଲକ ପିତାର କରପନାକେ ସତ୍ ରଖିଲା ଜାରି । ॥୮୮॥

ତପ୍ କୁଏନେ ତପେଇଁ ତନ୍ ସୁନ୍ଦର ହେଲା ଦୁହୁରି  
ଦିନୁ ଦିନକେ ଲୁଭଲୁଭାନି ଦିଶିଲା ଆହୁରି ଆହୁରି । ॥୮୯॥

ଲଙ୍କାର ରଜା ରାବଣ ଦେଖୁ ହଇଁ ଗଲା ମୋହିତ୍  
ଡେନା ବାହା କରି ମୂଲେଇ ନେଲା ନିଜର ଅହିତ । ॥୯୦॥

କୁଏନେ ଝଞ୍ଚେଇ ହଇନନୀ ଦୁସରା ଜନ୍ମ ନେଲା  
ସେ ହଇଥିବା ସୀତା ସତୀ ରୁଡ଼ିଲା ରାବଣ ଭେଲା । ॥୯୧॥

ଅନୁମାନେ ମତେ ହେତା ଲାଗେ ନୁହେଁ ସରବ୍‌ଜାନ୍  
ହୁରୁଦ୍ କହେ, ଗୁରୁର କଥା ନୁହେ କେବେ ଆନ୍ । ॥୯୨॥

ରାମ୍ କହେଲେ ଚାଲ ନିୟେ ଯିମା ଗୁରୁନିକେ  
ଇ ବିଷେଥିଁ କା'ଣା ହଇଛେ ପଚାରି ଆଏମା ଚିକେ । ॥୯୩॥

ଶବ୍‌ରୀ କହେ “ଗୁରୁ ମୋର ମତଙ୍ଗ ମହାରଷି  
ଦିହ ଛାଡ଼ିଲେନ କେଦନି ଦିନୁ ସର୍ଗେ ଥିବେ ଖୁସି । ॥୯୪॥

କହିଥିଲେ ରାମ୍ ଆଏବେ ନାହିଁ ଥିମି ଜାହିଁ  
ତାହାକୁ ଦେଖୁ ପଟା ଦଦରା ଜୀବନ୍ ଦେବୁ ସାହିଁ । ॥୯୫॥

ତାରକାନୁ ତାର କାନ୍‌କେ ହଇଁ ଶୁଲ୍‌ହ ହଜାର ମୁନି  
ପୁହୁଁଚି ପରଲେ ଏକା ସଙ୍ଗେ ରାମ୍ ଆଏବାର୍ ଶୁନି । ॥୯୬॥

ରାମ୍‌କୁ ଦେଖୁ ଭାସିଗଲେ ଆନନ୍ଦ-ସମୁଦରେଁ  
ରାମ୍ ବି ହେଲେ କଥାବାରି ମହାନ୍ ସମାଦରେ । ॥୯୭॥



- ପୋକ୍ ଚିରଞ୍ଜୀ ହୃଦୟ ଥିଲା ଧରଣ ପାଦ୍ମ ମାଧବୀ  
ଜାଣି କିହେ ନାହିଁ ଆସୁଥାଇଁ ଜନ୍ମ କହେଲା । ॥୧୦୯॥
- ଦୁଆଁ ମାଧବୀ ନାହିଁ ହଜନ ବେଙ୍ଗ ମାଛର ମୁହେଁ  
ପୋକ୍-ମାଧବୀ ସରି ଗଲେ ନ ରାମ୍ ଶବ୍ଦରୀ ଦୁହେଁ । ॥୧୧୦॥
- ପାଦ୍ମ କେ ପଶି ବୁଡ଼ ପକାଲେ ରକ୍ଷି ପଛାପଛ  
ଗାଧୁ କହେଲେ ତାର୍ଥ କାହିଁ ଇତାର୍ ସମ୍ବନ୍ଧ । ॥୧୧୧॥
- ରାମ୍‌ର କଥା କୁହା ସୁନ୍ଦର ଚେହେରା ଆନ୍ଦ୍ କାରୀ  
ଦେହକେ ଦେଖୁ କୋଲ୍ କରତେ ମନେ ସଉକ୍ ଭାରୀ । ॥୧୧୨॥
- ରାମ୍ କହେଲେ ତୁମ୍ଭେ ମନର କଥା ମୁଁ ଜାଣେ  
କାଁ କରମି ରହନା ଅଛେ ଦିହ୍ ସୀତାର୍ ଠାଣେ । ॥୧୧୩॥
- “ରହ୍ ଏତକେଁ” ଯାଉଛେଁ ମୁଁ କହିଁ କଲେ ପୁହାର୍  
ଆହୁରି ଦିହ୍‌ଏ ବେଲେ ବଳିଁ ଛେକ୍‌ଲେ ସବୁ ପାର୍ । ॥୧୧୪॥
- ରାମ୍ କହେଲେ ହରବର୍ ଅଛେ ହର-ବର୍ ପାଇଁ ପରେ  
ଲଙ୍କାର୍ ରାଜା ନିଶଙ୍କାଣେ ନାହିଁ କଳା କାମ୍ କରେ । ॥୧୧୫॥
- ତାହାର୍ ଥାବ୍ କରବାକେ ଲାଗ୍‌ବା ସମିୟା ଜହ୍  
ମୁଁ ଯାଉଛେଁ ଯୁଗୀ ମୁନି ପୁହାର୍ ଛିନି ରହ୍ । ॥୧୧୬॥
- ରାମ୍ ଲକ୍ଷ୍ମଣ୍ ଚାଲ୍‌ଲେ ଆର୍ ଶବ୍ଦରୀ ପଛେଁ ତାକ୍‌ର  
ପରମ୍ ପଛେଁ ଜୀବର୍ ଚାଲି ତାର୍ ପଛେଁ ବିବେକ୍ । ॥୧୧୭॥
- ଜାନ୍‌ବାକେ ରାମ୍ ପଚାରନ୍ ଶବ୍ଦରୀ କହେ ଚାଲିଁ  
ଦୁର୍ଦ୍ଦାତ୍ ଦୁହୁଡି ସାଗ୍‌ଣାଁ ଲଢୁଥିଲା ବାଳୀ । ॥୧୧୮॥
- ହାରିଁ ଗଲା ଦୁହୁଡି କି ତାହାକେ ଚିରି ପାରି  
ଫକ୍‌ଲା କି ଗୁରୁ ଆଶ୍ରମେ ରକ୍‌ହ୍ ହେଲା ଝାରି । ॥୧୧୯॥
- ସାନ୍ ଶଉଚେଁ ଥିଲେ ମତ୍‌ଙ୍କୁ ରକ୍ଷି ଫିରିଁ ଆସି  
ରାଗ୍ ଆଧରୀ ମାଡି ଅଭିଶାପ୍ ଗଲେ ବରକ୍ଷି । ॥୧୨୦॥

ଃ।ର ଆଶ୍ରମ ଉପରେ ଯେ ଫିକଲ୍ଲା ଅସୁର ମୁହାର ଇନ୍ଦକେ ଆବଲେଁ ଶ'ଶ' ଖଣ୍ ହେବା ନାଉଁ ନିଷ୍ଠାର ।	॥୧୨୧॥
ହେଁଥିର କାୟେଁ ବାଲାର ତୁରେଁ ସୁଗ୍ରୀ ଆସିଁ କୁକେ ମୁକ୍ ତପିସାର ସିଧୁଠାନ୍ ଗିରି ରକ୍ଷ୍ୟ ମୁକେ ।	॥୧୨୨॥
ଭାଲୁ ମାକର ମାନ୍କର ସେ ରଜା ଦୁଇଭାଇ ଅକଳନ୍ ଦୁହିଭାଇର ବଲ୍ କିହେ କମ୍ ନାହିଁ ।	॥୧୨୩॥
ହେଲେଁ ବାଲାର ଅସୀମ୍ ଶକ୍ତି ଯା'ର କରସି ସାମନା ଅଧାବଲ୍ ତାର ଚାନି ଆହସି ଯଦ୍ରି କରେ କାମନା ।	॥୧୨୪॥
ସେଥିର ଲାଗି ସୁଗ୍ରୀ ବିଦ୍ରା ରହେ ତୁରେଁ ତୁରେଁ ଇନେ ଥାଇ ସବୁ ଖବର ରଖେ ପରେଁ ପରେଁ ।	॥୧୨୫॥
ତା'ର ସାଙ୍ଗ ଛାଡ଼ନ୍ ନାଉଁ ଚାଏର ଯୋଦ୍ଧା ମହାନ୍ ଗନ୍ଧମାର୍ଦ୍ଦନ୍ ସୁଷେଣ୍ ତାରାକ୍ଷ ଆଉର ହନୁମାନ୍ ।	॥୧୨୬॥
ଇ ତୁଲକେନ୍ ଲହଁକି ଗଲେଁ ଆର ଫାଲକେ ତାର ଇ ପର୍ବତ୍ ଭିତରେଁ ନ ନିଝାର ପରେ ଝାର ।	॥୧୨୭॥
ସେ ନେ ଥିବେ ସୁଗ୍ରୀ ତାକର ସାଙ୍ଗ୍ ସଖା ନେଇ ସେ ପାରତେ ନୁରି ଖୁଜି ପଠେଇ ଭାଇ ଦାଇ ।	॥୧୨୮॥
ରାମ୍ କହେଲେ ହଉ ଗୋ ମା! ନାଉଥିଲେଁ ବି ମନ୍ । ତୁମକୁ ଛାଡ଼ି ଯାଉଛେଁ ଇ ମମତା ଅଧୀନ୍ ତନ୍ ।	॥୧୨୯॥
ତନ୍ ସିନା ଯାଏ ରହେ ଆଦମା ସାଙ୍ଗେ ମନ୍ କହି କହି ପାହା ବଢ଼ାଲେ ପଛା ପଛ୍ ଲକ୍ଷ୍ମଣ୍ ।	॥୧୩୦॥
ଶବ୍‌ରୀ ଦେଖୁଥିଲା ଦିଶୁଥିବାର ତକ୍ ରାମ୍ . ନାଉଁ ଦିଶିଲେ କି ଦିହ୍ ଛାଡ଼ି ପଲେଇଗଲା ପ୍ରାଣ୍ ।	॥୧୩୧॥

